









F 36

HORATII TVRSELLINI
ROMANI
E SOCIETATE IESV
LAVRETANÆ HISTORIAE

179
25

LIBRI QVINQVE.

AD ILLVSTRIS. D.

PETRV M ALDOBRANDINVM
S. R. E. CARD.



R O M A E,
Apud Aloyfium Zannettum. M D XCVII.

SVPERIORVM PERMISSV.

CVM PRIVILEGIO SVMMI PONT.

gg. h. is.

ca

NOS Ant. Maria miseratione diuina tit. S. Agnetis in
Agone S.R.E. Presb. Card. Gallus nuncupatus, Dei &
Apostolicæ Sedis gratia Episcopus Auximanus, Almæ
Domus & Ciuitatis Lauretanæ Protector & Guber. perpetuus.

Vidimus & probauimus Historiam Lauretanam R. P. Horatij
Tursellini è Societate Iesu, in quinque libros distinctam: consen-
tit enim in omnibus cum antiquis traditionibus & scripturis Al-
mæ Domus Lauretanæ. In cuius rei fidem hoc ei testimonium
dedimus. Auximi in nostris ædibus Episcopalibus, Die xiiij.
Maij M. D. XCVII.

Ant. Mar. Card. Gallus Lauret. Prot. & Guber. perp.

EGo Claudius Aquauina Societatis Iesu Præpositus Gene-
ralis, Lauretanæ historiæ libros quinque à P. Horatio
Tursellino compositos, per tres alios Theologos nostræ
Societatis, recognosci mandauit: quos cum illi approbauerint,
probo etiam vt possint imprimi, si ita placuerit Reuerendis, D.
Viceregenti, ac Reuerendissimo Patri Magistro Sacri Palatij.
Dat. Romæ die viij. Octobris, Anno Domini M.D. XCVII.

Claudius Aquauina.

Imprimatur.

Alex. Prouicefg.

Imprimatur.

F. Paulus Picus Reuerendiss. Mag. Sac. Palatij socius.



ILL.^{MO} AC REVER.^{MO} D.
PETRO ALDOBRANDINO
S. R. E. CARD.

Horatius Tursellinus felicitatem.



VM plurimis maximisque in re-
bus diuina prouidentia elucet;
Card. Ampliss.; tum vero præcipue
in eo, quod parentem suam Deus
hominum patronam parentēq. cō-
stituit. Nam cum humanam imbe-
cillitatem innumerabilibus expositam casibus cer-
nēret; talem ei custodem ac præsidem iam inde ab
initio destinauit; quæ salutem vndique cinctam peri-
culis expedire, vitam veris salutaribusque bonis cu-
mulare vna ex omnibus maxime & vellet, & posset.
Matrem quippe suam præpotens ille Deus diuinæ
maiestatis, potestatisque sociam, quatenus licuit,
adsciuit. Huic olim cælestium, mortaliumque prin-
cipatum detulit: ad huius arbitrium (quoad homi-
num tutela postulat) terras, maria, cælum, natu-

ramque moderatur : hac annuente, & per hanc diui-
nos thesauros mortalibus, & cælestia dona largitur.
Vt omnes intelligant, quicquid ab æterno illo, au-
gustoque bonorum fonte in terras profluat, fluere
per MARIAM. Ergo quæ regio? quæ gens?
quæ natio est? vbi non illustratum miraculis, con-
secratum ædibus, titulis insignitum B. MARIÆ
patrocinium existat? Verum inter omnes B. Virgini
sacras ædes in omni genere vna eminet Lauretana:
quæ & fama nominis sui orbem omnium terrarum
impleuit; & per tot iam secula in dies magis omnium
gentium ac nationum concursu, frequentiaque ce-
lebratur. vt cetera B. MARIÆ templa singula-
rum ferme ciuitatum ac regionum, hoc vero om-
nium gentium ac populorum commune perfugium
esse videatur. Huius igitur siue Ædis, siue Domus
historiam tibi, PETRE ALDOBRANDINE
potissimum dedico, tum communi Societatis nostræ,
quam singulari beneuolentia complexus es, nomi-
ne; tum meo, quicandem ob causam, plus quam
pro virili parte egregiæ humanitati tuæ debere me
fateor. Nec vero quisquam mirari debet, hanc à
nobis historiam Latinis litteris esse mandatam. Er-
rant enim (nonnullorum pace dixerim) & rem patriæ
linguæ studio magis, quam veritate ipsa metiuntur,
si qui existimant, maiorem historiæ fructum ex
nostratibus hisce litteris recentibus atque Etruscis
percipi, quam ex veteribus illis ac Latinis. Etenim
Etrusca lingua Italiæ fere terminis circumscri-
bitur,

bitur, quibus ipsis deinde interpres huius historiae
 satisfaciet: at Latina per omnes propemodum gen-
 tes ac nationes longe latequē vagatur: vt Romanus
 ille sermo etiam amplioribus, quam Romanum olim
 imperium, finibus terminetur. Quod si Lauretanæ
 Virginis tutela orbis terræ regionibus definitur, cer-
 te optare debemus, vt eius gloria ac fama perue-
 niat, quocumque Christiana religio cultusque pe-
 netrauit. Quare Card. Ampliff. eadem benignitate,
 qua nostros homines soles, hoc qualecunque nostri
 Ordinis munus accipies: & clarissimum PETRI
 ALDOBRANDINI nomen simul cum Lau-
 retana historia disiunctissimas quoque terras, ac re-
 giones peragrarare patieris. vt idem sit singularis tuæ
 erga Lauretanam Virginem religionis monumen-
 tum, & pignus nostræ erga tuum nomen gratæ ac
 propensæ voluntatis. Vale.



CLEMENS PAPA VIII.

Ad futuram rei memoriam.



VM sicut accepimus dilectus filius Horatius Tursellinus Religiosus Societatis Iesu Historiam sacre Domus Lauretane, magno studio & diligentia conscripserit, & in lucem proferre ad piorum fidei lumen spirituale consolationem intendat, dubitetque ne si omnibus huiusmodi Historiam imprimere liceat, illa mendis & erroribus repleatur. Propterea nobis humiliter supplicari fecit, ut in premissis opportunè providere, de benigritate Apostolica dignaremur. Nos igitur eundem Horatium specialibus favoribus, & gratijs prosequi volentes, & à quibusvis excommunicationis, suspensionis, & interdicti, alijsq. Ecclesiasticis sententijs, censuris, & poenis à iure, vel ab homine quavis occasione vel causa latis, si quibus quomodolibet innodatus existit, ad effectum presentium duntaxat consequendum, harum serie absolventes, & absolutum fore censentes, huiusmodi supplicationibus inclinatè eidem Horatio, ut ad decennium proximum, à primæ dictæ Historiæ impressione computandum, nemo tam in vrbe quam alibi, in toto statu nostro Ecclesiastico nobis, & S. R. E. mediatè, vel immediatè subiecto, Historiam prædictam, tam Latino, quam vulgari Italico idiomate, ac tam in paruo, quam in magno folio imprimere, aut impressam vendere, seu venalè habere, sine speciali dicti Horatii, aut ab eo causam habentium licentia, possit, auctoritate Apostolica tenore presentium concedimus, & indulgemus. Ac propterea vniuersis, & singulis vtriusq. sexus Christianis fidelibus præsertim librorum Impressoribus, & Bibliopollis, ne dicto decennio durante, in Vrbe, aut alibi, in dicto Ecclesiastico statu, mediatè, vel immediatè subiecto, Historiam prædictam in quocunque idiomate, sine speciali dicti Horatii, aut ab eo causam habentium licentia imprimere, aut impressa vendere, seu venalè habere, vel proponere audeant, seu præsumant, sub quingentorum ducatorum auri de Camera, pro vna Camere Apostolicæ, ac pro alia dicto Horatio, seu ab eo causam habentibus, ac pro reliqua tertijs partibus accusatori, & Iudici exsequenti; nec non amissionis, & librorum & Typorum omnium prædicto Horatio, seu suis præfatis pariter applicandorum poenis, eo ipso incurrendis inhiemus; ac dilectis filiis nostris S. R. E. Camerario, ac Sedis Apostolicæ Legatis, Vicelegatis, Gubernatoribus, & alijs Iustitiæ ministris, cæterisque ad quos spectat, vt eidem Horatio, & causam ab eo habentibus supra scriptis in premissis efficacis defensionis præsidio assistendū, poenas prædictas contra quoscunque contradictores irremissibiliter exequantur mandamus. Non obstantibus quibuscumque Constitutionibus, & ordinationibus Apostolicis, statutis quoque, & consuetudinibus, etiam iuramento, confirmatione Apostolica, vel quavis firmitate alia roboratis, ac privilegijs, indultis, & litteris Apostolicis in contrarium præmissorum, quomodo libet concessis, confirmatis, & approbatis. Quibus omnibus & singulis eorum tenores presentibus pro expressis habentes, hac vice duntaxat specialiter, & expresse de rogamus: ceterisque contrarijs quibuscunque. Volumus autem vt presentium transumptis, etiam in ipsa Historia impressis, manu alicuius Notarii publici subscriptis, & sigillo alicuius personæ in dignitate Ecclesiastica constitutæ munitis, eadem fides, quæ presentibus ipsis adhibetur, adhiberi debeat. Dat. Romæ apud Sanctum Petrum sub annulo Piscatoris, die V. Ianuarij. M. D. XCVIII. Pontificatus Nostri Anno Sexto.

M. Vestrius Barbianus.

INDEX CAPITVM

HISTORIÆ LAVRETANÆ

LIBRI PRIMII.



AETATÆ Mariae Domus ingenti honore in Galilea colitur. Cap. 1.

Amisso cultu, diuinitus asportatur in Dalmatiam. Cap. 2.

Deipara monitu agnoscitur, & miraculo illustratur. Cap. 3.

Certis hominibus in Galileam missis miraculum exploratur. Cap. 4.

Demigrat ex Illyrico ingenti cum lumine Dalmatarum. Cap. 5.

In Picenum aduersa Recinetensem insidet syluam. Cap. 6.

Esylua transfertur in collem duorum fratrum. Cap. 7.

Ex fratrum colle ob eorum discordiam demigrat. Cap. 8.

Vestigia locorum, quæ Sancta Domus occupauit. Cap. 9.

Præcipuus locus, situsque admirabilis Aedis Lauretanæ. Cap. 10.

Dalmatarum indicio Picentes eam agnoscunt. Cap. 11.

Heremita Picentes ad rem explorandam impellit. Cap. 12.

Sexdecim viris in Dalmatiam, & Galileam missis, res exploratur. Cap. 13.

B. Virgo Lauretana Patrona à Picensibus adoptatur. Cap. 14.

S. Domus caelestibus flammis celebris vedditur. Cap. 15.

Parietes S. Domui profulcimento adiecti recedunt. Cap. 16.

Cælestia lumina natalem B. Virginis diem celebriorem in natali eius domo faciunt. Cap. 17.

Recinetenses templum S. Domui circulant. Cap. 18.

S. Domus à Benedicto XII. Pont. Max. Indulgentijs ornatur. Cap. 19.

Aedis Lauretanæ status Romanis Pontificibus Auenione sedentibus. Cap. 20.

Schismatis diuturnitas S. Domui obsuit. Cap. 21.

Martinus V. S. Domum Indulgentijs, & Nundinis ornat. Cap. 22.

Lauretani templi opulētia Eugenio III. Pont. Max. Cap. 23.

Lauretana Domus à Nicolao V. Indulgentijs augetur. Cap. 24.

A Callisto III. aduersus Turcas communita S. Domus Barbaros alio veritū ingenti clade percussos. Cap. 25.

Sanitate Pio II. reddita, lōge celebrior, clariorque esse capit. Cap. 26.

Ab Episcopo Recinetensi luculentis prædijs donatur. Cap. 27.

Lauretanae historie summa à Præposito Teremano in æde proponitur. Cap. 28.

LIBRI SECUNDI.

PAVLVS II. pestilentia exemptus Lauretum Aedem decretis ornata nouo templo decorare molitur. Cap. 1.

Iacobus Franciscanus ab insanabili morbo, & Damonum oppugnatione liberatur. Cap. 2.

Xysto IIII. Pont. vetera decreta cumulantur nouis. Cap. 3.

Ingens Turcarum manus Lauretana opulentie imminens diuinitus fugatur. Cap. 4.

Ab Innocentio VIII. donis colitur. Car melitanis committitur. Cap. 5.

Baptista Mantuani de S. Domo testimonium. Cap. 6.

Nobilis mulier e Gallia a sepiem diebus obfessa liberatur. Cap. 7.

Recinetenfis cuius atis donum ob depulsam pestilentiam. Cap. 8.

Iulij II. decreta, nouique templi molitio. & nobilium dona. Cap. 9.

Paraclytica mulier nobilis sanatur. Cap. 10.

Iulius II. Lauretanum templum absoluit, munique. Cap. 11.

Iulius a bombardæ icu protectus S. Domum donis colit. Cap. 12.

Septennis puella a B. Virgine ipsa Lauretum adducitur. Cap. 13.

Circa vestibulum templi Lauretani ædes Pontificiæ a Iulio II. inchoantur. Cap. 14.

Ædes Lauretana a Reginis Neapolitanis aditur. Cap. 15.

A Leone X. amplissimis decretis ornatur. Cap. 16.

Egregijs ornamentis donisque decoratur. Cap. 17.

Sacerdos Dalmata Lauretum penitus extra præferens manu. Cap. 18.

Turcarum incursionες diuinitus arcen tur. Cap. 19.

Christiani exercitus auaritia eluditur. Cap. 20.

Lauretum a Leone X. manibus cingitur: eximium calaturæ opus urgetur. Cap. 21.

Clemens VII. decretis, alijsque rebus S. Domum ornatur. Cap. 22.

Archibisectus sacros parietes persodere ausus exanimatur. Cap. 23.

Clemens Lauretana Virg. ope adiutus eam impensis exornat. Cap. 24.

Lauretum excisis nemoribus, salubrius redditur. Cap. 25.

Clemens tribus cubicularijs in Dalmatiam, & Gallileam missis, Lauretana Domus migrationem explorat. Cap. 26.

Tres riri illustres ex mortis sancibus eripiuntur. Cap. 27.

F. Leandri de Lauretana Aede testimonium. Cap. 28.

Lauretana Aedes plurimis colitur donis. Cap. 29.

LIBRI TERTII.

A Paulo III. beneficijs, decretisq. decoratur. Cap. 1.

Lauretum Recinetenfium fidei committitur. Cap. 2.

Contubernium puerorum instituitur, qui Virgini laudes canant. Cap. 3.

Nosocomium, & Xenodochium peregrinis aperiuntur. Cap. 4.

Reliquiæ Aedis Lauretanae eius religionem propagant. Cap. 5.

Calati operis, quo sacra ædes conuestitur, descriptio. Cap. 6.

Tem-

INDEX CAPITVM.

Templi ibolus ruinas agens firmatur.

Cap. 7.

Nouis Lauretana Aedes donis auge-
tur. Cap. 8.

Tyrma equitum Praefectus euidēti su-
minis periculo eripitur. Cap. 9.

Paulus III. Lauratanam Aedem bis
inuisit. Cap. 10.

Aedes Lauretana facellis, & caelesti-
bus prodigijs decoratur. Cap. 11.

Iulius III. Collegium Societatis Iesu
Laureti instituit. Cap. 12.

Caestres flama in ipso templo Laureta-
na visa. Cap. 14.

Duo Capucini fluctibus maris eximun-
tur. Cap. 15.

Adolescens ex fluctibus vorticibus eri-
pitur. Cap. 16.

Puella Lauretana ē puteo, cuius Caie-
tanus ē carcere liberatur. Cap. 17.

Bassa Turcarum ā Lauretana Virg. sa-
natus eam donis colit. Cap. 18.

Aedes Lauretana Illustrum hominū
muneribus augetur. Cap. 19.

Marcellus Cerninus Card. Lauretana
Virg. monitu, se Pōtificem futurum
cognoscit. Cap. 20.

Aucto Iesuitarum Collegio, Lauretana
celebritas adaugetur. Cap. 21.

Lauretana Aedes donis cumulatur.
Cap. 22.

A Gallico exercitū cum multorum sa-
lute celebratur. Cap. 23.

Vinensis ciuitas ā pestilentia prohibe-
tur. Cap. 24.

Cæcis duobus lumē restituitur. Cap. 25.

Nauarchus Genuensis duplici naufra-
gio eximitur. Cap. 26.

Iuuenis innocens carcere, alter bis su-
spensus supplicio liberatur. Cap. 27.

Scitula mulier iugulata sanatur. Ca. 28.

Genuensis de Lauretana ade dubitans
malo doctus respiscit. Cap. 29.

S. Domus violatores diuinitus puniun-
tur. Cap. 30.

Expilatores diuinitus comprehensi affi-
ciuntur supplicio. Cap. 31.

Duo adolescentes Demonum seruitio
eximuntur. Cap. 32.

Iuuenis in seruitutem assertus ā Dæ-
mone liberatur. Cap. 33.

LIBRI QVARTI.

PII IV. & Card. Vrbinais studiū
Lauret. Domus ornandæ. Cap. 1.

Picentium cura; & B. Virg. tutela Lau-
retane Domus. Cap. 2.

Conimbricensis Episcopus malo doctus
S. Aedi lapidem restituit. Cap. 3.

Relatus lapis magno apparatu, concur-
sueque celebratur. Cap. 4.

Plures præcipuis ruine periculo libe-
rantur. Cap. 5.

Nautæ navi amissa, B. Virginis ope ser-
uatur. Cap. 6.

Duo viri fulminibus liberantur. Duæ fe-
minæ steriles fecundantur. Cap. 7.

Multis desperata sanitas restituitur,
Cap. 8.

Duo emergunt ā vexatoribus Dia-
bolis liberantur. Cap. 9.

Cæcis duobus uidendi facultas reddi-
tur. Cap. 10.

Mutis duobus subuenitur, eorumq. al-
teri lingua restituitur. Cap. 11.

Iudeus vinculis exemptus baptizatur.
Cap. 12.

Præcipua dona Pio III. Pont. Laure-
tum lata, missæ. Cap. 13.

Pij V. de Aede Lauret. testimonium,
& eius ornandæ cura. Cap. 14.

Domus Lauretane hospitalitatis, elec-
mosynæque. Cap. 15.

Pij

INDEX CAPITVM.

Pij V. & aliorum Principum dona.
 Cap. 16.
Alij ab inundatione fluminis, alij à lē-
pestate maris, ac prædonibus libe-
rantur. Cap. 17.
Complures Turcarum seruitio eximū-
tur. Cap. 18.
Laqueo suspensus morti eripitur. C. 19.
Duo ab ultimo supplicio liberantur. C. 20.
Lauretana Virg. auxilium in nauali
de Turcis victoria. Cap. 21.
A Gregorio XIII. Indulgentijs & vñs
adornatur. Cap. 22.
Celebritas Lauretana sub annum Iu-
bilæi. Cap. 13.
Ioannis Austriae pietas in Lauret.
Aede visenda. Cap. 24.
Pietas & munificentia Ioannæ Austr.
Mag. Duc. Hetruriæ. Cap. 25.
Ducis Lotharingi vxor paralytica Lau-
reti sanatur. Cap. 26.
Duo præcipitati ex equo à morte reuo-
cantur. Cap. 27.
Quidam mortiferis plagis acceptis sa-
natur. Cap. 28.
Mater & filia à morte, alij ab alijs mor-
bis liberantur. Cap. 29.
LIBRI QVINTI.
CARD. Vrbinatis, & aliorum
Principum dona. Cap. 1.
Lauretani templi cultus augetur. C. 2.
Collegium Illyricum Laureti institui-
tur. Cap. 3.
Ducis Gioiofa, & Regis Franciæ mu-
nificentia. Cap. 4.
Alia Francorum Dynastiarum dona.
 Cap. 5.
Marchio Badensis brachio captus ex
vulnere persanatur. Cap. 6.
Bona Bauaria Ducis, & aliorum Prin-

cipum Germaniæ. Cap. 7.
Italia Principum dona. Cap. 8.
S. Domus violatores diuinitus puniun-
tur. Cap. 9.
Epidauria nauis e manibus piratarum
eripitur. Cap. 10.
Lauretum ciuitatis iure, & Episcopali
Sede donatur. Cap. 11.
Card. Gioiofa suum Franciæ patrociniū
B. Virgini commendat. Cap. 12.
Card. Galis egregia studia erga B. Virg.
Cap. 13.
Dona Xyflo Pont. Lauretum latis, mis-
saue. Cap. 14.
Episcopus Hybernus bis Hæreticorum
manus euadit. Cap. 15.
Duo Sacerdotes Sacrae Domus calcem
restituunt. Cap. 16.
Duobus B. Maria eadē specie, quæ Lau-
reti collitur, apparet. Cap. 17.
Eques Belgæ insigni miraculo ab hosti-
bus liberatur. Cap. 18.
Surdus aurium vsus recuperat. C. 19.
Munera Gregorio XIV. Pont. Virgini
nissa, aut lata. Cap. 20.
Clementis VIII. Pont. Max. Indulgen-
tia, & virorum illustrium dona. C. 21.
Illustrium seminarum munera. C. 22.
Dona Cbrisilinae Mag. Duc. Hetruriæ.
 Cap. 23.
Sacerdotis Hispani donum miraculo in-
signe. Cap. 24.
Armille B. Virgini oblatae sus sponte
Cbrisli manibus inferuntur. Cap. 25.
Duo ex mortis faucibus erepti. Cap. 26.
Homo facinorosus S. Domus aditu diui-
nitus prohibetur. Cap. 27.
Quidā à cadis consilio renocatur. C. 28.
Celebritas & maiestas Aedis Laure-
tiæ. Cap. 29.



AVTHORES
QVI IN HAC HISTORIA
CITANTVR.

- | | |
|---|----------------------------------|
| F <i>Albertus Leander.</i> | <i>Codices Lauretani Donorū.</i> |
| <i>Ambrosius Nonidius.</i> | <i>Chronica S. Francisci.</i> |
| <i>Annales Flumenses, apud</i> | |
| <i>Hieronymum Angelitā.</i> | <i>Diarium Iulij II.</i> |
| <i>Annales Recinetenses apud</i> | |
| <i>eundem.</i> | <i>Franciscus Vicciardinus.</i> |
| <i>Annales Lauretani Raphaelis Riera.</i> | <i>Gulielmus Tyrius.</i> |
| <i>S. Antoninus Archiep. Flor.</i> | |
| <i>Baptista Mantuanus.</i> | <i>S. Hieronymus.</i> |
| <i>Beda.</i> | <i>Hieronymus Angelita.</i> |
| <i>S. Bernardus Abbas Clar.</i> | |
| <i>Bernardinus Cyrillus.</i> | <i>Iacobus Viſtriacus.</i> |
| <i>Blondus.</i> | <i>Ioannes Villanus.</i> |
| <i>Benedicti XII.</i> | <i>Iodocus Clisouens.</i> |
| <i>Bonifacij IX.</i> | |
| <i>Martini V.</i> | <i>Nicephorus Callistus.</i> |
| <i>Nicolai V.</i> | |
| <i>Xysti IV.</i> | <i>Onuphrius Panuinus.</i> |
| <i>Pauli II.</i> | |
| <i>Bulla Iulij II.</i> | <i>Paulus Aemilius.</i> |
| <i>Leonis X.</i> | <i>Platina.</i> |
| <i>Clementis VII.</i> | <i>Prapostus Teremanus.</i> |
| <i>Pauli III.</i> | |
| <i>Iulij III.</i> | <i>Sabellicus.</i> |
| <i>Greg. XIII.</i> | |
| <i>Clementis VIII.</i> | <i>Victorius Brigantius.</i> |



ECCE TABERNACVLVM DEI
CVM HOMINIBVS.

Apoc. viii.

HORATII TVRSELLINI
E SOCIETATE IESV
LAVRETANÆ HISTORIAE
LIBER PRIMVS.

P R Æ F A T I O.



DIS Lauretanæ historiam, à multis inchoatam magis, quam perfectam, à plerisque auidè expetitam; iam diu molior ad nostram ætatem à primordio euoluere. Vtinam, vt spissum opus, & operosum fuit, ita operæpretium fecerim. Quippe omnia ferme, quæ siue Laureti, siue Recineti, seu Romæ, alibive extæt eius rei monumenta quam diligentissime conquisiui. Ex his quæcunque ad rem pertinere videbantur, ita decerpsi, digessi, vt iustum corpus efficerent. Et suscepti operis curam grauiorem fecit cura successus. Namque rem aggredienti nec paruæ, nec paucae dictu res occurrerant, quæ animum sollicitarent, & à proposito deterrerent meum. Primum augustissimi huius sacelli origines adeo mirabiles, inusitatæque sunt; vt penè incredibiles videri possint, si humanis rationibus consilia diuina pensentur. Deinde maiorum nostrorum in talibus rebus memoriæ prodendis, incuria bonam subtrahebat materiæ partem. Arrogantiæ porro esse videbatur, in re à pluribus non cõtẽmnendis scriptoribus parum feliciter tentata, euentum sperare meliorem. Postremo meæ tenuitatis conscius verebar, ne tanti operis molem maiore animo, quam consi-

lio suscepisse existimarer. Praesertim cum ea narrare aggrederer, quæ quia fidem propemodum excederent, differendo fierent minora vero. Itaque timendum videbatur, ne summæ sanctissimi templi famæ detraherem aliquid potius, quam adderem, & superuacaneo labore nihil aliud, nisi reprehensionem prudentium quærerem. Cæterum, ut me collegi, creuerunt animi, difficultatesque cesserunt. Res enim quamuis admirabilis, & antea inaudita; usque eo tamen certa iam, explorataque habetur; ut de ea ambigere, ac dubitare sit nefas. Quippe summa cum fide à maioribus, velut per manus accepta deinceps traditur posteris. Nec Illyricis, Recinetsibusque monumentis solum; sed historicorum quoque, Romanorumque Pontificum autoritate nixa est. Ad hæc vetustam fidem constans tot ætatum consensus, concursusque omnium gentium adfirmavit. Porro loci religionem incredibilis tum votorum copia; tum donorum opulentia insignem facit. Nec vetera magis, quam noua quotidie illustant miracula. Ut de tam testata, explorataque re addubitare non possit, nisi qui, aut de diuina vi, ac providentia dubitare velit; aut eximere ex hominum genere humanam fidem. Enimvero si templi Deiparæ incunabulis, Deique conceptu inclyti primordia longe augustiora cæteris enarremus; haud minus propenso animo cunctæ gentes præcipuum eius decus probare debent, quam præcipuum auxilium probant. Etsi autem maiorum indigentia multarum nobis rerum adimit copiam; non tamen summæ rerum adimit facultatem. Namque illi minorum incuriosi sedulos se in maioribus præbuere. Itaque si meum hoc qualecunque munus B. Mariæ cordi fuerit, ut spero; haud sane diffido, cætera mihi in procliui, atque in expedito fore. Maria fauente nihil non prospere cedit. Quod si forte, aut rei magnitudini pene incredibili, aut expectationi doctorum hominum noster hic minus responderit labor; me certe iuuabit memoriæ tam insignis mira-

miraculi, Deiparæ Virginis gloriæ, humani generis tutelæ, denique accensis piorum studijs consultum pro mea virili parte voluisse. Cæterum nisi me suscepti operis amor fallit, non facile alia historia est, aut miraculis clarior, aut exemplis ditior, aut vsu frequentior, aut iucundior fructu. Hic quippe varium, ac multiplex Virginis Lauretanæ præsidium: hic præsentem eius in periculis cuiusque generis opem: hic omnium ferme exemplorum documenta in illustri monumento proposita intueri licet. Vnde tibi, familiæ, ciuitati tuæ, pro varietate temporū, quod ex vsu futurum sit, petas. Ac mihi quidem ingens diuinæ beneuolentiæ pignus habere videtur Italia, cui tale, tantumque donum inde vsque à Galilæa diuinitus est transmissum: vt dubijs in rebus confidat, nunquam sibi eius tutelam defuturam, cuius prædem, vademque à Deo habeat natalem domum. Super hæc tantam Deus mortalium animis inspirauit huius loci religionem; vt quicumque ad Lauretanam Aedem accedunt, non tam ad ædem Virginis, quam ad ipsam Virginem adire sibi videantur. Et sane hic Deus, Deique mater miro quodam modo præsentiam suam declarant. Hinc diuinus ille omnium pectoribus incutitur horror ad sacrosanctæ Domus ingressum: hinc illud abeuntibus inijcitur eius reuiscendæ desiderium: hinc nobilis illa perditarum profligatarumque mentium in diuersa mutatio. Quæ quidem perpetua Aedis Lauretanæ miracula ita euidentia sunt; vt etiamsi deessent alia, quibus abundat, cuius facerent diuinæ præsentiae fidem. Adeo nemo est, quamuis sceleratus, ac perditus, qui si Lauretum adeat, non Deum cum matre in materno domicilio præsentem adesse sentiat. Est autem hoc præcipuum, ac proprium templi Lauretani, vt eius religio, ac sanctitas quotidie magis efflorescat. Id adeo vel ex celeberrimarum ædium B. Virginis, aliorumque Diuorum comparatione facile apparet. Namque illarum celebritatem, cultumque, cum aliquandiu vigerit, pau-

latim deflorescere videmus: huius vero maiestatem, quod altissimis sit defixa radicibus, cernimus per tot iam sæcula, auctiorem in dies fieri, augustioremque. Sed iam aspirante Deo, Deiparaque, quorum totum hoc opus est, quorumque ope maxime nitimur, rem ipsam ordiamur. Quam quidem eisdem illis fauentibus, non tam scribenti grauem, quam salubrem legenti, ac frugiferam spero futuram. Verum, & si Lauretanæ historiæ origo haud ferme supra trecentesium annum repetatur; alius tamen arcessenda necessario est; quò tota res à capite, ac fonte liquidius fluat.

*B. Mariæ Domus ingenti honore in Galilæa colitur,
dum Christi fides in Palestina
viget. Cap. I.*

Natalem B. Virginis domum Galilæa Syriæ regio olim habuit. Ibi in oppido Nazaretho illa genita, & educata est. Inibi ab ipsa æternus Deus Angeloprænu-
ciantem conceptus: & salutaria mortalibus Dei, ac Deiparæ vestigia impressa. Nec loci sanctitas, aut ignota pijs hominibus, aut neglecta vnquam fuit. Omnium primum satis constat, eam magnum semper nomen, venerationeque apud Christianos habuisse: et eius venerationis authores ipsos fuisse Apostolos: ab his quippe Virginalem domum, seu prodendæ posteris memoriæ, seu Christianæ religionis augendæ studio, rite consecratam. Ex eo igitur tempore, & ipsi Apostoli ingenti eam honore coluerunt, & ab alijs pari religione cultam voluerunt. Apostolorum inde autoritas apud posteros valuit. Cæteræque deinceps ætates certatim cælestis reginæ incunabula, Deique concepti vestigia celebrarunt qua dignum erat religione cultuque. Itaque anno post Christum natum circiter CCC.

(quo

B. Virginis
Domus ab
Apost. con-
secrata.
Anna, Plum.
apud Angel.

(quo tempore Christiana res, longa pace cuncta refouente, sub tutela Magni Constantini florere cœpit.) D. Helena Augusta domicilium Virginis pereleganti æde decorauit. Nam Palæstinam peragrans (vt Nicephorus tradit) cum loca diuinis rebus nobilitata sacris ædibus adornaret, peruenit Nazareth, & saluationis Angelica domo reperta, peramanum inibi condidit templum. Ex eo, non solum ab Asianis, Afrisque, sed etiam ab Europæis sacra illa loca solito magis celebrari cœpta: & natale B. Mariæ tectum cælesti nuncio, diuinæque sobolis conceptu inclytum à pijs hominibus impensius cultum. Argumento est, quod S. Hieronymus Romanæ Ecclesiæ columen, & B. Paula mulier e prima nobilitate Romana sanctam illam terram lustrantes *Nazareth nutriculam Domini* (vt Hieronymus appellat) adiere. Tenuit hæc religio multa sæcula. Namque etiam anno à Virginis partu circiter D. CCC. cum Hierosolyma Saracenis capta teneretur armis, sacra Syriæ loca, & templum vbi domus erat, in qua Angelus B. Virginem salutauit, à peregrinis Europæis visebatur. Huius rei author est Beda ab illa ætate recens. Neque enim adeo iniqua Hierosolymæ, & in Palæstina Christianorum conditio sub Saracenis erat, vt deinde sub Turcis fuit. Hi quippe anno circiter M. L. Syria, ac Hierosolymis potiti Christianum nomen indignis modis vexare cœperunt. Cuius rei fama Vrbanum II. Pont. Max. ad indicendum nouo instituto sacrum bellum accendit. Quo bello Europæorum, ac præcipue Francorum Principum arma Gothofredi Ducis Lotharingi ductu Hierosolymam, Palæstinamque recepere, anno ferme M. C. Inde quamdiu Hierosolymitanum stetit regnum, viguit, vt cum maxime Sanctorum religio locorum. Inter quæ non postremum locum obtinebant Deiparæ Virginis incunabula. Ergo Tancredus genere Normanus, is cuius egregia virtus sacro bello enicuerat, Galilææ præpositus Nazarenam Ecclesiam ingentibus donis coluit. Et eam deinde non

A S. Helena
templo decoratur.
Niceph. lib.
8. cap. 30.

A S. Hieronymo & B. Paula visitur.
Hier. epi. 27.
ad Eustoch.
Guliel. Tyr.
lib. 1. bel. sac.

Bed. de loc.
Sanct.

Gul. Tyr.
lib. 1.

Idem lib. 3.

Paul. Aem.
lib. 4.

Hierosolyma recepta.

Nazarena
Ecclesia Me-
trop. sacra.

*Gul. Tyr. li.
9.*

*Iac. Vitr.
in descrip. ser
ve sanctae.*

*Gul. Tyr. li.
12. & 13.
P. Aem. l. 5.*

*Panlus Aem.
mil. lib. 4.*

*Panlus Aem.
mil. lib. 6.*

*Panlus Aem.
mil. lib. 7.*

magis opuléntia, quam loci sanctitas Metropolim fecit. Harum rerum authorem habeo Gulielmum Tyri Archiepiscopum, qui suppar fuit temporum illorum. Quin etiã huius fere æqualis Iacobus Vitruiacus Patriarcha Hierosolymitanus tradit, crebro se Nazarethum religionis ergò perrexisse, ac sæpe in æde, vbi ab Angelo salutata est B. Maria, rem diuinam fecisse, ipso anniuersario Angelicæ salutationis die. Per eadem tempora duo nobilissimi sacrorum militum ordines nati, Templariorum, & S. Ioannis, vterque destinatus excipiendis tutandisque præcipue peregrinis sacra illa loca visentibus. Tantumque valuit huius præsidij fama, vt etiam à transmarinis, trãsalpinisque gentibus perinde Natalis B. Mariæ domus celebraretur Nazarethi, vt Hierosolymæ sepulcrum, Bethlemi cunabula Saluatoris. Sed hæc quies parum diuturna. Saladinus Rex Aegypti Balduinum huius nominis Quintum Regem Hierosolymitanum acie victum cepit. Protinus bellum circumferens Hierosolymam, aliasque circa vrbes, & oppida in ditionem suam redegit, anno ferme XC. quam in Christianorum potestatem venerant. Transmiserunt exinde in Syriam, vel ad Hierosolymam recipiendam, vel ad Palæstinæ possessionem retinendam Conradus Cæsar, Philippus II. Franciæ, & Robertus Angliæ reges cum ingentibus copijs. Cæterum siue hostium insidijs, seu fraude locorum, siue ipsorum discordia circumuenti fractique, irritò incæpto domos redierunt. Secutus deinde Federicus II. Cæsar, idemque Siciliæ rex, & Hierosolymitani regni titulo nitens. Hic Gregorij viiij. hortatu, impulsuque tandem in Syriam transmisit exercitum. Sed amicitia, ac societate cum Aegypti rege inita, Hierosolymam, aliaque finitima oppida auro, non armis recepit anno circiter M. CC. XXV. maiore vtique fama, quam gloria. Nec diuturna magis fuit, quam gloriosa possessio. Paucis interiectis annis Parthi ab Scythijs, seu Tartaris pulsi suis sedibus, inuasērunt Syriam.

Syriâ. Hierosolymam nuper à Federico Cæsare resectâ solo
 æquarunt. Igitur Ludouicus viiij. Rex Franciæ anno eius
 sæculi XLV. copias in Syriam traiecit Christianæ rei iam
 labenti opem laturus. Sed omnis conatus tandem ad ir-
 ritum cecidit. Pius Rex potitus claustris Aegypti (Pelusi-
 um olim, tunc Damiatam vocabant) primò multa se-
 cunda prælia cum Aegyptio rege fecit: deinde præmente
 lue, cogitur, reddita Damiatâ pacem redimere ab hoste.
 Ad vltimum cum minus prospero euentu res gereretur in
 Syria, deportat exercitum. Caterum ante discessum, ne
 gratuita foret Syriaca expeditio; aliquem inde si non bel-
 li, at pietatis fructum referre statuit. Ergo sacra illa Palæ-
 stinæ loca perlustrans (vt nonnulli authores sunt) ex Ta-
 bore monte Nazarethum iter intendit. Vt primum B. Ma-
 riæ conspexit ædem, strenue equo desiluit, procumbit in-
 genua: & venerabundus natalem Virginis domum, ip-
 samque salutat Virginem. Inde ad templum progressus
 pedibus, Dei filium inibi pro hominibus hominem factû,
 & simul sanctissimam eius parentem enixius veneratur,
 colitque. Et aderat Gabrielis Archangeli nuncio, Deo-
 que à Virgine concepto sacer, ac solemnitas dies. Itaque
 pius Rex (vt eum loci sanctitas, ac sua pietas admonebat)
 pridie pane dumtaxat, & frigida ieiunat, cilicio quidem
 ad carnem indutus. Festo autem die rem diuinam solem-
 ni carmonia, regioque apparatu celebrari iubet. Sub
 sacrificium in augustissima Deiparæ cella sacrosanctam,
 Eucharistiam sumit, magna lacrymarum vi, ingentique
 religione persusus. Rarum vtrique Christianæ pietatis in
 Rege præsertim, ad posteros documentum. Ex quo con-
 iectari licet, quanto in honore, vel illa tempestate fuerit
 sanctissima Virginis Domus. Nec vero discessu Ludouici
 Regis extinctum est Christianum nomen, Sanctorumque
 locorum cultus in Syria. Templarij enim adhuc in fide,
 & officio manebant: & transmarinis subinde auxilijs ful-
 ti summa ope tutabantur sacræ terræ reliquias. Verum
 enim

Paul. Acem.
lib. 7.

S. Ludovic.
Domû Vir-
ginis venera-
tur.
Iodoc. Cliton.
Ser. de S. Lu-
dou.

S. Antonin.
par. 3.
Paul. Acem.
lib. 2.
Io. V. lib. li 7.

enim vero simul gliscentibus in Italia ciuilibus bellis, ex funestis, Velforum Gibellinorumque factionibus; simul Angliæ, Franciæ, Aragoniæ regibus ad arma ruentibus, destituta ab Europæis, concussa à barbaris Christiana res in Syria ad vltimum concidit. Aegypti quippe Rex Christianorum Principum dissensionem, suam occasionem ratus Tripolim vi cepit, diruitque. Inde Prolemaidem celeberrimam, frequentissimamque Phoenicis urbem, quæ sola iam in Palæstina pro Christianis stabat, obsedit: tandemque expugnatam ferro, flammaque deleuit. Et extitit in barbaris insigne Christiani nominis odium. Ciues ad vnum cæsi: muri, ac tecta solo æquata: ad hæc ipsa quoque moenium fundamenta eruta, vt ne vestigium quidem Christianæ rei extaret in Syria. Ita demum amissa Prolemaide, pulsi in perpetuum (vt videmur) Palæstinæ possessione sumus, anno à Virginis partu M. CC. XCI. Ex quo indigenæ Christiani partim dilapsi è Syria, partim, vt fit, in dominorum mores prolapsi. Exteri porro, ac peregrini terrore Turcici furoris (nisi auro via aperiatur) exclusi. Ac suprema illa clades veterem sacrosancti sepulcri, quod primas religionis tenebat, cultum haud penitus aboleuit. Inuitat peregrinos opportunitas Hierosolymæ urbis olim regiæ, nunc præcipuæ. cuius propinquitas Christi cunabulorum quoque celebritati fauet. At natalem Deiparæ domum in Galilæa sitam interualla locorum, ac deuia itinera, telis barbarorum infesta haud quaquam aduenarum religioni opportunam faciebant. Quæ causa admirandi, & post hominum memoriam ad eum diem inauditi miraculi fuit.

*Amisso cultu in Galilea, diuinitus asportatur
in Dalmatiam. Cap. I I.*

NAm cum neque ab indigenis, neque ab exteris populis debitus sacrosanctæ cellæ honos haberetur,

non

non diu passus est Deus sua, matrisque suæ vestigia neglecta inter barbaros iacere. Eodem quippe anno, qui fuit suprema Palæstinæ clade insignis, Deo dilecta domus e Syria pariter cum religione discessit. Author est Ioannes Villanus historicus eius ætatis sane nobilis, Aprili mense circiter medio anni M. CC. XCI. Prolemaidem captam. Mense igitur insequenti eiusdem anni, hoc est vij. Idus Maias, Nicolao IV. Pont. Max. (vt Illyrici annales perhibent) Deiparæ Domus asportatur in Europam, cladem orientis tanto occidentis bono compensans. Sunt qui facultates Ioachimi patris B. Mariæ spectantes, non tam domum eius, quam cubiculum putent à cætera seiunctum domo. Me quidem haud pœnitet eorum sententiæ esse, quibus simul cubiculum fuisse, & domum Virginis, idest recti paterni partem præcipuam, placet. Argumento est (vt de fictilium armario taceam, quod inibi visitur) ianua longe maior, quàm pro modo cubiculi à cæteris ædibus separati. Nec Ioachimi fortunæ mouere nos debent. Nicephorus quippe Callistus tradit, Deiparæ Virginis parentes, propter bellicos ludææ tumultus, ex oppido Bethlemo auita sede, in Galilæam commigrasse: & Nazarethi domicilium collocasse. Vt intelligamus hanc nō auitam, sed paternam Virginis fuisse domum, parum fortasse dignam paternis opibus; cæterum, vt temporis causa paratam, haud sane incommodam, nec ab antiquæ illius simplicitatis studio abhorrentem. Omnino talis est, vt eximium illum B. Mariæ amorem paupertatis spirare videatur. Sed siue illud cubiculum, siue domicilium Deiparæ fuit; certe ab Apostolis dedicatum (vt supra diximus) & in templi formam redactum Christiani deinceps excoluerant, ornauerantque: Hæc igitur ædes eius viæ ac potestate, qui ad preces D. Gregorij Taumathurgi, montem olim sede sua molitus alio transtulit, in gratiam cælitum Reginæ, à fundamentis auulsa est: atque haud dubio Angelorum ministerio, inde vsque à Galilæa (mirum

Io. Vill. l. 7.

*Ann. Flum.
apud Hiero.
Angel.*

*Niceph. l. 1.
cap. 10.*

dictu, audituque) per ingentes terrarum, marisque tractus in Dalmatiam translata. Quippe id spatium patet amplius viciis centena passuum millia. Tersactum inter, & Flumen, (oppida sunt Dalmatiæ) leniter acclivis mons eminet: quo in summò æquata agri planities sedem efficit peramænâ, Adriatico imminentē mari. Quod olim crebris sædisque tempestatibus infame, ex eo tempore satis mitigatum ferunt. credas Virginem insanos freti illius æstus cellæ suæ obiectu cohibere voluisse; vt vel hinc conijceremus, quid ipsa effectura esset in mortalium vita, quæ varijs quotidie casibus, & quasi procellis agitatur. Hic igitur Nazarena domus, velut præcipua tutela periclitantium à cælestibus ministris, Deiparæ iussu, sita est secunda circiter noctis vigilia. Vt primum diuinæ liberalitatis donum accolis lux ostendit; enimvero animos rei novitate attonitos non admiratio tantum, sed etiam religio incessit. Ergo qui propius aberant, vt quisque primus rem notauerat, certatim visendi studio accurrunt. Aediculam conspiciunt fastigiato tecto, & simul camini culmine, simul sublimi tintinnabulo insignem: at nulla re magis, quam vetustate visendam. Protinus limen ingressi prosternere humi corpora: Deum venerari sacro quodam honore pariter, gaudioque perfusi. Inde orato Christo, Christique parente, quorum simulacra cernebant, cuncta otiose contemplari, & perlustrare oculis cœperunt. Sacellum animaduertunt figuræ quadrangulæ oblongæ, e vulgari structum lapide. Tectum perbelle laquearibus concameratum: quod modicis distinctum quadratis, caruleoque colore obductum inauratæ stellæ, velut in cœlo quodam intermicantes honestabant. Sub tecto laqueato eminebant vndique è parietibus modica specie semicirculi se mutuo contingentes: quos medios piæque adornabant capedines. Parietes cubitali ferme crassitudine, non ad perpendicularum, neque ad regulam exacti, loricati tamen opere tectorio. Huic superinducta antiquitus

Descriptio
ædis Laur.
quælis tum
erat.

quiritus pictura ædis ipsius mysteria referebat : quæ superne multis locis hodie manet , inferne temporis vetustate defluxit. Aedis longitudo pedum amplius XL. latitudo minus XX. altitudo circiter XXV. In medio ferme pariete, qui olim, vt reor, faciem obtinebat domus, ianua satis ampla, sed à vulgari vsu haud sane abhorrens. Pro superliminari trabs rudis superiecta est. Ad læuam armariolum miræ simplicitatis asseruandis fidei libus aptum. Ad dexteram in proximo pariete fenestra non magna : e regione fenestræ caminus humilis, tenuisque opere, vt cætera, vulgari. Inibi sublime loculamentum columellis in orbem striatis latera cingentibus conspicuum: arcusque eiusdem operis, quinque iunctas pariter lunas imitante fastigiatum. In loculamento B. Mariæ stantis, ac puerum Iesum altera manu medium amplexantis, altera sustentis effigies cedrina fere bicubitalis. Cuius facies electro argentum referente oblita, sed luminum infuscata fumo. Cæterum illa ipsa infuscatio antiquitatis, ac religionis index, impense auget Virginalis oris maiestatem. Gemmata corona sublimem distinguit verticem. Discriminati crines Nazarenorū ritu per nuda colli, & humeros fluunt. Simulacrum stola aurea tegit, latiore zona, gentis more succincta, demissaque ad pedes. Palla cærulea stolæ superinducta pendet ex humero : vtraque in eodem trunco cælata pictaque. Insistit maternæ dextræ puer Iesus mortali specie augustior, diuinæ cuiusdam maiestatis indolem vultu præferens. Priores dextræ digitos, bene precantis in morem tollit. Sinistra aureum tenet globum. Et ipse discriminato capillo, tunica talari, zonaque Nazarenum habitum refert. Ante Deiparæ effigiem, aræ folido è saxo quadrato visitur spirans sanctitatem. Dalmatæ igitur cuncta per orium contemplati, & si quid tandem rei esset ignari; communi tamen consensu ita statuunt, quicquid sit, profecto donum id esse diuinum. Neque enim ædem illam repente humo excitatam, sed aliunde.

Simulacrū
Virg Laur.

Dei nutu ac voluntate utique aduectam. Igitur inde digressi, ut quisque obuius sit, ab se visa commemorant. Nec mora. mortalium plerique, atque in his ægrorum nonnulli ad nouum tantę rei spectaculum confluere: aliquid inde opis expectare. Nec sua eos spes fefellit. Loci religio sanis corporibus mentis ferè sanitatem, ægris etiam morborum curationem impertiebat.

Deipara admonitu, eius Domus agnoscitur, & euidenti miraculo illustratur. Cap. III.

*Anna, Flum.
Hier. Ang.*

*Alexander
Terfaciensis
Antistes.*

Celeriter Terfactum, ac Flumen prodigiosi sacelli fama perlata valentes ad visendi cupidinem, egros ad spem valetudinis accendit. Alexander erat sacrorum Antistes in æde S. Georgij Terfactensis, vir antiqua probitate, æquè Deo, & hominibus carus. Is longinquo, grauique implicitus morbo iacebat: iamque exigua in spe trahebat animam, cum peropportune à familiaribus de diuina illa cede fit certior. Extemplo ingens animum eius cupiditas cepit hauriendi oculis tanti miraculi voluptatem. Ceterum vrgente morbo, deferri eo sine certo vitę periculo nequibat. Igitur hoc egrius febris æstum patiebatur, quòd affecta membra impetum animi haud quam sequebantur. Nec tamen deseruit se. Deiparę cfigiem simul cum diuina illa cedicula delatam acceperat. Itaque B. Marię sacellum haud falso esse ratus, impense eius implorat opem: votum nuncupat non magis salutis recuperandę auidus, quam cęlestis illius doni diuinitus cognoscendi. Nec incassum missę preces. Intempesta nocte, somnum inter, & vigiliam, Dei parens repente cęlo delapsa, cęlestibus latera regentibus, se illi obtulit: cubiculumque omne clarissima luce compleuit. Mox benigno vultu, Bono animo, inquit, esto fili. En vocata adsum. presentem tibi opem, optatęque rei notitiam ferens. Sic igitur habeto, sacram cędem vestris nuper illatam finibus, illam ipsam esse domum, vbi ego olim genita, vbi
ferme

*B. Maria
Alexandro
apparet.*

ferme educata sim. Hic ego Archangeli Gabrielis nuncio, Spiritus sancti opera, diuinam concepi sobolem. Hic *Verbum caro factum est*. Ergo post nostrum excessum, domum talibus mysterijs insignem Apostoli consecrarunt, celebraruntque certatim rem diuinam inibi facitantes. Ara pariter cum eade allata ea ipsa est, quam Apostolus Petrus sacris initiauit. Christi crucifixi imago, quæ cernitur, olim ab Apostolis inibi posita. Simulacrum porro cedrinum effigies nostra est Lucæ Euangelistæ manu, qui pro familiaritate, quæ illi nobiscum intercesserat, nostram similitudinem coloribus, quantum mortali fas erat, expressit. Hæc igitur dilecta cælo domus per tot ætates in Galilæa maximis honoribus culta, nunc demum deficiente cum fide cultu, ex oppido Nazaretho ad vestras migravit oras. Nec dubia fides. Deus facti author, apud quem *impossibile non est omne verbum*. Cæterum vt horum tu ipse sis testis idem, præcoque; sanus esto. Tua ex longinquo morbo subita valetudo fidem miraculi faciet. Hæc effata sublimis abit in cælum, cælesti quodam odore in tectis relicto. Id vero non ludibrium sopitæ, aut ægræ mentis, sed veram fuisse speciem, rei ostendit euentus. Protinus Antistes mista pauori lætitia euigilans, totus sudore fluere cœpit: depulsaque repente febri, valens, ac vegetus surgit è lectulo. Mox non magis valetudine, quam Nazarenæ domus indicio lætus submittit genua; & oculos pariter, manusque in cælum tollens Deo, ac Deiparæ Virgini pro duplici beneficio multiplices grates agit: tantum donum sibi, patriæ, gentique suæ gratulatur. Inde simul illuxit, præ gaudio gestiens in publicum prodit: & decori oblitus, homo id ætatis, authoritatique lymphato similis per vicos, per plateas, per compita cursare cœpit, nocturnum visum (vt quisque obuius erat, seu notus, siue ignotus) exponere: Dei, ac Deiparæ donum, vel proprium, vel commune passim prædicare. Et erat ea vox, & vultus; is ardor animi ex oculis eminebat, qui facile

Alexander
sanatur.

cile dictis faceret fidem. Accedebat haud dubium argumentum, subita corporis sanitas, roburque in eo, quem graui diutinaque conflictatum febris hesternae die vehementer laborasse constabat. Quae posteaquam ad oppidanorum plerosque pertulit rumor; confestim magni ad Antistitem concursus fieri: & caeleste donum gratijs Deo, Deique parenti agendis, certatim vno omnium ore celebrari. Princeps inter gratulantes, laetantesque gaudio exultans ibat Antistes: & addebat ad gradum natalem Virginis domum videre festinans. Quo ut venit, venerabundus votum, cuius se damnatum profitebatur, enixius exsoluit. Maior secundum hanc religio mortalium incessit animis. Neque enim vanus author, aut dubia fides ferebatur. Itaque aedes miraculis inclyta maioribus in dies accolarum studijs celebrari, colique coepta. Manare hanc primo ad finitimos fama; inde etiam ad remotos. Iamque omnibus circa populis templum illud sanctum erat: omnes ardebant cupiditate tam insolitae tam celebratae rei aliquando visendae.

Certis hominibus in Galileam missis miraculum exploratur. Cap. IV.

*Anna. Flum.
apud Angel.*

Peroportune illa tempestate Nicolaus Frangipanius è prima nobilitate Romana, Croatiae, Dalmatiae, Istriae Praetor (Magnus Ban ab incolis vocabatur) regionem illam administrabat, vir pietate iuxta, ac virtute inclytus. Idemque Dominus erat Fluminis, Tersactique. Is igitur simul rei miraculo, quod in suo fundo euenerat, simul Alexandri Antistitis sermone, ac repentina sanitate motus obstupuit primo: inde laetus caeleste munus in suopotissimum agro consedissee, & ipse strenue in montem accurrit: sanctissimamque aedem haud secus quam dignum erat, donis colere, atque ornare instituit. Caeterum quia
rei

rei nouitas hominum memoriam, magnitudo superabat fidem; tam insolitum, inauditumque miraculum diligentius explorandum existimauit. Verebatur quippe ne ipsorum credulitas suspecta cæteris foret: neue tanta res plus admirationis, quam fidei esset ad posteros habitura. Itaque re cum Antistite communicata, placuit certos homines in Galilæam mittere totam rem intentius inspecturos. Ex omni numero lecti quatuor expertæ fidei, ac probitatis viri, in quibus Alexander ipse Antistes fuit. Hi Nazarethum missi, omniaque explorata referre iussi. Igitur impigre conscensa naui; transmissoque Adriatico, Ionio, Cretico, Cyprio mari Palæstinam secundo cursu tenuere. Nec mora. barbarorū a nimis auro delinitis, Hierosolymæ sacrosanctum Christi sepulchrum venerantur. Inde fide publica, firmoque armatorum præsidio septi Nazarethum Galilææ urbem, quod nauigationis caput erat, protinus pergunt. Ibi impensius inquirentes comperiunt ex incolis non tam re, quam verbo Christianis, domum natalem B. Virginis inde pauloante sublatam deducuntur ad templum ab Helena Augusta olim sacræ domui circumdatum. cernunt templi diuinitus perrupti ruinas: cernunt eisdem monstrantibus aream, ubi sacrosancta domus steterat: cernunt fundamenta, recentia sanctæ domus auulsæ vestigia. Dimensi longitudinem, ac latitudinem areæ, fundamentorumque crassitiem, reperiunt omnia cum translata in Dalmatiam ædis, parietumque mensuris, quas ad id secum attulerant, prorsus congruere: tempus quoque augusti sacelli illinc ablati, auectique in Illyricū conuenire. Ergo effusa cum lætitia, & gratulatione domum reuecti Frangipanio Prætori explorata renuntiant. Ille enim uero tali nuncio admodum lætus manantibus gaudio lacrymis, Deo, Deique parenti grates ingentes agit: quòd se non solum uiuente, sed propemodum uidente, tantum miraculum extitisset, tam euidentibus prodigijs, talium virorum autoritate firmatum. Exemplo

plo igitur ad ædem Virginis solemnibus, ac celeberrimis indicta est supplicatio: maximoque peracta concursu virorum, mulierumque. Ibi Alexander Antistes pro concione ad populum rem ordine exponit: ac Deum, Deiparam, mortales omnes, immortalesque contestans propalam confirmat, nihil se compertis affingere. Si secus sit, non recusare quo minus cælestis ira meritis ex ipso expetat poenas. Nimirum hoc ipsos Dei matri gratiores esse oportere, quo res pene incredibilis exploratior afferatur. Quas velut missas è cælo voces cum circumfusa audiret concio, repente ingenti gaudio efferrî, nec temperare, quin gratulationibus lacrymisque ipsum confunderent dicentem. Perorationem Antistitis exceperunt preces auditorum, Deo, Deique matri grates, quibus signis, quibus vocibus poterant, agentium. Mirum quanta illi viro hæc nuncianti, affirmantique fides fuerit, non apud incolas solum, sed etiam apud externos: quantumque talium virorum testimonio, frequentiae religionisque sacrosanctæ accesserit cellæ. Nec deerant crebra, illustriaque miracula, cum vndique ægri membris capti, energumeni adessent. Desuit tamen qui ea sigillatim rite consignata litteris produceret. Crescebat cum populorum miraculorumque frequentia, religio loci, crescebat & cultus. Augustissimæ quippe Aedis insidens accolarum animis cura (cum interesse supplicantium precibus Virgo ipsa videretur) tanta religione omnium pectora imbuerat, ut eum locum à Deipara incolî, non solum diligere existimarent. Itaque natalem Virginis domum, ipsamque Virginem quibuscunque rebus sciebant, poterantque certatim colere, & ornare coeperunt. Cæterum benignæ voluntati facultatum tenuitas obstabat. Proinde ab eis pie magis, quam munifice est ornata. Mox etiam longinquorum populorum concursibus celebrari, honestarique cœpta. Gliscebant in dies rumor fortunatæ domus: natale B. Mariæ testum diuinitus ad Tersactum è Galilæa deportatum: missos Nazarethum

thum spectatæ fidei, virtutisque viros rem perspectam, ac testatam attulisse. Exciuit ea fama non Illyricos solum remotiores; sed Istros, Croatas, Bosnios, Scruios, Epidaurios, cæterosque eius tractus longe, ac late patentis populos, ad tantum miraculum, donumque visendum. Multis quoque eorum præsens Virginis auxilium in dubijs, aduersus rebus oblatum augebat in dies celebratam loci. Enimuero Illyrici sacræ Domus accolæ gaude-
re concursu populorum: gestire suam regionem apud ex-
teras gentes, ac nationes ingenti gloria esse: credere se
diuino iudicio cæteris gentibus esse prælatos, humanæ ar-
rogantiæ vitio, cælestia dona meritis hominum magis,
quam Dei benignitate æstimantis.

Demigrat ex Illyrico ingenti cum lætæ Dalmatarum. Cap. V.

CAeterum haud quaquam diuturnum gaudium, ac donum Illyricis fuit. Quadriennio non toto (de-
erant quippe menses quinque) interiecto, sacrosancta æ-
des ex ipsorum finibus cessit. causa in incerto est; alij
aliam tradunt. Ergo siue quod ab accolis minus im-
pense, quam dignum erat, coleretur; seu quod ab ini-
tio ad breue illius gentis solatium Beata Maria diuer-
sorium ibi potius, quam domicilium collocasset; siue vt
Italiam Christianæ religionis arcem bellis, cladibusque
afflictam præsentî refoueret ope, repente Dalmatis nil ta-
le opinantibus, cæleste munus aufertur: deserturque in
Italiam, haud maiore Italicorum bono, gaudioque, quã
Dalmatarum damno, atque lætæ. Namque vbi diuinum
illud pignus augustissimamque Deiparæ cellam alio auc-
tæ fama vulgauit; enimuero Tersactenses, finitimos-
que circa populos tam inopinatæ rei admiratio ingenti
stupore defixit. Inde sanctissimæ domus desiderio stimu-
lante, lymphati discurrere: concessum ademptumque à

*Anna, Flum.
Hier. Ang.*

Deo munus, quacunq̃ eorum patebat regio, oculis diu, ac voce quaritare. Posteaquam id nusquam apparebat, nec quo tandem migrasset, constare poterat; promiscua virorum, mulierumque multitudo orbitatis dolore ista mœstum paulisper silentium tenuit. Tum vero emerso ab stupore animo, effusi simul omnes in lacrymas, querelaque ingens suæ gentis vulnus prodere infinita lamentatione coeperunt. Nimirum illud cæleste donū ipsi ostensum, alijs traditum. Illud Dalmatiæ perfugium, illud ægrorum auxilium, illud miserorum solatium, illud decus, ac præsidium nationis sibi ereptum: talem patronam Dalmatis, talem tutelam adeptam finitimis gentibus. Vtique ipsos indignos tali pignore fuisse: minore id ab se religione, minore studio quam par foret, cultum; sed quam tandem vbiuis gentium religionem, quod studium, quem cultum cælesti illi, præcellentissimoque dono parem esse posse? hæc si causa mutandæ sedis fuerit, vbiunque confederit, subinde sedem mutandam fore. Hæc, & alia pro se quisque memorant, quæ præsens dampni sensus, dolorque subijcit haudquaquam relatu facilia scribenti. Ad vltimum lamentandi defatigatione magis, quam satietate victi, ad Frangipanium frequentes coeunt; integratoque fletu, auxilium ab eo, & consilium petunt. Ille, & si communi vulnere ictus, mœstusque plusquam pro virili parte, egebat ipse solatio; vicit tamen animum, & mœrore dissimulato, populi luctum sua authoritate, sapientiaque absterisit. Graue utique damnum acceptum esse, & quo vix maius vllum accipi potuerit ab irato Deo: ut nullæ lacrymæ, nulli gemitus, eiulatusve exhaurire animi dolorem queant. Cæterum immerito ipsos tantopere queri: Cælestis doni usuram à Deo datam nulla præstituta die. Proinde non esse cur quererentur repetitam; cum voluisset is, qui dedisset. Quin potius grates agerent numini de concessō aliquot annis usu tanti, ac tam frugiferi pignoris; & præsens incommodum præteritorum

commo-

commodorum memoria compensarent. Porro daturum se operam, vt ademptum diuini muneris fructum aliqua ratione reuocet, tantique boni desiderium leniat. Quippe in ipsis sanctissimi sacelli vestigijs consimilem ædem B. Virgini excitaturum: quæ simul posteris tantæ rei monumentum foret, simul ipsis tam grauis damni solatium. Confidere vtique se, etsi absit natalis Domus B. Mariæ, eius opem non defuturam. Nec Prætoris dicta magnificentiora factis fuere. Paucis annis, ipsius ære, sumptuque noua ædes Deiparæ dicata in iisdem stetit vestigijs. Templum insuper ædi circumdatum est opere, cultuque magnifico. Quod hodie exstat haud clarius Frangipaniorum munificentia, quam tanti miraculi monumentum. Nec vero conditoris vocem B. Virgo irritam esse passa. crebra inibi deinceps edita miracula, & illam sedem Deiparæ cordi esse; nec eius Illyricis deesse præsidium satis ostendunt. Id templum hodie Franciscanis, qui ab Obseruantia nomen accepere, commissum est, celebritate, ac fama illis locis clarum. Cæterum ea res Dalmatis Nazarenæ domus desiderium, non tam expleuit, quam accendit. Namque ab eius discessu annus iam agitur trecentissimus: Et tamen illi adhuc tanti erepti boni memoria, haud secus, ac recenti vulnere, ingemiscunt. Argumento est, quod cateruatim quotannis transmissio Adriatico mari, Lauretum ventitant, non magis B. Mariæ incunabula venerantes, quam orbitatem lamentantes suam. Quorum solemnnes illæ voces, REVERTERE AD NOS MARIA, REVERTERE, haud parum ostendunt, eorum desiderium æternum fore, cum trecentorum annorum spatio nulla sit lenitum ex parte. Eadem porro voces testes haud dubiæ sunt Nazarenæ domus ex Illyrico in Italiam asportatæ.

Dalmatarum
desiderium
Sacros. Do-
mus.

*In Picenum aduecta Recinetensem insidet syluam:**Cap. V l.*

*Prep. Ter.
Hier. Ang.*

CAeleste autem hoc donum mira opportunitate transfmissum Italiæ est, anno M. CC. XCIII l. qua tempestate funectis Velsorum, Gibellinorumque factionibus diuisa, odijs, bellisque plusquam civilibus tota flagrabat. Igitur ipso interregno, quo Bonifacius VII. Pont. Max. creatus est, Quarto Id. Decembris, insigni ac sempiternæ memoriæ commendando die, Virgo Deipara pacem, salutemque Italiæ ferens in Piceno suæ domui sedem optauit. Picenum regio Italiæ est haud ignobilis, & satis opulenta, e regione Dalmatiæ sita, interiecto Adriatico mari, quod etiam superum appellatur. Ergo sacrosancta domus è Dalmatia trans Adriaticum finum (qua traiectus patet millia passuum ferme C.) in Picenum delata, confedit in Recinetensis agri sylua, mille circiter passus à mari. Ea sylua matronæ cuiusdam Recinetensis erat diuitis iuxta, præque Lauretæ nomen fuit. Cuius deinde nomine Lauretana ædes appellata immortalem vicissim reddidit celebritatem ei, vnde nomen acceperat.

*Arbores ad
S. ædis ad-
uentum in-
clinantur.*

Tenet fama (nec vana est fides) venienti Deiparæ domicilio arbores obuias, velut venerabundas inclinasse se: ac deinde pronas perstitisse, quoad æuo, ventis, ferro procumberent: Proinde dum staret nemus (quod hodie excisum est) inclinatas ad ædis aduentum, longo ordine arbores monstrari solitas peregrinis, tanti miraculi testes. Recens est adhuc memoria. Narrauit mihi haud dubia fide vir, abse complures illarum arborum non fere amplius viginti ab hinc annis, nec semel, nec sine admiratione conspectas: toto videlicet trunco pronas eas fuisse, ac proclinas versus mare, qua sacrosancta Domus indestinatam syluæ sedem sublimis inuecta transierat: Easdem

dem porro arbores, exciso etiam saltu superstites diu fuisse, religione tutante. Demum annis ab hinc circiter xx. rusticorum accolarum inscitia cæsas, ne impedimento arationi forent. Intempesta nox erat, cum Virginis domus vacuum sylvæ spatium insedit. Custodiebant tum armenta Recinetensium in proximo saltu pastores, diuisis inter se de more vigilijs; cum subito lux sacræ circumfusa domui excubantium oculos eò repente conuertit. Mirum eis videri, nouum in solitudine illa tectum, & quidem luce conspicuum subito exstitisse. Et fuit inter eos, qui eam cospexisse se diceret, cum sublimis supra mare ferretur. Igitur socijs ad spectaculum excitatis, primò multa inter se (vt est admirantium mos) sciscitari: inde mutuis se vocibus ad rem explorandam accendere: omnesque pariter id quod erat, coniectare coeperunt, ibi aliquid esse diuini. Accedunt, tectum subeunt. Limen ingressi cohortescere primum animos, mox inusitata quadam dulcedine perfundi sentiunt. Itaque venerabundi precibus reliquã exegere noctem, quæcumque sub tecto erant, intentius contemplantes. Prima inde luce, ex ijs nonnulli Recinetum (aberat ab eo loco millia passuum ferme quatuor) iter intendunt: quæ viderint dominis nunciant. Tota res primo ob authorum simplicitatem, cum ipsis authoribus spreta; vana scilicet ab eis afferri, & fortasse obiectam in somnis imaginem. Pastoribus deinde omni asseueratione affirmantibus, enimvero oculos facturos fidem, si velent; domini magis velle credere, quàm audere. Ad vltimum, ne aut creditum temere tam insolitum miraculū rusticorum hominum testimonio, aut pro vano prætermissum, quod verum esset, ipsorum incuria videretur; illis comites addunt se, quid tandem rei foret exploraturi. Vbi ventum est in demonstratum nemoris locum, & pastorum fides extitit; vix satis oculis, vix sibi quisque credebatur. Certe illam ædem ibi nunquam antea visam; nec recens conditam, quod eius vetustas satis ostendat. diuinus

nitus utique aliunde aduectam, aut cælo delapsam. Talia admirabundi inter se mussitantes propius accedunt: tectum cernunt non tam specie, quàm antiquitate insigne. mirantur adeo vetustum ædificium stare nullis innixum fundamentis, nullis suffultum adminiculis. Mox suspensis animis limen intrant. B. Virginem Iesum puerum manibus complexam supplices venerantur. Nec pietatis defuit fructus. tantus repente eos lætitiæ mistus horror incessit, nusquam ut in omni vita præsentius Dei numen sensisse se dicerent. Confestim igitur in urbem citato recurrunt gradu, diuinum munus inter se sibi, & patriæ gratulantes. Præcipuum Lauretæ matronæ gaudium fuit, cuius saltum diuina illa ædes infederat. Ut primum urbē tanti miraculi fama peruasit; velut signo dato, mirus hominum cuiusque ordinis, ac generis insolito spectaculo oculos implere cupientium concursus fieri in syluam. Non pueri, non puellæ, non senes, non debiles domi continere se posse. Aegri quoque relictis grabatis, adrepere, visendi cupiditate, ut sit, vires subministrante. Plerique impetu quodam ardoris ruentes certatim ante alios prouolabant, ut tale spectaculum oculis capefferent primi. Quo propius perueniendi spes admouebatur, hoc magis concurrentium multitudo, visendique cupido crescebat. Vbi vero sacrosancta sedes, cuius conspectum rami arborum interseperant, in apertiore saltum ingressis subito apparuit; confestim omnes in vnum conuolare coeperunt. tantique vndique ex syluæ semitis repente concursus facti, adire, contingere, osculari sanctos parietes cupientium, ut se mutuo prementes pene alij super alios corruerent. In augustæ sedis ingressu, dum venerabundi salutant Virginem, ingenti religione perfusi lacrymarum vim profundunt; consilia ineunt melioris vitæ: ab eo loco diuelli nequeunt. Inter hæc ingentes vndique ægrorum præcipuè, ac debilium clamores exaudiri, confusis vocibus patronam, matrem, cæli reginam, Dei parentem appellan-

Recineten-
sium cōcur-
sus.

pellantium : valetudinemque ac sanitatem crebris exposcens precibus . Nec voces vanæ , nec preces irritæ cadebant . Protinus depulſis morbis , reſtitutiſque viribus multorum , diuina vis extitit . Tum vero ingeminari clamor coeptus agentium Deo ac Virgini grates , & cæleſtem vim , opemque prædicantium in ſe ipsis expertam . Ergo , vt Recinetenſibus diuinæ lux liberalitatis affulſit ; certatim ſanctiſſimæ Virginis cella coli ab eis , celebrarique coëpta eſt . Sed priuata inter publicos honores , Lauretæ ſtudia eminebant : ex quo Aedi Lauretanæ deinde nomen factum . Fama interim (qua nihil talibus in rebus eſt celerius) ad finitimos populos diſcurrit , Lauretanam ædem miraculis inſcyltam ferens . Extemplo igitur , prout ſua quemque religio , aut neceſſitas ſtimulabat , ad nemus accurrere , adducere , aut deferre ægros neceſſitudine aliqua iunctos , opem poſcere , vota facere coeperunt . Voti eos compotes fuiſſe , & ipſorum Deo , ac Deiparæ grates agentium voces , & votiux deinde tabellæ de parietibus vulgo ſuſpenſæ docebant . Facilis quippe , ac potens patrona Dei mater apud Deum erat : quæ , & viam impetraturis oſtenderet , & vltro opem , ſalutemque ſupplicibus impetraret . Porro conſtuentium populorum religionem commendabat loci ſolitudo . Nulla tum erat in ſylua domus , nullum hoſpitiū , nullum ſaltem receptaculum , præter arbores , quæ nudatæ per hyemem frondibus , tectum peregrinis parum hoſpitale præbebant . Videres homines , etiam opulentos domi ſux , ac delicatos pernoctare ſub dio , quamuis infeſta imbribus , frigoribus , niuibus , tempeſtate : populos per contubernia diuiſos circa ſanctiſſimam ædem ſuper herbam inter arbores veſci : humique cubantes , quâ ſomnum , aut quietem capere , quâ psalmos , hymnoſque modulari ſine vlllo prorsus , aut ferarum , aut latronum metu . adeo incenſa pietas omnia incommoda periculaque vincebat .

Laureta ſyl
ux domina
Lauretanæ
ædi nomen
dedit.

E sylva transfertur in Collem duorum fratrum.

Cap. VII.

*Præp. Tere.
Hier. Ang.*

AT sempiternus humani generis hostis tanto cælestis Reginx cultu, tantoque Christianorum bono, haudquaquam lætus effusam Picentium lætitiā, religionemque omni ope disturbare decreuit. Igitur ne conualesceret pietas populorum, prius quā tantum loco religionis esset, quantum futurum apparebat, occupat aduenis, ac peregrinis inferre bellum. Erat B. Mariæ sacellum in loco deuio, ac mari proximo, & frequenti sylua, procerisque arboribus septo. Adibatur semitis densa inter virgulta, arboreſque. Et plerique inermes ibant, satis sibi præsidij in Virgine loci præſide reponentes. Ergo facinorosi quidam proiectæque audaciæ homines, non magis prædandi opportunitate illecti, quā ab infernis, ut creditum est, furijs instincti, semitas quæ ad Aedem ferebant, obſidere, & circa densis obſita virgultis loca, in obſcuris ſubſidere inſidijs cœperunt. Inde subito exorti venientes peregrinos excipere, adoriri incautos; pecunia, vestibulque, & si armis obſisterent, vita quoque ſpoliare. Itaque breui totus ille saltus latrocinij, cædibusque infectus, atque infamis, abſterritis aduenis, ad ſolitudinem eſt redactus. Iamque obſoleſcente in dies cultu, ſacroſancta Aedes euaneſcebat; cum Deus indignum ratus paratum ab ſe mortalibus perſugium ſalutis, inferni hoſtis ſcelere in perniciem verſum; tutiorem opportunioremque aduenis ſedem ſuæ matrisque ſuæ domicilio delegit. Collis erat leniter accliuus mille fere paſſus ab eo loco, propius Recinetum, non longe à via militari. Huc igitur ſacra domus octauo circiter menſe, quam lucum inſederat, ſublimis aufertur ab Angelis, & in collis ſiſtitur vertice. Poſſidebant eum collem communiter fratres germani duo Recinetenſes

nietenses concordibus animis, qui cælesti dono mirè latrī sanctissimam ædem conjunctis studijs colere cœperunt. Auxit loci mutatio, nouique miraculi fama, vt admiratiōnem, sic religionem accolarum æque aduenarumque. Quippe, vt Lauretanam Aedem locum mutasse, & relicto obnoxio grassatoribus salu, tutum à latronibus, opportuno peregrinis occupasse collem distulit rumor; exemplo finitimis populis eius reuisendæ cupidinem accendit. Prorinde siue intermissam latrociniorum metu tanti boni vsuram sarcire, siue nouam migrationem, quam auribus acceperant, oculis subiicere cupientes, eo summis vndique studijs conuolant. Horum plerique eandem ædem nuper in sylua coluerant, quam nunc in collis vertice extra syluam colunt. Quo maior omnes admiratio, & stupor defixos tenebat. Ergo sacellum, & veteribus prodigijs, & mutatæ denuo sedis miraculo venerabile, certatim accolæ votis, vocibusque celebrabant. Grates inde, & Deo, & Dei parenti pro se quisque agebant, quod religiosissimā sedem latrocinijs violatam non abstulissent alio, sed in tuto colle statuissent, opportuno aduenis loco. Porro crescente in dies peregrinorum multitudine, cœpit augeri quotidie celebritas Aedis: parietes votiuis tabellis, cereis imaginibus, preciosis vestibus contegi: ara congectis vndique donis, pecuniaque compleri. Sed aucta sacelli opulentia imminuit religionem eorum, quorum studia maxime augere debuerat. Itaque auaritia breuiorem etiam, quàm in sylua fecerat, augustissimi sacelli stationem in colle fecit.

Ex fratrum colle ob eorum auaritiā, discordiamque demigrat. Cap. VIII.

ERat is collis (vt supra demonstraui) communis duorum fratrum, qui primo sanctissimum domiciliū, *Præp. Ter. Hier. Ang.*
aug D haud

haud secus quam par erat; sanctè, ac piè colebant. Felices si diuino munere ad cultum uti, quam abuti ad quæstû maluissent. Cæterum opulentioribus in dies donis religiosissimam ædem cumulari cum viderent; cupido angustos animos vicit: & religionem, pietatemque penitus extinxit. Namque hæreditatem sibi uterque venisse rati, sacro auro, argentoque inhiare primo: inde stimulante avaritia, odio plusquam fraterno inter se dissidere cœperunt: Ad ultimum, dum uterque ad se emolumentum trahit, cū altercatione congressi, ab irarum certamine ad arma venire. Iamque haud procul erat, quin germani fratres se; augustissimamque Deiparæ cellam (adeo nihil sanctum avaritiæ est) fraterno cruore respergerent; cum Deus tantum facinus, sublata facinoris causa, præuertit. Ergo non minus fraternæ discordiæ, quam syluestri latrocinio insensus, maternam domum ad iactum ferme sagittæ ab eo loco in proximum collem, versus mare submouit: atque in ipsa via militari, quæ ducit ad portum Recinetensem, locauit, à mari millia passuum circiter duo. Ita, & discordiarum, & latrociniorum materies adempta; ac stabilis aliquando, ac certa sedes capta. Stetit sacra Domus in colle fratrum paucos scilicet menses. constat quippe nondum vertente anno, post eius in Italiam aduentum, in eo colle, ubi nunc visitur, consedisse. Ita in agro Recinetensi tènàntra anni vnus sparium, siue accolarum vitio; seu potius diuino consilio, sedem mutauit. Intra quinquennium verò post eius à Galilæa discessum, quatuor loca suis vestigijs nobilitauit. Nec tamen mutatis locis religionem mutauit, sed magis, magisque auxit.

Vestigia locorum, quæ sancta Domus occupauit.

Cap. V IIII.

Nier. Ang.

ET extant his omnibus locis hodie haud dubia rei argumenta. Nicolaus quippe Frangipanius (ut supra

pra ostendimus) nouam ædem Nazarenæ parem, ac geminam in iisdem vestigijs, vbi illa steterat, ab se exstructam magnifico circumdedit templo. Id templum S. Mariæ à Tersacto vocatur, vel veteri sanctissimi sacelli memoria, vel nouis miraculis nobile. Et in eo templo ad ianuam a simulatæ Nazarenæ Domus egregium Nicolai Frangipaniij monumentum hodie visitur; qui templi conditor pro sua erga natalem Virginis domum eximia religione, proximum illius vestigijs sepulcrum elegit sibi, posterisque. Quin etiam marmorea inibi tabula exstat perantiqua tanti miraculi ad posteros testis. In qua incisum: **HIC EST LOCUS, IN QVO OLIM FUIT SANCTISSIMA DOMVS B. VIRGINIS DE LAVRETO, QVAE NVNC IN RECINETI PARTIBVS COLITVR.** Harum ego rerum authores habeo haud dubiæ fidei viros complures; qui mihi se vidiſſe narrarunt. Eo autem loco, vbi primum in Picenum delata confedit, quamdiu sylua stetit (stetis autem vsque ad annum sæculi huius ferme LXXV.) haud obscura extiterunt ædis ablata, miraculique indicia. Quippe area, quam sacra occupauerat Domus, nitebat semper vernantibus herbis floribusque, cum omnia circa densis obsita virgultis, ac sentibus horrerent. Nec dubia res. author est Hieronymus Angelita in Virginis Lauretanæ historia, quam Clementi VII. Pont. Max. dicauit eo ipso tempore, cum hoc visentibus miraculo erat. Visebantur pariter cum area sanctorum parietum solo impressa vestigia, sanctitatem & quasi diuinum quiddam spirantia. Id adeo ipsemet accepi à Raphaele Riera spectatissimæ fidei, ac religionis viro, qui Aedis vestigia, atque areæ nitorem sæpius magna cum voluptate se spectasse memorabat. Cæterum exciso nuper nemore, ac solo arationi destinato, eximia illa amænitas ab imperito rerum agricola, & fossione, & satù olerum violata defecit. Itaque ad retinendam loci religionem, ab eo-

dem illo Riera in ipsis vestigijs quoquo versus parietes paulum à terra sunt excitati, siue monumentum ad posteros, ibi olim Lauretanam stetisse Domum; siue aduersus pecudum, & rusticorum iniurias munimentum. Vidi ego ipse, & inspexi locum cum hæc ipsa litteris præderem. animaduerti parietibus illis aream includi, & longitudine, & latitudine Aedi Lauretanæ vsquequaque parem. Areæ porro solum cætero circa solo simile, amissa insigni illa amænitate, quam habuerat prius, quam sanctitatem loci rustica temeritas violaret. Verum enimvero ita amisit amænitatem, vt retineat religionem. Hodie religionis ergo à multis visitur, à pluribus etiam viseretur, nisi vulgo ignotus esset locus. Olim quidem, cum esset siue ob insignem illam amænitatem, siue ob commoditatem viarum notior, adeo coli à peregrinis solebat, vt nemo fere Lauretanæ Virginis cellam se adisse crederet, qui non illa quoque prima eiusdem cellæ vestigia coluisset. Deuius omnino est locus, atque altius: neque enim certis semitis aditur, & perito itineris diuicè opus est. Distat ab oppido Laureto mille ferme passus, tantundem etiam à mari, non tam recta regione, quam per anfractus semitarum. Situs est inter Montem Vrsum, & Mulsionem fluuium, pari fere intervallo, atque inter Lauretum, & mare. Vulgo Banderola dicitur, fortassis ex vexillo, quod olim ex arbore quapiam eminebat pariter omnibus conspicuum, vt sacrosancti facelli in nemore latentis sedem peregrinis venientibus; & nautis præter eam oram nauigantibus significaret. Certe paruum vexillum Itali Banderolam appellant. Propter sacram aream, quam dixi, puteus est ingens, qui perennes, & haurienti faciles subministrat aquas. Insolitam illam putei amplitudinem ad ingentis alicuius multitudinis, idest ad populorum illuc confluentium usum conditam sentias. In colle porro duorum fratrum obscuriora argumenta cernuntur. Namque is collis ad ædificiorum commoditatem, oppletis conuallibus,

arqua-

æquatus, cœdificatusque est, cum Lauretum oppidum conderetur. Locus tamen, aut loci potius vestigium monstratur. Extra priuatarum ædium parietem extat rudis quædam, metæ instar, turbinata particula excisi collis, tecto modico insignis. Id vnum superest capte inibi, deferreque à B. Maria sedis indicium. Domus cui vestigium hoc adhaesit, non procul Pontificiarum ædium ianua, ad dexteram ingredienti sita, Laureti oppidi velut vmbilicus est. Ac procedens inchoata Pontificiorum tectorum pars totam ferme illam regionem occupabit. Sed tum quoque (vt reor) aliquod relinquetur monumentum rei, locique: ne tam memorandæ rei vestigium intereat.

Præcipuus locus, situsque admirabilis Aedis Lauretane. Cap. X.

CAETERUM in illis locis sedem sibi Deipara Virgo delegerat ad diuersandum magis, quàm ad habitandum, minimè scilicet diuturnam. Quippe cum eo demum loco vbi nunc est, ab initio sedem animo destinasset stabilem, & (nisi incolarum, accolarumue aliquod delictum obsteret) vt speramus æternam. Neque enim ambigi fas est, quin Dei mater, & Dalmatarum in Illyrico indiligentiâ, & immanitatem latronum in sylua, & in communi duorum fratrum colle fraterna odia, vt prouidere à principio, sic vitare potuerit. Nimirum illa istarum rerum satis gnara, ex quo primum tempore Nazaretho Domus excelsit, relicto natali solo, hunc sibi locum elegit, vbi stabilem, ac perpetuam figeret sedem. Verum enimuero opus fuit ad fidem tam insolito, inauditoque antea miraculo affirmandam, eiusdem miraculi frequentatio: vt rem per se incredibilem crebra intra paucos annos loci mutatio credibilem faceret. Qui enim ambigerent deinde mortales, an domus illa e Galilæa esset aduecta, cum eadem illi ipsi audissent

Causa multiplicis migrationis.

*Prep. Tere.
Hist. Ang.*

audissent suo ævo, ex Illyrico in Picenum migrasse, qui vidissent in ipso Piceno intra spatium vix mille passuum, anno nondum circumacto, ter mutasse sedem, locumque Incidit quippe tertia hæc, & postrema migratio in annum à Christo nato M. CC. XCV. qui aduentum sacre Domus in Italiam est consecutus. Operæ autem pretium est de admirabili eius situ cognoscere: Situs enim ipse sacrosanctam illam sedem non humana, sed diuina prorsus arte, manuque locatam facile declarat. Sita igitur est, si qua usquam, ad quatuor cæli mundique regiones, ex Mathematicorum disciplina. Neque id solum, sed ex veteri etiam Sanctorum Patrum instituto, qui aras sacrarum ædium ad solis spectare ortum iuebant. Namque anterior paries, vbi fenestra visitur Angeli ingressu (vt ferunt) nobilis, ad occidentem solem vergit: posterior, vbi ara est ante B. Mariæ simulacrum posita, verum ferme orientem spectat, adeo quidem directo, vt per vtrumque æquinoctium, decem circiter dierum spatio, sol oriens posteriorem, occidens anteriorem aspiciat partem. Itaque sub occasum sol per eam, quam dixi fenestram ingressus ad B. Virginem velut vespertinus saluator accedit, quando matutinus esse nequit obiectu parietis exclusus. Id adeo etiam post sacram Domum templo inclusam obseruatum ferunt; priusquam obuersa templo facies Pontificiæ Domus obijceretur ab occasu. Cæterum non dubito quin eius ianua (perfecto deinde opere) patefacta, illud idem solis Deiparam à templi aditu, per sacelli fenestram quodam modo salutantis, sit præbitura spectaculum. Sinister porro sanctissimi sacelli paries ad septentriones vergit; dexter ad meridiem. Ac proinde Pontificalium tectorum porticus sane magnifica, ad meridiem versa (B. enim Virgo suæ cellæ situ situm Pontificiarum ædium velut præscripsit Architecto) quotidie cum aduersum recta excipit solem, meridiem haud dubium indicat. Hunc autem tam admirabilem sanctissimi sacelli situm non casu occupatum,

Sol per æ-
quinoctium
Lauretanæ
Virg. quodā
modo salu-
bat.

parum, sed diuino quæsitum consilio, vel illud argumeto est; quod in ipsa quoque sylua, eundem plane situm à B. Virgine optatum (vt egomet intentius obseruaui) vestigia, quæ exstare diximus, satis ostendunt. Idem fortasse in colle fratrum accidit: nam ex obscuris vestigijs iudicari non potest. Fortassis idem quoque in Dalmatica sede vsu venit: nihil enim comperti habemus. Sane res ipsa consentanea est. Sacrosanctam quippe Domum duo præcipua mytheria, ortus B. Virginis, & æterni Verbi conceptus insignem fecere; quorum ille fere in autumnale, hic in vernum incidit æquinoctium. Igitur haud immerito eam sol per vtrumque æquinoctium lustrat, sic prorsus, vt velut illorum mytheriorum memor, & sub ortum, & ante occasum Deiparam Virginem pene ambitiosè adire, & quodammodo salutare videatur.

Dalmatarum indicio Picentes natalem B. Virg. Domum penes se esse cognoscunt. Cap. XI.

Sed vt ad rerum ordinem, vnde egregij situs admiratio auertit cursum historix, redeamus; mira primo Recinetensibus noua Aedis migratio videri; deinde etià grata, iucundaque esse. Namque multiplicato trina migratione miraculo, vt creuit fama; & admiratio loci; sic Deus parentis suæ venerationem apud accolæ pariter, & exteros auxit. Vtrique cum sub id tempus nunciata Nazarena, Dalmaticaque eiusdem Domus migratio Picentium animis ingentem incussisset metum, ne sacra Aedes ipsos quoque, præsertim duobus iam locis violata, aliquando desereret. Iam dudum per mercatores, Aedis Lauretanæ rerumque admirabilem famam in Illyricum perlata, Dalmatas nonnihil suspicantes ad inclytam miraculis ædem visendam, Picentiumque pietatem æmulandam accendebat. Dalmatarum ergo nonnulli Lauretanum contem-

*Præp. Teru.
Hier. Aug.*

plati

plati sacellum (vt erat recens Illyricæ migrationis memoria) haud ægrè scilicet agnouerunt. Itaque obortis lacrymis, venerationis munere perfunguntur. mox velut resecato vulnere, ac desiderio ex amissi boni conspectu ingemiscientes, suum detrimentum effusè deplorare cœperunt. Aedem illam, quæ tum in Piceno tanto mortaliū concursu celebraretur, paribus ferme populorum studijs nuper in Dalmatia celebratam. Natale illud Virginis tectum Illyricis primum è Galilæa diuinitus missum, quo tum Picentes transmissio è Dalmatia fruerentur. Id & cælesti indicio enunciatum Dalmatis, & destinatis in Galilæam certis hominibus exploratum. Agnoscerent proinde, & impensius colerent Picentes cæleste donum; ne quod alijs euenisse audiant, ipsis eueniat: & cuiusmodi tandem illud munus sit, carendo magis sentiant, quam fruendo. Se quidem nequaquam desperare (si optatis vota respondeant) illam ipsam Virginis Domum in Illyricum, vnde paucis ante annis abierit, redituram. Hæ & aliæ talès Illyricorum voces, quodd nouæ ad Picentium aures acciderent, (nondum enim quicquam de Nazarena, & Dalmatica migratione fando audierant) à plerisque pro vanis habitæ, irritæque. Cæterum breui noua res diuinitus oblata eas esse veras ostendit.

Heremita B. Maria monitu Picentes ad rem explorandam impellit. Cap. XII.

Prep. Yere.
Hier. Ang.

Collis est nemori, ac sedi, quam in Piceno primam Virgo Deipara elegerat, satis propinquus. Montē Vrsū incolæ appellant. Huc receperat se paucis ante ante annis homo solitarius egregia sanctitate, sacrosanctæ cellæ propinquitatem secutus. nomen non proditur. Illū ipsum fuisse Paulum à Sylua, cuius deinceps mentionem facturi sumus, vt credam, inclinât animus. Is igitur, vt
erat

erat B. Mariæ vnice deditus : ad Lauretanam eius sedem
 ventitabat quotidie : pluresque inibi precibus extrahebat
 horas . Intererat auidè miraculis , quæ Virginis ope pa-
 trabantur , aut patrata narrabantur ab aduenis . Multa e-
 tiam subinde audiebat , quæ à Dalmatis ferrentur haud
 dubijs vulgata sermonibus : non nunquam ipsos audiebat
 Dalmatas suam vicem lamentantes , deflentesque natio-
 nis suæ orbitatem , erepta natali B. Virginis domo , præ-
 sentique tantæ patronæ præsidio amisso . Pius heremita
 cæteris B. Mariæ laudibus lætus , vbi natalem illam Vir-
 ginis domum esse accepit , obstupuit . Enimuero illi res
 pene incredibilis , sed tamen digna visa , quæ summa ex-
 ploraretur ope : vtpote cum tanta res explorata , atque
 comperta Aedi Lauretanæ , cui ipse mire fauebat , ingens
 nomen , ac decus esset additura . Ergo hominem veri
 sciendi , religionisque erga B. Virginem augendæ auidum
 cupido ingens cepit , verum , vanum ne id esset diuinitus
 cognoscendi . Nec mora : inedia , cilicio , verberibus cor-
 pus affligere , mentem in preces effundere , nihil eorum
 omittere , quibus speraret Deum placari , conciliarique
 posse . Præcipuè orare , atque obtestari Deiparam Virgi-
 nem , vt quid tandem sacelli illud esset , aut vnde esset , cer-
 to aliquo indicio declararet . Nec incensæ eius pietati ,
 votoque Virgo defuit . Alter agebatur annus à sacra Aede . S. Domus
 in Italiam aduecta , cum per somnium ei B. Mariæ species B. Mariæ in-
 offeretur , quæ bono illum animo esse iussum docet , se do- dicio agno-
 micilio , quod in terris olim habuerit , in Italia sedem ele- scitur.
 gisse . Id quippe quod negligentius coleretur , è Galilæa
 in Dalmatiam , inde in Picenum , Dei nutu , cælestium mi-
 nisterio deportatum : ibi semet genitam , ibi diuinam con-
 cepisse prolem . Idcirco illam ædem Deo semper , ac sibi
 cordi fuisse , ac fore . Addit cætera , quæ Alexandro Ter-
 factensi Antistiti (vt antea dictum est) exposuerat in quie-
 re . Ad extremum adiungit id donum superum concessu ,
 ac munere singulari , Picentibus atque Italis datum , vti-

que in tantis calamitatum procellis, malorum solatium, veniæ pignus, pacisque: in cæteris deinceps mortalium, periculis, & ærumnis per fugium omnium gentium, præsidiumque certissimum. Proinde abiret, & hæc Recinetensibus finitimisque populis nunciaret. Ille somno excitus, & cælesti indicio mire lætus extemplo B. Mariæ mandata exsequitur. Ac primo Recinetum profectus primoribus ciuitatis visum enarrat, cætera exponit: Mariam ipsam sui sermonis authorem nominat. Recinetensibus stupore defixis, alios deinceps populos strenuè percurrit, eadem ingenti animi ardore denuncians. Id Picentibus vanum primo somniū visum: & author à multis pro somniatore habitus. Deinde vero, quoniam de dato ademptoque diuinitus Dalmatiæ sacello, Dalmatarumque Aedem Lauretanam agnoscentium testimonio, obscura quædam per eos dies fama emanarat; collegere sese, ac tantam rem minimè negligendam existimarunt. Et recens eos admiratio stimulabat, quod eandem ædem ter vno anno sedem in agro Piceno mutasse meminerant. Ergo internuncij vltro, citroque missi: ac demum Recinetensibus authoribus, communi Picentium consilio decretum, vt ære contributo, certi homines in Illyricum, inde in Galilæam mitterentur rem oculis, certisque indicijs exploraturi.

*Sexdecim viri in Dalmatiam, & Galilæam
missi adfirmant miraculi fidem.*

Cap. X I I I.

*Prop. Ter.
Hier. Aug.*

Igitur sexdecim viri fide, religione, autoritate præstantes ex omni Piceno lecti. His datum negocium, vt Dalmatiam primum, inde Galilæam explorantes, rem omnem intentius inuestigarent: & de natali B. Mariæ domo, quæ illis locis fuisse diceretur, comperta omnia domum

mun referrent. Confestim illi transmissis Adriatico sinu, Tersactum delati accolis aduentus causam aperiant sui. Ardebant dolore ex recenti adhuc vulnere Dalmatæ omnes. Talis ergo boni amissi recordatione ingemiscentes summum eius desiderium vocibus, ac lacrymis testantur. Legatis amice rogitantibus aream monstrant, quam B. Virginis Domus infederat: atque inibi geminam illi, ac similem ædem, rei monumentum, exstructam. Et simul integrato fletu, queruntur, ea sola Illyricis cælestis doni reliqua esse vestigia. Alijs tam diuini muneris concessam gloriam, sibi tantum famam relictam. Itaque Picentium legati Aedis Lauretanæ mensura, quam secum ad hunc usum attulerant, quaquā versus ducta, quod vacui erat spatij, id Lauretanæ Aedi prorsus congruere deprehendunt. Scitanti inde tempus amissi sacrosancti sacelli comprehendunt, id eodem planè tempore Illyricis ereptum, & Picentibus datum. Re satis explorata, cum utrique commemorassent præcipua utrobique patrata miracula, manantibus certatim lacrymis diuelluntur, alteri desiderio mœsti, alteri lætitia gestientes. Legati igitur è vestigio vela faciunt, & Corcyram, Cretam, Cyprum celeriter præteruecti in Palæstinam secunda tempestate perueniunt. Cæterum cum iter tutum non esset, vagantibus passim, per totam Syriam Turcicis armis; pecunia præsidium emunt, quo in Galilæam perducantur, ac deinde reducantur ad nauim. Ergo augustissimum Christi sepulcrum, Hierosolymæ venerati in Galilæam ire pergunt. Nazarethum ut venere, natalem B. Mariæ inquirunt domum. De Christianis, qui qualescunque supererant in medio nationis prauæ, sedulo sciscitantur. Ab his edocti, quæ vigente adhuc Christiana re in Syria, partim ipsi à maioribus acceperant, partim suis ipsimet oculis viderant, ad optatum ducuntur locum. Reperiunt aream cum fundamentis auulsæ domus in solo relictis, quæ intentiore cura dimensi, omnia omnino cum Illyricis vestigijs, Aedisque

Lauretanæ forma, ac parietibus conuenire comperiunt. Re utrobique gesta ex sententia, admodum læti conscendunt nauim: ac remenso mari, Anconam vnde soluerāt, reuehuntur incolumes. Protinus domos repetunt, Magistratibusque, ac primoribus ciuitatum, vnde missi erant, comperta referentes, suam illis lætitiā impertiunt. Et Recinetenses successu læti legationis, cuius auctores fuerant, monumentum exstare voluerunt. Rem omnem in publicas tabulas referre placuit, additis sexdecim legatorum nominibus, testimonijsque, quod res testatior ad posteros foret. Earum litterarum exempla in priuatorum ædibus asseruata ad nostram vsque ætatem peruenerunt. Hæc autem per legatos cognita sunt anno à Virg. Partu M. CC. XCVI.

Hier. Ang.

Erap. Terr.

*B. Virgo Lauretana Patrona à Picentibus
adoptatur. Cap. XIV.*

EXtemplo fama, vt solet, strenuè finitimas vrbes pagosque discurrit, sexdecim legatos ex Illyrico, & Galilæa reuectos renunciasse, manifestis compertum indicijs, Lauretanam Aedem esse eam ipsam domum, vbi Dei parens genita sit, & ab Angelo salutata. nimirum eandem primum ex Galilæa in Illyricum, deinde ex Illyrico in Picenum diuinitus transportatam. Et per idem fermè tempus tertiam in agro Recinetensi migrationem eadem fama vulgauerat. Ergo plerosque mortales, velut nouo ex noua fama animorum ardore concepto, ingens cupido cepit cælestis doni ad se inde vsque ab oriente transmissi in noua sede visendi, colendique. Omnes quippe ita rem vulgo interpretabantur, Deiparam Picentibus suam ostentasse tutelam. Proinde reliquum esse, vt ipsi in eius clientelam, fidemque committerent se. Consequentim igitur ex omnibus prope oppidis incolæ plenis effusi portis,

Picentium
concurfus.

portis, vijsque ad Lauretanam Aedem contendere cœperunt. Nec firmi tantum, ac valentes procurrere, sed etiam ægri & imbecilli, neglecto medentium imperio, prorepere ipsi si possent, sin minus, ab alijs, vt cumque se iubere deferri. Cæterum ex plerisque Piceni vrbibus, oppidisque paulo opulentioribus, populi linteati pluribus agminibus, tanquam cohortes sub signis, incedebant insignibus, coloribusque distincti. Qui certatim Deo, Deique parenti carmina canentes, symphoniarum, tympanorum, tibiærum cuncta circum loca festo complebant sono. Hos deinceps misti mulieribus, pueri, puellæque vno velut agmine sequebantur. Ad sacellum Virginis, vt ventum est (quoniam loci angustia tantam hominum multitudinem excludebant) in ipso conspectu sanctissimæ Domus, submissis genibus tanti muneris largitorem vniuersi pariter adorant. Exinde ad agendas Deo Deiparæque grates versi, in tanta malorum, partim instantium, partim vrgentium mole, pacem ac veniam precibus exposcunt. Ipsamque Dei parentem enixius orant, vt quoniam Piceno cladibus afflicto voluntariam se Patronam obtulerit; Picentes in suam fidem, tutelamque recipiat: & volens, ac propitia suam semper sospitet gentem. Nec inane tutelæ, clientelæque nomen fuit. Ex eo tempore, & B. Maria certissimam se Picentibus Patronam, & illi vicissim se deuotos B. Mariæ clientes perpetuo præbuere, Lauretana, eius Aede non solum ornanda, sed etiam tuenda.

*Sacra Domus celestibus illustrata flammis in dies
magis celebratur. Cap. XV.*

NAm quotidianis in salute humanis corporibus reddenda miraculis, interdum accedebant prodigia cælestia haud dubiè significantia B. Virginem Picentibus adesse. Visa non semel est per noctem subita de cœlo effundi

Hic. Ang.

fundi flamma, quæ primo velut pluribus sparsa locis coruscabat, deinde vno quasi facto agmine, ad Deiparæ cel-
lam tendens omnia circum cælesti luce complebat. Visum
etiam sæpe crebris luminibus collucere tectum summa cū
admiratione, lætitiæque intuentium. Angelorum manuum
ad cælestis reginæ domum excubantium videre te crede-
res. Ergo Recinetensis Antistes, in cuius diocæsi is locus
erat, ad religionem id pertinere ratus, pro officij sui ratio-
ne Bonifacium VIII. Pont. Max. tota de re certio-rem fa-
cit. Impetrata ab eo Lauretani sacelli procuratione, opti-
mum factu existimavit, laxare spatium aduenis. Exem-
plo igitur solum quod circa Aedem erat, Recinetensium
dono consecrat Virgini. Cum aræ spatium etiam loci ce-
lebritas aucta. Excipiendis quippe hospitio peregrinis
(qui ante id tempus conferti sub dio cubitabant in via),
casæ primum, ac tuguria; inde tecta exstrui cœpta. Et quo-
niam dorsum inæquale vtriusque collis (interiacente præ-
sertim conualle) haud sane commodam præbebat ædifi-
cij sedem; duorum fratrum collis plus æquo eminens æ-
quatus: conualle expleta: dorsum dilatatum, vt excitan-
dis citra viam tectis æqui spatij satis foret. Ita breui haud
infrequens qua sylvestribus tectis, qua domibus extitit
pagus in dorso collis vtriusque porrectus. Pago Lauretum
nomen inditum: vt ab eadem illa Laureta, quæ B. Virgi-
ni vnice dedita fuerat, appellaretur ædes, pagusque. Ho-
spitiorum opportunitas loci religioni iuncta mire hospi-
tum, aduenarumque frequentiam auxit. Cui quidem no-
ua subinde res celebritatis adiecit vel plurimum. Per id tē-
pus Bonifacius VIII. Pont. Max. (cuius Pontificatum sa-
cræ Domus in Italiam aduentus insignem fecerat) ingen-
tibus terræ motibus, cladibusque partim illat. s, partim
impendentibus Italix commotus, ad auertendam cæle-
stem iram curas omnes intendit. Salubri ergo consilio se-
cularem annum (Iubilæum vocamus) vel instituit, vel in-
stauravit, Apostolorum Petri & Pauli limina ritè adeun-
tibus

Lauretum
pagus con-
dicitur.

S. Anon. p. 3
Plati. Bonif.

Io. Vill. li. 1.

tibus delictorum omnium indulgentiam largiens. Itaque ipso anno post Christum natum M. C.C.C. qui primus Iubilæi celebritate insignis fuit, noui Pontificalis beneficij fama in omnes orbis Christiani regiones perlata incredibilem omnium gentium, totiusque occidentis exciuit sedibus suis molem. Quippe tanti vndique cunctarum nationum concursus ad Urbem facti aduenarum, vt multitudinem Vrbs quamuis ampla vix caperet. Nullus pene dies abibat, quin Vrbs ducenta peregrinorum millia hospitio exciperet, præter innumerabilem multitudinem, quæ erat in via. Horum igitur plurimi præsertim, quibus Recinetum minimè deuium erat, miraculorum fama exciti ad Aedem Lauretanam vtique diuerterunt, testes ac nuntij suis quisque popularibus futuri eorum, quæ de tam inusitato, inauditoque miraculo, non tam aliorum sermonibus acceperissent, quam suis ipsimet oculis haussissent.

Parietes sanctæ Domui pro fulcimento adiecti, recedunt; his tamen amplæ porticus applicantur. Cap. XV I.

INter hæc Recinetenses tantis populorum concursibus accensi sacrosanctum sacellum impensius colere, tutarique institerunt. Videbant parietes, & tenues, & perantiquos tot iam sæcula stare sine vlllo penitus fundamento. Ingens ergo eos incessit cura veritos, ne paulatim temporum iniuria, procumbentibus parietibus, angustissima orbis terræ sedes Virginis pessum iret, rueretque. Itaque optimum factu rati, ædem specie ruinosam (quoad humana arte atque industria valerent) vndique communire, iactis quantum res ferebat, fundamentis, lateritio eam pariete circumdant. Fama est haud dubijs vulgata auctoribus, nullo modo potuisse nouam substructionem cum sacris parietibus coherere. diceres sacram Domum diuina vi sub-

*Hier. Ang.
Epi. Mans.*

*Tradit. Lam.
Epi. Mans.*

vi subnixam aspernari humanam opem. Quin etiam procedente tempore, noui illi parietes veteribus pro fulcimēto adiecti paulatim recesserunt adeo, vt inter vtrosque parietes, quoties opus foret, puer cum accensa face discurreret, quo disiunctorum parietum fidem explorantibus faceret. Nec vetus est eius rei memoria. Viuebant paucis abhinc annis viri probi, pijque complures, qui discurrentem inter parietes puerum sapius se vidisse narraunt Raphaeli Rieræ homini spectatæ virtutis, ac fidei (cuius supra fecimus mentionem, & deinceps facturi sumus) vnde ipse cognoui. Huic eidem Rieræ Rainerius Nerucius Architectus egregius, ædificationi Lauretanæ præpositus pro familiaritate commemorauit, se Clementis VII. Pont. Max. iussu, demoliendis lateritijs illis parietibus præfuisse, cum marmoream crustam, quæ hodie cū omnium admiratione visitur, substituere moliretur: ac tū admirandum reperisse parietes illos contra omnem Architecturæ rationem, à sacro cubiculo dimotos, neque tam vetustate, quàm arcano quodam consilio ruinosos: vt satis appareret, Dei parentem ad sustentandam suam domum excludere hominum industriam voluisse, quò diuina vis insignior foret, si tectum longe antiquissimum sine fundamentis, vlloue humano auxilio per tot sæcula staret. Fama etiam tenet, antiquissimam Christi crucifixi imaginem simul cum domo aduectam, multiplici per eadem tempora miraculo insignem extitisse. Nam cum eā efferri, & in sacello ad id exornato, vt maiore honore coleretur, reponi Recinetensibus, & Episcopo placuisset; translata subinde in sacram remigrasse Domum, & in suam sedem recepisse se. Itaque illos, re nequiquam sepe tentata, irritò demum incepto destitisse. Ex alio Recinetensium curæ versæ. Nondum excipiendæ aduenarū multitudini satis, siue tectorum, siue tuguriorum erat. Nec iam supererat in sacra æde locus votiuis simulacris, donisque. Itaque ne peregrini, quorum plerique tectis exclu-

si, qua-

Tradit. Lan.

Christi crucifixi effigies in S. Aedem re-
mit-
grat.

si, quasi in statione pernoctabant. sub dio esse cogerentur: neue voriuua dona iniurijs temporum exposita interirent; circa sacellum satis amplas porticus exstruunt, vel aduenarum, vel donorum receptacula. Ara quoque sacello extrinsecus adstructa: vt aduenæ sacelli angustijs exclusi operantem inibi sacris sacerdotem prospectare possent. His adiecta ferunt testæ, vbi sacerdotes, custodes, ministri sacrosanctæ cellæ habitarent. In parietibus porro, quibus porticus applicatæ erant, præcipua sacre Domus mysteria, ac multiplex eiusdem migratio coloribus expressa egregij illa tempestate pictoris manu.

Hier. Aug.

*Cælestia lumina natalem B. Virginis diem celebriorem
in natali eius domo faciunt. Cap. XV II.*

INterim mira dictu, visuque res diuinitus oblata mortalibus ostendit, quo potissimum tempore cordi foret Deiparæ Virgini, natalem domum suam eximio cultu celebrari. Paulus erat quidam homo solitarius, abstinentiæ & sanctimoniæ miraculo venerabilis: cui à sylua vbi, inde vsque à primo sacre Domus in Italiam aduentu habitabat, cognomen fuit. Is igitur post sanctæ Domus è sylua migrationem, sibi quoque migrandum ratus, in proximo nemore, opportuno loco struxerat casam: vnde sacrosancta Aedes, & conspiceretur facile, & adiretur. Eâ quippe veteri instituto adibat quotidie adoraturus Deum cum eius matre, *in loco vbi steterant pedes eius*. Paulus ergo intra tugurium, in sacrosancti sacelli, velut in B. Mariæ conspectu, precibus cælestiumque rerum meditationi de more insistent, notauit sæpius, cælestem flammam longe, lateque diffusam, instat ingentis cometæ, quæ B. Virginis cellæ incumberet. Rem ac tempus intentius obseruans comperit, V. Idus Septembris, hoc est ipso natali B. Virginis die, quotannis quarta ferme vigilia, plurimum la-

Eapt. Mau.
Hier. Aug.Paulus à
Sylua.Flamma cæ
lestis S. Do
mui incu
bar.

bi de cælo ignem, & æquabili testum ædis splendore operire: nec ita multo post sublimem vnde venerat, recipere sese. Stupere Paulus ad tam præclarum spectaculum ingenti voluptate perfusus. Atque, vt erat homo antiqua simplicitate, existimabat B. Virginem ipsam in suam natalem domum flammæ speciei delabi cælo, ad sua incunabula celebranda. Itaque tantæ rei propius spectandæ ausus cœpit opportunitatem temporis captare. Nihil illi longius eo die videri. Demum vertente anno, simul ac cælestis flamma se ostendit; impigre accurrit, cælestem scilicet Reginam superum comitatu septam conspecturus oculis, vt credebat, & impense salutaturus. Cæterum appropinquâti, quo propius spes admovebatur, hoc magis res, ac flâma primum extenuari, ad vltimum euanescere, elabique ex oculis, credulo spectatore spei irritò relicto. Eius itaque animus, quasi illum in se totum transfudisset igne, ardentiore desiderio, curaque æstuabat, ignarus quid tandem cælestis illa flamma portenderet. Et iam decennium abierat, cum quotannis eodem semper die cælestis ille ignis sacro testò incubans, visentisque spem fallens pium accenderat pectus. Ad vltimum cælesti numine precibus exorato, fit compos voti. In quiete per noctem cælesti indicio discit, natali Deiparæ Virginis die, domum eius natalem anniuersaria insigniri flamma: propterea quod ei cordi esset, eum inibi diem insigni cerimonia agitari cõflique. Igitur Paulus, qui admirabile illud spectaculum obfirmato ad eam diem silentio texerat, siue religione tactus, siue, vt creditum est, B. Virginis per quietem subactis imperio, Recinetum strenuè tendit: sacrorum Antistiti primoribusque ciuitatis rem omnem enuntiat. Erat Paulus ab opinione sanctitatis eximix, grauis quamuis magnæ rei author. Antistes ergo simul autoritate viri, simul rei ac temporis congruentia motus, cælestia signa haud vana credidit. Extemplo res in vulgus edita Recinetenses perpulit, vt augustissimam Virginis cellam ipso

ipso natali eius die præcipuo celebrarent cultu, rituque. Quo factum est, vt finitimi deinceps, ac longinqui etiam populi, siue Recinetensium exemplum, siue miraculi famam secuti, Septembri potissimum mense Lauretum æccensis studijs confluant, ad agendum natalem B. Mariæ diem. Et inflare mauit deinde studia populorum noua Pontificum largitas, qui illud maximè tempus (vt suo loco demonstraturi sumus) Indulgentijs amplissimis cumularunt. Talia porro cælestium ignium spectacula complures non annos modo, sed ætates tenuere. Vigessimus circiter annus est, cum Recinetensium plures non minus probitate, quàm ætate conspicui Raphaëli Rieræ, vnde ipse accepi, ita narrarunt. Sub natalem Virginis Deiparæ diem, nocturnos ignes de cælo super Lauretanum tectum labi visos sua memoria, inspectante Recinetensi ciuitate vniuersa: nec semel ab ipsismet cum incredibili animi lætitia esse conspectos. Simul addebant, Pridie eius dici sub noctem intendentibus se tenebris, Recinetenses vulgo concurrere solitos ad tam gratum, iucundumque spectaculum; vt ex mœnibus tectisque, vnde modo Lauretana sedes conspici posset, admirabili illa cælestis flammæ specie oculos, atque animos pascere. Tenet fama anniuersarium hoc spectaculum ad Pauli Tertij Pont. Max. tempora durasse. Nec fermè ex Lauretanis rebus res est alia nobilior. Itaque id non tantum historici memoriæ prodidere, sed etiam Nouidius Poeta minimè obscurus in egregio carmine, quod dicauit Paulo Tertio Pont. Max. mandauit versibus, quos huic historiæ intexere pretium operæ duximus. Is igitur B. Virginem laudibus effereus ita canit:

Euenere igitur, tot stant tibi templa, quot astra,

Quotque sibi gentes maximus orbis habet.

Stent licet, illa placent quibus est hac orta, innatque

Dicere in hoc ingens est Dea nata loco.

Scilicet illius, visu mirabile, in auras

Parthum exosa domus vulsa recessit humo.

Natali B.
Virg die S.
Domus præ-
cipue cele-
bratur.

Cælestis fla-
mæ prodigium recens.

Riera in An-
nal. Laur.
An br. Nou.
Fast. lib. 9.

*Cumque locis diuersa foret, titulosque referret,
Vltima Piceni nomina gentis habet.
Neue sequens atas mendacia credat, Olympi
Hac in nocte illam lambis ab axe iubar.*

Laureto pago legibus temperato, Recinetenses templum sacra Domui circundant. Cap. XVIII.

Bapt. Mant.
Hier. Ang.

Lauretanis
Præses datur.

CAelestibus hisce prodigijs acti Recinetenses ad Lauretanam Aedem summa ope tuendam, ornandamque omnes intendere curas. Iam Lauretanus pagus, multis vndique eo, seu Virginis, seu commercij studio commigrantibus, magis ac magis frequentabatur in dies. Igitur commodissimum rati, incolas vnum in locum congregatos legum institutorumque societate adstringere, iura pariter eis, & Præsides dant, qui præsit iuri dicundo. Rebus intra pagum compositis, foras versæ sunt curæ. Egentes, ac facinorosi homines, siue prædandi occasione, seu prædæ dulcedine illecti peregrinos in saltibus circumiectisque militari viæ nemoribus, palantes, ac vagos adorti spoliabant. Ea res ad Recinetensium dignitatem, estimationemque pertinere visa. Itaque Prætori ciuitatis negotium datum, vt aucto satellitum numero, itinera quæ ad Lauretanam Aedem ferrent, à latrocinijis tuta præstaret. Consilium vt pium, ita felix fuit. Prætor abstrusissimas sylvarum latebras solertissimè rimatus, grassatoribus extremo supplicio affectis, breui summa cum laude omnem repurgauit regionem. Et Prætoris laus in ciuitatem, à qua constitutus Prætor fuerat, redundauit. Ex eo Recinetensi ciuitati iustissimæ cognomen inditum. No-ua subinde illorum temporum calamitas, sacrorumque incuria pietatem Recinetensium fecit illustrem. Interim dū hæc in Piceno aguntur, Clemens V. Pont. Max. tertius à Bonifacio (Benedictus enim XI. Bonifacij successor paucorum

eorum mensium Pontifex fuit. Pontificiam sedem anno eius sæculi quinto transtulerat in Galliam, ingenti cum detrimento Italiæ, Christianæque Reipublicæ pene vniuersæ. Id adeo fortuitum Lateranensis basilicæ incendiū per id tempus portendere Vrbi visum. Nam Clemente Rom. Pont. Lugduni nouam statuente sedem, Romæ Lateranensis basilica, antiqua sedes Romanorum Pontificum (incertum fraude hominum, an casu) deflagrauit. Nec multo melior Italiæ conditio fuit, aut Ioanne XXII. qui Clementi subrogatus Pontificiam Auenione constituit sedem; aut Benedicto XII. cæterisque Romanis Pontificibus, qui Ioannis exemplo deinceps Auenione sederunt. At Recinetensium in nouo templo condendo religio enituit, iniquissimo vel Christianæ Reipublicæ, vel suo tempore. Nuper quippe, hoc est anno M. CCC. XXII. Recinetum iussu Ioannis XXII. quod à Pontifice descuiisset, excisum fuerat; ciuesque alio commigrare iussi. Rebus ergo cum Pontifice compositis, oppidoque in noua sede, vbi nunc est, condito, vel ob direptionem Urbis, vel ob nouarum ædium ædificationem, omnibus fermè erant rebus exhausti. Tamen B. Mariæ Patronæ suæ religione stimulante, templum Lauretano sacello circundare moliebantur. Namque crescente in dies aduenarum, donorumque copia, cum peregrinos votiuaque eorum imagines, ac tabellas adiunctæ porticus haud quaquam caperent; Episcopus Maceratensis, in cuius diocesi Recinetum erat, summa Recinetensium approbatione ædificando circa sacellum templo adiecerat animum. Igitur magnum circumiacentis agri spatium ad eam rem facile impetratum: disturbatisque porticibus, templum ære publico à fundamentis exstructum est, humile illud quidem pro magnitudine; sed tamen satis amplum, capaxque. Adiectæ templo ampliores ædes Sacerdotū, ministrorumque habitationi, & nobiliū aduenarū hospitio destinatæ. Quibus deinde diuersoriū pauperū peregrinorū accessit.

Pontificia
sedes trans-
fertur in
Galliam.
S. Antoni. p.
3. Platin.
clm. V.

Io. Vill. li. 9.

S. Domus
templi cir-
cundatur.

Nova Aedes Lauretana à Benedicto XII. Indulgentijs ornata impensius celebratur. Cap. XIX.

Hier. Ang.

*Benedicti
XII. Indul.*

Condito ornatoque templo ornamentum deinde maius adiectum. Postulatum est à Benedicto XII. Pont. Max. ut certam delictorum Indulgentiam Lauretanum templum rite visentibus largiretur. Haud ægre impetratum. Ex eo tempore tantus Recinetenſium pectoribus ardor iniectus, ut plerique eorum nullis fere negotijs impedirentur, quominus Lauretanam Aedem a tertio millario (tantum quippe distat ab oppido) reuiserent quotidie. Quin etiam parui eorum filij a parentibus, ac nutricibus assueſieri coepti, ut quotidie mane cunabulis prodeuntes ad natalem ædem Virginis versi, Lauretanam matrem agnoscerent, salutarentque venerabundi. Cæterum senes, ac valerudinarij senio morboe tardante, cum de more ad Lauretanum templum itare non possent, B. Mariæ Lauretanæ effigiem coloribus exprimendam curarunt in foro. ibique sacello, araque excitata, ab eodem Benedicto Pontifice aureis exaratum litteris diploma impetrarunt, quo diplomate ad aram illam orantibus peccatorum venia impetiebatur. Id ipsum diploma carie, ac vetustate confectum Hieronymus Angelita, vnus è primoribus Recinetenſis ciuitatis, qui circiter LXX. ab hinc annis floruit, abſe viſum esse confirmat. Maceratenſis porro Episcopus (qui idem illa tēpeſtate & Recinetenſis erat) prodendam posteris Aedis Lauretanæ memoriam ratus, libellum edendum curauit, qui admirabilem sacrosanctæ Domus in Italiam aduentum, triplicemque eius in Recinetenſi agro migrationem; præcipua insuper B. Mariæ Lauretanæ prodigia, ac miracula contineret. Et quo altius in teneræ ætatis animos Virginis Lauretanæ religio descenderet, Recinetenſis ciuitatis decreto sancitum est,

est, vt ludi magistri omnes in tradendis primis litterarum elementis, omnium primum talibus narrationibus imbuerent pueriles aures, animosque: libellique illius lectioni paulatim rudem assuefacerent ætatem. Hinc eximia illa Recinetensium animis insita religio, pietasque aduersus Lauretanæ Virginis Domum.

Aedis Lauretanæ status, Romanis Pontificibus Auenione sedentibus. Cap. XX.

QVam porro altas in Picentium pectoribus radices egerit per id tempus Aedis Lauretanæ religio, vel illud indicio est, quod nullo fermè Romanorum Pontificum adminiculo erecta, suis ipsa propemodum viribus innixa stabat. Quippe per eadem tempora, vt diximus, transierat Romana sedes in Galliam. Et quia aberat ab Vrbe atque Italia Pontifex, multa ab Aede Lauretanæ, & decora & subsidia aberant, quæ nunc sunt, ac tum fuissent, nisi augustissima Aedes tot, tantisque miraculis, ac prodigijs clara, tam procul abfuisset à Pontificum oculis auribusque. Cæterum ne sic quidem Pontificijs ornamentis omnino caruit. Quanquam Pontificiæ sedis longinquitas fecit, vt à Romanis Pontificibus, quamdiu sederunt in Gallia, non tam ornata, quam non neglecta videretur. Erat iam Lauretana Aedes à Benedicto XII. Indulgentiæ munere insignita, cum Clemens VI. eius successor sæcularem Iubilæi celebratam ad quinquagesimum annum reuocatam absens ab Vrbe (sedem quippe Auenione habebat) indixit egitque. Et vndique concurrentium Romam populorum multitudo fuit pene incredibilis. Ex qua complures, Flaminix scilicet, Aemiliæque incolas ad Lauretanam Aedem fama iam celebrè, ex itinere deflexisse oportet. Atrox inde pestilentia ab ipsa Vrbe orbis terræ capite orsa totam fermè funeribus exhaustit

*S. Anto. p. 3.
Plat. Clem.
VI.*

hausit Italiam. Triennium omnino tenuit: quo tempore Italiæ vrbes vix centesimo quoque superstite, pene ad solitudinem ac vastitatem redactæ. Quæ prope infinita clades multos profecto perpulit Italogum, vt implorata B. Mariæ Lauretanæ ope, in tam horribili tempestate, ac procella, cælestis auxiliij vmbra tegerentur. Vigesimo fere anno interiecto, Clementi successit Vrbanus V. qui Romam aliquando reuisit, non quidem ea mente, vt Pontificiam sedem coreuocaret, sed vt res vrbanas, & Italiæ turbas componeret. Cæterum sub reuersionem ab vrbe in Galliam, cessit è vita. Gregorius inde XI. Pontificatum cocepit. Is simul Italiæ incommodis, simul Catharinæ Senensis, Virginis mirificæ sanctitatis insignibus inclytæ precibus motus, Pontificalem sedem aliquando retulit Romam, anno LXX. quam translata erat in Galliam.

Schismatis diuturnitas Lauretanam Aedem multis Pontificum fraudat beneficijs. Cap. XXI.

S. Anto. p. 3.
T. l. i. m. Vrb.
V l.

Gregorio breui rebus humanis exempto, Pontifex creatur Vrbanus, huius nominis sextus. Huic à factione Gallicana Clemens VII. pseudopontifex obiectus, qui Romanæ Sedi sedem suam Auenionensem, quam Romanam dici volebat, opposuit. Ex quo turbata, diuisaque duas in partes Ecclesia. Cæterum Romani Pontificis absentia, quantum Aedis Lauretanæ ornamentis, commodisque obstitisset, vel illa ipsa tempestate, ex eius præsentia intellectum est. Quippe Vrbanus quamuis schismaticæ, & schismaticorum Principum armis, atque insidijs exercitus agitatufque; tamen in tanta curarum & negotiorum mole, ad Lauretanam Virginem ornandam curæ aliquid deriuauit. Nam de cælestibus flammis V. Idus Septembris supra Aedē Lauretanam spectari solitis certior factus, cælesti Reginæ honestandæ animum adiecit. Natalemque

Vrbani VI.
beneficia.

Ex Bull. Bonifacij IX.

semque Virginis lucem cœlestibus à Deo prodigijs decoratam Pontificijs à Dei Vicario muneribus decorandam existimauit. Lauretanam igitur Domum ipso natali Virginis die visentibus cumulatissimam delictorum omnium Indulgentiam inipertiuit, anno eius sæculi XC. mira omnino opportunitate. Urbano enim subrogatus Bonifacius IX. non modo Urbani exemplo, nouis Indulgentijs Lauretanam cumulauit Aedem, sed Iubilei celebritatem egit, quæ Bonifacij VIII. instituto in annum M. CCCC. incidit. Itaque ut sedes Pontificalis Romam aliquando reuocata, cupidoque visendi Pontificis mortales innumera- biles vndique in Urbem ad Basilicas Apostolorum exciuit; ita cœlestium ignium, Pontificiarumque Indulgentiarum fama complures eorum ad Lauretanam cellam Septembri potissimum mense visendam, natalemque Virginis diem inibi agitandum accendit. Per ea tempora Recinetenses viam, quæ ducit Lauretum (ut etiam per hyemem sacra Aedes commode adiri posset) laterculo sternendam, marginandamque locauerunt. Sacella etiam propter viam, iusta per intervalla excitarunt, siue pietatis incitamenta, siue in saua tempestate, suffugia. Recinetensium exemplum alios Picentium populos ad par pietatis decus excitauit. Igitur ex finitimis oppidis urbibusque viæ, quæ Lauretum ferrent, sterni cæptæ: & ab Ancona, Auximo, Montefancto, Firmo, Lauretum vsque perductæ. Amnes etiam agrum Picenum interfluentes pontibus iuncti, ut tutum peregrinis, expeditumque iter darent. Cæterum Lauretanæ Domus ornamentis haud multo minus continuata rei Christianæ distractio obstitit, quam Romani Pontificis commoratio Gallicana obstiterrat. Schisma quippe multiplex, ac varium, quale nunquam antea, plures Pontificum exercuit per annos circiter XL. Quoad Martinus V. summo omnium consensu Pontifex Max. in Constantiensi Concilio creatus pacem aliquando orbi Christiano, & concordiam peperit. Ve-

Hier. Aug.

S. Anto. p. 3.

rumenimvero illa tam fixa discordiarum tempestas, sicut Ecclesiam, ac Pontifices ingenti malorum mole oppressit, ita Lauretanam Aedem haud paruo fraudauit cumulo bonorum. Id adeo quæ consecuta sunt tempora declararunt.

Martinus V. Indulgentijs, & Nundinis Lauretanam ornat celebritatem. Cap. XXII.

Hier. Ang.

QUæ ab translata Aede B. Mariæ ex Galilæa, ad eandem Laureti constitutam, celebrarique cœptam in multiplici Christianæ rei varietate, motuque gesta sunt, adhuc exposui, res cum vetustate, ac rerum perturbatione subobscuras; tum raris per ea tempora litteris illustratas. Ad hæc, si quæ in Recinetensium commentarijs, alijsque publicis, priuatique erant monumentis, incenso (ut supra diximus) cum vrbe tabulario, pleraque interiere. Cæterum subleuauit Recinetensem cladem Dalmata cum industria. Flumenses Tersactensibus finitimi, Leone X. Pontifice Maximo, Lauretanæ historiæ origines ac primordia haud mediocriter illustrarunt. Nam de prima sanctissimæ huius domus in Dalmatiam migratione, exploratione, cultu, ac miraculis consignata litteris Recinetensi populo miserunt ea, quæ in vetustis maiorum suorum annalibus repererant. Et Recinetenses Leonem Pont. de hisce rebus certiore fecerunt. Authorem habeo Hieronymum Angelitam, qui illo ipso tempore Recinetensi ciuitati erat à secretis: & subinde Lauretanam historiam, vbi hæc memoriæ prodidit, Clementi VII. Leonis patrueli, & participi secretorum dicauit. Non igitur Angelitam haud dubiæ fidei authorem secuti ex Illyricorum annalibus primam huius historiæ partem texuimus, ijs quæ in proprijs Recinetensium monumentis calamitas vrbis reliqua fecerat, adiectis. Clariora deinceps, & vberio-

vberiora tradentur, quæ paulo diligentius, vel memoriæ prodita, vel litteris custodita ad nostram ætatem, nostrasque manus peruenere. Martinus ergo pace, & otio Ecclesiæ parto, antiquissimum habuit Lauretanam Aedem miraculis, ac prodigijs nobilem suo aliquo munere insignem relinquere. Itaque multis magnisque Indulgentiarum propositis præmijs, mortales omnes ad Lauretanum sacellum Septembri potissimum mense visendum, colendumque inuitauit. Porro anno eius sæculi ferme XX. hoc beneficium nouo beneficio cumulauit. Solemnes Recineti Nundinas *ad laudem, & gloriam, & honorem Lauretanæ Virginis* (vt ipse in litteris Apostolicis ait) instituit, ratus fore, id quod euenit, vt ob locorum propinquitatem, Recinetensis emporij celebritas celebritatem augeret Lauretanæ Domus: quippe cum finitimos populos mercium illecebra, mercatores Indulgentia delictorum ad Lauretanam Aedem celebrandam alliceret. Lauretanus porro Indulgentias trimestres esse voluit, & Recinetensi mercatui pares. nimirum, vt Septembri, Octobri, Nouembri mensibus, quibus Recinetensis mercatus celebraretur, indulgentiæ Laureti percipi ab adeuntibus rite B. Virginæ, possent. Martini exemplum plures deinceps Pontificum secuti, Iulius II. Xystus IV. & Leo X. (vt suis deinde locis dicturi sumus) Recinetensem mercatum sua auctoritate firmarunt: & Lauretanum templum Pontificalibus beneficijs adauxerunt. Cæterum Martino V. Pont. Lauretani templi non celebritas modo, sed etiam cultus maxime auctus. Affluentibus Sacerdotibus voluntarijs Aedæ Lauretanæ ministris, ædes egregiæ (Canonicam vocant) ad meridiem excitatæ. Prætorium quoque exstructum, & hospitium quæ nobilibus, quæ pauperibus aduenis destinatum.

Martini V.
beneficia.

Ex Bull.
Iul. II.

Lauretani templi opulentia Eugenio Quarto Pont.

Cap. XXIII.

Eugenius Quartus Martino subiectus simul urbanis
 turbis, simul nefarijs Basilænsis Concilij iam corru-
 pti decretis exagitatus, insuper Felicis V. Pseudopontifi-
 cis schismate, & Florentino Concilio ab se indicto impli-
 citus, spatium fere nullum habuit de Lauretanæ Domus
 ornamentis cogitandi. Verum Flavius Blondus qui Eu-
 genio ab epistolis fuit, historicus illis temporibus hæd
 ignobilis, veluti Pontificis vicem implens Lauretanam
 Virginis cellam amplissimis verbis ornauit. *Recanetum in-
 ter, & Adriaticum mare (inquit) paululum a M. fluvio
 recedit celeberrimum totius Italia, ut in aperto, immunitoq,
 nico sacellum gloriosa Virginis Maria in Laureto appellatum:
 quo in loco preces supplicantium a Deo, genitricis suæ inter-
 cessione exaudiri, illud maximum certissimumque est argu-
 mentum, quod eorum, qui uotis emissis exauditi fuerunt, ex
 auro, argento, cera, panni, iussu linea, laneaque appensa do-
 naria magno luenda precio, basilicamque omnem pene complen-
 tia, Episcopus in Dei Virginisque gloriam intacta conseruat.*
 Ex quo satis apparet, quæ fama, quæ religio, quæ cele-
 britas Lauretanæ Domus, quæ varietas, & copia dono-
 rum fuerit Eugenio Pontifici, hæc est anno post Christum
 natum circiter MCCCCL. Qui annus lubileo celeberrimus
 Lauretanam de more auxit celebritatem, opulentiamque.
 Sub id tempus Franciscus Sfortia, Philippi Vicecomitis
 Mediolanensium Ducis impulsu, bellum aduersus Ponti-
 ficem gessit. Et Piceno qua vi, qua dolo in suam ditio-
 nem redactò, victor B. Mariæ Lauretanæ templum fama
 celeberrimum visere statuit. Præerat Piceno cum summa
 potestate Ioannes Vitellescus Recinetensis Antistes, vir
 consilio, manuque promptus. Is ergo veritus nequid de-
 trimenti sacellum donis opulentum caperet ab insolenti
 victoria

Fl. Blondus
 flumen.

Blond. lib. 4.
 Tit. 3.
 Sabel. lib. 2.
 En. 10.

Io. Vitell-
 scus Ep. Re-
 cina.

victoria milite; materiam avaritiæ subtrahere occupat: & præcipua Lauretani templi ornamenta etiam in nauim ad id paratam imposita secum propere Venetias primum, inde Rauennam asportat. ita, & sacrilegij materies subduta, & sacra dona in tutum recepra; ac deinde sedata illa tempestate, reportata. Nec dubium Deiparæ præsidium per ea tempora in Aede Lauretana tuenda apparuit. Nā cum diuturno, grauique bello tot exercitus Sfortiæ, Pontificis, Alphonsi Regis Neapolitani toto Piceno impune volitarent, tot copiarum Duces Lauretum accederent; tamen in direptione tot oppidorum, atque vrbium, vicus immunitus, templi opulentia, vt tum res erant, inclytus, semper intactus, inuiolatusque permansit: tanta seu loci sanctitas apud homines, seu Virginis tutela rerum suarum fuit.

*Lauretana Domus à Nicolao V. Indulgentijs
augetur, contra vim Turcarum mu-
nitur. Cap. XXIV.*

Nicolaus inde Quintus Eugenio mortuo, Pontificatū excepit, qui ne a Martino in B. Mariæ cultu vince-
retur, Lauretanam eius cellam Pontificijs muneribus au-
xit. Videbat diem B. Virgini ab Angelo salutari sacrum
maximè insignem illi Domui, ac memorabilem esse; quip-
pe cum Deus eo ipso die inibi naturam humanam induis-
set. Latissimam ergo illam lucem, qua laeta sunt funda-
menta salutis humanæ, anniuersaria Indulgentia decora-
uit. Ex quo templum Lauretanum, vt tanti mysterij me-
moriam dignum erat, quotannis illo die eximie celebrari
est cœptum. Porro Nicolaus Lauretana Aede Indulgen-
tiji cohonestata, opulentia quoque ædis consulendum
putauit. Igitur magnopere cavit, ne Lauretana dona a-
uerterentur, neue diuenderentur, arcens ingressu Eccle-

Nicolaus V.
Benef.

Hier. Aug.

S. Anio p. 3.

Constanti-
nopolis à
Turcis cap
ta.

ſæ Antiftitem Recinetenſem, ſi quid eorum in poſterum diſtrahere, alioſue in vſus conuertere auſus foret, ſin au-
tem vendita iam, ac diſtracta intra viuius menſis ſpatium,
non recuperaret, Epilcopatu deiſciens. Ciuitati inſuper
Recinetenſi eodem diplomate negocium datum, vel re-
cuperandi Lauretana dona, vel tuendi. Nec pace ſolum,
ſed bellico etiam tumultu, inſignis Nicolai Pontificis pie-
tas in Lauretanam ſedem enituit. Sub id tempus Maho-
metes Turcarum Rex Constantino Palæologo Orientis
Imperatore caſo, Conſtantinopoli vi capta, ſædeque di-
repta, Turcici ſedem imperij tranſtulit in Europam, anno
poſt Chriſtum natum M. CCCC. LII. Ergo, vt Cō-
ſtantinopolim Chriſtiani Imperij arcem à barbaris captā,
Imperatorem ipſum cum nobilitate caſum, Turcarum Re-
gem tanta victoria inflatum ex propinquo inſultare Græ-
ciæ, minitari exitium Italiæ ſama tulit; enimvero tantus
Chriſtianis viribus terror inceſſit, vt rota Italia trepida-
tum ſit. Itaque Nicolaus ſatis memor Aedis Lauretanæ,
eam aduerſum barbarorum excuſſiones ſatis firmo præſi-
dio munit: & ſimul in hoſtem omnibus viribus conſurge-
re parat eius rabiem compreſſurus.

*A Calliſto III. aduerſus Turcas comuunita Domus,
barbaros alio ~~vix~~ ~~tis~~ ~~ingenti~~ ~~clade~~ perculſis.*

Cap. XXXV.

S. Anio p. 3
Plav. Calliſto
III.Calliſti III
beneficia.

Cætèrum Nicolao in ipſo apparatu, ac meditatione
Turcici belli ex mœiore, vt ferunt, extincto ſucceſ-
ſu Calliſtus Tertius. Is, quia ſama erat, Turcas victoria
vſos magna Peloponneſi, Epirique parte in ſuam ditionē
redacta, in Dalmatiam, atque in ipſam Italiam furore ac
rabie inſtinctos rapi; nihil habuit antiquius, quam vt Lau-
retanam Domum tutaretur, haud dubius quin illa ſalua,
Deiparæ præſidio cætera in Italia ſalua eſſent futura. Igi-
tur

tur Rodericum Borgiam fratris, & L. Ioannem Milianum
 fororis filios cum Legatorum Põtificiorum munere, ac no-
 mine, copijs præficit. Horum alterum in Picenum, Lau-
 retana Domo præcipue eius curæ demandata, alterum
 Bononiam è vestigio destinat. Veniunt ambo Legati cum
 suo vterque exercitu Lauretum; ibi pacem, veniamque à
 Deo, Deique parente comprecati sacram Aedem à muris,
 & propugnaculis nudam tumultuario opere aggeribus cin-
 gunt. Cæterum B. Virgo, tametsi Pontificis, Pontificio-
 rumque Ducum erga se voluntatem minimè aspernata;
 suam ipsamet cælesti ope protexit domum, Turcarum ra-
 bie alio auersa, domitaque. Quippe per id tempus Pon-
 tificia classis non magna, duce Patriarcha Aquileiensi,
 Asiæ oras felici ausu, euentuque populata, effusum Bar-
 barix impetum fregit. Turcica classis acie victa, pleræque
 triremium captæ. Vsumcastanus insuper Persarum Rex,
 Callisti instinctu, Turcarum fines infesto agmine ingres-
 sus, egregias reportauit de superbissimo hoste victorias,
 non tam humana vi (vt ipsemet litteris ad Pontificem da-
 tis professus est) quam ope diuina. Ioannes quoque Hun-
 niates Præfectus Vngariæ per eadem ferme tempora Tur-
 cas Belgradum Vngariæ oppidum nobile, maximis co-
 pijs ac viribus assidentes adortus, non magna militum
 manu ingentem eis intulit cladem. Haud humanæ opis
 res visa. Ioanne Capistrano viro sancto ex Franciscana
 familia Christi crucifixi signum inferente, barbari fusi,
 cæsiq; . Mahometes ipse Turcarum Imper. vulneratus.
 Nec obscurum Dei auxilium fuit; tam insignem victoriam
 ipsi belli Duces diuino numini acceptam retulere. Itaque
 tot, tantæque de præpotenti hoste victoriæ omnium con-
 sensu diuinitus partæ, ad bene de Rep. sperandum Chri-
 stianorum animos erexerunt. Haud parua deinde dictu
 res, & spem piõrum auxit, & S. Marti Lauretanæ nomen
 toto pene Christiano orbe propagauit.

S. Anst. p. 3.
 Sabel. Ann.
 10. lib. 6.

Sanitate Pio II. reddita, longe celebrior, clariorque esse capit. Cap. XXVI.

*Plas. in Pio
II.*

Pius Secundus Pont. Max. Callisto subiectus est, vir ingenio & virtute clarus. Is Christianis Regibus, ac Principibus non modo per litteras, legatosque, sed etiam per se in Concilio Mantuano sua præsentia, ac voce ad Turcicum bellum incitatis, ex itinerum laboribus in longinquum, periculosumque incidit morbum, alienissimo Christianæ Reipub. tempore. Quippe magna sacrorum militum pars, qui cruce insignes sacræ militiæ dederant nomen, Anconam Pij Pont. iussu conuenerant: iamque Pontificis ipsius ex composito præstolabantur aduentum. Caterum senile, laboribusque fractum Pij corpus, alienissimo tempore ardens febris, molestissimaque tussis adeo affixerant, ut non dicam ire, sed aspirare Anconam, uti constituerat, haud quaquam valeret. Damnata igitur spe, atque ope medicorum, B. Mariæ Lauretanæ, cuius egregiam vim in morbis diuinitus curandis, fama acceperat, implorat opem, non tam urgentis morbi, quam Anconitani incertis remedium quærens. Nec dubius auditas preces, extemplo calicem aureum opere, ac pondere insignem B. Virginis donat, ~~dictaque~~. Adorantem vero calici ab ipso Pontifice in voto nuncupando dictata inscriptio, Pontificij voti donique monumentum.

*Teadic Lau
ret. Bern.
Cyril.*

*Pij II. Pst.
donum.*

PIA DEI GENITRIX
QUAMVIS TVA POTESTAS NULLIS COARCTETVR FINIBVS, AC TOTVM IMPLEAT ORBEM MIRACVLIS; QVIA TAMEN PRO VOLVNTATE SÆPIVS VNO LOCO MAGIS, QVAM ALIO DELECTARIS: ET LAVRETI TIBI PLACITAM SEDEM PVL SINGVLOS DIES INNUMERIS SIGNIS ET MIRACVLIS EXORNAS, EGO
INFE-

FELIX PECCATOR, MENTE, ET ANIMO, AD
TE RECVRRO SVPPLEX ORANS, VT MIHI AR-
DENTEM FEBRIM, MOLESTISSIMAMQVE TVS-
SIM AVFERAS : LAESISQVE MEMBRIS SANI-
TATEM RESTITVAS. REIP. VT CREDIMVS
SALVTAREM.

INTERIM HOC MVNVS ACCIPITO MEAE
SERVITVTIS SIGNVM.

PIVS PAPA II. ANN. HVM. SAL.
M. CCCC. LXIII.

Et donum Virgini cordi fuit, nec sua spes pium Ponti-
ficem vlla fefellit ex parte. Mirum dictu. voto nuncupa-
to, extemplo febris ardor refrigescere coepit, rursus re-
mittere, redire vires affectis ac pene consumptis, morbo
pariter & ætate, membris. Pius ergo moræ impatiens, nō-
dum satis confirmata valetudine, committit se viæ, An-
conam iturus, & Lauretanæ Virgini ex itinere votum ex-
solutus. Lætica delatum complures Cardinalium Ro-
manorumque procerum prosecuti, quos partim Pontificis
caritas, ac reuerentia, partim miraculi fama, partim et-
iam sacri exercitus visendi cupido ab Vrbe exciuerat. In
itinere Pontifex quo propius Lauretanam Aedem acce-
debat, hoc melius habebat: vt facile appareret inde vires
augeri. Itaque ad B. Mariæ patronæ suæ conspectum va-
lens, ac vegetus peruenit: & præsentis opis in Vrbe, at-
que in via expertæ memor vota persoluit. Nunquam aliàs
ante maior Lauretanæ maiestatis species visa. Vno tem-
pore Cardinalium, primorumque Romanæ ciuitatis plu-
rimos Pium prosecutos, satis etiam multos egregios bello
Duces ex Ancona Pontifici obuiam progressos, ipsumque
Pontificem Max. ante Lauretanam Virginem supplices,
ac venerabundos videres. Pius ergo voti religione exso-
lutus, iisdem comitantibus pergit Anconam. Cæterum
quo minus voti, cuius compos a Lauretana Virgine

Pius II.
Laur. Virg.
adit.

H

factus

factus erat, fructum perciperet, impedimento fuit sociorum sacri belli mora. Nam dum grauior iam ætate, ac viribus Pontifex per æstiuos calores Anconæ sedet, Venetæ classis Ducem, aliosque belli socios expectans, siue moræ tardio, siue senio affectum corpusculum vrgente, languere cæpit. Inde in lentā, ac pertinacem incidit febrim, cuius demum tabe consumptus ad suorum laborum, egregijque illius conatus præmia migravit in cælum, anno eius seculi LXVI. Pontifex omnino cum cæteris egregijs animi dotibus; tum vero pietate, ac religione memorabilis. Nec in postremis Pij laudibus illa est numeranda, quod reddita tali viro, Lauretanæ Virginis ope salus, actot Principum, gentiūque sermonibus celebrata, Aedi Lauretanæ plurimum nominis ac religionis adiecit. Quippe ad id vsque temporis (per annos fere centum sexaginta, ex quo demigrarat in Italiam) Lauretanæ Domus fama Piceni finibus se ferme tenuerat: in finitimas ac longinquas regiones vix tenuis quidam, & obscurus manauerat rumor, vt mirum cuiuspiam esse non debeat, sacrosanctæ Domus inde vsque à Galilæa in Italiam translata famam, neque ad S. Vincentium Ferrerium in Hispaniam Auenionensi schismate implicatam, occupatamque insuper religione Montis Serrati, neque ad S. Antoninum, aliosque Etruscos superiorum temporum scriptores, in Etruriam ciuilibus ardentem bellis, inter strepitum fragoremque armorum penetrasse. Quæ profecto causa fuit, cur S. Vincentius veterem famam secutus in quodam sermone, B. Virginis Domum in Galilæa tum esse dixerit: D. vero Antoninus, & cæteri illo antiquiores historici Etrusci nullam omnino de Lauretana Domo fecerint mentionem: memorandæ videlicet eius in Italiam translationis ignari. At Blondus illorum fere æqualis historicus, vt assecla Pontificis, qui rei esset satis gnarus, illustre (vt supra demonstrauimus) Lauretano templo testimonium dedit. De transportata autem diuinitus Lauretana Domo, idcirco fortasse nullū verbum

verbum paulo antiquiores historici fecere, ne vana & incredibilia asferre viderentur. Quippe cum tam inusitatum & à condito ævo inauditum miraculum non dum Pontificia auctoritate firmatum esse constaret. At valetudo Pio Pontifici Romano pene moribundo in Urbis, ac prope dicam orbis totius Christiani oculis, euidenti miraculo restituta Lauretanæ Virginis ope, immensum illi addidit nomen. Ex eo namque Aedes Lauretana omnes etiâ remotissimas terras impleuit fama nominis sui: & vel ex vltimis orbis terræ angulis Lauretum peregrinos exciuit, quibus per opportunum paucis ante annis Laureti subsidium diuina prouidentia præpararat.

Ab Episcopo Recinetensi luculentis prædijs donatur subsidio pauperum peregrinorum.

CAP. XXVII.

Hier. Aug.

Nicolaus Astius Episcopus Recinetensis vir sanctimonia pariter, ac doctrina inclytus fuit. hic, vt erat Lauretanæ Virgini eximie deditus, eius cultum omni ope fouere, atque augere statuit. Ingens quotidie peregrinorum pauperum multitudo, seu vota reddendi gratia, siue Indulgentias consequendi studio, confluebant Lauretum: quibus arca Lauretana benigne satis pro facultatibus subueniebat, largam singulis stipem impertiens. Hunc igitur benignitatis fontem, ne quando deficeret, certis prædiorum fructibus Recinetensis Antistes augendum existimauit. Complura is habebat luculenta sane, ac frugifera prædia ædi Lauretanæ propinqua. Ea Deiparæ Virgini donauit, dicauitque anno eius sæculi LVIII. Cuius donationis caput visum est hoc loco interponere, vt appareat simul quam eximia Nicolai Episcopi erga Lauretanam Virginem pietas extiterit; simul quantum pecuniæ, vel illis temporibus, cum nihil omnino possideret

Ex Bull. In
lij II. Pœ.Liberalitas
S. Domus
in paupe-
res.

Lauretana Domus pauperibus aduenis erogarit. Id est eius modi: Cū Nicolaus Episcopus Recinetensis, & Maceratensis, qui Ecclesiā B. Mariae de Laureto Recinetensis Diœcesis ex dispensatione sedis Apostolica obtinebat, considerans deuotionem continuam, & dilectionem sinceram, quam sedulo habebat ad prædictam Ecclesiam B. Mariae, ac peregrinorum, & aliarum personarum, quæ tam ex votis, quam propter Indulgentiam consequendam, & aliorum debilium, ac pauperum hominum numerum copiosum in dies ad ipsam Ecclesiam B. Mariæ, ultra diem festum dictæ gloriosissimæ Virginis Mariæ, confluentium, & ELEEMOSYNAS IMMENSAS, QVAS CHRISTI PAUPERES EX DOMIBVS PRAEFATAE ECCLESIAE RECIPIEBANT, ET NECESSARIO RECIPIERE HABEBANT, & quæ sequuntur. Quæ res hoc exploratior esse debet, quod memoriæ prodita est ab eo, cui pro suo officio, ac munere Lauretanas res exploratissimas esse oportuit. His igitur facultatibus aucta domus Lauretana benignitatem in aduenas auxit suam. Et huius largitatis fama religio ni iuncta longe, lateque iucundissimum Aedis Lauretanae nomen diuulgauit, omnes Lauretum inuitans. Quippe remotissimarum nationum egentes peregrini, qui opportuni illius subsidij participes fuerant, domos suos regressi, non magis religionem, quam benignitatem prædicabant Lauretanae Virginis. Ea res alios deinceps ad experienda quæ audierant, accendit. Mira verò opportunitate huius famæ per Vrbes, atque exterarum etiam nationes strenue discurrenti parua dictu res magnas per idem tempus addidit vires.

*Lauretana historia summa à Præposito Teremano in
ade proponitur. Cap. XXVIII.*

Petrus Georgius Præpositus Teremanus eximia integritate, ac prudentia vir complures iam annos Lauretanae

retanz Domus Gubernator erat: Nicolao autem Astio vi-
 ta functo, etiam Administrator Recinetensis est factus.
 Hic igitur Pio Secundo Pontifice, anno eius seculi circi-
 ter LX. Lauretanæ historiæ summam (depromptam sci-
 licet ex ea, quæ olim, vt supra ostendimus, Recineti edi-
 ta fuerat) in Lauretana Aede proposuit in gratiam pere-
 grinorum: vt eius cognoscendæ potestas omnibus foret.
 Et scripta est stylo rudi, ac simplici, atque ad vulgi intel-
 ligentiam accommodato: gratum aduenis non illiteratis
 pabulum, nec leue Lauretanæ Domus monumentum.
 Porro hoc Teremani institutum adeo probatum est poste-
 ris, vt scriptum illud quoties vetustate obsoletum vide-
 retur, toties deinceps instaurari placuerit. Sane & histo-
 ria ipsa à primâ Recinetensium memoria repetita est; &
 eius authoritati religio, ac diligentia Teremani, vel plu-
 rimum adiecit. Is quippe interrogatis, qui adhuc supe-
 rerant testibus, tantam rem quoad eius fieri posset, voluit
 esse testatam. Testes igitur satis locupletes ab illo citan-
 tur duo, Paulus Rinalducus, & Franciscus cognomento
 Prior, ambo ciues Recinetenses, viri boni, spectatæque
 fidei. Rinalducus quippe sæpe Præposito Teremano (vt
 ipsemet refert) testificatus est, ab se auum suum sæpenu-
 mero auditum esse narrantem, se met B. Virginis Domū
 conspexisse, cum sublimis ab Angelis supra mare ferre-
 tur, & in Recinetensi sylua collocaretur. Quin etiam se
 sacrosanctam Aedem in nemore sitam cum ciuibus alijs
 compluribus sæpius accessisse. Franciscus autem Prior,
 auum suum, CXX. annos natum, integrisque adhuc vten-
 tem sensibus non semel audierat (vt ipse pro testimonio
 dixit) cum referret, ab se frequenter ad sacram Aedem in
 syluam cum alijs itum: eamque sua memoria in Collem
 duorum fratrum esse translatam. Porro Hieronymus An-
 gelita perpetuus Recinetensis ciuitatis Secretarius, in Hi-
 storia Virginis Lauretanæ author est, Paulum Rinaldiciū,
 & Franciscum Priorem à Lauretanæ Ecclesiæ Rectore, eo-
 demque

*Hier. Ang.**Præp. Ter.*

demque Antistite Recinetensi, Præposito Teremano, etiã sacramento adactos illa quæ Teremanus ipse commemorat, pro testimonio dixisse. Ex quo satis apparet Præpositum Teremanum, cum testes huiusce tanti miraculi, rite deinde interrogaret, Administratorem Recinetensem, nõ solum Gubernatorem Domus Lauretanæ fuisse. Ac ne cuiquam Præpositi Teremani fides in dubium venire posset, Nicolaus Astius Recinetensis Episcopus in tabulis donationis (cuius ante meminimus) haud obscurum egregiæ eius fidei, ac religioni testimonium tribuit his verbis: *Considerans grata deuotionis, sinceraque fidelitatis obsequia, & diligentiam valde grandem, qua viri venerabiles, & circumspetiti D. Petrus Georgij Præpositus Ecclesiæ S. Sinidei de Teramo gubernator alma domus, nec non D. Antonius &c. Presbyteri residentes in alma Domo tam longo tempore ipsi Ecclesiæ in spiritualibus, & in rebus, ac negocijs ipsius Ecclesiæ, & alma Domus temporalibus impenderunt, & adhuc cura vigili, & diligenti, ac solertibus studijs, & sollicitudinibus impendere, & impetire non desinunt, & quæ sequuntur. Igitur talis viri spectata religio & autoritas magnam adiecit historiæ fidem. Ex eo autem tempore, siue reddita Pontifici sanitas, siue fama benignitatis in pauperes aduenis, siue etiã Lauretanæ historiæ promulgatio B. Mariam Lauretanam apud omnes gentes claram, ac nobilem fecit.*

FINIS LIBRI PRIMI.



HORA-

63

HORATII TVRSELLINI
E SOCIETATE IESV
LAURETANAE HISTORIAE
LIBER SECVNDVS.



PAVLVS II. PESTILENTIÆ EXEM-
*ptus Lauretanam Aedem decretis ornatam
nouo templo decorare molitur.*

Cap. I.



ELEBRIS, inclytæque iam hinc
toto fermè orbe Christiano Aedis
Lauretanæ miracula, atque orna-
menta exsequar, quorum fama om-
nium iam aures, animosque comple-
uit. Post Pij Pontificis decessum.
Cardinales Pium Anconam prosecu-
ti, Romam ad comitia Pontificia iter intendunt. Atrox
per id tempus ex tanta hominum colluuiione, vt fieri so-
let, Anconæ orta pestilentia erat, quæ intolerabili æstu
per autumnum humana corpora mouente, per vulgaria
primum capita vagari cœpit. Inde nobilitatem quoque
primoresque corripuit. Ergo præsentis periculi terror pro-
fectionem Patrum, aut fugam potius maturauit, & si quen-
dam eorum ne fuga quidem eripuit morbo, Lauretanæ
gloriæ materiam futurum. Petrus erat Barbus Cardina-
lis S. Marci, ætate, prudentia, ac rerum vsu inter cæteros
eminens. hic pestilentia tactus, æstuarè animo cœpit, cū
fœda impendentis mortis facies oculis obuersaretur. Sed

Hier. Ang.

Pius

Card. s. Mar
ci pestilen-
tia liberatur
in Aede Lau-
ret.

Pius II. Pontifex Lauretanæ opis recens erat documen-
tum. Itaque valetudinis Pio diuinitus redditæ memor de-
ferri se confestim ad templum Lauretanum iubet. Quò ut
ventum est, eiectis arbitris, in Deiparæ cellam infertur;
ibi venerabilundus procumbere humi, omnem in B. Virgi-
ne secundum Deum suæ curationis spem reponere: virgen-
tis morbi, mortisque impendentis remedium exposcere:
Rempublicam Pontifice orbam Deo, ac B. Virgini impen-
sus commendare. Nec frustra. precibus insistenti lenis
quidam, ac dulcis somnus obrepit. Fama est illi in quiete
Deiparam Virginem cælesti quadam specie oblatam, quæ
bonum habere animum iusso, auditas eius preces nuncia-
ret: mox discussum iri morbum: insuper ipsum propediem
Dei nutu Pontificem Maximum futurum. Haud vanum
fuisse visum docuit euentus. Extemplo cum somno mor-
bus abiit: ipse voti compos, animi, corporisque vigorem
omnium spe maturius recuperauit. Igitur admodum lætus
multiplex Dei, Deiparæque beneficium agnoscit: & gra-
tius utrique impense actis, sospes ac vegetus exit è sacro-
sancto sacello, cunctis qui eius morbi conscij erant, atton-
itis, & ingenti admiratione defixis. At ille B. Mariæ pro-
misso ad summi sacerdotij spem erectus, & simul accepti
beneficij satis memor, Lauretanæ Aedis Præsidem protin-
us accersi iubet. Huic propalam enunciat, sibi esse in a-
nimo magnificentissimum S Mariæ Lauretanæ templum
condere. Proinde primo quoque tempore calcis, cæ-
mentorum, materiæ, quod satis sit, compareret suo nomine,
sumptuque. Inde Romam ad comitia profectus, Pontifex
creatur. Pauli Secundi inditum nomen. Vix dum Ponti-
ficatu inito, haud immemor cuius ope, & valetudinem, &
summum illud fastigium adeptus esset, Lauretanum tem-
plum moliri instituit. Ac præsagiente iam animo futurā
olim amplitudinem eius loci, veteri templo disturbato,
ingentem circa aream insanis occupat fundamentis. In-
de opus cœptum strenue ædificare pergit. Bonam templi

Paul. II. tē-
plum Aedi
Laur circū-
dat.

Lau-

Lauretani partem à Paulo II. exstructam esse, fidem facit Baptista Mantuanus. Apud quem in Agelarium carmine, Antonium Principem virum præter Piceni orā nauigantem, sic gubernator naui affatur:

Bapt. Mant.
lib. 6.

Quod cernis Picentia iuxta

*Littora, delubrum est illud venerabile Magna
Matris, ab Assyrijs, quod Dii super aquora quondam
Huc manibus vixere suis.*

Et paulopost:

*Laurea delubra vocant; neu crede superbam
Hanc adem venisse fretis; superaddidit ista
Templa sacerdotum Princeps ingentia Paulus.*

Ex quo profectò coniectari licet, Lauretanum templum ab eo pene ad fastigium esse perductum. Inter hæc, dum templum summa ope exstruitur, Pontifex non ædificijs solum, sed litteris quoque, ac muneribus Pontificijs Dei paræ Domum adornauit. Nam visentibus Aedem Lauretanam diebus omnibus B. Mariæ sacris, ac præterea Dominicis diebus, peccatorum omnium veniam indulsit. Pretium operæ visum est caput litterarum inferere, vt extet egregium summi Pontificis de eximia Lauretanæ Domus sanctitate testimonium, idemque recuperatæ ab eo diuinitus valetudinjs monumentum. Pauca igitur, veteri Rom. Pontificum more præfatus, ita scribit. *Quamuis pro magnitudine gratiarum, quas diuina Maiestas ad intercessionem gloriosa Virginis Martæ filij eius genitricis, fidelibus ad eam pia vota dirigentibus quotidie facit: sanctæque Ecclesia in honorem nominis sui dedicata sint summa deuotione veneranda; id tamen erga illas propensius est agendum, in quibus Altissimus ad intercessionem eiusdem Virginis, maiora, & euidentiora miracula frequentius operatur. Manifestat autem rei experientia ad Ecclesiam S. Mariae de Laureto Recanatensis Diæcesis, ubi est imago B. Virginis Mariæ, ob magna, stupenda, & infinita miracula, quæ ibidem eiusdem Alme Virginis opera apparent, ET NOS IN PERSONA NO-*

Pauli II. In-
dulg.

Pauli II. te-
stimonium.

Pauli II. be-
neficia.

Aedes Lau-
ret. exēpta.

Pauli II. et
Simon. al-
terum.

STRA EXPERTI SVMVS, ex diuersis mundi partibus confluere, & quæ sequuntur. Indulgentijs porrò singulares immunitates adiecit. Quippe Lauretanam Aedem vna cum ministris, cæterisque rebus ad eam pertinentibus ab Recinetensis Episcopi iurisdictione exemptam in suam, sedisque Apostolicæ, & Apostolorum Petri & Pauli tutelam recepit: Sacerdotibus Lauretanis absoluedi peregrinos à sceleribus ac flagitijs Episcopo, Sedique Apostolicæ reseruatis satis amplam dedit facultatem. Posterioris quoque huius decreti proœmium, in quo perhonorifica fit mentio Lauretanæ Domus, libet apponere, id est tale: Cum ad Ecclesiam B. Mariæ de Laureto extra muros Recanatenfis ciuitatis fundatam, in qua sicut fide dignorum habet assertio, ipsius Virginis gloriosa Domus, & Imago Angelico comitatu, & catu mira Dei clementia collocata existit, & ad quam propter crebra, ac stupenda miracula, quæ eiusdem gloriosa Virginis meritis, & intercessione pro singulis ad eam recurrentibus, & eius auxilium implorantibus cum humilitate, Altissimus operatur, in dies, & in diuersis mundi partibus etiam remotissimis eiusdem Virginis gloriosa liberati præsidijs populi confluat multitudo: & cætera quæ sequuntur.

Iacobus Franciscanus ab insanabili morbo, &

Dæmonum oppugnatione liberatur.

Cap. II.

Chro. Franc.
lib. 6. c. 3. &
4.

P Roduntur autem quædam huius temporis non omit-
tenda miracula. Iacobus Picens vir sanctus è Fran-
ciscana disciplina, pariter pietate, ac doctrina clarus Euā-
gelij præco fuit anno eius seculi circiter LXX. Hunc in-
sanabilis morbus inuaserat, & animum ægritudo corpo-
ris vrgebat: quippe ea mali vis erat, vt omnem iuuandi
facris concionibus homines spem præcideret. Ergo hu-
mani remedii inops ad Deum Deiparamque animum, ac
vota

vota vertit. Mox quamuis afflicta valetudine, Lauretum peregrinatorum ritu venit. Virginis cellam ingressus inter sacrificandum, cœli Reginam enixe obortis lacrymis orat, vt Iesû filio propitiato, impetret sibi corporis sanitatem; quæ sanctum eius Euangelium prædicando, multis fortasse populis saluti foret. Nec mora. oblata illi protinus est Deiparæ species iubentis eum alia ab se petere: Nam quod peteret, esse iam datum. & Iacobus illico salutem sibi redditâ sentit. Itaque gratiis B. Virgini actis, non tam suam, quam eorum, quorum saluti studebat vicem lætus, reneat domum. Nec vna hac in re B. Mariæ Lauretanæ is expertus est opem. Interiectis aliquot annis, ab importunis diabolis diu, multûque vexatus Lauretum certissimum malorum leuamentum, accurrit. Antearam Virginis non sine animi angore, sacris operatus, expertum eius auxilium exposcit: finemque tandem orat tam molesto periculosoque certamini. Auditæ preces. Impensius oranti B. Maria se rursus ostendit. Et bono animo esto fili, inquit, ac summo rerum parenti grâtes agito. Adest pugnæ finis, & te cœlestis corona victorem manet. Prædictionem comprobauit euentus. Haud ita multo post fractæ infestorum hostium vires: Læta repente secuta pax: ipse deinde cœlesti præmio donandus euocatus in cælum.

*A Xysto Quarto Pont. vetera decreta cumulantur
nouis. Cap. III.*

NEc Paulo Secundo Xystus Quartus Pauli successor studio ornandæ Lauretanæ Virginis cessit. Nam & veteribus Indulgentiis addidit nouas, & Pauli immunitates sua autoritate firmatas, adiecta immunitate decumarum, auctisque Lauretanis sacerdotibus facultate dispensandi vota, cumulauit. Donationem insuper Nico-

*Hier. Aug.
Bern. Cyril.*

lai Aftii Episcopi Recinetensis (de qua ante diximus) authoritate Apostolica sanxit anno eius seculi circiter lxxv. qui Iubilæi celebritate insignis fuit. Egregium porro suū erga B. Virginem Lauretanam studium, pietatemque in eiusdem diplomatis sui procemio testatum reliquit his verbis: *Cupientes, ut ipsa Ecclesia Lauretana, ad quam specialem gerimus deuotionis affectum, congruis honoribus frequentetur: & ut fideles populi libentius, eo deuotionis causa confugiant, confirmamus: & quæ sequuntur.* Nec nihil vel ad Xysti laudem, vel ad Lauretanæ Domus authoritatem, facit, quod idem Pontifex, cum Carmelitani certissimis, argumentis fidem ei fecissent, sacra omnia Palestinæ loca (atque in his ipsum domicilium Virginis) priusquam Saracenorum armis occuparentur, Carmelitanæ familiæ credita & commissa fuisse; hoc ipsum litteris Apostolicis in eorum gratiam scriptis testatus est. Quæ causa fuit cur deinde Carmelitanis sacrosanctæ Domus sit procuratio reddita, ut dicturi sumus in loco. Ad hæc Xystus Hieronymo Robureo sororis filio Cardinali cum Episcopatu Recinetensi tutelam permisit Aedis Lauretanæ, haud paruo ipsius Aedis bono. Quippe & auunculi instinctu, & sua voluntate templum à Paulo inchoatum exædificauit: cuiusque cultum sacra suppellectili, lectissimis Sacerdotibus, Cantoribusque adauxit.

Hiero. Robur. Card.
patronus
Lau. Aedis.

*Ingens Turcarum manus Lauretanæ opulentia
imminens diuinitus fugatur.*

Cap. I V.

S Vb idē tempus ingens procella exorta, & opulentiam & religionem Lauretanæ Aedis ostendit. Mahometes Turcarum Imperator Rhodo Insula nequicquam oppugnata, vnum ē suis Ducibus cum classe in Italiam destinavit. Is igitur anno eius seculi circiter LXX. ex improviso

Hier. Aug.

prouiso Hydruntum oppidum nobile in Salentinis, velut claustra Italiae occupauit. Exin finitima circum loca populatus, ceterae orae maritimae Adriatici sinus imminebat. Ergo Recinetenses, & si impendentis periculi fama conterriti; tamen immemores patriae Lauretanam Domum summis opibus propugnare statuerunt. Valido igitur praesidio imposito, excubias agitabant dies noctesque. Ac ne barbaros opulentae praedae spes ad Lauretanam Aedem oppugnandam alliceret; Lauretana dona praecipua in tutum recipi placuit. Mox deprompta, ac de more relata, in tabulas, à certis hominibus Recinetum deferuntur, & in arce conduntur. Satis constat ea dona tum sex ferme aureorum millibus aestimata. Inter cetera Laurentij Medicei (is Petri filius, Magni Cosmi nepos fuit) statua argentea, quae nixa genibus altitudinem excedebat cubitalem. Compendiaria fortasse simulacri eius inscriptio (in qua erat Laurentius P. F. Medices) Angelitam decepit, ut Laurentium per Franciscum interpretaretur, quod significabat Petri filium. Credo equidem Laurentium cum Xysti Pontificis, sociorumque armis premeretur adeo, ut ad ipsum Ferdinandum Neapolitanum Regem, acerbissimum hostem suum confugere cogeretur, donum eiusmodi vouisse: bello deinde periculoque defunctum Lauretanæ Virgini, vel tulisse, vel misisse. Ceterum sapiens Recinetensium consilium, subductumque periculo sacrum aurum, argentumque haud quaquam barbaros à conando scelere auertit. Turcae populabundi ad Castrum Portus Recinetensis classe delati, omissa minorum praedarum cura, ad Lauretanam praedam, quam opulentissimam sciebant esse, asportatam alio nesciebant, iter intendunt. Tuebantur Lauretanam Aedem, ut diximus, Recinetenses, leue aduersus Barbarorum exercitum insolentem victoria praesidium, nisi ipsa loci Praeses suae domui praesidio forer. Itaque ad saerae Domus conspectum, ingens repete terror totam Turcarum perualit aciem cunctosque è vestigio inui-

inuitissimis animis referre coegit pedem, stupore attonitos, & Deum profecto pro illa Aede stare memorantes. Nec tamen illis sacrilegus conatus impune fuit. Superbissimus Tyrannus haud ita multo post, subita morte extinctus: Hydruntum à Christianis receptum: Turcæ Italia pulsi. Cæterum id ipsum periculum Cardinalem Robureum Laureti Patronum admonuit, vt Lauretanum templum destinatis propugnaculis primo quoque tempore communiret. Ex eo templum ipsum in arcis modum impense muniri cœptum aduersus repentinos hostium incurfus.

Ab Innocentio VIII. donis colitur. Carmelitanorum curæ committitur.

Cap. V.

Cod. Laur.

Xysto subiectus Innocentius Octauus, cuius Pontificatus quâ vrbanis, ac domesticis turbis exercitus, quâ Neapolitano implicitus bello, nullam pene facultatem, opportunitatemue habuit bene de Lauretano templo merendi. Attamen huius laudis non penitus expers fuit. Innocentius quippe eximia pulchritudine auream bullam cum gentilitijs insignibus donum misit Lauretanę Virgini suspendendam è collo, velut suæ erga illam religionis indicium. Pontificale insuper amiculum (pluuiale appellat) ex holoserico villosa, auroque magnificis sane ac præclaris floribus pictum, & opere Phrygio prætexto, margaritisque conspicuum. Ad hæc peripetasmata intexta ex auro, sericoque. Eodem Pontifice Card. Robureus,

Cap. Mens.

Lauretanæ Domus pariter, & Carmelitanæ familiæ Patronus, haud parum memor Carmelitanos patres nuper certis argumentis probasse Xysto Quarto auunculo suo, sacram Domum priusquam è Galilæa discederet, Carmelitanorum commissam fuisse curæ; eosdem ex autoritate

Ponti-

Pontificis Lauretano præposuit templo. Hi iam pridem, à Barbaris ex Asia pulsi Europam non magis cœnobijs, quam optimis exemplis impleuerant. cæterum laxatam paulatim disciplinam nuper in Italia nouis adstrinxerant legibus. Læti xxx. ex eorum numero maximè ad eam rê idonei. Horum ex numero Baptista Mantuanus fuit Congregationis Mantuanæ Vicarius Generalis, qui Lauretanæ Domus scripsit historiam, & Robureo Cardinali dicauit eo ipso anno, quo Lauretū venit, hoc est M. CCCC. vnde nonagesimo.

Baptista Mantuani testimonium.

Cap. V I.

Baptista igitur Mantuanus Theologus idem, ac Poeta egregius initio suæ historiæ, egregium Aedi Lauretanæ tribuit testimonium, quod ab re non erit nostræ historiæ intexere. *Cum nuper, inquit, venissem ad sacratissima Virginis Maria sanctum domicilium, vidissemque qualia, & quanta Deus ostendit in eo loco miracula, & suæ virtutis, atque clementiæ signa manifestissima; me subito horror inuasit, & visus sum audire vocem Domini loquentis ad Moysen: Non appropinques huc, solue calciamentum de pedibus tuis, locus enim in quo stas, terra sancta est.* Inde præfatus legisse se in templo Lauretano tabulam parieti affixam, litu & carie corrosam, in qua vnde, & quonam pacto locus ille tantam sibi vendicasset authoritatem, conscripta erat historia, hæc inquam præfatus adiecit. *Historia igitur in tabella continebatur eiusmodi, Templum B. Dei Genitricis Lauretana quondam ipsius Virginis cubiculum fuit, in quo nata, nutrita, ab Angelo Gabriele salutata, & Spiritu sancto fuit obumbrata.* Cætera inde persequitur, quæ à Præposito Teremano memoriæ prodita, & in Lauretana Aede proposita diximus: vt ex Teremani tabula esse deprompta satis appareat.

Bapt. Mant.
testimonium.

pareat. Ad extremum augustissimæ huius Domus laudationem ingressus, eam non modo terrestri paradiso, ubi Eva ex Adæ latere efficta est: Monti Sinæo, ubi lex data: templo Salomonis præcipua numinis præsentia inclyto; Bethleemio antro, quæ cunabula fuerunt Saluatoris: Tabori Monti, ubi Christus clarissima luce circumfusus apparuit cum Mose, & Helia colloquens: Monti Oliuarum, unde Christus triumphans ascendit in cælum; verum etiam augustissimo Christi sepulchro, quo nihil in terris sanctius habetur, longe multumque anteponit. præcipuè quod hic Deus humanitate indutus fundamenta iecerit salutis humanæ. Cuius laudationis illa est insignis sane, ac frugifera clausula. *Sed quid plura de Domus huius ineffabili dignitate commemorare pergo? libet mihi Iacob Patriarcha sermone concludere. Terribilis est locus iste, non est hic aliud, nisi domus Dei, & porta cæli.* Ergo à Mantuano viro celeberrimo prodita litteris est Lauretana historia, quæ ad eum diem sermonibus tantum vsurpabatur. Ex eo tempore vulgari cœpta, magno, vel Lauretanæ religionis incremento, vel mortalium bono. Namque ea, quam dico, historia breui volumine circumlata, cum auidè ac passim lætitaretur; plurimorum animos ad Lauretanam Aedem visendam colendamque pellexit. Cæterum annus ille non magis Mantuani historia, quam egregio nobilissimi Principis dono insignis fuit. Quippe eodem ipso anno M. CCCC. LXXXIX. Stephanus Bathorius Transylvaniæ Princeps (Vaiuodam ipsi appellant) argenteum B. Mariæ simulacrum ferè sesquicubitale, egregiè factū, pulchrèque auro interlitum Lauretanæ Virgini donum misit. Ad Virginis pedes Vaiuodæ ipsius armati effigies, item ex argento supplex visitur. Votiuum esse donum causa basi inscripta declarat.

Vaiuodæ
Transyl. D.

MAGNIF. D. COMES STEPHANVS DE BATHOR
VAIVODA TRANSILVANVS. ET SICVLORVM COMES
NECNON IVDEX CVRIÆ SERENISSIMI PRINCIPIS
D. MATTHIÆ DEI GRATIA REGIS VNGAR. BOEM. &c.

IN HONOREM DEI
ET EIVS GENITRICIS MARIÆ
OB EAM CAVSAM. QVOD IPSE PER INTERCESSIONEM
EIVSDEM VIRG. GLORIOSÆ A QVODAM MAXIMO
PERICVLO LIBERATVS FVIT.

AN. M. CCCC. LXXXVIII.

DICAVIT.

*Nobilis mulier è Gallia à septem diabolis obfessa
liberatur. Cap. VII.*

IDem porrò annus insigni miraculo memorabilis per-
hibetur. Petrus cognomento Orgentorix ciuis Gra-
tionopolitanus fuit genere, atque opibus clarus. Huius
vxor Antonia nomine pari nobilitate mulier à septem te-
terrimis diabolis obfessa tenebatur. Petrus igitur libe-
randæ cuniugi intentus, cum nihil in Gallia inexpertum
reliquisset, eam adduxit in Italiam. Ac primo Mediola-
ni ad S. Iulij, inde Mutinæ ad S. Geminiani, denique Ro-
mæ ad sacram columnam solemnes exorcismi, nequicquā
adhibiti, Deo liberatæ mulieris decus Lauretanæ Virgini
reseruante. Iamque Orgentorix consilij auxiliique inops
in patriam desperata re, cogitabat; cum in Rhodium,
equitem incidit sibi notum, & Lauretanæ Virginis satis
gnarum. Huius suasu, fiduciæ plenus venit cum vxore
Lauretum anno eius sæculi LXXXIX. Quo vt ventum
est, mulier summa vi obluētans à decem robustis viris al-
leuatur, & in sanctissimam cellam delata ante B. Mariæ
effigiem sistitur. Stephanus Francigena Canonicus Au-

*Eapt. Mant.
Hier. Ang.*

K

ximanus,

Energume-
na liberatur

ximanus erat tum custos sacrosancti sacelli, vir probitatis ac virtutis expertæ, qui vexatores diabolos exorcismis de more vrgere cœpit. Illi iubente Stephano nomina sua professi, exire obstinate recusabant. Sed vicit dæmonum obstinationem constantia sacerdotis, & scilicet diuina vis. Itaque eorum quatuor Dei numine, & Deiparæ nomine, alius post alium exacti, ingentibus ædem clamoribus impleuere. Tres erant reliquæ pertinaciores cæteris. Hos igitur Stephanus maiore vi adortus, & Mariæ nomen inclamans premere institit. Haud ita multo post quintus (Heroth nomen erat) malis fessus excessit signo dato. Stephanumque compellans ait: Maria nos eijcit, non tu. Inde sextus (cui nomen Horribilis) erumpens vociferatur queribundus. Maria, Maria nimium in nos sæuis. Cæteris eiectis, postremus nomine Arcto ante omnes alios pertinax lamentari magno gemitu, eiulatuque cœpit. Nimis potens es Maria, vti que in hoc loco, vbi nos ex nostra possessione exigis inuitissimos. Illata cum honore eius loci mentio sciscitandi cupidinem Stephano iniecit. Ergo mendaci ad verum extorquendum, sedulo instandum ratus, percontari, quis tandem ille esset locus: in eo que perstans Dei, ac Deiparæ nomine imperare, vt verum eloqueretur. Nec frustra. Arctus exorcismorum vi subactus tandem profitetur, illud esse Deiparæ cubiculum, vbi Deum Gabrielis nuncio conceperit: & simul adiungit, se diuinitus subigi, verum in præsentia edicere. Tum vero Stephanum cupido incessit cognoscendi, vbi Angelus sterisset salutans Virginem; vbi Virgo cum salutaretur, oraret. Igitur, vt ex mendacij patre verum excusculperet, solemnibus exorcismis subigere institit, vtrumque vt locum demonstraret sedulo. Ille demum diuina vi coactus enunciauit, Virginem quidem in cellæ angulo vltra cornu Euangelij ad dextram sacrosancti camini (vbi nunc est scabellum aptum genibus flectendis) Deo supplicantem à Gabriele salutatam: ipsum vero Angelum exdiamc.

diametro in aduerso angulo ad fenestræ dextram substitisse; vt facile appareat ab Angelo, Virginis reuerentia, quam remotissimum locum intra cellæ parietes esse quaesitum. Arctus ergo hisce rebus enunciatis, tandem ex corpore obsessæ mulieris excussus, eam reliquit exanimem. At illa haud multo post ex pauimento, vbi prostrata iacuerat, redeunte animo surgit: simul cum viro ingentes Lauretanæ Virgini grates agit, vota persoluit. Haud facile res alia huius generis nobilior, testatiorque. Interfuerunt plerique primorum Recinetensis ciuitatis, in quibus Ioannes Franciscus Angelita pater eius, qui Lauretanæ Virginis historiam texuit. Interfuit Antonius Bonfinis Asculanus, is qui Vngarici Regni Decadas scripsit. Itemque Io. Baptista Mantuanus, vt ipsemet in Lauretana historia profitetur. Qui ad ea quæ diximus hoc addit: Arctum illum rite exorcisinis subactum, hoc quoque inter cætera indicasse, sacram Virginis cellam, antequam Nazaretho excederet, Carmelitanorum curæ commissam fuisse. Quæ quamuis mendacis Diaboli indicio enunciata, tamen quia veracis, ac præpotentis Dei vi, ac nomine sunt extorta; haud pro vanis habenda: præsertim cum veri similia sint, & Christianæ religionis augeant cultum.

Recinetensis ciuitatis donum ob depulsam pestilentiam. Carmelitanorumque discessus.

Cap. V I I I.

Alexander inde VI. Innocentio VIII. successit, cuius Pontificatus flagrante intestinis, exterisque bellis Italia, haud pacatior quàm Innocentij, quanquam Iubilei celebritate, quæ in annum millesimum quingentesimum incidit, insignior fuit. Ea tempestate atrox Recineti grassabatur lues, quæ contagione vulgata ciuium pluribus absumptris, grauiorem in dies minitabatur ciui-

Hier. Ang.

Ciuitatis
Recinet. do
num.

tati cladem. Igitur à Magistratibus de primorum consilio, indicitur ad Lauretanam Aedem supplicatio: votum publicè nuncupatur. Nec spes precesue in irritum cecidere. Extemplo vortua supplicatione, veluti diuina manu pestilentia absterfa: Ciuitas periculo exempta. Ergo Recinetenses voti rei pro domesticis quisque copijs, magnam pecuniæ vim in votiuum conferunt munus. Decretaque supplicatione, coronam auream gemmis distinctam clarissimis Lauretanæ Virgini donum ferunt, anno eius seculi XCVI. Corona B. Virgini imposita, & simul à Robureo Cardinale impetratum est, vt ea nunquam remoueretur: Cardinalisque beneficium Iulij Secundi, & aliorum deinde Pontificum autoritate firmatum. Et valuit apud finitimos populos gratæ pietatis exemplum. Hinc ille mos increbuit, qui hodieque viget, vt Piceni vrbes, & oppida quotannis insigni supplicatione ac pompa coronam Lauretanæ afferant Virgini. Haud ita multo post Hieronymus Robureus Cardinalis sanctissimæ cellæ pauimentum, qua supplicantium genibus attritum, quatuor auellentium manibus effosum (quippe auulsa inde saxa, sericoque inuoluta pro reliquijs auferiebantur) quadrato marmore discolori pulcherrimè strauit. Opus scutulatum est egregium, & vel in tanta, quanta nunc Lauretanum sacellum est, magnificentia visendum. Porro circa vestibulum templi magnificentissimas ædes à Bramante architecto illa tempestate inclyto descriptas Robureus moliri cœpit, annuente Pontifice. Cisternam quoque ingenti amplitudine in medio templi atrio exstruxit ornauitque, ne quando oppidanis aduenisue deesset aqua. Caterum incolarum, & peregrinorum commodis consulenti veteres Lauretani templi curatores instaurandi fuerunt. Coeli grauitas, quæ tum erat Laureti ex circumiectis nemoribus lacunisque, Carmelitanorum Patrum complures absumpserat. Itaque Petri Taruisini Vicarij Generalis iussu, relicta Lauretanæ basilicæ procuratione, nono

nono anno, quam venerant, ad salubriora migrarunt loca. Horum in locum pij aliquot Sacerdotes, sed mercenarij à Cardinali Patrono substituti, qui ad Leonis Decimi Pontificatum durarunt, qua tempestate res tandem ad Canonicos venit.

Iulij II. decreta, nouique templi molitio, & nobilium hominum dona. Cap. IX.

EXempto rebus humanis Alexandro Sexto, Pius Tertius subiectus Pontifex bonus, sed brevis adeo, vt vix tertiam hebdomadam excefferit. Pio Iulius Secundus subrogatus, religione erga Lauretanam Virginem nulli Pontificum secundus. Is quippe anno quarto Pontificatus sui, siue Xysti Quarti patrui exemplo, siue quod in Pontificia ditione armis recipienda, imploratam Lauretanæ Virginis sensisset opem, Lauretanam Aedem summa ope ornare cœpit. Omnium primum, rem ad augendam loci religionem efficacissimam, veterem Aedis famâ Pontificia autoritate altius in mortalium pectoribus defigendum ratus est. Itaque in primi diplomatis sui procemio, Urbani VI. Bonifacij IX. Martini V. Maximorum Pontificum decreta Aedi Lauretanæ perhonorifica perstringit. Hinc Lauretanæ Domus primordia exsequens cubiculum esse ait (vt piè creditur, & fama est) B. Mariæ, vbi illa concepta, vbi educata, vbi ab Angelo saluta Christum conceperit alueritque. Hanc deinde ædem ab Apostolis consecratam, ac diuinitus primum è Nazaretho, exinde è sylua latrocinij infesta in collem duorum fratrum; hinc ob fraternas rixas in eum, vbi nunc sita est, collem demigrasse. Deinceps præfatus, se non minore studio teneri Lauretanæ Domus ornandæ, quam Paulum Secundum, aut Xystum Quartum, quorum præclara in eam extarent beneficia; confirmat illorum munera, immunita-

*Iulij II.
Bulla, & testimonium.*

Iulij II.
beneficia.

Lauretum
exemptum.

Georgij
Monachi
D.
Card. Tra-
nensis D.

munitatesque . Lauretanam insuper Aedem , denuo in-
tutelam Pontificis receptam Pontificium sacellum appel-
lat , sacra inibi officia solemni ritu similiter , vt Romæ in
sacello Pontificis,peragi iubens . Porrò Lauretani templi
ministris omnibus indulgit, vt Pontificij familiares, & cō-
uictores essent eo iure , quo qui optimo . Ad hæc Præto-
rem Laureto præsidere iussit à Pontifice diligendum , cui
etiam mistum dedit imperium. Ex quo tempore oppidum
Lauretum Recinetensium ditioni exemptum sui iuris esse
cœpit . Annonam quoque & alia venalia Lauretum de-
ferentes omni portorio, ac vectigali immunes esse voluit .
Interdixit etiam ne quisquam dona , seu pecunias B. Ma-
riæ Lauretanæ oblatas auerteret , cum excommunicatio-
nis latæ sententiæ minis . Per id quippe tempus plurimis
non pecunijs solum , sed etiam muneribus sacram Aedem
auctam reperio . Georgius Monachus Patauinus B. Virgi-
nis Lauretanæ effigiē ex argento expressam, pondo libra-
rum quinque, donum attulit . Cardinalis Tranensis alte-
ram eiusdem formæ ac materiæ effigiem , sed ponderis
duplo maioris. alij alia, quæ exsequi operæ non est.

Paralytica nobilis mulier sanatur .

Cap. X.

Bern. Cyril.

F Vit hoc ipsum tempus etiam miraculis insigne . illud
autem præcipuum, quod incidit in annū M. D. VIII.
Longus quidam Neapoli fuit vnus è Consiliariis Regiis ,
clarus in paucis . Huius coniux femina primaria (ex viri
cognomine Longa dicebatur) omnibus capta membris ,
acerbissimis insuper discruciat doloribus miserrimā tra-
hebat vitam , morti quam vitæ similiorem . Itaque ad vl-
timum damnata ope medicorum, exorat virum, vt Laure-
tum deferri ipsam iubeat . Quò vt peruentum est , generū
suum itineris comitem rogat , certum vt sacrum in augu-
stissima

stissima Virginis cella faciendum curet suis rationibus accommodatum: nimirum cuius initium est: *Repleatur os meum laude*, in quo sanati à Christo Paralytici Euangelii recitatur. Id sacrum sextæ feriæ à Pentecoste assignatum, utique alienum ab eo tempore erat, cum iam pridem is abiisset dies; sed Longa votium id sacrum expetebat. Vix hoc planè genero mandauerat, cum ipsa eodem genere prosequente, in sacrosanctam defertur Aedem, ac B. Virgini sistitur, haud dubia spe Deiparæ preces salubres sibi futuras. Ecce tibi prius quam gener socrus suæ mandata exsequi posset, ad aram accedit sacerdos ignotus: qui rem diuinam ab illo ipso introitu: *Repleatur os meum laude*, orsus, Longam ingenti admiratione percussit. Igitur stupore attonita paulisper hæsit. Inde versa ad generum, qui non dum ab ea, sacri curandi causa, discesserat, sed iam discedere parabat, Mane, inquit, nihil attinet te ire: hoc ipsum est sacrum, quod requirebam. Porro ut ad illum Euangelii locum ventum est, ait *Paralytico: Tibi dico surge*. mira res dictu, visuque paralytica mulier repente diuina quadam vi, simul membra consolidari, simul mentem insolita dulcedine perfundi sentit. Extemplo igitur gratulabunda exsurgit è sella, cæteris rei nouitate, ac stupore attonitis: manantibusque gaudio lacrymis, nullum facit agendi grates B. Virgini modum. Ad vltimum re diuina peracta, suis ipsa pedibus ad hospitium tendit, cunctis utique eius familiaribus tantæ rei miraculo stupentibus. Aderat tum forte Laureti Dux Termalensis cum delecta equitum manu, qui a Iulio II. in Galliam Cisalpinam ad bellum euocabatur. Hic igitur (ut qui Longam, eiusque insanabilem morbum familiariter norat) ubi suis ingredientem pedibus eam vidit; hæsit scilicet rei nouitate obstupescens. euidenti deinde miraculo motus, diuinas cum illa laudes miscuit. Noua exinde res auxit miraculi fidem. Sacerdos ille, qui Longæ rem diuinam fecerat, diu multumque requisitus nusquam comparuit;

paruit; diuinitus missum crederes, vt diuini operis minister foret. At Longa voti compos Neapolim regressa, valerudinem diuinitus receptam Deo consecrandam existimauit. Proinde sacrarum Virginum cœnobium Neapoli instituit: ipsa agrorum insanabilium ministerio se se deuouit, Raimundo Cardona Prorege Neapolitano.

Julius II. Lauretanum templum absoluit, munitque.

Cap. XI.

Iulius porrò alia multa beneficia, quæ longo explicata diplomate opere pretium non est referre, superioribus adiecit. Aucta hisce immunitatibus Aede Lauretana, ad eius munimentum cura Pontificis versa. Igitur haud minore animo pacis opera aggressus, quam quanta mole gerebat bella, Lauretanum templum à Paulo Secundo inchoatum, cuius absolutio varijs casibus turbata fuerat, nō exstruere solum, sed etiā permunire parat. Videbat quippe ædem non minus sanctimonix, quam opulentix fama inclytam in vico immunito expositam, seu militum, seu barbarorum avaritix fore. Bramantis ergo nobilis architecti consilio atque opera vsus, per Hieronymum Robureum Laureti Patronum rem vrgere cœpit. Et Hieronymus Lauretanam Aedem omni ope ornare, munus ac decus Roburæ familiæ ratus, basilicam in arcis modum exstruxit muniuitque. Quippe sacella ipsa propugnaculorum instar assurgunt. additæ vndique in summis muris pinnæ, aditusque sub tecto, vt ad propugnandum quoquo versus tuto discurrere miles possit. Omnino eminus intueri arcis potius, quam ædis speciem præbet. Et adiuuat templi munitionem collis, cuius in vertice sita eminet, præsertim quâ vergit ad mare. Basilicæ corpus ex pilis ingentibus columnarum instar duodecim constat, quarum utrinque senæ concameratum tectum sustinent. Huic corpori duæ

ri duæ velut alæ, hinc atque hinc adiectæ, cum senis sacellis minoribus, quæ intercolumnijs vtrinque respondent. Alia porro maiora circa templi caput sacella disposita numero septem: his interiecta sacraria quatuor, quibus fere Lauretana conduntur dona. Sub tholo, quod est velut basilicæ caput, sacrosancta B. Virginis cella, præcipuam obtinet sedem, & vndequaque aspectabilem; multis circa, vt diximus, sacellis maioribus, admirabili artificio excitatis.

Iulius II. à bombardæ ictu protectus Lauretanam Aedem donis colit. Cap. XII.

INter hæc euidenti miraculo nouus Pontifici injectus est ardor Lauretanæ Virginis honestandæ. Bononiam pergens ad comprimendos Bentiuolorum motus, Lauretum venit: & ipso natali B. Virginis die in natali eius cella sacrum fecit. sub sacrum solemni pompa in suggestum ad id fabricatum ascendit. Hinc populo, qui ad Pontificis aduentum maior solito confluxerat, bene precatus, amplissimam delictorum Indulgentiâ largitur omnibus Lauretanam Aedem eo die ritè visitantibus. Sunt qui scribant, Iulium eo tempore vota B. Virgini nuncupasse, pio iustoque bello Tyrannos persequi molientem. Certe id, & belli euentus, & Pontificis ob partam victoriam dona testantur. Iulius igitur Bononiam profectus, expulsis Bentiuolis, urbem pacauit. Inde Fauentia, Foroliuio, Rauenna, aliisque Pontificiæ ditionis vrbibus, oppidisque receptis, cum Mirandulæ obsidio Ducum incuria traheretur; ipsemet Pontifex nouo exemplo pergit in castra, Duces militesque sua præsentia excitaturus. Ibi dum belli consilia cum Cardinalibus agitatur sub tentorio; manifestum periculum diuina utique euasit ope. Quippe globus ferreus instar humani capitis, repente ab hostibus æneo tormento

Diarium
Iul. II.

Picciar. l. 9.
Onufr. ibi
Iul. II.

Picciar. l. 9.
Tradit. Lau.

prægrandi excussus, deiecto Prætorio, nihil omnino Pontificem ipsum, aut quemquam eorum, qui Pontifici in consilio aderant, læsit. Id enimvero Pontifex B. Mariæ Lauretanæ debere se professus est; siue quod ad bellum iturus, ei vota fecerat, seu quod ad primum bombardæ fragorem Lauretanam Virginem inclamarat. Ergo Mirandulæ expugnatione, alijsque victorijs clarus Lauretum pergit ad vota reddenda. Gratijs Deo Deiparæque impense actis, globum illum in sacrosancto sacello suspendi iubet, monumentum posteris, quanta pestis esset ab suo capite, Lauretanæ Virginis præsidio depulsa. Suspendus est globus è pariete ab latere sinistro aræ, quod vulgo cornu epistolæ vocatur: vbi nunc quoque monstratur visiturque. Inde Pontifex, ut gratus non tantum pius in Virginem foret, Lauretanam basilicam decorare impensius cœpit. Namque aram maximam sacra supellectili augendam ratus, egregium aræ amiculum ex veste Attalica crispante, argenteâ crucem pondo librarum quadraginta illusam auro, & antiquo opere cælatam: Bina item sesquicubitalia candelabra eiusdem materiæ atque operis, pondo xxvj. ab vrbe misit. Et exstat in turbinata crucis basi titulus, haud obscurum indicium partæ à Pontifice, Deiparæ Virginis ope, victoriæ:

Iulij II. D.
Hier. Ang.
Bern. Cyril.
Cod. Lau.

IVLIVS II. PONT. MAX.
DEIP. VIRGINI LAURETANÆ DICAVIT
ANNO M. D. X.
IN HOC SIGNO VINCES.

Neque his contentus Iulius binos insuper aræ ornatus, (frontalia vocamus) ex holoserico villosio cæruleo, insignes auro, margaritis, & opere Phrygio addidit. Altarium ornatui ornatum ministrorum adiecit, mitram egregio opere, aliaque Pontificalia ornamenta, quibus videlicet, vel Pontifices, vel Episcopi sacris operantes vterentur. Super hæc conchylia peristromata exornandis templi

templi parietibus, aliaque complura dona Lauretanæ Virgini dedit dicauitque.

Septennis puella à B. Virgine ipsa Lauretum adducitur. Cap. XIII.

Eodem fere tempore B. Virgo Lauretana, & Pontificem in bello texit, & inopē puellam in pace inusitato miraculo sibi adiunxit. Sabino cuidā, ex pago haud ignobili agri Piceni (Rocham Contradam vocant) filia erat septennis nomine Alexandra, quæ haud longe à pago paternum pascebat gregem. hæc dum oues pascerentur, sub arboribus venerabunda cœlesti numini supplicare consuerat. itaque diuinitus nondum septennium egressa dicauit se Deo. Quo magistro dum precibus institit, Deiparam enixè colens; repente obtulit se illi cœlesti specie Virgo (haud dubiè Dei mater fuit) quæ puellam manu præhensam se sequi iubet. Mira res dictu. triginta millia passuum ab eo loco, ipsamet cœlitum Regina paruam puellam ad Lauretanam deducit Aedem: & ingenti perfusam gaudio ex suæ imaginis ac domus aspectu, reducit ad pascua. Ibi Alexandram, etiam si quæ tandē illa ædes, quæ Virgo esset ignoraret; tamen ingens eius loci, & spectaculi desiderium tenebat. Ergo, vt gustata semel Lauretanæ Domus dulcedo subibat animum, flens precibus virgere, ac fatigare Sabinum patrem non desinebat, vt ad ædem illam tot liminibus illustrem (neque enim aliter designare nouerat locum) se duceret, vbi pulcherrima illa Virgo habitaret. Eludebat filiæ postulatam pater, siue pueriliter delirare eam ratus, siue quem tandem locum illa describeret, ignarus. Cæterum haud multo intermisso tempore, euenit vt Sabinus cum vniuersa familia Lauretum pergeret. Tum vero Alexandra locum agnoscens, gestire, & exultare gaudio: ac versa ad parentem, En pa-

*Ann. Laur.
Raph. Rier.*

ter, inquit, hæc, hæc illa est Domus, quo me pulcherri-
ma illa Virgo candida veste amicta deduxerat. huc ego
redire, hoc spectaculo iterum frui expetebam. Obstupuit
ad hæc pater, & eximiam puellæ erga Deiparam religio-
nem animo reputans, sensit eam B. Virgini esse cordi, uti-
que cum Dei mater illam ad se à primis annis inuitata
quadam ratione pelliceret. Igitur pietatem filix fouere
non destitit. Remque omnem, nec ipse tacuit, & Alexan-
dra ubi adoleuit, pijs hominibus sæpe narrauit, qui dein-
de alijs, ac mihi ipsi retulerunt. Incidit hoc miraculum in
annum seculi huius VII. Nec frustra hæc fuerunt. Alexan-
dra deinde hoc Tyrocinio imbuta virginitatem perpetuo
coluit: vitamque sanctissimè egit ad annum nonagesimū,
Lauretanam Virginem quotannis reuifens. Tanta porrò
fuit sanctimonix fama, ut in oppido Montalbodo Virginū
coenobio Antistita data sit, ubi miraculis etiam, non tan-
tum virtutibus floruit.

*Circa vestibulum Templi Lauretani ædes Pontificia
à Iulio II. inchoantur, & sacrosancti sa-
celli calatura destinatur.*

Cap. XIV.

CAeterum intentus perficiundo, exornandoque tem-
plo Lauretano, augebatur ad impensas Pontificis a-
nimus. Itaque sacrosancto sacello muris basilicæ commu-
nito, munimentum Lauretano vico aduersus hostium im-
petus, incursionesque addendum ratus est. Dudum Hie-
ronymus Robureus Laureti Patronus, vel maxime memo-
rabilis, qui id operis susceperat, excesserat vita, vix aper-
tis primis ædificij fundamentis. Proinde Iulius Pontifex
præclara coepta exsequens, eodem Bramante (cuius an-
te mentionem fecimus) authore, Pontificias circa tem-
plum ædes sanè ingentes, ac magnificas inchoauit, Prin-
cipum

cipum hospitio præcipuè destinatas. Quarum forma talis. Aedium sinus (vbi est aditus impluij) basilicæ obuersus eam duobus lateribus quasi brachijs cingit. In quatuor angulis totidem prominent propugnacula. Tota moles quadrati castelli speciem refert, templum habet pro arce. Eius hodie pars vix dimidia assiduo multorum annorum labore sumptuque absoluta. Nec vero dum Pontificias ædes exstrueret Iulius, templum adornare destitit. Ad eius cultum cantorum chorus institutus: organa musica egregia, magnifico opere, auroque conspicua: campanæ duæ eximie magnitudine, ac specie fusæ: turris campanariæ fundamenta iacta Iulij Secundi opera sunt. Ita ornato templo, augustissimæ Virginis cellæ extrinsecus ornandæ, satis pretiosi marmoris comparat. Quod utique opus fuisset operum eius maximum, nisi iam matura ævo mors coeptis eius interuenisset, Deo tam insignem laudem alteri reseruante. Illud autem non postremo habendū loco, quod huius generis vltimum mortaliū eius operum fuit. Petrus Antonius Perottus Syluestrinorum Præpositus Generalis, D. Mariæ Lauretanæ studio accensus Abbatiam S. Laurentij Laureto proximam (ea est in agro Castri Ficardi) cum vniuersis villis, ædibus, pratis, agris, oliuetis, syluis ad eam pertinentibus, Pontifice approbante, Lauretano concesserat templo, anno huius seculi XII. Iulius ergo paucis ante mortem diebus, Abbatiam illam Pontificali diplomate Lauretanæ attribuit Domui. Perottum ipsum Laureti Gubernatorem constituit, ratus (id quod erat) cui cordi fuisset Lauretanæ fortunas augere, eidem conseruare ac tueri auctas, cordi futurum.

*Hier. Aug.
Bern. Cyrih.*

*Antonij Pe-
rotti D.*

Aedes Lauretana à Reginis Neapolitanis aditur.
Cap. XV.

Leo Decimus haud Pontificatu magis, quam instituto successor Iulij, nihil potius habuit, quàm vt in Lau-
retana

*Riera in An-
nal. Laur.*

retana Aede amplificanda nemini cederet: Et huiusce studij sui declarandi præclaram illi Deus materiam, inter primum Pontificatus rudimentum dedit. Per ea quippe tempora Lauretanæ Religionis, ac celebritatis fama Neapolim perlata duas Ioannas Aragonias, seniorē, & iuniorē (Reginas Neapolitanas, quia regia stirpe genitæ erant, vulgus appellabat) ad templum miraculis maximè inclytum visendum accendit. Itaque magnifico sane comitatu Neapolitani Regni interiora penetrâtes, per Samnites in Picenum transeunt, ingenti populorum, quacumque transibant, gratulatione cultuque exceptæ. Quo tempore Leonis præcipuè magnificentia enituit. In omnibus Pontificiæ ditionis oppidis, quæ erant in via, Reginas regio apparatu excipi iussit, non tam illarum cultui, quam Lauretanæ Virginis celebritati fauens. Cumulatissimam insuper delictorum veniam, & ipsis Reginis, & cæteris Lauretum ad illarum aduentum occurrentibus, eodemque die Lauretanam Aedem rite venerantibus imperituit. Annus huius seculi quartus decimus Reginarum aduentu insignis perhibetur. Et exstat in Piceno celebre eius rei monumentum. Fama est per eam occasionem in agro Montis Sancti (oppidum id est Lauretum inter, & Firmum) viam illam pulcherrimam esse stratam, quæ hodieque via Reginarum vocatur, ab his videlicet Reginis olim appellata, in quarum gratiam sterneretur.

A Leone X. amplissimis decretis ornatur.

Cap. XV I.

Leonis X.
beneficia.

EX in Leo cunctas Iulij Secundi, superiorumque Pontificum Indulgentias, immunitates, beneficia Lauretanæ Domui tributa luculento diplomate rata esse iussit: ac deinceps alijs super alia diplomatis impense cumlavit. Lauretanam quippe Ecclesiam Collegiatam instituit:

cuit: sigillo cæterisque collegialibus insignibus ei attributis. Duodenos inibi Canonicos (ex quorum numero Archipresbyter, & almæ Domus Custos forent) totidemque Sacerdotes assiduos, quos Missionarios vocant. fenos præterea Clericos chori adiutores esse voluit. Sui, cuique annui redditus pro rata portione assignati. Omnes porrò Indulgentias, quibus in templorum stationibus Roma perfruitur, Lauretanæ concessit Aedi, vt ijsdem temporibus Laureti percipere aduenæ possent in vna æde, quæ Romæ perciperentur in pluribus. Pretium operæ visum est, honorarium diplomatæ procœmium inserere. *Cum nos memoria repetimus grandia, ac ferè innumerabilia continua miracula, quæ apud Ecclesiam de Laureto multis Christi fidelibus pro varijs infortunijs, & necessitatibus ubicunque oppressis, qui ad Ecclesiam ipsam de Laureto sola animi moderatione confluunt, intercessione dictæ gloriosissimæ Virginis, illius unigenitus operatur Altissimus; dignum ducimus, atque debitum, eandem Ecclesiam de Laureto non solum in antiquis concessionum gratijs fouere, & conseruare illam; verum nouis in dies prerogatiuarum muneribus, largitionibus, compendijsque decorare.* Inde Anconitano, Pisaurense, alijsque autumnalibus finitimorum oppidorum mercatibus abrogatis, Recineti dumtaxat Septembri mense (ornando scilicet diei natali B. Mariæ) celebrari emporium iussit. Ad hæc Recinetensis emporij, immunitatumque nuntiis ad barbaras quoque nationes, non tantum ad Christianos populos circummissis, euocauit vndique mercium institores. Ergo gentium, generumque omnium mercatores hac fama excitati, Recinetum ad indictum mercatum confluunt, Itali, Dalmatæ, Germani, Flandri, Græci, Armenij, Iudæi denique Hispania nuper expulsi, Turcæque. Institorum ergo complures cuiusque generis, seu religione, seu miraculo loci (& vicinitas inuitabat) ad Lauretanam Aedem venisse constat: nec quenquam aditu prohibitum, præter obstinatos in auita superstitione, Turcas, Iudæosque,

Leonis X
testimoniū.

que , ne videlicet *proijcerentur margaritæ ante porcos* . Græcos vero , & Armenios (tametsi plerique eorū schismatici essent) religione erga B. Virginem cum Latinis cerasse accepimus : plures eorum detractis in ipso tēpli aditu sibi calceis , manibus & oculis sublatis in cœlum , ad sacrosanctam accessisse Domum : quo vbi ventum esset ; ad limen procubuisse venerabundos : ibique prostratis humi corporibus , Deum Deique parentem adorasse , demum ad conspectum Virginis , aramque adrepisse genibus , Iesu Mariæque nomina enixe inuocantes . Hæc porro Recinctis mercatus à Leone instituta celebritas plurimos deinceps duravit annos , ingenti cum Lauretanæ celebritatis incremento . At Leo ne quam Lauretani cultus amplificandi omitteret viam , ad vltimum sanxit , ne vota adeundæ S. Mariæ Lauretanæ vlllo modo possent cum alijs pietatis operibus commutari . Proinde votum hoc quinque illis vulgo excipi solitis aggregauit . Et est diploma honorario procemio insigniter ornatum : quod quia est ad Lauretanæ Virginis laudem insigne , attexere placuit . *Gloriosissima Virginis Matris Dei Maria , a cuius laudibus sicut neminē cessare fas est , ita ad illas explendas neminem sufficere arbitramur . Cum si quidem nullum promptius miseris , aut efficacius peccatoribus refugium apud Deum inueniatur , merito totius animi , mensique affectibus recolentes illam in cælis primum adorandam , deinde vbiq; in terris venerandam , & loca eius nomini dicata omni studio ornanda esse censemus , & illa maxime , qua ipsa B. Virgo sibi angelicis comitata cœtibus elegit , & assidue in eis ad Christi fidelium auxilium , & subleuationem miracula fere innumera operatur . Inter qua omnium consensu testimonio , ac deuotione locus ille Lauretanus fama celebris , ac deuotorum frequentia cultissimus meritiò habetur primus . Cum enim Beatissima Virgo (vt fide dignorum comprobatum est testimonio) è Nazaret imaginē , & cubiculū suum diuino nutu trāsferens , postquam apud Flumen Dalmatiae oppidum primo , & deinde in agro Recanatensi in loco nemoroso , ac rursus quodam in colle eius-*

Leonis x testimonium al-
terum .

le eiusdem agri particularibus personis addito posuit. Demum in via publica ubi modo consistit illud angelicis manibus collocando sibi delegit, & in eo assidue miracula innumera illius meritis operatur Altissimus. Ob quod complures Romani Pontifices pradecessores nostri, & precipue fel. Recor. Paul. II. Syxtus IV. & Iulius II. Sacratissima Virginis merito deuotissimi, quo populum Christianum omnipotenti Deo, & Virgini Matri redderent acceptabilem, Ecclesiam Lauretanam, qua tanto miraculo creuerat, & augetur in dies, varijs, ac precipue spiritibus decorarunt muneribus. Et cætera, quæ sequuntur.

Egregijs ornamentis, donisque decoratur.

Cap. XV II.

NEC Apostolicis litteris magis Lauretanam Aedem Leo Pontifex, quam Pontificijs opibus auctam voluit. Interim ab eo templi, Domusque Lauretanæ ædificia strenue adiuta. Bina templi sacraria circumdatis segmentato opere armarijs adornata. Inde ad ipsam sacrosanctam cellam honestandâ conuertit animus. Ac sacros quidem parietes intrinsecus ornandos ratus non est, ne quid in eis ornati esset præter ipsos, quos Christi ac B. Virginis habitatio, contactusque satis superque adornarent. Cæterum intentus sacello extrinsecus magnifice exornando (& materies ad id nuper ab Iulio præparata stumulabat) eam ornatus amplitudinem concepit animo, quæ digna Deipara Virgine, digna Romano Pontifice Christi Vicario, digna ipsius loci maiestate religioneque, quoad paterentur humanæ opes, foret. Ergo Sansouino Architecto simul ac statuatio illis temporibus nobilissimo; formæ describendæ negotium dat monito quid sui consilij sit. Sibi utique esse in animo tale moliri opus, quod in parua mole, omnem illius seculi magnificentiam vinceret. Nec defuit regio Pontificis animo sapientissi-

Leonis x. ornamenta.

mi architecti solertia. Formam quippe talem descripsit, quæ Leonis responderet optatis. Nec Pontifici minus animi in opere perficiundo fuit, quam studij in forma optanda probandaque fuerat. Preciosi marmoris haud quam satis erat: & descripta forma requirebat ingentes marmoris glebas. Igitur eas inde usque à Carraria (quæ candidi marmoris lapidicina in Liguribus est in primis nobilis) peti iussit. Nullaque habita sumptus ratione Ligustica marmora nauigijs imposita longissimo circuitu (quippe infero superoque mari, Italiæ oram pene quam longa est, circumuehi necesse erat) subuehenda curauit. Quæ ad Anconam, siue ad Recinetensem portum demum exposita Lauretum aduehebantur plaustris: ibi ab eximijs fabris illius ætatis maxima mercede conductis, antiqua illa Græcorum, Romanorumque arte perpoliebantur. Inter hæc auxijt loci maiestatem, religionemque haud exiguum Lauretanæ Basilicæ additum decus. Leo, vt augustiorem sedis Lauretanæ speciem faceret, Petrum Antonium Perottum Præsidentem sacris operantem cum cætero habitu, tum verò Episcopalibus insignibus venerabilem fecit: eidemque concessit, vt sacris operatus populo bene precaretur Episcopali ritu. Nec Leonis curæ Lauretanum Antistitem magis, quam aram Pontificijs muneribus honestauit. Cadelabra argentea quatuor scilicet quicubitalia auro interlita, & præclaro opere calata pondere fere quinquaginta: umbella insuper quadrata egregia Leonis dona sunt. Per eadem tempora Lauretana Aedes alijs quoque nobilissimorum hominum muneribus culta. Antonij Leina Dux Hispaniensis exercitus sacerdotalē ornatum dono misit ex veste Damascena, auro crispo magnifice intertexta. Regina Vngariæ effigiem suam ex argento supplicem pondo xxx. Marchionissa Mantuana sacerdotis, ac ministrorum solemnī ceremoniā sacrificantium vestimenta, argento auroque contexta. Alij porro alia, qui etsi nobiles ipsi erant; tamen sua nomina

Leonis x.
Dona.

Cod. Laur.

Antonij Leina
D.

Reginæ Vn-
gariæ D.
Marchion.
Mantuanae
D.

in suis donis ignota esse voluerunt. Quibus ex donis illa eminent maxime. Statua argentea B. Virginis cum effigie pueri Iesu globosum orbem tenentis manu, pondoli-
brarum octo. Huic altera adiecta argentea item statua, & pōdere par, & specie similis: hoc vno differt quod Christus puer matris gremio insidet, dextra prætendens pyrū. Alia rursus ex argento expressa B. Mariæ effigies librarū x i. Itemque alia, pari fere pondere, cum Cæsaræ Aquilæ insignibus, vt vnde ea sit, haud ægre appareat.

Doni ab
Ignotis.

*Sacerdos Dalmata Lauretum venit, exempta sibi extra
præferens manu. Cap. XVIII.*

Eodem fere tempore permira res, & magis propter infinitam Dei vim, quam propter facti nouitatem, credibilis, Lauretanam Aedem longe insigniorem fecit toto orbe terrarum. Sacerdos erat Dalmata vir antiqua simplicitate, idemque Lauretanæ Virgini vnice deditus. Hic forte captus à Turcis, cum ad deferendam religionem omni artificio pelliceretur; nefarias voces non dicam animo, sed auribus admittere nullo modo sustinebat. Itaque importunos illos hortatores auersatus, vt eis ægre faceret, vltro Christum, ac Mariam identidem inuocabat. Stomachantibus illis, sciscitantibusque cur tandem illa nomina vsurparet, quia hærent mihi (inquit) in præcordijs. Ibi Turcæ minitari, se præcordia ipsa extrahuros, nisi extemplo Christum Mariamque exsecratur. Erratis (inquit ille) præcordia mihi auferre potestis, Christum & Mariam non potestis. Tum vero illi furentes ira sacerdotem ferro pariter inuadunt. Hic Dalmata Lauretanam inclamās Virginem vouet, si vita suppetat, primo quoque tempore se ad eam iturum. Ea vox iratos magis accendit. Igitur hominem circumstunt, & discisso apertoque pectore, intestina à summo recisa extrahunt: eaque semineci, iam

Tradit Lau.
Ann. Laur.
Riez.

iamque vt rebantur, casuro tradunt, simul per ludibrium increpantes. Abi iam propera, & praeordia in quibus hærere ait Mariam Lauretanam, ad eam perfer, vti vouisti. Excedit fidem, non tamen diuinam vim, quod deinde memoratur. Moribundus sacerdos, Deo mortem morante, viresque suggerente, porro ire pergit; multorumque dierum itinere celeriter emenso, Lauretum peruenit sua exta præferens manu. Quacumque incedit; concursus ad eum fieri, seu visendi studio, seu rei cognoscendæ. Et ille Lauretani præcipue templi ministris apertum, vacuumque petus, & prætenta manu viscera ostentans, totam rem breuiter enarrat; cunctis stupore atque admiratione attonitis. Ad vltimum gratijs Virgini enixe actis, & solemnibus Confessionis, Eucharistiæque præsidijs communitus, in Deiparæ conspectu, complexuque (vt credere par est) efflauit animam. Extæ ipsa e regione sacrosanctæ cellæ suspensa diu aduenis spectaculo fuerunt. Quibus tabe absumptis, exta e ligno assimilata, atque ibidem affixa multos annos monumentum ei fuere miraculo. Cæterum quia rustici homines Lauretanum templum ingressi, animis tali spectaculo occupatis, Deiparam seigniore colebatur cura; tandem ea tolli placuit. Itaque Paulo III. Pont. per occasionem firmandi pilas, quibus tholus incumbit, tigillum vnde illa pendebant, deiectum est. ad conseruandam tanti miraculi memoriam, sacerdos praeordia prærendens in tabella depictus, addita breui totius rei narratione, & in publico propositus, qui hodieque visitur. Miraculum quidem ipsum adeo testatum est, vt nefas sit de eo dubitare. Multi adhuc viuunt, qui testantur exta e ligno expressa ab se visa, pluresque accolarum auditos, cum dicrent, exta ipsa adhuc recentia ab se conspecta esse Dalmatæ sacerdotis.

*Turcarum incurſiones ab Aede Lauretana diuinitus
arcentur. Cap. XIX.*

PER idem tempus B. Virgo, quam ſibi Lauretana Do-
mus cordi eſſet, haud dubijs argumentis oſtendit.
Selimus Turcarum Imper. Mahometis nepos, intactis æuo
Lauretanae cellæ theſauris imminens, nihilo feliciore exitu
tantum facinus tentauit, quam Mahometes eius auus
tanto ante tentauerat. Iam Selimus ſuis, maiorumque
ſuorum victorijs erectus, omnia pene maria claſſibus ha-
bebat infeſta, totam ſubinde Europam, vltimique occi-
dētis oras imperio ſuo deſtinans. Igitur illo authore, in-
gens piratarum manus in Italiam appulit: & Dalmatarū,
Appulorumque littoribus depopulatis, Lauretanae prædæ
ſpe inuitante, in Picenum vela fecerunt. Deſcenſione inde
facta, Caſtro Portus Recinetenſis potiuntur: tecta cædi-
bus & incendio ſœdant. Iam nemine contra arma ſeren-
te, Lauretum inflammatis ſtudiis contendebant; cum de-
ſertam à mortalibus propugnatoribus ædem à cœleſtibus
defendi, propugnarique ſenſerunt. Quippe ipſemet Lau-
retanae Aedis conſpectus tantum eis terrorem incuſſit; vt
è veſtigio trepidi re infeſta, repeterent claſſem, haud du-
bii, quin dilecta illa cœlo domus cœleſti præſidio tegere-
tur. Selimus porro conandi ſcleris author paulo poſt
haud dubia diuini numinis ira periit cancro, ſœdiſſimo
iuxta, atrociffimoque morbo miſere abſumptus. Necta-
men exitialis Selimi exitus aliorum compreſſit audaciam.
Cognitum eſt deinde ex Turcarum captiuis, qui fuga cla-
pſi, Lauretum ad vota B. Virgini reddenda venerunt, Ar-
chipiratas, in quorum ipſi fuerant poteſtate, ſæpius Lau-
retani templi prædandi, ſpoliandique ſtudio Lauretum
inſtructa claſſe petiiſſe. Cæterum vt in ſacroſanctæ con-
ſpectum Aedis ventum eſſet, repente pauore ingenti di-
uinitus

*Ann. Eant.
Rier.*

uinitus iniecto, regredi coactos, latens utique numen inibi esse confidentes. Ita audacia in venerationem vertit. Nam cum hæc fama inter barbaros increbuisse, ex eo tempore piratici myoparones oram Piceni legentes in conspectu Aedis Lauretanæ vix ausi sunt quicquam hostile conari, ne dum ad Aedem ipsam diripiendam accedere. Semel dumtaxat biremes Turcicae duæ ex agro Lauretano prædas agere ausæ: quæ mox Deiparam Virginem expertæ sunt vindicem rerum suarum. Eodem ipso die à Canaletto Venetæ classis Duce captæ: prædatores suspensi: præda omnis recepta. Lauretana res barbarorum clade sancita.

Christiani exercitus avaritiam eludit.

Cap. X X.

NEc à Barbarorum vi magis, quam ab avaritia Christianorum militum Lauretana Domus per idem tempus cælesti utique præsidio intacta mansit. Franciscus Maria Urbini Dux ditione à Leone Decimo exutus fuerat. Qua deinde armis recepta, ultro ipse Picenum agrum infesta populatione percurrit, Pontificis, ut ipse dictitabat, iniuriam ulturus. Exercitum habebat ex multarum gentium colluvione mistum, quibus nec mos, nec lingua communis, & præda potior religione erat. Proinde neque Ducis imperio satis regi poterat, neque vlla ratione à rapina prohiberi. Et Præfectorum, Centurionumque plerique iam pridem Lauretanis thesauris inhiabant. Iamque per internuncios de his diripiendis clandestina inter se consilia agitarant. Ergo ex composito ad Montem Filatranum non procul Laureto sub vespèram subsistunt ea mente, ut postero die illucescente, Lauretanam Aedem defensore vacuum direptum eant. Haud fefellit pium iuxta prudentemque Ducem impius conatus exercitus sui.

Itaque

*Ann. Laur.
Rusta.*

Itaque per interpretes deterrere ab impio consilio perditos barbarorum Duces, per Italicas copias nefarium facinus impedire institit: omnia agere, omnia moliri, ut quolibet potius auerteretur incensa prædæ cupido. Cæterum surdæ erant omnium aures obstrepente avaritia. Iam maior pars, ut plerumque fit, vicit meliorem. Luce nondum certa, præmissis exploratoribus, agi cœptum est agmen. Dissuadere iterum Dux ac minas precibus miscens deprecari sacrilegam profectionem. Posteaquã nihil proficiebat, orat, si stetisset animo Lauretum pergere, ut mutata in diuersum voluntate, pietatis ergo, ut ceteri mortales, ad sacrosanctam Deiparæ Virginis cellam accederent: si secus fecerint, non suam modo, sed coelestem quoque intentat iram, recentia Turcarum exempla proponens. At illi animis vāsania avaritiaque occupatis, nullius salubris consilij patientes ad deuoratam spe, & opinionione prædam incensis studiis tendunt. Sequitur exercitum Dux, quem regere nequibat, sacrilegium, quod impedire non poterat, temperaturus. Sed non defuit sacrosanctæ cellæ præsidium Virginis. Præmissi exploratores haud procul Laureto aberant: omniaque tuta esse cernentes lætitia gēstiebant; cum subito acrium grex luporum (ut ferinam hominum rabiem feræ comprimerent) è saltu proximo erumpunt. ac velut facto agmine in præcursores impetum faciunt: illorum plerosque repentino terrore amentes iugulant laniantque: cæteros in fugam vertunt, salutis iam magis quam prædæ memores. Qui ut ad primum agmen metu, cursu, lassitudine exanimati peruenire; receptis demum à pauore tanto animis, effusæ fugæ, terrorisque causam socijs tanti sceleris aperiunt. movent etiam atque etiam, viderent quid agerent: Aëdi Lauretanæ Deum custodem, ac vindicem a desse. tantā vim luporum, tam immania corpora belluarum non è nemore illo egressam, sed diuinitus in prædatores emissam: nec ipsis tam cum belluarum exercitu, quam cum Deo, coelestibusque

lestibusque esse pugnandum. At vāsani exercitus Duces exploratorum terrorem tanquam vanum, militari deridiculo eludentes, nihilo minus properabant ad prædam. Verum enimvero, vt sacra Aedes in conspectum se dedit; repente ingens exercitum pauor inuasit: cunctique lymphatis similes trepidare coeperunt, diuinitus incussa formidine omnium pectora percurrente. Tum vero excussa vāsania, ad se redunt sceleris Duces: & siue diuini ira numinis, siue templi religione conterriti, cuncti pariter præmeditato latrocinio desistunt. Caterum ne subinde militares animi ad ingenium redirent, consternatis nouum miraculum additur. Iam multum diei processerat, cum repente nebulam de cœlo lapsam ferunt, quæ paulatim circa templum densata eius conspectum ademit, cum tamen cætera circum loca sole essent illustria. Ea species oculis obiecta militum animos quoque immobiles tenuit. Ex inde ingenti horrore perfuni procumbunt ingenua, versaque in religionem audacia, ad placandam Dei ac Deiparæ iram, Lauretum ire pergunt. Quo ventum est, cuncti, ac præcipue cohortium Duces, Lauretanam Aedem intrant venerabundi: ac positis humi genibus cogitati sceleris veniam exposcunt. Vltro etiam Virginem, quam diripere destinauerant, muneribus colunt, ita susceptum ab infano principio iter exitu saniore conclusum. Vrbinarium Dux insperato exitu facinoris mire latus, Deo ac B. Virgini auersum sacrilegium gratulatur: mox detracta sibi arma in primo augustissimæ cellæ aditu suspendit tanti miraculi monumentum: simul se ex agro Piceno exercitum abducturum vouet. Nec votum fefellit. Extemplo formidabiles copiæ abductæ, eademque opera, & Lauretana Aedes, & Picena regio direptionis metu diuinitus liberata.

Lauretum à Leone Decimo manibus cingitur. eximium calaturæ opus urgetur.

Cap. XXI.

M Vltiplicis periculi Lauretani, diuinique præsidij rumor Leonem Pontificem perpulit, ut humana etiam ope talia pericula arceret in posterum. Apparebat Pontificiarum adijum molem Aedis munimento destinatam esse tantam, quantam vix assiduus plurimorum annorum absoluerè posset labor. Ergo tam fera spe damnata, aduersus subitas hostium populationes, Lauretum fossis, aggeribus, moenibus, propugnaculis cingit; huius seculi anno ferme XX. Satis etiam tormentorum æneorum adijcit ad propugnandum, & procul arcendum hostem. Ex quo Lauretum templi oppidique munitionibus septum, adiuuante collis situ, muniti castelli etiam eminus haud vanam speciem gerit. Huius rei fama finitimos ad incolendum, non tantum peregrinos ad visendum exciuit. Barbaros vero, ac cæteros à conando in posterum scelere retardauit. Inter quæ Cardinali Robureo Laureti Patrono vita functo Bernardus Card. Bibiennësis, huic Iulianus Rodolphus Prior Capuanus à Pontifice suffectus est: qui Leonis iussu, quoniam iam paratum erat Dynastis hospitium; domum hospitalem pauperibus peregrinis denuo extruxit. At Pontifex perfectis Laureti munimentis, campanam raræ magnitudinis fundendâ curauit xx. millium pondo, eamque Lauretam oppidi nomine appellauit. Exinde haud parum memor egregij monumenti, quod circa sacrosanctum sacellum relinquere moliebatur, Sansouinû cæterosque artifices litteris, præmijs, promissis impensius urgere institit, ut se viuo, tam eximium opus absoluerent. Exstant Leonis super ea re ad Sansouinum litteræ, quarum initium, quia plurimum valet ad Lauretanæ Domus com-

Card. Bibi.
en. Patron.
Laureti.

Leonis X.
Test. monum.
tertium.

N

menda-

mendationem, visum est hoc loco referre. Id tale est: *Cum pro immensis, & infinitis in humanum genus, ac praecipue in nos ipsos ab immaculata summi Dei Redemptoris nostri genitrice collatis beneficijs, sacrosanctā, totoque terrarum orbe venerandam Lauretanam Ecclesiam, quam eiusdem Virginis carnis sarcinam ferentis cellulam extitisse, & Angelica saluationis, atque diuini patris, quem editura esset, nuncij fuisse deo, ac pie credimus, & in qua se Virgo ipsa vberiorē in dies singulos exhibet gratiarum largitricem fidelium cunctorum votis praesto succurrens, & cetera quae sequuntur, quorum summa est. Sacrosanctam Virginis cellam dignam utique esse, cui praecipuus quidam honos habeatur. Proinde ei summa ope, omnibusque viribus connitendum, ut quam maturimè ornāmentum eius absoluat. Veruntamen haud potuit Leone viuo, suprema illi operi imponi manus. Et sanè genus caelaturae, ac pulcherrimarum statuarum multitudo, non vnum requirebant. Pontificatum. Leoni subiectus. Adrianus VI. vir alioqui pius, doctusque; verum seu perturbatio temporum, seu Pontificatus breuitas (quippe vix annus fuit) fecit, vniūllum pene relinqueret suae erga Lauretanā Aedē religionis indicium, utique cum Flādris, ex qua gente ipse erat, templum elegans Romae summa ope aedificaret S. Mariae sacrum, cui ab Anima cognomen est factum. Ceterum quam propensa eius voluntas erga Lauretanam Aedem futura esset, si vita ei suppeditaret, facile ostendunt litterae ab eo ad Lauretanum Praesidem datae, & superiorum Pontificum beneficia, immunitates, indulgentiae confirmatae. Pauca quoque huius temporis Lauretana dona reperio, propterea quod ea tempestate notabantur negligentius. Certum habeo non defuisse. Exstat donorum memoria tacitis nominibus donantiū. Credo quod ipsi taceri vellent, quod dona forent Deo ac Deiparae gratiora. Vnum reperio Ioannis Baptistae Carafae monumentum, qui imaginem suam supplicem ex argento caelatam B. Virgini consecrauit.*

Io. Baptistae
Carafae D.

*Clemens VII. Lauretano templo decretis or-
nato, sacrosanctam cellam exornare
pergit. Cap. XXII.*

C Reatus inde Pontifex Leonis X. patruelis Cle-
mens Septimus, cuius Pontificatum domesticis iux-
ta, externisque bellis exercitum non magis urbis Romæ
direptio, quam religio Lauretana Domus insignem fecit.
Is quippe Pontificatu inito, nihil ferme prius habuit, quã
vt Lauretanam Aedẽ Pontificijs diplomatæ honestaret,
quibus & vetera firmaret beneficia, & adijceret noua: O-
mittere hoc loco nõ possũ caput cuiusdã eius diplomatæ,
Lauretanæ Virginis perhonorificũ. Id est eiusmodi: *Cũ non-
nulli Romani Pontifices; præsertim fel. rec. Leo Papa X. præde-
cessor, & secundum carnem frater patruelis noster, respicientes
multa & magna miracula, quæ in Ecclesia nostra S. Maria de
Laureto quotidie operatur Altissimus, ac moniti singulari deu-
otione & religione, Ecclesie ipsi, & illius Domus Capitulo, Ca-
nonicis, & alijs personis quam plurima priuilegia, immunita-
tes, gratias, diuersis temporibus concesserint, Nos qui erga B.
Virginem, sub cuius inuocatione dicta Ecclesia constructa est,
singularem deuotionem semper habuimus, volentes quacunque
sunt in fauorem dicta Ecclesie conseruari, & quæ sequuntur.
Inter beneficia Clementis fuit, quod Recinerensibus ius
omne, si quod reliquum esset in Lauretum, ademit. Nec
paruum eiusdem beneficium, quod Ioannem Matthæum
Gibertum Veronæ Antistitem Laureto præposuit, virum
doctrina pariter, & virtute clarum. Ab eo Lauretana Ae-
des suppellectili sacra, optimis Canonici, solemnibus cæ-
remonijs instructa cultaque. Pontificiarum adijum por-
ticus fornicatæ: cisterna, quam à Card. Robureo ædifica-
tam diximus, tectorio inducto concinnata, magno, vel
perëgrinorum, vel incolarum bono. Cæterum illa maxi-
mè cura intentum Clementis habebat animum, vt nobi-
le illud à Leone inchoatũ augustissimi sacelli ornamen-*

tum pari magnificentia absolueret. Accendebatur domestica vel pietate, vel gloria, ut cuius familiæ decus inchoata Aedis Lauretanæ cælatura esset, eiusdem absoluta foret. Itaque Antonium Sangallum, Raphaelem Bacchium, Nicolaum Tribulum, aliosque statuarios illa tempestate celeberrimos ingenti precio conducit. Rayneriū Nerucium Pisanum Lauretanæ ædificationi, præcipuè vero egregio illi operi pro dignitate perficiundo præesse iubet. Iam preciosa marmora erant maxima ex parte cælata ac perpolita. Nerucius ergo, dum cætera elaboratur, disturbat lateritios muros, qui sacre cellæ pro fulgumento adstructi, ab eademque diuinitus repulsi, submotique (ut antea diximus) spectaculo erant. Inde, pari interiecto spatio, quod veteris miraculi monumentum foret, nouos circundari parietes placuit, qui cælato marmore conuëstiti extrinsecus adornarent sacellum: superstruendumque fornicem nouum, deiecto lacunari tectoque veteri, sustinerent. Ac eadem quippe lapide concementari Pontifici placuerat, verito ne peruetustum tectum laqueatum, tot luminibus perpetuo ardentibus obnoxium, igne concepto, exitium sanctissimæ cellæ pareret. Proinde ars postulabat, ut altiora fundamenta iacerentur, quæ satis firmis substructionibus tam insigne, preciosumque opus à terræ motibus tutum usquequaque præstarent. Igitur aperiendis nouorum parietum fundamentis, sacra Domus, (ne subducto solo, quid detrimenti caperet) stragulis, ut fit, funibusque constricta, ac validis suspensa rudentibus tamdiu sublimis pependit è machinis, quoad expletis fossis, noua fundamenta exstare cœperunt. Quo tempore satis constat (plurimorum enim oculis res comperta est) sub imis parietibus, dum circa eos ad fundamenta humus effoderetur, puluerulentum tritumque solum, & proximi ruris sepem oppressam, aliaque militaris viæ, quam sacra Aedes occuparat, indicia inuenta esse, noua veteris miraculi monumenta. Hæc autem à plurimis

*Nic. Ang.
Tradi. Lan.*

rimis tum notata, atque animaduersa ipsemet Hieronymus Angelita sub idem tempus memoriæ prodidit in historia Virginis Lauretanæ.

Architectus sacros parietes perfodere ausus, diuinitus exanimatur. Cap. XXIII.

CAeterum aucta per idem tempus loci celebritate, sanctissimam Aedem iantis augeri oportuit. Vna tum erat ianua (vt supra demonstrauimus) in medio fere pariete, qui vergit ad septentriones. hac ingredientibus omnibus & egredientibus aditus erat pariter, exitusque. Itaque in tanta aduenarum multitudine concursuque, alijs vt sit, alios prementibus, nonnulli (quia recessum primis vltimi non dabant) coarctati, oppressique exanimabantur. Proinde (quod iam pridem, & à multis optatum, & à Leone Decimo in forma exterioris ornamenti destinatum fuerat) peruiam fieri cellam placuit, binis ad angulos duorum parietum ianuis patefactis. Vt primum Architecti consilium distulit rumor; enimuero nefas videri, non magis accolis, quam peregrinis, eos parietes ferro temerari, quos per tot ætates diuina prouidentia saluos, intactosque seruasser. Multi palam fremere, quisquis id auderet, haud impune scilicet ausurum. Igitur coelestis iræ metus fabros à conando absterruit. Haud vanum fuisse metum docuit euentus. Quippe Nerucio ipsi Architecto rem aggredienti quiddam accidit visu dictuque mirabile. Fabris tale ministerium detrectantibus, ipsemet sacrum parietem perfodere aggressus est, maiore artis fiducia, quam reuerentia loci. Ergo vt malleum in sacrum parietem adegit, repente manu obtorpescente, insolitus horror reliquum corpus inuasit. pallor deinde suffusus ori ingentis mali nuntius: mox linquente animo, qui circa erant, collabentem excipiunt, domumque inter manus defe-

*Trad. Leu
Ann. Laur.
Riet.*

deferunt exspiranti similem, & sensus omnis expertē. Exanimatus iacuit horas ferme octo, quoad scilicet eius coniux mulier pia, & B. Mariæ Lauretanæ dedita in paucis Deum Deiparamque precibus, votisque placauit viro. Tandem igitur vitalis calor, qui totum propemodum corpus reliquerat, artibus reddi, & spiritus liberius meare coepit. Iamque alleuans Nerucius oculos, redeunte sensim animo, circumstantes noscitare. Demum iam compos mentis audaciam incusare suam: veniam opemque à B. Maria exposcere. Nec frustra. Animus religionē exsolutus pariter corpus ægritudine leuauit, vt morbi causā ipsa met curatio aperiret. Postquā conualuit, Pontificē tota de re admonitum quid facto opus sit consulit. Ille haud ignarus id nimia Architecti confidentia magis, quam indignatione B. Virginis euenisse; miscens monitis imperia vrget Nerucium, vt Dei Vicario authore non dubitanter exsequatur incoeptum: & simul impense monet, vt sacros parietes perfodiat non tam malleo & audacia, quam ieiunio & veneratione Virginis armatus: sic demum rem ex sententia successuram. Neque enim timendum esse, ne Deipara Virgo suam domum peruiam fieri nollet, quē cā peregrinis vellet cum salute, non modo sine pernicie patere. At Nerucium recenti malo ex audacia timidiorē iam factum, ne Pontificis quidem autoritas percellere potuit, vt iterum ipsemet experiretur quod tāto suo periculo paulo ante tentarat. Ad vltimum quia Pontificis imperium vrgebat, & mora patefaciendi ianuas ædificationē morabatur operis; inuentus est adolescens minime timidus, qui autoritate Pontificis fretus, & plenus amicorum vocibus rem auderet. Clericus is erat Basilicæ Lauretanæ. Venturam Perinum vocabant. hic tridvano munitus ieiunio ad sacrum parietem cum malleo venerabundus accedit. Circa Perinum erat & aduenarum turba, & Clericorum, hęc sollicita ex adolescentis fiducia, illa rei expectatione suspensa. At Perinus supplex ita praefatus dicitur.

dicatur. Sacra Virginis Domus, ignosce innocentiae: non ego te hoc malleo, sed Clemens Dei Vicarius ornamenti tui avidus fodit: ille te ornata, ille te peruiam cupit. Placeat Dei parenti, quod Dei Vicario placet. Talia precatus designatum parietis locum percussit impune. Eum deinde ictus tuto iterantem fabri pari ieiunio, ac reuerentia secuti, ianuas aperiunt tres, quarum duae liberum populo ingressum, egressumque praeberent, tertia sacerdotibus aditum daret ad sanctiorem sacelli partem, ubi est Virginis simulacrum. Eodem tempore parua fenestra, quae vna in anteriore pariete erat ferme e regione simulacri, amplior ad accipiendum lumen facta, & clathris aereis inauratis pulcherrime communita. Camentis inde erutis, vetus ianua, quae satis ampla in medio pariete patebat, obstructa. Exin nouus paries duci, & insigni caelati operis crusta operiri, conuestirique coeptus.

Clemens Lauretanæ Virginis ope adiutus eam impensus exornat. Cap. XXIV.

SVB id tempus Clemens Aedi Lauretanæ adornandæ intentus, ingens periculum Deiparæ Virginis presidio euasit. Fraude, doloque hostium capta vrbe Roma, ipse in arcem molis Adrianæ receperat se. Ibi à Cæsarianis obsessus, posteaquam hostium vim sustinere non poterat, non votis modo, sed etiam litteris Lauretanæ Virginis implorat auxilium. Nec missæ in cassum preces. Pontifex haud ita multo post inter hostium tela elapsus in tutum est. Ad hoc ex auro argentoque Lauretano tria circiter aureorum millia coacta: & Pontifici inopia laboranti peropportuno subsidium missa. Ita Clemens gemino B. Mariæ Lauretanæ beneficio, præsens periculum inopiæque vitauit: ac demum discussa ingruente belli procella, pacem populis suis, atque otium peperit. Discrimine capitis,

Bern. Cyril.

tis belloque perfunctus, Lauretanæ Virgini gratiam non solum habendam, sed etiam quantum mortali fas esset, referendam existimavit. Igitur post Carolum Quintum insignibus Imperij ab se decoratum Bononiæ, Romam inde remigrans ad Lauretanam divertit Aedem, Patronam Liberatricemque suam salutaturus. Gratijs rite actis, votisque Deo ac Virgini persolutis, ut tantorum erga se meritorum exstaret gratia, inchoata Lauretanæ ædificationis opera summa vi vrgere statuit. Architecto igitur, fabricisque instare cœpit, templum præcipue ad culmen perducere aliquando festinans. His operibus perficiendis pecuniam, quam mutuam à Virgine acceperat, reddidit. Itaque illo Pontifice, & Pontificia tecta Laureti strenue ædificata, & templo fastigium impositum, cum egregio tholo, qui tantum se à fastigio attollit, quantum fastigiū à terra. Inter hæc haud vltima Clementis cura erat de ab soluenda præclara illa cælati operis crusta, quam ut principia se dabant, haud falso augurabatur maxime inclytam toto orbe terrarum futuram.

Lauretum excisis nemoribus, lacunisque siccatis salubrius redditur. Cap. XXV.

DVM Lauretana Domus egregijs operibus ornatio-
 in dies exillit, etiam Lauretum oppidum excisis cir-
 ca sylvis, exsiccatisque paludibus existere cœpit salubri-
 us. Infame incolarum morbis mortibusque erat illa tem-
 pestate Lauretanum cœlum: quippe magna ex parte pa-
 lustre ac noxium, multarum offensarum causas corpori-
 bus afferebat, ut incolæ bonam anni partem pituitosi es-
 sent omnes ac rēdundantes: plerique tenui, imbecilla-
 que vterentur valetudine: pueri veto maxime immatura
 morte extinguerentur, ut pote qui propter corporum im-
 becillitatem, proximi stagni halitum, locique ipsius gra-
 uita-

Bern. Gyril.

Aug. 16

uitatem ægerrime ferrent. Et sane Lauretum situm est in tumulo vergente ad meridiem, orientemque solem; cæterum ab occidente ac septentrionibus, quæ sylvarum palustrium, quæ collum obiectu clausum excludebat ventos salubres: contraque ab altera parte apertum noxios excipiebat grauesque. Nec procul planities erat caliginosa paludibus, quas restagnans amnis (Mulsioni nomen est) faciebat, & limosa insuper hyemalibus aquis, quæ paulatim collectæ nullo motu agitante torpébant. Crederes insalubrem sedem Deiparæ cordi fuisse, vt eius præsidij salubritas in loco insalubri magis emereret. Pertulit igitur fama ad Pontificem, in oppido Laureto ab cœli inclementiam, plerosque infantium ac puerorum, priusquam ætas adolisceret, interire: ita paulatim incolis metu orbitatis alio demigrantibus, in oppido solitudinem fieri. Itaque ille Lauretanæ Virgini pulchrum ratus, & oppidum quam frequentissimum, & locum quam saluberrimum esse; de architectorum sententia commodissimum existimauit, vicinas lacunas ficcare, nemora excindere, imminentes tempestu colles (Montem Regalem, & Montinorum incolæ appellant) æquare, vt nebularum origine sublata, cœloque patefacto, aer ventorum salubrium flatibus apertus salubriorem faceret locum. Igitur Ioanni Antonio à Statibus Lauretano Gubernatori, & Antonio Sansouino archi-recto scribit his verbis. *Accepimus aerem istic præsertim æstiuo tempore reddi insalubrem, partim ex eo, quod quidam collis dictæ Capellæ, & Ecclesiæ supereminens ventos montanos loco salubres excludit, partim quod in planitie dictæ Ecclesiæ circumuicina etiam ad quinque millia passuum plures plaudes, & syluæ fere semper limosæ insalubritatem faciunt. Quamobrem non villâ Ecclesiâ toto orbe Christiano ob gloriosissimæ Virginis Mariæ merita, & confluentium illuc populorum multitudinem celebrem, his causis sublati, salubrem reddere cupientes, iam ordinauimus, vt dictus collis supereminens complanetur, paludes factis fossis exsiccentur, sylua excidantur. Lau-*

retanus ergo Præses impēsus etiā quam iubebatur, tam salubre opus aggressus est anno huius sæculi XXXIII. ac strenue per architectum, ingenti operarū vi conductā, pauperibus etiā peregrinis corrogatis, sylvā vico proximā deijcere, lacunas ductis fossis in præterfluentem amnem, aut in mare proximum deriuare: imminentem oppido collem cædere institit. Longum erat, ac pene infinitum opus. Proinde tum inchoatum magis quam perfectum. Cæterum illa ipsa inchoatio, & salubritatis aliquid in præsentia, & spei plurimum in posterum procedente opere incolis fecit.

*Clemens tribus cubicularijs in Dalmatiam,
& Galileā missis, Lauretanæ Domus migrationem explorat. Cap. XXVI.*

*Tradit Lau.
Ann. Laur.
Ricci.*

S Alubrior iam facta erat Laureti habitatio, cum Lauretanæ Domus historia facta est exploratio. Hieronimus Angelita ciuis Recinetenensis domi suæ, vel generis nobilitate, vel integritate vitæ clarus in paucis fuit. Is Virginis Lauretanæ historiam ab se conscriptam Clementi Pontifici per id tempus dicauit. Scribendæ dicandæque Pontifici historiæ causa fuit, quod per eadem ferme tempora, ut ante dictum est, sacrosanctæ Domus è Galilæa in Dalmatiam, inde in Picenum asportatæ narrationem ex Flumenfibus Annalibus Dalmatæ quidam ad Recinetensem pertulerant ciuitatem. Itaque siue Angelitanæ historiæ admonitu, seu familiarium rogatu, seu potius cœlestis numinis instinctu, Clementem cupido cœpit, migratione Sanctæ Domus è Galilæa intentius explorandi. Haud erat ignarus id ipsū olim, & à Dalmatis authore Frangipanio, & à communi Picentium, ciuitatis Recinetenensis hortatu, satis esse perspectum. Cæterum præcipuas Pontificis partes esse ducebat, rem tam inusitatam, ac pene incredibilem

lem denuo per certos homines explorare, vt aliorum indicij accederet Pontificalis authoritas, quæ ex mortaliū pectoribus dubitationem omnem, si qua forte resideret, funditus tolleret. Proinde ex omnium familiarium numero tres cubicularios suos delegit expertæ in primis religionis, ac fidei. Hos quid factū opus esset monitos, rebusque necessarijs abunde instructos dimittit, faustum eis iter precatus. Ergo illi Lauretum profecti, sacramque Domum intentiore cura contemplati dimensique, conscendunt nauim Illyricum petitori. Quo vt ventum est, ædiculam Lauretanæ instar satis vetustam, & miraculorum monumentis insignem inueniunt. Porro parieti eius ædiculæ inscriptum, Lauretauam ibi Domum olim fuisse. Hæc accolæ ipsi monstrabant: haud vana ab illis afferri veræ la chrymæ vbertim manantes ex desiderio testabantur. Cōfestim igitur legati mensuris admoris, deprehendunt prorsus omnia conuenire. Protinus repetito cursu pergunt in Galilæam, Nazarethum veniunt. Sacræ Domus fundamenta monstrata ab incolis cernunt: quoquo versus metiuntur: congruere cuncta comperiunt. Ex Legatorum numero Ioannes. N. erat Senensis, qui nouo aliquo indicio veteris miraculi fidem adfirmendam ratus, duos inde attulit lapides ex ijs, quibus vulgo strui ædes Nazarethi solent. Lapis quidem laterem naturali forma imitatur (cuiusmodi ex scætilibus lapidicinis erui alicubi solet) cæterum flauentibus intermicat venis. Reuersus igitur Ioānes cum Collegis ad Aedem Lauretanam, cum eius lapidibus Nazarenos illos lapides confert: reperit geminos eorum, ac simillimos esse. Ea quoque res auxit miraculi fidem, cum talem lapidicinam in Piceno nullam esse constaret: et omnia quamuis vetusta ædificia, ob cæmentorum, taliumque lapidum inopiam, laterculo structa cernerentur. Illi igitur successu admodum læti peruolant Romam. Pontificem expectati adeunt, comperta renuntiant. Ioannes insuper Nazarenos lapides Lauretanis simillimos

profert tanti miraculi testes. res summa & Pontificis lætitia, & aſſeclarum præcipuè ſermone celebratur.

Tres viri illuſtres è mortis faucibus eripiuntur.

Cap. XXXII.

*Tradit Lau.
Ann. Laur.
Riera.
Iulian. Cæſarini
a lætali morbo
ereptus.
Vaiuo. Tranſiluan.
a præſenti mortis
periculo. li-
beratus.*

*Ferdinandus
Gonzagæ
caſus, & D.*

Eodem fere tempore Aedes Lauretana nobiliſſimis eſt illuſtrata miraculis. Iulianus Cæſarinus vnus è proceribus Romanæ ciuitatis anno huius ſeculi XXX. Bononiæ graui implicitus morbo ad vltimum periculi venerat. Iamque à medicis deſtitutus adeſſe ſibi ſentiebat ſupremum diem, cum implorato Lauretanæ Virginis præſidio, repente conualuit. Eodem anno Vaiuoda Tranſiluania ab Abrahamo Prætorè Regis Turcarum (Baſſam ipſi appellant) prælio victus captuſque victoris irati iuſſu ex altiffima rupe agendus erat præceps. Cæterum ille B. Maria Lauretana inuocata, ſeruitium quoque, non tantum præſens ſupplicium euasit. Nam forte ſermonem de religione cum Baſſa ingreſſus, adeo efferatum eius animum diuina ope mitigauit, vt Barbarus odio in amorem verſo, ipſum cum cæteris Tranſyluanis captiuis dimitteret gratis. Exſtat hodie Laureti tabula ingens egregie picta, auroque exornata, vbi tota res non ſolum coloribus, ſed etiam littèris expreſſa viſitur. Ipſdem fere temporibus Ferdinandus Gonzaga adoleſcens nobiliſſimus Mantuæ præferocem curſu exercebat equum. Quo vehementius concitato effuſus in clathros ferreos vicini templi, B. Mariæ Lauretanæ opem implorat. mira dictu res. Ex tam graui, periculoſoque caſu, extemplo ſanus vegetuſque ſurrexit. Nec voti parum memor, equeſtrem ſtatuam argenteam Lauretanæ Virgini donum tulit. Ipſe autem eiſdem effigiem Virginis ex argento expreſſam deinceps in omni vita perpetuo ſuſpenſam geſtauit è collo, ſue miraculi monumentum, ſeu vitæ præſidium. nec fruſtra, in maximis prælio-

præliorum discriminibus vir bellicosus præsentem semper Dei paræ Virginis expertus est opem . Horum igitur miraculorum fama, & simul explorata Lauretanæ Domus ex Galilæa, & Dalmatia translatione mire latus Pontifex enixe instare Nerucio cœpit, vt præcipuum sacrosanctæ cellæ ornamentum quamprimum absolueret . Sed Deo aliter visum, qui affecti tam eximij operis nomen Clementi dedit, absoluti decus alteri reservauit . Enimuero in illo tam insigni opere exstruendo, & ad culmen (quantum in ipso fuit) perducendo, adeo præclare Clementis non sedulitas modo, sed etiam magnificentia existit; vt haud immerito eum authorem fama ferat: etiam si Leonis Pontificis symbola, insigniaque voluntaria multis locis operi inserta cernantur. Clemens quippe nullum omnino inseruit sui monumentum, rarum vtique exemplū, Deoq. acceptum adeo, vt eius haud dubie nutu, tam excellentis operis gloria sequentem sugeret, fugientem sequeretur . Clementem porro ferunt, cum ad tergum operis, quod vergit ad ortum solis peruentum esset, cōsultum à Recinetenſibus, vtrum in ea parte Lauretanam historiam inscribi vellet, respondisse, satius videri eam historiam in marmore similiter, vt cætera B. Virginis facta cælari, siue quod cælata historia satisfactura esset litteratis pariter, idiotisque. Attamen Clementi VIII. Pontifici Maximo, & Cardinali Gallo Laureti Patrono summam Lauretanæ historiæ in marmorea tabula, quæ cælaturæ subiecta erat, inscribi placuit: quo illustrius, cumulatius esset tantæ, ac tam insolitæ rei ad posteros monumentum .

*F. Leandri Alberti de Lauretana Aede testimonium.
Cap. XXVIII.*

*Leandri testi-
mon.*

NOuum per eadem tempora haud ignobilis historici testimonium Lauretanis rebus accessit. Leander Albertus homo ex Domiciana familia doctus æque, ac pius in libro, quem edidit de Descriptione Italiæ, Picenum describens perlonorificam facit Aedis Lauretanæ mentionem. Quem nos locum ex Etrusco sermone in Latinum totidem fere verbis conuertimus. Sic igitur scribit. Recanatum inter, & mare Adriaticum, non longe à Musione fluuio cernitur in colle templum S. Mariæ Lauretanæ toto terrarum orbe celeberrimum, quod simul cum oppido validis est munitum moenibus. Hic multi sunt incolæ excipientes hospitaliter peregrinos, qui ex omnibus Europæ partibus eo votorum perfoluendorum gratia confluunt, cum omnibus anni temporibus; tum maxime vere, & autumno. Equidem de tanto templo dicturus vnde ordiar nescio. Obuersatur quippe animo hinc summa loci religio, illinc eximia templi opulentia. Enimuero me vires deficiunt conantem dicere de sanctissimo illo, religiosissimoque cubiculo, vbi nata, vbi educata est cœli Regina semper Virgo, ac Dei parens Mariæ, eademque miserrum mortalium apud filium suum patrona. Vbi Archangelus Gabrielis huncio Dei mater effecta, appellataque est, vbi humanam Deus naturam induit, vt nos ex faucibus inferni Draconis eriperet, cœlestisque regni aditum per tot sæcula, Parentum humani generis vitio, clausum aperiret. Itaque vt dixi, vnde talis loci descriptionem ordiar ignoro. Cæterum vt pijs pariter, curiosisque lectoribus satisfaciam pauca dicam. Principio igitur dubitandum non est, quin hoc illud ipsum sit cubiculum, vbi cœli regina edita in lucem est. Nam præter certissima litterarum

monumenta, quæ Deiparæ Virginis cubiculum ab Angelis huc translatum esse fidem faciunt, nemo est tam ferus ac ferreus, nemo tot, tantisque flagitijs, ac sceleribus cooptus, qui non in ipso sacræ Domus ingressu, præsentis numinis cœlestis religione perfusus molliri suum sentiat peccatus adeo, ut venerabundus B. Mariæ impleret auxilium, ac per eam à Christo suppliciter oret suorum veniam delictorum. Et sane ad id ipsum humanos animos diuina vis videtur impellere. Ad hæc accedunt prodigia, ac miracula ibi diuinitus edita, beneficiaque tributa ijs, qui ad Dei parentem supplices confugerunt. Id adeo non solum litterarum monumenta testantur, sed etiam aurea, argentea, cerea simulacra, votiuæ quoque tabellæ, quæ per multas ætates, ac secula congesta visuntur. Longus sum si velim numerando per censere diuina prodigia, ac donâ inibi impertita mortalibus. Quæ quidem tot tantaque sunt, ut incredibilia videri possint ijs, qui non facile adducuntur, ut credant, maternas à Deo preces audiri. Nec vero hæc magnificentius à Leandro dicta, quam verius.

Lauretana Aedes plurimis, nec vulgaribus colitur donis. Cap. XXIX.

NON alias magis ante, pluribus Aedes Lauretana votiuis floruit donis. In Lauretana Domus edicibus reperio, per hæc tempora omnes ferme Piceni populos quotannis solitos in supplicationibus argenteas Beatæ Virgini coronas ferre singulas, binas, ternas, vsque ad septenas, voti aut religionis ergo. Et quia iam satis, superque erat coronarum (coronæ quippe tum censebantur ad septuaginta) commodatas coronas accipiebant à sacræ Domus Custodibus, pro his precium ferebant. A plerisque etiam Piceni castellis oppidis

Argentea
simulacra
Vrbium, &
oppidorum
XVIII.
Fieri argē.
simulacr.

Pisauri arg.
simulacr.

Ascan. Co
lumn. D.

Cardin. SS.
Quatt. D.
Comitis Rā
goni D.
Io: Francif.
Bosij D.
Pyrrhi Gon
zaga D.
Pardi Pap
pacodæ D.
Alex. Cal
cagnini D.
March. Tri
paldæ D.
Magni Ma
gistri Melit.
D.
Vincētij. Al
fani D.

Ludou. Gi
silar di D.
Card. Mon
tini D.

oppidis; vrbibusque argentea ipsorum simulacra in sup
plicationibus praeferbantur. Erant illis temporibus par
tim vrbium, partim oppidorum, & castellorum ex argen
to expressa simulacra numero duodeviginti. inter quae Fir
mum pondo librarum pene viginti & specie, & precio
eminebat. Ceterum haec quoque alijs populis, quibus
deerat aurificis copia, commodata à custodibus in suppli
cationis pompa ferebantur, argento pro his repenso. Et
vterque mos, vel coronarum, vel illius modi simulacrorū
vsque adeo increbuit, vt nunc, vel maxime vigeat. Nec
se Piceni finibus ea tenuit consuetudo. Iisdem tempori
bus Pisaurenses argenteam Pisauri imaginem miserunt af
fabre factam. Nec ea tempestate ciuitatum, ac populorum
magis, quam ciuium ac nobilium virorum pietas exitit.
Ascanius Columna inter Romanos proceres genere, at
que opibus clarus argenteam B. Rochi effigiem libralem,
& sacerdotis solemnia sacra celebrantis amiculum ex tex
tili argenteo, donum Virgini attulit. Cardinalis sanctorū
Quatuor Coronatorū caput argenteum pondo ferme qua
tuor. Comes Rangonus Mutinēsis, & Io: Frāciscus Bosius
Mediolanensis, singuli crus argenteū librale. Pyrrhus Gon
zaga eiusdem materiæ ac ponderis pedem, Pardus Pap
pacoda Neapolitanus effigiem suam argenteam ponderis
duplo maioris. Alexander Calcagninus imaginem suam
ex argento cælatam trilibrem. Marchio Tripaldæ, lych
num argenteum pari ferme pondere. Magnus Rhodiorum
Equitum Magister alterum lychnum eadem materia, sed
pondere aliquanto maiore. Vincentius Alfanus Perusinus
simulacrum suum ex argento expressum librarum xv. Alia
porro ab alijs (quorum nomina prodita non sunt) sigilla
sexdecim argentea, pondo librarum septem, & septuagin
ta. Sed longe ante alia omnia huius temporis dona excel
lit Ludouici Gisilardi ciuis Bononiensis effigies argentea
pondo amplius quinquaginta. Sacra etiam subinde supel
lex aucta. Cardinalis Montinus (qui postea Pontifex fa
ctus

Ætus Julius Tertius est appellatus) sacerdotalem vestem egregiam ex auro textili crispante donum tulit. Cardinalis Palmerius aræ ac sacerdotis ornatum ex veste Attalica. Dux Traiectensis sacerdotis, ac ministrorum solemnibus sacris operantium vestes ex holoferico villosò violaceo distinctas auro. Oliuerius Fagnanus Mediolanensis ex eadem materia, aræ & sacerdotis ornatum. Marchio item Bitontinus ex veste Damascena aureis operibus insignita. Alij quoque alias altarium, ac sacerdotum vestes, coronas argenteas, calices, aliaque eiusmodi, quæ persequi longum foret, dona Deiparæ Virgini seu portarunt, siue miserunt. Nec ea propria virorum laus. Isabellæ Caridonæ Proreginæ Neapolitanæ corona aurea libralis, & ipsius effigies B. Virgini supplicantis argentea, pondo sesquilibræ, & pes libralis item argenteus: ad hæc arcula scite facta eiusdem materiæ ponderisque: bini vrceoli aurei vnciarum xiv. armillæ itidē aureæ benefactæ donū fuit. Marchionissæ Vasti effigies B. Virginis puerum Iesum gremio gestantis argentea pondo fere quatuor. Quin etiam à Turcis dona missa. Constat anno huius sæculi XXVIII.

Card. Palmerij D.
Duc. Traiectensis.
Oliuer. Fagnani D.

March. Bitontini D.

Proreginæ Neapol. D.

March. Vasti D.
Bastæ Turcarum D.
Cod. Lany.

Bassam Turcarum (nomen, & causa non proditur)

argenteam aræ vestem, margaritis insuper adornatam Lauretanæ Virgini donum misisse

Clemente Septimo Pontifice Ma-

ximo: vt intelligeremus Lau-

retanam Virginem com-

munem omnium

gentium esse

Patro-

nam, quicumque

eius patrocinio

vti velit.

FINIS LIBRI SECVNDI.

P

HORA-

HORATII TVRSELLINI

E SOCIETATE IESV

LAVRETANAE HISTORIAE

LIBER TERTIVS.



A Paulo Tertio beneficijs, decretisque decoratur.

Cap. I.



Pauli III.
beneficia.

ONTIFICIAM inde sedem Paulus Tertius excepit, qui Aede Lauretana ornanda, augendaque etiam cum ipso Clemente certavit. Namque initio fermè Pontificatus sui, & Indulgentiis eam, & beneficiis cumulavit. Quippe indignum ratus, sacræ Domus ministros ad usum dome-

sticum vix pecunia emptum salem habere posse; vicanos eis quotannis salis saccos ex Cetruiæ salinis assignavit gratuitos, non contemnendum beneficium, siue muneris perpetuitatem, seu necessitatem accipientium, siue dantis animum spectes. Eminent Pontificis animus in diplomaticis procœmio, quod libet attexere: *Postquam fel. rec. Xystus Papa Quartus prædecessor noster inter alia motu proprio Ecclesiam B. Mariae de Laureto, olim in honorem ipsius Virginis miraculosè fundata: in qua (prout fide dignorum habet assertio) ipsius etiam Virginis gloriosa imago Angelico comitata cœtu, mira Dei clementia collocata existeret, & ad quam propter crebra, & stupenda miracula, quæ eiusdem Virginis gloriose meritis, & intercessione ibi Altissimus operabatur, in dies ex diversis*

Pauli III.
testimoniū.

uerfis mundi partibus etiam remotissimis, Virginis glorio-
sa liberati præsidij populi consuebat multitudo, & paulo
post. Recolenda memoria Iulius Papa Secundus prædecessor no-
ster attendens, quod non solum erat in dicta Ecclesia de Laure-
to imago ipsius B. Virginis Maria, sed, (ut piè creditur, & fa-
ma est) camera, siue thalamus, ubi ipsa Beatissima Maria con-
cepta, & educata, ubi ab Angelo salutata Salvatorem seculo-
rum concepit. Cætera item persequitur, quæ in suo diplo-
mate Iulius Secundus posuerat.

Lauretum Recinetensium fidei committitur.

Cap. II.

PAULUS porro haud ignarus, quantum boni sit in bono

Præside, id semper egit, ut optimos Laureto Præsides
daret, donum omnium fortasse maximum. Alexander
igitur Argolus Tarracinensis Episcopus à Pontifice Lau-
retano Patronus constitutus, rem Lauretanâ præclare cõ-
stituit, auxitque. Doctorum, grauiumque hominum cõ-
plures in Canonicorum Lauretanorum Collegium coop-
tauit. sacrorum cæremonias solenni, ac plane Pontifi-
cali peregit ritu, summa denique religionis, ac benigni-
tatis laude, diuina, humanaque omnia per quadrienniũ
administrauit. Huic Gaspar Contarenus Cardinalis, vel
ingenij dotibus, vel artibus animi clarus successit, Laure-
ti Patronus omnino bonus, sed mortis interuentu breuis.
Nam cum per Galeatium Floremontium (qui postea A-
quini Antistes fuit) rem Lauretanam optimè gereret, in-
genti sui expectatione concitata, cessit è vita. Eius in lo-
cum suffectus à Pontifice Rodolphus Pius Cardinalis Car-
pensis Patronus iuxta bonus, ac diuturnus. Qui sane Pij
cognomen, etiam si à maioribus non accepisset, insigni
sua pietate fuisset sibi pariturus. Non alius ante impen-
sius Lauretanam Aedem ornare institit. Itaque eius in-

Alex. Argo
lus Laur.
Patron.

Card. Con-
tar. Laur.
Patr.

Card. Car-
pen. Laur.
Patr.

Lauretano templo, adiectisque ædibus hodie monumenta
 exstant & multa, & illustria. Inter hæc gliscebant Turci-
 cum bellum, quod Solimanus Turcarum Imperator Tu-
 netano regno per Ariadenum Aenobarbum subactò, Ita-
 liæ moliebatur. Paulus ergo Pontifex Carolo Cæsare, ac
 Venetis in societatem adscitis, in Turcicum bellum om-
 nes intenderat curas virefque. Cæterum illa tempesta-
 te Lauretano templo vel in primis consultum voluit. Et
 quoniam exhausto in apparatus bellicum ærario, pecu-
 niæ inopia pijs eius consilijs obstabat; occasionem forte
 oblatam sibi è manibus elabi passus non est. Per idem
 tempus Recinetenſium legati Romam ad Pontificem ve-
 nerant expoſtulantes, quod Laurétum, auita ipſorū pos-
 sessio, à Iulio Pontifice ereptum eis eſſet ingenti cum dā-
 no, maiore cum dedecore ciuitatis ſuæ. Quem enim exi-
 ſtimaturum à ſacrorum Principe, Chriſtique Vicario, ſine
 ,, graui aliqua cauſa, antiquiſſimam Laureti poſſeſſionem
 ,, Recinerenſibus inuitis ademptam? Quo autem ſuo meri-
 ,, to, tam inſignem optimæ meritæ ciuitati inuſtam infamię
 ,, notam? An quia Lauretanæ Virginis ſedem impenſe ab
 ,, initio fouerit, donis coluerit, templo ornauerit, frequen-
 ,, tauerit tectis, per CCL. prope modum annos iuſtè, ſan-
 ,, ctèque rexerit? Quando à Recinetenſium Magiſtratibus
 ,, auarè, aut ſuperbè eſſe imperatum? quando incolarum,
 ,, peregrinorum templi tutelam neglectam? Iam quoties
 ,, latronum vias, obſidentium audaciam repreſſam? quo-
 ,, ties Aedem ipſam magnis armatorum præſidijs ab hoſtiū
 ,, incuria deſenſam? En cur Recinetenſes libenter memo-
 ,, rarent, Deipara Virgo natalem domum ſuam in Italiam
 ,, transferens in noſtra potiſſimum ſylua ſedem elegit: ter
 ,, intra paucos menſes locum mutans noſtris finibus non
 ,, exceſſit: tres in noſtro agro locos ſuis veſtigijs inſignes fe-
 ,, cit: nos illi ſatis ſpatii ad templum conceſſimus: nos tem-
 ,, plum, nos vicum circa eam condidimus: nos incolis Ma-
 ,, giſtratus & iura dedimus. Multum vero iſta eis proſuiſſe,
 ,, vt cum

Recineten-
 ſiū legatio
 ad Paulum
 IH. Pont.

vt eum locum optimo iure possidere viderentur : si quidē
 indicta causa , sint de antiquissima possessione deieci .
 Quod si æquum videatur, munus à Deo , Deiparaque Re-
 cinctensibus datum à Dei Vicario reddi; profecto ipsos da-
 tuos operam , vt neque Pontificem , neque Lauretanos
 Recinctensis tutelæ ac regiminis pœniteret . Recincten-
 ses porro , vt vtrisque cautum foret, nullam conditionem ,
 quam æquissimus Pontifex imponeret, recusaturos . Ergo
 Paulus Legatis benignè auditis , medium quiddam secu-
 tus est , vt & Recinctensibus suum redderet, & tamen Ae-
 di Lauretanæ superiorum Pontificum beneficia conserva-
 ret . Igitur oppidum Lauretum (templo excepto, & salua
 Præsidis iurisdictione inter oppidanos peregrinosque) Re-
 cinctensi ciuitati restituit, his conditionibus, vt Laureta-
 nam domum aduersus Turcam valido præsidio tueri, mu-
 ros , ac munimenta sicubi opus foret , reficere : peregrinis
 vltro citroque commeantibus itinera à latronibus tuta
 præstare deberent . Ad hæc octo aureorum millia à Leo-
 ne X. in Laureti munitiones insumpta Pontificali Fisco,
 vnde erant deprompta , remunerarent ad vsum Turcici
 belli . Ita Lauretum ad Recinctensium ditionem redijt se-
 culi huius anno xxxv. post annum circiter xxx , quam à
 Iulio II. sui iuris factum erat . Cæterum exinde Paulus
 bello perfunctus Lauretanam Aedem præsidij munitam
 prædijs locupletauit . Namque eius iussu ex Duumuiris

Lauretū Re-
 cinctensibus
 redditur.

Castri Ficardi vicina Laureto nemora cum adiacen-
 tibus vineis, pratis , oliuetis coempta sunt . In
 eam rem sex aureorum millia ex arario
 Pontificis erogata . Alia porro præ-
 dia circa Musionem amnem
 à Pontifice empta , &
 Lauretanæ Virgi-
 ni donata .

Contubernium puerorum instituitur, qui Lauretana Virgini laudes canant.

Cap. III.

NEc fortunis tantum Lauretana Aedes, sed etiam ministris per id tempus aucta. Pontifex satis gnarus integræ pueritiæ preces Deo Deiparæque acceptissimas esse, Collegium duodecim alumnorum instituit. Ibi lectissimos ex omni Piceno pueros ingenuos impuberes institui iussit, ad laudes B. Virgini decantandas. In his porro legendis, corporum animorumque integritatem spectari, in instituendis optimorum magistrorum rationem haberi voluit. Præcipua erat cura, ut non minus castitate morum, quam suauitate vocum sanctissimam Virginem delinirent. Ergo hi ex præscripto Pontificis in opportuno loco (Canonicam vocabant) intentiore cura educati, institutique B. Mariæ carmina in eius sacello, statis quotidie canebant horis, pacem ac veniam à Deo Deiparæque orantes, & opem Italiæ contra Turcarum rabiem exposcentes. Nec puerilis pietas Pontificis spem, nec B. Virgo pueriles preces fefellit. Et si enim foederatorum Principum classem Ducum discordia inutilem fecit; tamen Deipara Virgo & otium Italiæ peperit, & Turcarum audaciam fregit. Quippe haud ita multo post compositis inter Cæsarem, Galliæque regem controuersijs, ex tristi bello læta repente Italiæ pax reddita. Maxima instructissimaque Turcarum classis Ariadeni Aenobarbi ductu exitium Italiæ ferens, ipso mense Augusto Acroceraunijs illi scapulis in conspectu propemodum Aedis Lauretanæ fecit naufragium. Quo naufragio satis constat maximam classis partem amissam: viginti barbarorum millia hausta fluctibus: totumque ferme Adriaticum sinum hostium cadaueribus, armis, tabulis, armamentis aliisque naufragij

*Paul. Ion.
lib. 41.
Ann. Laur.
Ricet.*

gii indicij stratum. Quorum arma ad Lauretum fluitantia cognita in littore, prius fere quam nunciari posset, insignem fecerunt hostium cladem. Ibi enim vero exultare Lauretani, aduenæque: auditas profecto à Deo Deique parente preces puerorum piorumque. aperuisse aliquando oculos ultorem Turcicæ superbix Deum: alius alium hortatione firmare, talem vt Præsidem præcipuo colerent honore, cuius præsidio totam illam Italiæ oram cernerent præsentì Turcarum formidine liberatam.

*Nosocomium, & Xenodochium excipiendis peregrinis
aperiuntur. sacra Aedes adificijs ornatur.*

Cap. I V.

AT Pontifex tali nuncio admodum lætus, ne benignior in indigenas, quam in peregrinos foret; Nosocomium Laureti eadem fere tempestate absolutum aperuit, agris aduenis præcipue curandis. Alius porro locus scabiosis, leprosisque extra moenia, ne quid cæteros eorum contagio læderet, assignatus. Ab ægris inde ad sanos cura conuersa, Xenodochium pauperibus peregrinis excipiendis institutum, vbi benigne alebantur per tri-duum: & discedentes pane, vino, calceis, pecunia iuuebantur. Hæc hospitalitatis, & Christianæ charitatis fama, mirum quantum vel aduenis religionis, vel Lauretano templo opum adiecerit; cunctis ferme exteris gentibus expertam in suis peregrinis Lauretanam benignitatem remunerantibus. Adeo vera in pauperes liberalitas auget, magis opes, quam minuit. Deus quippe benignitatis fontem, ne exhauriatur, bonis identidem auget; ac benignis largitoribus benigne suppeditat, quod deinceps egentibus largiantur. Nec vero dum exardescunt hæc Christianæ caritatis officia, Lauretana opera à Clemente inchoata interim refrigere. Nihilominus Pauli iussu syluæ;

Nosocomium
& Xenodoc.

Hospitalitas
Lauretana.

noxia cædebantur: nebulosæ siccabantur lacunæ: colles Lauretanæ sedi officientes ad solum diruebantur. Surgebant eodem tempore ædes Pontificiæ: extruebatur porticus: templi tholus plumbeis integebatur laminis. magnifica illa sacrosanctæ Domus cælata crusta (quæ haud procul fastigio aberat) præcipuè vrgebatur. Iam peruetustum, ac fumosum lacunar tectumque architectus ex Pontificis autoritate deiecerat. Et quia concamerandi sacelli ratio exigebat, summos etiam parietes semicirculis, & pictis fictilibus insignes pariter cum tintinnabuli, camini que culminibus, demolitus erat. Igitur solidus fornix nouis magis, quam veteribus parietibus incumbens, imponitur: nitidus tum quidem, & concinnus erat; sed hodie propter copiam luminum horridus fumosusque. Porro ne ea, quæ ex augustissima Virginis cella necessitas detraxerat, hominum incuria perderet, sacras trabes, asseres, tegulas, tabulasque, & quæcunque ad tectum sanctissimæ Aedis pertinebant, sub eiusdem pavimento defodi placuit. Itaque hæc cum fide inibi sunt defossa: ut loco mota, quam minimum locum mutarent.

Reliquia sacelli Lauretani miraculis fulgent, & Aedis Lauretanæ religionem propagant.

Cap. V.

C Aeterum fictilia, & quædam laqueati tecti tabulæ, pro sacris reliquijs, ut erant, asseruata, partim miraculorum materiam præbuerunt, partim etiam Aedis Lauretanæ religionem longe, ac late propagarunt. Vetus opinio erat, vasa illa fictilia in armario B. Virginis ab Apostolis olim reperta, atque idcirco cum Natalis eius domus consecraretur, ab iisdem in summis sacelli parietibus collocari iussa non ornandæ magis ædis gratia, quam illorū religionis tuendæ. Adiuuabant hanc opinionem quædam
non

non leues coniecturæ, quæ multis fidem facere videbantur, fistilia illa in supellestili Deiparæ fuisse. Namque ea vascula (quod ex ijs ipsis, quæ hodie exstant coniectari licet) haud sane à vilioribus, vulgarisque vsu abhorrent: & magnitudine sunt inter se longe imparia, cum tamen cultus ædis, & semicirculorum ratio paria vtique postuleret: vt appareat non tam illa ad sacelli ornatum esse quæsitæ, quam ad ipsa ornatum sacelli accommodatum. Verum siue illæ patinæ è B. Mariæ supellestili, siue ex medio sumptæ ad cellæ ornatum, haud immerito cum ipsa Virginis cella dedicatæ religionem habuerunt. Plerasque tamen earum intercidiſſe reperio, ad propagandam Lauretanæ Virginis religionem, vt reor interuersas. Nonnullæ in Lauretani Templi pariete ad ianuam, quæ est ab latere, insertæ hodieque visuntur. Pauca asseruantur haud quam miraculorum expertes. Compertum habeo Laureti sacerdotem mihi notum grauius ex capite laborantem, sacra capedine capiti admota, subito conualuisse. Alterum item sacerdotem graui febri afflictatum, hausta indidem frigida, extemplo morbum depulisse. Porro sacrarum tabularum reliquæ religionem Lauretanæ Domus toto propemodum orbe protulerunt. Quippe vt semel dispersi sunt cœptæ, alijs ab alijs diuisæ ad omnes propemodum nationes peruenire: ac pro sacris reliquijs, vt par erat habitæ, mirandum in modum Lauretanæ Virginis auxere cultum, cuius religione imbutas quodammodo illas esse constaret. Ac verisimile est per hanc occasionem plurimis locis Lauretanæ Virginis ædes excitatas, siue tanti præsidij ad populos monumenta, siue solatia eorum, quos aduersa valetudo, aut occupationes, aliaue impedimenta Lauretum ire prohiberent. Satis constat per id maxime tempus, non in Piceno solum & Italia, sed etiam in transalpinis, dissuntissimisque regionibus esse sacella Lauretanæ Virginis exstructa. Quorum conditoribus quid optatius esse potuit ad illarum ædium religionem, quam

Q

aliquid

aliquid ex Lauretana Domo reliquiarum habere? quid consultius, quam cum sacros inde lapides auferri religio vetaret, recti particulam, quam custodum liberalitas haud ægre largiretur, impetrare? Certe per ea ferme tempora plurimas vbique terrarum Deiparæ Lauretanæ sacras ædes dicatas reperio: quod sane haud in minimis Lauretana Virginis laudibus pono, tam gratam iucundamque fuisse apud aduenas eius memoriam, vt perpetuum eiussdē monumentum, ac simulacrum domi habere voluerint. Atque vt de Piceno taceam, cuius nulla vrbs, nullum ferme oppidum est, vbi non ædes aliqua exstet sacra Virgini Lauretanæ. Nobilissimæ quæque Italiæ vrbes eidem non vulgaria templa consecrarunt. Romæ quidem templum visitur B. Mariæ Lauretanæ sane magnificum, & Romana munificentia dignum; cuius formam: fama est à Michaelē Archangelo Bonaroto Architecto nobilissimo esse descriptā. Neapoli quoque haud inconcinna ædes Lauretanæ Virginis visitur, & quidem orphanotrophio insignis. Iam in duabus nobilissimis Siciliæ vrbibus, Panormi inquam, & Messanæ, exploratum habeo sanctissimam esse memoriam Virginis Lauretanæ, eiusque nomini ædem à Panormitanis intra urbem, à Mamertinis in suburbio dedicatam. Nec vero Italiæ finibus se tenuit hæc Lauretanæ Domus religio, sed strenue transgressa est Alpes. F. Vincentius quidam sacerdos ex Franciscana disciplina probus, ac pius fuit. Is Laureto regressus in Franciam, in suburbio Laueles (quod oppidum est Diœcesi Cenomanum) ædiculam exstruxit ad exemplum sacelli Lauretani, eamque Lauretanæ Virginis nomine appellauit. Hæc hodie quoque, vel ab accolis, vel à peregrinis impense colitur. Et Lusitania quamuis celeberrimis, ac religiosissimis Deiparæ Virginis ædibus prædita, Lauretanæ quoque ædis religionem secuta est. Itaque haud procul Conimbrica in suburbano, amænissimo loco templum Lauretanæ dicauit Virgini, quod quidem maxima etiam finitimarum po-

Aedes Lau-
retanæ pas-
sim extruct.

Aedes Lau-
ret. Romæ.

Aedes Lau-
ret. Neap.

Aedes Lau-
re. Panormi
& Messan.

Aedes Lau-
ret. in Fran.

Aedes Lau.
in Lusitania

pulorum frequentia celebratur. Brigantiæ item alterum, tertium Olyssipone lōge augustissimum, quod etsi ab Italis conditum, excultumque magnifice; tamen etiam ab indigenis religiose frequentatur. Ad hæc optimis authoribus comperi, in Scotia dūo B. Mariæ Lauretanæ sacella exstructa olim fuisse, alterum in oppido Pertho, quod etiam S. Ioannis nomine appellatur, alterum propter viā qua itur Mussilburgum haud procul Edimburgo vrbe regia Scotiæ. Vtrobique porro Lauretanam Virginem religiosissime cultam: in Mussilburgensi autem suburbano etiam maximis peregrinorum concursibus, ac B. Mariæ miraculis celeberrimam extitisse, quandiu orthodoxa religio in Scotia steterit. Postea vero quam in illo religiosissimo quondam Regno Calviniana pestis furere, debacharique cœperit, sacram illam ædem ab illis furijs ita dirutam, vt tamen ruinæ extarent, vel illorum vœcordiæ, vel auitæ Scotorum religionis indicia. Ac Mussilburgensis quidem sacelli hanc originem accepimus. Scorum heremitam olim peregrini habitu Lauretum ad salutandam Virginem accessisse: inde reducem sacri tecti particulam secum in patriam tulisse: ibi corrogata à pijs hominibus pecunia, ad Mussilburgum Lauretanæ Domus excitasse simulacrum, eique B. Mariæ Lauretanæ nomen fecisse: id templum, & sacrarum reliquiarum, quas diximus inibi depositarum cultu, & Lauretanæ Virginis (cuius celebre erat illis quoque gentibus nomen) religione inclytum extitisse, quoad vt ante diximus, vana Hæreticorum rabies suerit.

Aedes Lau.
in Scotia.

Calati operis, quo sacrosancta Aedes vndique vestitur, descriptio.

Cap. VI.

Eodem tempore Lauretanæ Domus cultus, & propagatus foris, & amplificatus domi. Paulus Pont. celeberrimum illud Pontificalis magnificentiæ monumentum ab Iulio destinatum, inchoatum à Leone, effectum à Clemente, ipse non quidem omni ex parte perfectum (de erant quippe statuarum pleræque, & æneæ valuæ omnes) sed tamen eo perductum, ut absolutum videri posset, aperuit anno huius seculi XXXVIII. opus enimvero egregiū ac mirabile, cui noua hæc operum magnificentia quicquā adhuc in pari mole adæquare non potuit. Satis constat ex rationum libris, in id opus XXII. aureorum millia infumpta, exceptis viginti statuis egregie factis, & valuis æneis quatuor pulcherrime cælatis, quæ pene tantidem steterē. Quadratum est ornamentum sacram vndique Virginis cellam amplectens: totum ferme e candido marmore solido, ac mira arte cælato. Patet in longitudinem pedes ferme quinquaginta, in latitudinem circiter triginta: altitudo latitudini ferme par. Vniuersum opus ē Catrariensi marmore candoris eximij constat, striatis opere Corinthio distinctum columnis, quarum senæ longiora latera adornant, quaternæ breuiora. Imam partem fascia pedalis e marmore Luculleo cingit, streobatæ locum obtinens. Surgunt inde stylobatæ coronati, qui apte spatia distinguunt. In spatijs stylobatisque, vel gentilia, adscitæ Leonis Pontificis insignia, vel virtutum argumenta cælata visuntur, sigillis, qua pedalibus, qua cubitalibus mire scire, venusteque factis. Supra stylobatas columnæ dispositæ binæ ad singulos angulos: in longioribus autem lateribus etiam binæ

binæ in medio, binis videlicet ianuis æquo spatio interiectæ. In ipsis porro intercolumnijs bini item signorum suis loculamentis inclusorum ordines deinde adiecti: vnus in ferne ad bases, sacrorum Vatum: alter superne ad epistylia Sibyllarum Christi, aut Deiparæ Virginis ortum vaticinantium. Ipsa loculamenta porphyreticis tabulis incrustata, opere magnifico. In maioribus spatijs inter columnarum scapos, tabulæ ingentes è candido marmore solido integroque vbi nobilium B. Mariæ factorum argumenta, simulacris naturalis fere staturæ eminentibus, pulcherrime cælata miraculo sunt. Epistylia porro columnarum egregie facta opere Corinthio multiplex coronâ cingit, cui subiecta spatia binæ aquilæ tenentes mordicus encarpas restesque pomorum, ac fructuum egregie cælata, interiectis leonum rostris, adornant. In summo denique pulcherrimus columellarum ordo coronatus, angelorumque eminentium figuris concinne venusteque distinctus, qui vniuersum opus circumiens pro coronide est: ambulationemque vndique peruiam præbet, ad suspendenda votiua vexilla, quæ subinde B. Virgini afferri solent. Pluribus describere pretium operæ nō ducō, cū spectare liceat. Opus omnino visendum, cuius eximiam pulchritudinem nemo concipere animo potest, qui non oculis ante subiecerit. Ergo vt apertum sacrosanctæ cellæ ornamentum longe pulcherrimum fama vulgavit, confestim maximi Lauretum fieri accolarum, peregrinorumque conuersus. Quippe artifices de industria illius ædificij fabricam, quoad perfectum esset opus, velis obductis quam maxime occultauerant, vt magnificentius deinde spectaretur, cum absoluti operis pulchritudo recens, atque integra ad mortalium oculos perueniret. Itaque insatiabili illa specie, & ad rationem, solertiamque præstantissima, cuncti auide oculos, animosque pascebant suos.

Templi tholus rimas agens firmatur.

Cap. VII.

L Actos tali spectaculo indigenas, aduenasque ingens repente incescit metus subito amittendi, quod summa cum admiratione, ac voluptate spectabant, & (quod caput est) etiam illud ipsum, cuius id erat ornamentum. Basilicæ testudo (cui subiectam in medio spatium sacram Virginis cellam diximus) stabat octo lateritijs innixa pilis. Attamen siue superstructorum parietum altitudine, siue nimio impositi plumbi pondere degauante, succumbere oneri, & rimas agere repente cœpit, nouo cellæ ornameto, cellæque ipsi cui immincebat, foedam ruinam minitans. Tanti trepido nuncio excitus Pontifex extemplo Antonium Sangallum architectum suum maturare Lauretum iubet, & summa ope tanto illi incommodo obuiam ire: ne tot annorum, tot Pontificum labor momento temporis ad nihilum recideret: & duo præcipua orbis terræ, alterum diuinæ potestatis, alterum humanæ artis miracula, subita templi ruina opprimeret. His plenus vocibus Sangallus Lauretum aduolat, & re cum Nerucio architecto communicata, confestim de communi sententia pilas tanto oneri impares intentiore cura munire, ac firmare aggreditur. Igitur validis trabibus testudinem protinus fulcit: & circum effossis strenue fundamentis, pilas impigre conuestit quadrato lapide, firmatque quatuor inter alternas pilas arcibus minoribus exstructis, qui super imposito oneri ferendo forent. Ac ne quid munimenti non necessarij tantum, sed etiam opportuni prætermitteretur, pilæ quoque ac parietes inter se ingentibus vestibus ferreis colligati, sed ita, ut vestes ipsi aut nusquam, aut non indecore appareant: cætera quoque ita perfecta,

ta, ut non magis firmitas, quam species quaesita videatur. Et ad celeritatem operis haud parum fabrorum, architectorumque solertiam iuuit sedulitas aduenarum. Quippe ingens eorum multitudo auertendi periculi, quod Lauretanæ Domui imminere credebant, certatim conuectare lapides, ferre onera, machinis operam dare, læti se operam suam nauare Virgini Lauretanæ, sanctissimæ orbis terrarum cellæ, perfugio omnium gentium, nationumque. ita tota res omnium opinione celerius perfecta, & imminens sanctæ Domui periculum non magis con filio, quam celeritate discussum.

Novis Lauretana Ædes donis augetur.

Cap. V I I I.

PER id tempus magna à nobilibus viris, ac feminis donorum vis fuit. A Francisco Sfortia Mediolanensi Duce postremo, sacerdotis ac ministrorum solemnī cærimonīa sacris operantium amictus egregij ex veste Attalica, magnificis operibus picta, Lauretanæ Virgini dono missa. A Sigisundo Estensi Ferrariæ Duce Herculis filij effigies argentea pondo fere quatuor: sua quoque effigies ex argento librarum nouem. A Bassano Mantuano suum simulacrum ex argento expressum, pondo amplius octo. Ab Honorio Sabello corona argentea ferme trilibris. Ab Octauio Farnesio crux aurea ex aurco torque pendula. A Bonifacio Caetano Duce Sermonetæ argentea effigies Lauretanæ Virginis, atque altera filij sui pondere non contemnendo. Ab Hercule Maria Sfortia duæ ex argento expressæ imagines, singulæ octo librarum. A Bernardino Sanquinio Neapolitano simulacra bina ex argento cælata, pondo ferme quatuor. A Leonardo Bonafide Episcopo Cortonenſi ipsius imago argentea quatuor libra-

Ced. Len.

Ducis Mediol. D.

Ferrariensis Ducis D.

Bassani Mantuan. D.

Honorij Sabelli D.

Octauij Farnesij D.

Ducis Sermonetæ D.

Her. Mariæ Sfortiæ D.

Bernardini Sanquinij D.

Cortonenſis Episc. D.

Iulij Monaldi D.

Pompilij Bonon. D. egregium.

Antonij Pignatelli D. Lud. Comit. Fulg. D. Leonar. Venerij D.

Margar. Austr. D. Duc. Amalphetanæ D. Proteginæ Samnit. D. Princip. Bisinian. D. Comit. Populi D. Marchionis. Vasti D.

librarum. A Iulio Monaldo Mantuano consimilis imago pondere ac materia par. Cæterum inter omnia huius temporis simulacra, eminet Pompilij cuiusdam Bononien-sis, viri Deo magis, quam hominibus noti (neque enim editur cognomen) effigies Ducis armati solido ex argento egregiè facta, pondo librarum quadraginta. Porro ab Antonio Pignatello Neapolitano torques aureus; alter ab Ludouico Comite Fulginate. A Leonardo Venerio Senatore Veneto calix argenteus pondere atque opere egregius. Nec contemnenda illustrium mulierum dona. Margaritæ Austriacæ Cæsaris filiæ cor argenteum bilibre. Constantiæ Ducis Amalphetanæ ipsiusmet effigies argentea librarum pondo fere quinque. Proreginæ Samnitium armillæ aureæ pulcherrimè factæ. Principis Bisinianensis caput aureum libræ. Alterum eadem materia, ac pondere caput Portiæ Comitris Populi. Mariæ Aragoniæ Marchionissæ Vasti argentea adolescentis effigies librarum trium. & dono causa inscripta his litteris:

MARIA ARAGON. MARCH. VASTI.
OB RESTITVTAM SANITATEM
ANTONIO ADOLESCENTI FRATRIS F.
VOT. POS.

Duc. Vrbinatium.

Vici Varronis simulac. Sarnani simulac. Macereti D.

B. Rochi statua sex arg. Coronæ argent. XL.

Julia Veranæ Vrbinatium Ducis cor aureum ponderis haud poenitendi. Nec ciuitatum, oppidorumque dona desiderata. Allatum Vici Varronis oppidi simulacrum argenteum librarum trium: Sarnani item simulacrum eiusdem materiæ, ponderis triplo maioris. Macereti corona ex argento inaurato præclarè facta bilibris. Alia porro dona ab ignotis authoribus haud tamen ignobilia. B. Rochi statuæ argenteæ sex ponderis non contemnendi. Coronæ argenteæ circiter quadraginta; ex quibus pleræque librales, multæ bilibres, nonnullæ etiam trilibres, ab vr-bibus, oppidisque magna ex parte donatæ. Votiuæ item imagi-

imagines argenteæ (quarum plurimæ singularum, multæ binarum, ternarumque librarum) supra sexaginta. Calices argentei haud multo pauciores. Quin etiam altariū, sacerdotumque sacrificantium vestes complures, non fericæ tantum, sed argenteæ, aureæque. Mira quippe elucet in donantium plerisque simplicitas. Donorum plurima (vt ex codicibus donorum apparet) clam super aram posita sunt: aut tacitis donantium nominibus tradita. Multa suppressis ipsorum cognominibus, & pro ijs, patriæ cuiusque nominibus editis. quæ simplicitas etiam in plurimis donorum titulis cernitur; vt satis appareat noluisse illos (quod Christus vetat) ante secula canere; vt præconium ac præmium pietatis suæ non ab hominibus acciperent, sed à Deo, qui videt in abscondito, expectarent.

Votiuæ imagines LX.

Calices argentei LX.

Donantiū simplicitatē.

*Turma equitum Præfectus abreptus impetu fluminis
evidenti periculo eripitur.*

Cap. V IIII.

EST in agro Reatino (Italiae umbilicum vocant) lacus haud ignobilis, quem Velinus amnis efficit, à quo nomen trahit. Hinc Velinus emerfus aliquanto spatio lenis, ac placidus fuit. inde ex altissima rupe per scopulos & saxa præcipitans in subiectā petram ingenti fragore, ac strepitu aquarum cadit. vulgo Pediluci ruinas appellant. Haud procul rupe, quam dixi, turma equitum Petri Aloisij Farnesij (is tum Castrì Dux erat) forte ducebatur. Turmæ Præfectus (Marescallum appellant) Petrus Terennaticus Senensis erat. Hunc cupido incescit spectandi propius amnem ex alto cadentem. Igitur duobus equitibus assumptis, ad locum, vnde Velinus præcipitat, visendi studio diuertit. Iamque potaturus equus flumen intrarat, cum procedens paulatim in profundum gurgitem

Tradit. Lan.
Bern. Cyrih.
Ricci in An-
nal. Lan.

R

pro-

prouexit incantum. Nec mora. sensit se à profluente abripi in præcipitem locum, quem spectaturus aduenerat. Iamque aquarum impetu ex equo deturbatus haud procul aberat interitu; cum Lauretanam Virginem lacrymabundus implorat. Nec surdis auribus preces adhibita. Ex templo in ipsa fluminis ruina B. Virgo adest periclitanti; porrectaque dextra præcipitem inter undas, ac scopulos sustinet, tueturque donec ad ima perueniat. mira dictures. ex altissima rupe deuolutum scopulus excepit, reddiditque innoxium. Igitur confestim Lauretum ad vota Deiparæ exsoluenda venit: votiuaque tabellam, in qua tota res ordine perscripta est, tanti miraculi testem exstare voluit: quæ hodie ad dextram sacrosancti sacelli in pila suspensa visitur. In tabella inscriptum. *Ego Petrus Terrennaticus eques, & Marefcallus equitatus Ducis Castrorum, & ceteri equites ex Piceno ad Vicum Varronis proficiscentes, cum Nonis Martij. M. D. XLIII. ad Velinum lacum peruenissemus; ego, & duo alij milites, Tiberius ex Grauiscis, & Antonius Cortonensis à ceteris equitibus discesimus, ut illum viseremus locum, quo se Velinus in Nar præcipitat. Ac non procul inde, cum equum adaquarem, ego una cum equo in quadam fluminis angustias incidi, ex quibus præcipitem altissimo casu, circiter videlicet centum cubitos altum, & Deipara Virginis Lauretana opem implorantem quidam me scopulis excepit incolumem, & rei miraculo admirandum, atque attonitum. Quapropter illico votum persolui Beatissima Virgini, quam tum præsentem, propitiāque sum expertus, sessibus oculatis duobus Centurionibus Chiancio Urbenerano, & Raimundo cum vniuersa equitum ala. Hanc nos inscriptionem ad verbum inseruimus, ut quam testatum certumque sit hoc miraculum, magis appareat.*

*Paulus Tertius Lauretanam Aedem bis inuifit,
Pontificiarum ædium opus urget.
Cap. X.*

INter hæc Paulus Pōt. Aedis Lauretanæ celebritatē præclaris ab se operibus adornatam suā præsentia cohonestauit, ratus ab se Principibus viris prodendum exemplum non solum ornandi cunabula Virginis, sed etiam celebrandi. Itaque intra triennium ipse bis Lauretanam Virginē inuifit: semel anno eius seculi XLI, cum dissuasor Algerianæ expeditionis ab vrbe Luca, & à congressu Cæsaris per Aemiliam ac Flaminiam ad Urbem rediret: iterum triennio ferme post, cum Cæsari post Algerianum incommodum, ad Belagicum bellum properanti occurreret Bononiam. Tum enim Pontifex maturata, vt in tempore occurreret, processione, Pontificiam ditionem obiens uenit Lauretum. Vtroque autem tempore, & immortalē hausit ex Lauretana Aede lætitiā, & præclara B. Virgini dona attulit. Pontificales altarium & sacerdotales vestes aureas, argumenta religionis, ac munificentiae suæ. Cæterum haud mediocre suæ magnificentiae fructum cepit, cum ex cæterorum operum suorum aspectu, tum vero ex magnificentissimi operis, quo sanctissimum sacellum extrinsecus conuëstitur, insatiabili specie. Exinde obstantis Fauonio collis æquandi difficultatē cōtemplatus, ratusque id esse non sumptus tantum, sed etiam laboris infiniti, commodi autem labori minime paris; dixisse fertur, parcendum esse inani labori: insistendumque vtilioribus, verioribusque sedis Lauretanæ commodis, quæ expectationi hominum responderent. Proinde ab æquando colle ad extruendas Pontificias ædes Principum virorum hospitio destinatas, curam operamque conuertit. Ergo breui maxima eius ædificij pars absoluta, expolita,

*Ann. Laur.
Raph. Rjv.*

*Pauli III.
Dona.*

instructaque adeo magnifice, vt in ea etiam Reges, ac Pontifices Maximi laute diuersari queant. Ex tribus ædiū partibus vna tum perfecta est, quæ ad dextram templi sita ab ortu solis in occasum porrigitur. Eius longitudo cētum cubitorum, latitudo viginti quatuor spatium æquat: ad XXV. cubitos summum fastigium peruenit, præter ingentes substructiones æquando ædificio à Septentrione additas. Huic parti adiecta duplex porticus sane regia, quæ arcibus quindecim totidemque fere, ingentibus pilis interiectis longissime exspatiantur superne, inferneque, opus iuxta ad aspectum, & ad vsum insignē, atque præclarum.

Ædes Lauretana sacellis pariter, & cælestibus prodigijs decoratur.

Cap. XI.

Car Carp.
facellum.

Nondum hæc Lauretani ædificij pars à Pontifice absoluta erat, cum Basilicæ sacella exornari à Principibus viris cœpta sunt. Huius rei princeps Rodolphus Pius Cardinalis Carpenſis fuit, qui, vt ante diximus, in Lauretanæ Domus tutela Cardinali Contareno successerat. Is igitur vere pius Sacellum asservando, ministrandoque, sanctissimo Christi corpori destinatum egregijs picturis opere marmoratō, inauratoque adornauit. Huius exemplum alios deinceps Proceres ad æmulandum pietatis decus accendit. Bisiniani Princeps S. Annæ, Archiepiscopus Altouitus B. Virginis Elisabethæ uidentis, Cardinalis Tridentinus Rosarij, Card. Augustanus S. Ioannis Baptistæ sacella exornarunt, laudatissimorum quæ pictorum, quæ plastarum operibus. Eminent tamē longe inter hos Urbinatium Ducis magnificentia, qui sacellum suum non solum candido marmore mira arte cælato decorauit; sed pulcherrimis picturis Barocij, & Zuchari nobilissimorum

Bisunia. Pri.
facellum.
Archiep. Al
touiti facel.
Card. Trid.
facellum.
Card. Aug.
facellum.
Ducis Vib.
facellum.

picto-

pictorum manu. Dum templum certatim à mortalibus
 ornatur, immortalium ornamentis omnino non caruit.
 Sub id tempus reperio vetus Lauretanæ flammæ prodigium
 nouo modo instauratum. Ignea per noctem velut
 columna visa ingenti splendore collucens Lauretano in-
 cubare templo: inde Macereturum versus (oppidum est Pi-
 ceni nobile in primis à Laureto millia passuum quatuor-
 decim) paulatim progredi: demum super templum S. Ma-
 riæ cognomento Virginum in suburbano Maceretensi con-
 fidere. Id prodigium à Franciscanis Capucinis suburbani
 coenobij intentius, sæpiusque obseruatū, cum à matutinis
 diuinarum laudum officijs ante lucem de more ad oran-
 dum Deum recepissent se in proximam syluam. Ab iisdem
 deinde vulgatum ratis B. Mariam cœlestis flammæ specie
 lapsam è cœlo in suam natalem domum: deinde ad alte-
 ram suo nomini dicatam ædem processisse, vt eo argumen-
 to fidem faceret mortalibus, illam quoque ædem sibi esse
 cordi. Et insolita miraculorum in illa æde subinde patra-
 torum copia haud dubiam cœlesti prodigio addidit fidē.
 Hoc prodigium illum ipsum annum nobilitauit, qui Pau-
 li Tertij Pontificis, decessu insignis fuit. Is quippe indicta
 in annum quinquagesimum Iubilei celebritate, ipse mor-
 talitate exutus ad vitam transijt immortalem, Iubilei cu-
 ra, ac laude successoris relicta.

*Ann. Laur.
Riera.*

*Iulius Tertius Collegium Societatis Iesu Laureti
 instituit. Cap. XII.*

Iulius inde Tertius superiorum Pontificum ritu, Lau-
 retanæ Domus Indulgētias, immunitates, beneficia,
 sua firmavit auctoritate. Ac memor diuinæ illius vocis *Do-*
mū tuā decet sanctitudo Domine. Cleri, populique Lauretani
 mores legibus per Cardinalem Carpensē latīs compo-
 suit ad sanctitatem. Exinde ab incolarum disciplina ad
 ornatum

*Ann. Laur.
Rier.*

*Iul. III. Pō.
benef.*

ornatum loci cura Pontificis versa: sacra ab eo supellex factis aucta: marmorei gradus in templi vestibulo excitati: atrium ad loci munditiam laterculo stratum: nonnullæ etiam priuatæ ædes, vel ad plateæ speciem, vel ad incolarum commoditatem è regione porticus, de qua diximus, exstructæ. Ad vltimum summa, tectoque proxima Pontificiæ domus contignatio, rudis antea ac deserta, ad habitandum satis exculta, eaque Societati Iesu attributa. Pontifex quippe probe gnarus prauorum morum emendationem ex bene instituta confessione, fructum piæ peregrinationis esse vel maximum; Lauretano templo cunctarum gentium peregrinationibus celeberrimo idoneos providere Pœnitentiarios statuit. Etsi enim non deerant sacerdotes pij doctique tamen eorū siue paucitas, siue peregrinarū incitia linguarū minus vtique proficiebat, quam opus erat. Itaque Pontifex omnia circumspectans demū Cardinalis Carpsis admonitu, optimū factū existimauit, Patres Societatis Iesu Lauretanis sacerdotibus adiungere: vt essent qui linguæ cōmercio peregrinos allicerēt ad expiationem animorum, & simul aduenarum confessionibus assiduam, sedulamque operam darent. Duodecim socij ad eam rem lecti. His alendis quod satis esset ex Lauretanæ Domus facultatibus assignatum: sedes in suprema ædium parte, quæ tum vacabat, vt diximus, attributa anno huius seculi LIII. Hęc initia Collegij Lauretani Societatis IESV parua quidem, sed haud paruo incolarum, & peregrinorum bono. Præcipua Patrum cura erat, peregrinorū, ac transalpinorum animos confessione expiare: agrestes homines Christianorum mysteriorum rudes informare: omnes ad piæ, Christianæque vitæ studium accendere. Quam porro eorum opera, vel indigenis, vel aduenis frugifera ac salubris exiterit, satius est alijs cogitandum relinquere, quam me litteris prodere. Cæterum hoc Patrum Collegium non mortalibus solū, sed etiā B. Mariæ cordi fuisse incrementum eius, maiorque in dies progressus ostendit.

*Cælestia flammæ prodigia Laureti renouata.**Cap. XIII.*

HAUD ita multo post cælestia prodigia longe maiorem solito mortaliū multitudinem conciuere Lauretum, & expiandam Patribus, excolendamque præbuerunt. Non dum vertente anno, nocturni ignes tanquam stellæ, visi erumpere è Lauretanæ Basilicæ tholo; ac versus Montem Filatranum (pagus est Laureto proximus) sensim velut agmine quodam procedere. Ibi supra vetustam B. Mariæ ædiculam, quasi choreas in orbem agitare aliquandiu, denique ad Lauretanam Aedem vnde discesserant, recipere se. Id primo à pastoribus eius pagi accolis, inde horum indicio etiam ab incolis notatum populoque vniuerso, tanta quidem omnium admiratione, vt stupor quidam cunctorum animos occuparet. Nec breue, aut fugax spectaculum erat, sed diuturnum, ac prope ipsi æquale nocti. A secunda enim ferme noctis hora, vsque ad primam auroram tenebat. Itaque complures rei propius visendæ auidi ad eum accurrebant locum, qui cælestibus ignibus collucere videbatur. At vbi eo ventum, erat, repente mirabilis illa species eminens conspecta subducebatur oculis cominus intuentium, cum tamen eodem ipso tempore prospectantibus appareret. Quæ cælestium luminum fama celeriter, vt fit, toto Piceno vulgata, ad tam iucundum spectaculum finitimos exciuit populos. Per noctantes igitur sub dio opportunis ad spectandum locis, cælestes flammæ ex Aede Lauretana emicare, supraque ipsorum capita ferri videbant, haud minore admiratione, quam gaudio. Nec vana illa fuisse spectacula, mox miraculorum ostendit euentus. Constans fama est, mortaliū complures ædieulam illam ingressos; Dñi Deiparæque Virginis dono, varijs depulsis morbis, domos suas

*Trad. Laur.**Ann. Laur.**Rjet.*

reuer-

reuertisse incolumes: Ex quo numero claudos, surdos, herniosos, & energumenos fuisse. Sentires illas Lauretanorum luminum in alia B. Mariæ templa excursiones hoc significare mortalibus, Lauretanam Aedem longe, & fastigio, & dignatione inter alias eminere: quod in illis B. Maria diuersari, hic quodammodo habitare videretur.

Flamma caelestes in ipso etiam templo Lauretano visæ.

Cap. X I I I I.

*Tradit Lau.
Ann. Lau.
Riera.*

NEc foris modo, sed etiam intra ipsum templum coelestes flammæ quandoque visæ. Anno insequenti, qui fuit M. D. LV. cum vnus è Patribus Societatis Iesu in Lauretana Aede concionem de more haberet ad populum, luce palam, plurimis inspectantibus, ignes quidam haud obscuri coelo delapsi sacrosanctum sacellum insedere: mox inde diffusi circumire concionem: denique cunctis rei miraculo stupentibus, recipere se se in coelum. Ea res, vix credibile est, quantum intuentium animis mistæ gaudio religionis incusserit. Aderat forte in turba Raphael Riera Sacerdos è Societate Iesu doctus iuxta, ac pius, qui hoc ipsum, & alia deinceps plurima ad Lauretanam historiam pertinentia memoriæ prodidit. Is tum rei miraculo, ac nouitate attonitus, repente humi procubuit venerabundus. Cumque Deo, ac Deiparæ grates ageret, à quibus tali dignatus esset spectaculo; tantæ coelestis gaudij copiam in præsentia hausisse se tradit, vt complures deinceps durauerit dies, pectore Dei caritate, & B. Mariæ religione semel accenso. Neque vero id vni sibi contigisse ait, sed alijs compluribus, qui à concione idem sibi quoque accidisse, & sermonibus, & gestibus, & scilicet lacrymis testantur. adeo insolita lætitia sacro horrore mista ex vultu, oculis, gestibus corporis eminebat. Haud vanam

nam fuisse speciem iteratio miraculi fidem facit. Biennio post vnus item è Patribus sermonem de more ad Canonicos, & circumfusam multitudinem habebat: plerique Patrum confessiones excipiebant aduenarum: nonnulli in augustissima Virginis cella Deo supplicabant; cum repente è summo tholo coelestis flamma, cometæ instar, emicare visa dicitur; atque inde supra sacellum lapsa, parumper ibi stetisse: hinc ad concionem progressa, cunctis miraculo ac stupore torpentibus gratum præbuisse spectaculum: Demum flexo in diuersum cursu, ad destinatum confessio- nibus locum (Poenitentiariam appellant) supra sacerdo- tum, confitentiumque capita discurrisse: ad vltimum su- pra Christi crucifixi imaginem, quæ in sanctissimo sacello religiosè colitur, paulisper morata sublimis abiisse, om- nium qui oculis coelestem illam flammam hauserant, pe- ctoribus inflammatis.

Duo Capucini fluctibus maris eximuntur.

Cap. XV.

NEc alia per id tempus defuere miracula, ex quibus nos (quod nostrum institutum fert) maxime illu- stria referemus. Anno circiter M. D. LIII. Franciscani Capucini duo, Lauretana Virgine salutata, ex Ancona soluerant in Dalmatiam traiecturi. In medio cursu atrox coorta tempestas præsens omnibus intentabat exitium. Igitur Nauarchus ad leuandam onere nauim versus iactu ram vasorum, ac mercium facere. Franciscani in nauis angulo diuinam iram precibus placare coeperunt. At in- stitutes, siue damni dolore amentes, seu diabolicis instin- ctu furijs, in Franciscanos illos periculi, vt videbantur, secu- ros rabiem vertunt. Enimvero illorum vitio procellam exortam, eorundem exitio sedandam. Hæc vociferantes cooriuntur; in insontes impetum faciunt; comprehensos

*Trad. Len.
Ann. Laur.
Riv.*

in mare deturbant. At illi Lauretanam Virginem, quam ingruente periculo inuocauerant, inter fluctus inclamare pergebant. mira dictu, visuque res. Extemplo diuina quadam vi eos subleuatos cerneret toto exstare pectore: supinisque manibus Dei Deiparaeque laudes certatim canentes in ipso exasperati maris impetu placide ferri. Itaque breui ducente, ac vehente Deo, Anconae portum pariter tenuerunt. E vestigio in madidis vestibibus, ut erant, Lauretum ad agendas B. Mariae grates regressi prosterunt corpora ante eius effigiem: obortisque lacrymis enixe Deo ac Deiparae grates agunt. Ex Lauretanorum custodum numero Bernardinus Galiardus erat, vir haud vana fide, idemque antiquus Capucinatorum hospes: apud quem illi, & priusquam Anconam peterent, & inde Lauretum reuersi diuerterant. Hic igitur Franciscanos, quos dixi, salo perfusos hospitio recepit: & illi causam sciscitanti hospiti tandem rem omnem, uti gesta erat, exposuerunt hac lege, ut ipsorum nomina silentio premerentur. Galiardus itaque suppressis illorum nominibus, rem deinceps aliis, uti ipse acceperat, enarrauit.

Adolescens ex fluminis vorticibus eripitur.

Cap. X V I.

*Trad. Laur.
Ann. Laur.
Riev.*

HAud leuius periculum in flumine alius vitauit, quam Franciscani in mari vitauerunt praesidio Virginis Lauretanae. Angelus Autanus ex agro Salernitano egregia indole, ac pietate adolescens in Vulturnum amnem, qui Capuam praeterfluit, abluendi corporis gratia, cum aequali, gregalique suo descenderat. Caeterum eius socius dum incaute progreditur, caecos delatus in gurgites haud procul aberat exitio. Accurrit impigre Autanus opem periclitantilaturus: sed ipse quoque idem periculum incurrit, quo frustra iam eximere alterum conabatur. Iamque

vor-

vorticibus prærapidi fluminis haustus è fundo semel emer-
 ferat, cum B. Mariam Laurétanam, vtcumque potest, se-
 miuius inclamat. Nec irritæ ceciderunt preces. Repen-
 te B. Virgo vocata adfuit: & iuuenem gurgiti ereptum,
 iamque prope exanimatum gremio excipit, ac supra flu-
 men ad mille passus delatum in opportuna statuit ripa. Il-
 le diu hæsit periculi pariter, miraculique stupore attoni-
 tus. Inde vt primum ex pauore animum recepit; coeleste
 agnoscens beneficium procumbit in genua: & B. Mariam
 liberatricem suam impense salutans grates laudibus mi-
 sceat. Protinus Lauretum petit, Deiparam colit, miracu-
 lum prædicat.

*Puella Lauretana è puteo: ciuis Caietanus è carcere
 liberatur. Cap. XV II.*

NEc Lauretum ipsum Patronæ suæ opem non sensit in
 pari suorum discrimine. Parua puella ad puteum,
 qui in ædibus Lauretani Præsidis erat, de more accesserat
 aquam hauktura. Iam situlam fune religatam demiserat;
 & aquæ plenam incauta festinatione reuocabat; cum vase
 degrauante, ipsa vltro in puteum deuoluitur B. Mariâ in-
 clamans. Vidit forte de fenestra vnus è præcipuis S. Do-
 mus ministris cadentem puellam: eique B. Virginis im-
 plorauit opem. Protinus ipse cum domesticorum manu
 decurrit ad puteum. Mirum dictu. illam conspiciunt in-
 columem, latamque summæ incubantem aquæ. Igitur
 properè maiorem situlam cū valido fune demittunt: puel-
 lamque quid factò opus sit monitam extrahere connitun-
 tur. Iamque illa situlæ insistens, & funem manibus te-
 nens ad os putei attracta peruenerat: multorumque eam
 manus percebant opem laturæ. at illa inter tot manus an-
 cepti consilii, dimisso perperam fune, nullaque compre-
 hensa manu, eodem recidit. Cæterum omnibus qui ade-

*Trad. Lami.
 Ann. Lami.
 Rier.*

rant Deiparam inuocantibus, ad aquam peruenit innoxia: & si multa suberant fragmenta testarum. Itaque illi ad vltimum scalis demissis, segniore, sed tutiore via eam educunt. Narrauit deinde puella, labenti sibi in puteum Virginem eximia specie præsto fuisse, cuius manibus exceptam semet innasse aquæ, sine vlllo prorsus incommodo. Idem quoque sibi denuo cadenti vsu venisse. Quippe ipsam B. Mariæ exceptam manibus super aquas in gremio Diuæ sedisse; quoad scalæ conquistæ, colligatæque demitterentur. ita duplici miraculo seruata, haud leue præsidii Lauretanæ Virginis documentum extitit. Nec leuius eiusdem præsidii argumentum Romæ vir fuit, quam Laureti puella fuerat. Caietanus quidam honesto loco natus, sed animo parum forti, ac virili fuit. Is cum falso homicidij crimine coargueretur à testibus, (vt erat natura, vsuque delicatus) insolito tormentorum aspectu contritus, maluerat, vt sæpe fit, falsum confitendo, supplicium subire, quam inficiando inter tormenta, vitare. Igitur morti addictus sacra confessione animi labes abstergit. Ibi Sacerdotis hortatu causam suam cœlesti committit Iudici: Lauretanæ Virginis opem exposcit. Auditæ preces. Haud ita multo post dulci oppressus sopore visus est sibi videre Virginem Lauretanam, quæ bonum animum habere iusso certam spem salutis, ac libertatis ostenderet. Nec mora. innocentia hominis diuinitus patefacta: aucthores sceleris, falsique criminis artifices conuicti: in ipsos poena versa, quam parauerant innocenti.

Bassa Turcarum à Lauretana Virgine curatus, eam muneribus colit.

Cap. XV 111.

*Tradit Len.
Ann. Laur.
Riera.*

NEc barbari Lauretanæ opis expertes fuere. Corcutus Turcarum Prætor (Bassam ipsi vocant) anno
M.D. LII.

M. D. LII. Constantinopoli cum esset, ex graui, occultoque pectoris apostemate ad extremum venerat vitæ discrimen. Apud eum seruitutem seruebat Christianus vir bonus, ac pius. Qui Domini periculum suæ libertatis occasionem ratus Prætozem adit moribundum, & de B. Mariæ Lauretanæ admirabili vi, in morbis cuiusque generis depellendis edoctum, bonæ implet spei. Igitur haud ægre eum perpulit, vt secum Lauretanam Virginem inuocaret vouens si morbum depulisset, se in eius gratiam illi seruo libertatem daturum. Nec seruus Dominum, nec Maria piū seruum fefellit. Protinus disrupto apostemate Prætor sanatur, & exitit ab eo quoque fides. Extemplo seruum illū libertate donatum cum litteris, ac muneribus Lauretum ad Virginem destinat. Munera fuerunt, mantile egregio opere, ingentes cerei, argenti vis non parua, arcus, & pharetra præclara cum sagittis, non tam precio, quam donorum nouitate, donantisque admiratione grata, & accepta. Erat illa tempestate Laureti præses Gaspar Doctus Venetus. Is ceteris donis super aram positis, arcum, pharetramque suspendi in sacrosanctæ cellæ vestibulo iussit, rei ad posteros monumentum. Attulerat is, quem dixi, Bassæ Libertus miraculi testimonium, chirographum patroni sui. Quod Gaspar ex Arabico in vernaculam linguā conuersum ad posteritatis memoriam asseruari voluit. Id autem latine versum erat eiusmodi. Quod bonum, fortunatumque nobis esse velit; magnus, ac misericors mundi Dominus. Cum mihi ipsi diuinitus quidā euenerit, ego Corcut Bassa (ne meo desim officio tantæq. rei monumentum aliquod posteris exstet) rem omnem ordine exponā. Ortum erat atrox apostema nobis in pectore, iamq. haud dubium imminebat exitium; cum desperata à medicis salute, meus me seruus adiit, & sane fidenter, si mihi libertatem polliceris (inquit) Dei mei matrem exorabo, vt pristinā tibi restituat valetudinem. Itaq. ego confestim accersito tabellione, libertatem ei repromisi, si ipse promissa

missa præstaret. Extemplo seruus positus humi genibus, & quædã super se signa ducens manu, rogitat, vt semet verbo præcuntem sequar. Inde ipse præire his verbis cœpit. Ego B. Mariæ Lauretanæ opem imploro. Monenti obsecutus, triduo post, Deo fauente conualui, Ergo seruo in libertatem vindicato hoc chirographum dedi cum votiuis donis, quæ meæ obseruantia, gratique animi monumenta sint, B. Mariæ parenti præpotentis Dei, qui nos saluos velit.

Ædes Lauretana Illustrium virorum donis augetur.
Cap. XVIII.

NEC miraculis magis, quam muneribus Lauretana Domus Iulio III. Pont. Max. illustrata. Cardinalis Augustanus vestem aureã opere præclaro: monile ex vnionibus centum quinquaginta, certa per interualla aureis distinctum globis. ad hæc aureũ numisma pendulum gemmis, ac margaritis insigne Lauretanæ Virgini donum, tulit. Cardinalis Cæsius aræ ornatum argenteum. Carpendis Cardinalis ximium Episcopi solemniter diuina officia celebrantis amiculum ex veste Attalica. Item alterum ex veste argentea auro crispante discretum. Cardinalis Medices (qui postea Pius Quartus Pontifex fuit) aræ vestem ex textili aureo. Bernardinus Sansuerinus Princeps Bisiniani effigiem suam à pectore expressam ex argento, ingentis ponderis: aræ insuper, & sacerdotis ornatum ex holoserico villuto coccineo. Hercules Dux Ferrariensis aræ, sacerdotis, ministrorumque solemniter pompa rem diuinam celebrantium præclaros ornatus ex veste Damascena ingentibus aureis floribus intertexta. Vidobaldus Urbini Dux aræ pariter, ac sacerdotis amiculum ex Attalica veste. Dux Grauinæ ex eadem materia sacerdotis ornatum. Prorex Neapolitanus, & sacerdotis, & ministrorum solemniter sacrificantium vestes aureas opere

Card. Augu-
stani D.

Card. Cæ-
sij D.
Card. Car-
pendis D.

Card. Me-
dices D.
Princip. Bi-
siniani D.

Ducis Ferra-
riensis D.

Ducis Vibi-
nati D.
Ducis Gra-
uinæ D.

opere Phrygio conspicuas. Mantuanus Marchio eorundem ad eundem usum vestes argenteas. Portia Cæsia pluviale aureum. Vxor Comitis Palenæ in Samnitibus monile ex auro, margaritisque. Constantia Leiva Hispana coronam auream libralem. Insigne etiam donum è Germania missum à Ferdinando Rege Romanorum, argentea B. Virginis effigies sesquipedalis pondo XXXI. cuius genibus aduoluta est Anna Boemię reginia ex argento. In basi titulus duplex, alter à fronte.

Proreg. Na
polit. D.
March. Mi-
tuani D.
Portiæ Cæ-
siaz D.
Comit. Pa-
lenz D.
Constantiæ
Leivæ D.
Ferdini Cæ-
saris D.

SERENISS. AC POTENTISS. ROMANORVM VNGAR.
BOEMIÆ REX, ARCHIDVX AVSTRIÆ ET CET.
FERDINANDVS

HANC ARGENTEAM EFFIGIEM D. VIRGINI OFFE-
RENDAM TRANSMISIT AN. M. D. LII. MENSE MAIO

Alter porrò titulus à tergo :

FERDINANDVS ROMANOR. VNGAR. BOEMIÆ REX
ARCHIDVX AVSTRIÆ ETC.
EX VOTO SALVTIS IN MEMORIAM DVLCISSIMÆ
CONIVGIS ANNÆ, HANC IPSIVS ARG. EFFIGIEM
MARIE VIRG. DEDICAVIT. CONSECRAVITQ.

*Marcellus Ceruinus Card. in sacro sacello Pontificem
se futurum diuinitus cognoscit.*

Cap. XX.

HAec inter Marcellus Ceruinus Cardinalis vir do-
ctrina pariter, & sanctitate clarus in oppido Lau-
retanæ Domui satis vicino (Montem Fanum appellant)
domicilium statuerat. Suum id natale solum ferebat, re-
uera locum interuiscendæ natali B. Virginis cellæ prop-
ortunum elegerat. Inde Lauretum incenso studio ven-
titabat, in augustissimo orbis terræ sacello sacris ope-
raturus

Ann. Lawr.
Rier.

Card. Cer-
uini pietas.

raturus. Itaque sub Iulij Tertij Pontificis decessum Marcello rem diuinam inibi de more facienti res euenit visu, euentuque mirabilis. Eximio candore, ac specie columba, multis inspectantibus, supra eius caput placide cum volitasset, nunc in sacrificantis manibus, nunc in ipso missali libro quiescebat. Ea res obiecta oculis adstantium plerosque animis immobiles stupore defixit. Sacerdos qui de more Cardinali sacrificanti præsto erat, vulgarem aliquam columbam eo forte delapsam ratus abigere eam conabatur. At Cardinalis laud parum memor candidæ columbæ inditio diuinitus olim designatos nonnunquam esse Pontifices; inhibet abigentem: ipse cœlestem columbam quiescere sinit, quoad sacrificio p̄fecto, sua sponte auolaret. Exinde cœleste visum homini affirmat fidem. Nuncio de morte Pontificis Marcellus Romam reuocatus non sustinuit viā prius, & Pontificijs comitijs committere se, quam veteri suo instituto Lauretanam Virginem salutasset. Et aderat dies Annuntiæ Virgini sacer, qui cæteroqui pium eius animum inuitabat. Venit ergo pridie Lauretum. Festo ipso die, exclusa incondita turba, sacrum in augustissima cella facere attentissime coepit. Inter sacrificandum post initium Canonis, Ecclesiam Pontifice orbam memorans, Deo ac B. Virgini enixius commendabat. Effuse præcanti B. Maria cœlesti specie, coelitum septa comitatu se offert: animoque eius diuina luce, ac dulcedine delibuto, ipsum fore Pontificem indicat: exemplo attonitæ mentis oculis subducit se. Marcello tam nouæ rei, ac subitæ admiratio tantum repente animi; corporisque totius incussit, horrorem; vt ad aram trepidans pedibus ægre subsisteret. Sensit Sacerdos eius administer aliquid profecto Cardinali obiectum diuinitus, vtique cum eius conspiceret faciem insolito quodam splendore fulgentem: mox etiam notaret totum eius corpus noua circumdatum luce. Ergo quod ipsemet viderat, deinde cum alijs multis tum Raphaeli Rieræ, qui rem litteris prodidit, profamilia-

Card. Cerrini promi.

familiaritate narravit. Quin etiam Cardinalis ipse necessariorum, qui spectaculo adfuerant, precibus fatigatus, enunciauit denique totam rem, uti gesta erat: ac simul adiecit tantum utique Pontificis munus longe altius esse fastigio suo: ac propterea Deum fortasse alium sibi Vicarium quaesitum. Ceterum si Deo cordi esset talem in terris habere Vicarium; enimvero sibi antiquissimum fore, Christianam Rempublicam conservare factam, testatque, atque Aedis Lauretanæ cultum longe, ac late propagare. Itaque Montem Fanum regressus accersito tabellione, publicis consignari litteris iussit, quæ in B. Mariæ Lauretanæ gratiam destinaret animo: nimirum ut publicæ tabulæ suam Deiparæ obstringerent fidem, eademque si forte, quod accidit, mors interueniret; testes forent suæ erga illam egregiæ voluntatis. Exstant hodie in eo, quod dixi, oppido tabulæ Marcelli Ceruini Cardinalis, ex quibus satis apparet, ei in animo fuisse Canonorum, Cantorum, Ministrorum, sacerdotum etiam Societatis Iesu augere numerum, ut sancta Domus aduenarum frequentia, pietateque auctior foret. Ad hæc Laureti pomerio longe, lateque prolato, muris propugnaculisque circa excitatis, nouam urbem, nouam condere ciuitatem, Episcopali sede, mero, mistoque imperio, & octo finitimis oppidis attributis insignem. Condendæ porro ciuitatis facilem hanc expeditamque excogitauerat viam, ut pauperes familias ex omni Pontificali ditione, partim spe præmiorum, partim etiam B. Mariæ Lauretanæ religione ad nouam frequentandam ciuitatem pelliceret: nouis colonis proximam syluam publico ære coemptam viritim diuideret, ut excisa sylua, repurgatisque saltibus, agros colerent suos: ita breui, & satis frugum vini, olei nouæ ciuitati fore, nec mercatores spe lucri ob loci celebritatem illectos desuturos. Hac demum ratione Lauretanæ Virginis, & dignationis, & cultus accessurum esse vel plurimū. Ceterum Deo cuius *infernabilia iudicia* sunt, aliter vi-

sum. Quippe illum præclara sua de Lauretana Aede consilia mandare litteris, quam factis exsequi maluit. Vt Marcellus Romam attigit, facile quidem euenit, quod Deo cordi erat, vt fieret Pontifex: & extitit B. Virginis fides; Pontificis tamen exstare non potuit. Is namque intra XXII. diem, vix dum inito Pontificatu excessit è vita. Pontifex egregijs consilijs magis, quam operibus memorandus. Salubria quippe eius consilia plures deinde Pontificum secuti, multis ac magnis simul Ecclesiam, simul Lauretanam Aedem præsidijs, ac muneribus adornarunt.

*Aucto Iesuitarum Collegio à Paulo Quarto, Lauretana
celebritas, & opulencia adaugetur.*

Cap. XVI.

QVorum ex numero Paulus Quartus fuit, qui Marcello subrogatus, eiusque salubribus vsus consilijs non modo lapsam Ecclesiæ disciplinam, moresque restituere cœpit; sed Lauretanæ Domus etiam cultum amplificare institit. Pontificatus initio vetera aliorum Pontificum beneficia nouo sanxit diplomate: ædificationem seculo iuuat: auxit numerum Ministrorum: nihil denique prætermisit, quod ad amplificandam loci Religionem pertinere existimaret. Cæterum illud præcipuum eius munus ex Marcelli vtique consilijs ortum, quod Societatis Iesu Collegium auctius reddidit. Nam etiam si Patres illi, qui tum erant, maiorem quam pro numero peregrinis nauarent operam; tamen sacerdotum paucitas crescenti in dies aduenarum multitudini satisfacere haud quaquâ poterat: præsertim cum ex remotissimis quoque regionibus peregrini homines sermone dissoni quotidie plures confluerent, quorum plerique confessione expiari nequibant linguæ commercii expertes. Hos irritos spei, votique domos

domos redire, haud ægrius ipsimet, quam Patres patiebantur. Igitur ea res Cardinalem Carpensẽm perpulit, ut de adaugendo Patrum numero cogitaret. Is quippe admodum lætus Collegium ab se in solo Lauretano satum, quãvis adhuc tenue ac tenerum, satis vberes pietatis, qua ferre, qua ostentare fructus, de eo impense amplificando cū Pontifice agitauit, ratus fore; id quod euenit, ut vberriamã frugem, auctis maturisque iam fructibus ferret. Itaque anno huius sæculi LIIII. approbante Pontifice perfecit, ut sociis duo de triginta superiori numero adiectis, XL. e Societate Laureti alerentur. Nec Cardinalis, aut Pontificis spem Societas est frustrata. Auctum per eam occasionem sacerdotibus exterarum linguarum peritis Collegium, magno & religioni peregrinorum incremento, & Lauretanæ Domui emolumento fuit. Ex eo tempore omnium ferme nationum peregrini suę quisque gentis sacerdotes nati, quibus cum libere agerent sine interprete, eorum opera Christianis etiam institutis, præceptisque imbuti, non tantum peccatis expiati domos repetebant. Lauretanæ porro Aedis religio, ac res tantis subinde auctibus creuit; ut satis constet, vel aduenarum frequentiam, vel donorum copiam solito longe fuisse maiorem. Nimirum aduenarum multitudo infinite crescebat in dies, ac multis passim agminibus per omnes vias, semitasque Lauretum undique concurrebant. Sæpe dena nonnunquam vicena, interdum etiam tricena, coque plura peregrinorum millia versabantur ad Lauretum, circiter natalẽ Virginis diem. Plerique autem templo, oppidoque exclusi circumiectos agros syluasque complebant.

*Lauretana Ædes donis cumulatur.**Cap. XXII.**Bern. Cyril.**Card. Carpenſis D.**Ducis Vrbi
carpenſis D.*

ET cum aduenarum multitudine Lauretanæ Aedis opulentia crescebat. Satis constat ex eo tempore dena, duodena, quaterdena, senadena, vsque ad vicedena aureorum millia in arcam quotannis ingesta. Nec vero vnquam vllus Pontificum quicquam ex arca Lauretana in suum vsum vertit. Sed omnibus æque sancta ea pecunia fuit. Duo omnino tempora inciderunt, cum aliquid inde pecuniæ ad Pontifices ita peruenit, vt paulo post ab iisdem eodem rediret. Leonis X. Pontificis Duces ad reprimendas Francisci Mariæ Vrbinatium Ducis populationes, sex aureorum millia ex sacra arca in stipendium militare deprompserant. Id vbi cognouit Pontifex, extemplo per Piceni Quæstorem B. Virgini eam summam renumerandam curauit. Clemens inde VII. sub direptionem Urbis, cum in summa difficultate esset nummaria (vt supra de monstrauiimus) tria aureorum millia mutua ab Lauretana Virgine accepit: quæ deinde periculo defunctus cum fide persoluit. Itaque omnis illa pecunia, quæ in sacram arcam ingerebatur, in Lauretanam fabricam, aliosque S. Aedis vsus erogabatur. Paulo autem Quarto Pont. ad eam pecuniam accesserunt alia dona, quæ ad sacram suppellectilem pertinebant. Christi crucifixi effigies argentea iustæ magnitudinis cum Caluario monte, ac simulacris B. Virginis, & S. Ioannis ex argento expressis, bina itidem argentea candelabra cubitalia, & patera argentea bilibris pulcherrime facta. Ad hæc amiculum eximium Episcopale ex veste Attalica, cuius præcipuum ornamentum erat aurea ingenti specie fibula tribus cumulis margaritarum insignis, quali Cardinales Episcopi vt solent. Textilis insuper pictura Christi ortum referens ex serico, auroque mira arte perfecta, Cardinalis Carpenſis dona sunt. Ducis Vrbinatis vestes sacerdotis ac ministro-

ministrorum aureæ. Par donum Ducis Epirotarum. Ducis item Mantuani, nisi quod hæ sunt ex auro argentoque contextæ. Ducis Bouini præclarum sanctissimæ Eucharistiæ ferculum ex argento, pedalibus angelorum simulachris innixum. Honorati Caetani Ducis Sermonetæ sacerdotalis vestis aurea, aræque ornatus ex veste Attalica. Augustini Auricæ caput argenteum, binique sacerdotales ornatus ex auro textili, Margaritæ Austriacæ Caroli V. Cæsaris filia egregia vestis, aræ pariter, & sacerdotis ex argento textili cripto. Marchionissæ Vasti ciborium aureum bilibre, opere præclaro. Alterum ciborium egregium, sed distinctum columnis ex argento inaurato vxoris Ducis Ariani. Sacerdotis, ac ministrorū solemni ritu sacrificantium ornatus argenteus Ducis Mantuanæ. Denique Sacerdotalis vestis aurea insignis à tergo ingenti effigie B. Virginis sole amictæ, eademque auro, margaritisque distincta, Reginæ Vngariæ donum.

Duc. Epir.
Donum.
Duc. Mant.
Donum.
Duc. Bouini
Donum.
Duc. Sermon.
Donum.
Aug. Auricæ
Donum.
Marg. Aust.
Donum.
March. Vasti
D.

Duc. Ariani
D.

Duc. Mantuanæ
D.

Reg. Vngariæ
Donum.

A Gallico exercitu Lauretana Ædes cum multorum militum salute celebratur.

Cap. XXIII.

C Aeterum exorto sub id tempus inter Hispaniæ regē ac Pontificem bello, nouorum armorum tempestas quæ turbauit Italiam, Lauretanam illustrauit Aedem. Dux Guisus à Pontifice euocatus annuente Franco Rege, instructissimas Gallorum copias in Italiam traduxerat ca mente, vt simul præsidio esset Pontifici, simul Neapolitanum reciperet regnum. Qua tēpestate religio Aedis Lauretanæ, diuinaque erga eam prouidentia maxime enituit. Ingentes militum copiae ex varijs gentibus collectæ Picenum inundarant: nec tamen Aedes diuitijs incluta cuiusquam animum ad opulentæ prædæ cupidinem illexit. tanta etiam in bellico tumultu militares animos religio Lauretanæ

Tradit. Lan.
Ann. Laur.
Rier.

retanæ Virginis, cœperat. Quamdiu autem Guisus in Piceno stativa habuit, tanti exercitus manus spectaculo potius Lauretanis, quam damno fuere, Deipara clientes, non modo res suas tutante. Erant in eo exercitu permulti Caluiniana peste contacti, nulla tamen cohortium, nulla turmarum omnino exstitit, quin ad primum Lautetanæ Basilicæ conspectum, religione tacta ad eam visendam, colendamque accesserit, vota fecerit, dona tulerit. Itaque pergebant eo pacatissimis agminibus, alij post alios turmarum, & cohortium Duces: pacatiores abibant, quam venerant, nuncupatis, aut exsolutis ante Virginis aram votis. Quin etiam in eiusdem gratiam, ante Aedem militari more ludicra inter se simulacra belli ciebant armis sagisque conspicui. Gratius deinde militaris pietas Dei paræ, Deoque spectaculum præbuit. Militum plerique sacra confessione abluti, sacrosancto Eucharistiæ epulo accubuerunt. Nonnulli etiam hæreticorum in rectam veritatis viam reducti, eiuratisque erroribus reconciliati Ecclesiæ: & confessionis, atque Eucharistiæ sacramentis expiati, Deipara etiam impiorum perfidiam, in Dei cultum pietatemque vertente.

*Vtinenſis ciuitas voto B. Mariæ Lauretanæ nuncupato
à circumſerpente peſtilentia prohibetur.*

Cap. XXXIII.

*Trad. Laur.
Ann. Laur.
Riv.*

PER idem tempus multis sane, ac varijs Lauretana Aedes est nobilitata miraculis. Vtina vrbs est Carnorum, magnitudine ac nobilitate vni Aquileiæ secunda. hæc maximum salutis discrimen Virginis ope discussit. Anno M. D. LV. atrox peſtilentia Veneriæ fines, Carnosque peruagata, magnas edebat vbique strages incolarum. Ergo primores ciuitatis Vtinenſis cum ſerpere quotidie malum, & iam aduentare cernerent; conſilium à neceſſitate

cessitate petunt: votoque publice nuncupato, Lauretanâ Virginem inuocant, & suam ciuitatem eius committunt fidei, tutelæque. Nec illa clientium suorum vota, ac preces fefellit. Biennio quo grassata est lues, cunctis circa oppidis morbo exhaustis, (adeo præsens B. Mariæ tutela fuit) sola Vtina communis mali perseuerauit immunis. Vtinenſis ergo ciuitas non in faciendis, quam in exsequendis votis religiosior, solemnî supplicatione indicta, Lauretum venit. Trecenti erant viri nobiles, quibus pulcherri-
ma Christi Crucifixi effigies præferebatur: omnes lintea-
ti, omnes iisdem insignibus conspicui, cum donis vel pu-
blicis, vel priuatis, ad Lauretanam Aedem pariter proce-
debant. Limen ingressi prosternere corpora certatim hu-
mi, & collacrymantes ciuitatis suæ, ac suo quisque priua-
tim nomine ingentes Deo, Deiparæque grates agere cœ-
perunt. Inde consurgentes fraternè se inuicem comple-
xari: fletuque integrato mutuis se perfundere lacrymis.
Et insignem à pietate orram complorationem par eorum,
qui aderant comploratio excepit, nullo fere spectatorum
in tam pio talium virorum fletu lacrymas tenente. Ad vl-
timum intrant sanctissimam cellam: Deiparaque Virgine
enixe consalutata, apud eam munera deponunt. In his vo-
tiua erat tabula egregiè picta cum titulo:

GLORIOSISSIMÆ VIRG. LAVRETANÆ
OB SERVATAM A PESTILENTIA
VTINENSEM CIVITATEM, ET AGRVM.
SACRATISSIMI CRUCIFIXI SOCIETAS
POSVIT DICAVITQVE
AN. SAL. M. D. LVI.

Cacis duobus lumen oculorum restituitur.

Cap. XXXV.

T Riennio post admirabilius etiam spectaculum Lau-
retana Virgo, & incolis, & aduenis præbuit. Senen
sis

*Trad. Laur.
Ann. Laur.
Riet.*

sis puella erat Venetæ matronæ haud sane vilis, quæ in obsequio Dominæ luminibus capta, nihil penitus cernebat. Et apparebant in oculis signa, quæ facerent cæcitatibus fidem. Itaque medicorum remedijs frustra tentatis, Dominæ iussu à mulieribus duabus Lauretum adducitur, haud dubia spe lumen illi redditum iri, ope ac deprecatione B. Mariæ. Puella igitur inter illas duas feminas augustissimam Virginis cellam ingressa, submissis genibus, obortisque lacrymis Deiparam enixe implorare cœpit. Refertum erat sacellum accolis & peregrinis, qui pariter Virginem orabant, seu puellæ misericordia capti, seu rei expectatione suspensi. Ecce tibi illa dum precibus lacrymabunda insistit, repente hylarior facta, lucis se aliquid dispicere clamat: & simul eos, qui aderant, vt se precibus iuuarent, impense rogat. Cæteris ad comprecandū Deū accensis, paulo post læta successu puella succlamat, iam cerni ab se ardentem ante Virginem faces, lychnosque. Enimvero ea vox accensa supplicantium studia vehementius inflammavit: cunctorumque ex oculis lacrymas gaudio mistas exciuit. Tandem puella gratulabunda exclamat. iam B. Mariæ effigiem, iam quæ circa illam sunt dona cerno. O Dei, O Deiparæ clementiam: ò diuinum, & commemorandum vtriusque beneficium. Talia inter gratulandum illa mistis gaudio lacrymis iterante, ingens orta est omnium comploratio Deo, ac B. Virgini grates agētium, quæ semihoram tenuit: & plerosque etiam sacellum egressos secuta, superuenientium pectora pari sensu, atque admiratione compleuit: vtique cum iidem qui modo cæcam puellam conspexerant, nunc integris oculis, ac probe videntem cernerent. Vix alia res eiusmodi in maiore populi frequentia gesta. Quippe secundum serias Paschatis id miraculum patratum est: qua tempestate, maximo sollet mortalium concursu Aedes Lauretana celebrari. Raphael Ricra, qui rem litteris consignauit, miraculo interfuisse se tradit, & egomet ab alijs accepti haud dubiæ fidei homi-

hominibus, qui se tum adfuisse dicebant. Gesta res est anno huius seculi LIX. Gasparo Docto Prætoræ Lauretano, qui tam evidens miraculum in tabulas publicas referri iussit. Sed antiqua simplicitate transacta res est. Nomina puellæ & dominæ (perinde ac si ad fidem miraculo conciliandam nihil admodum pertinerent) omissa; credo quod ab Evangelistis quoque in evidentibus miraculis id factitatum viderent. Minus celebre, sed nihilo minus admirabile est, quod de Thoma Parmensi perhibetur. Is ex graui oculorum morbo haud dubie cæcus, nocte quadam acerbissimo oculorum dolore cruciabatur. Igitur allenat se super lectum ubi iacebat: positisque genibus, multis cum lacrymis Lauretanæ Virginis implorat auxilium. Precibus adijcit votum, si lumen oculorum recipiat, se Lauretanâ Domum aditurum. Exinde recubuit, ingentē in B. Virgine spem reponens. Nec sua illum frustrata spes. Mane experfectus somno, matutinam lucem sanis oculis hausit. Extemplo igitur Deiparæ gratias agit, Lauretum proficiscitur, vota persoluit.

Nauarchus Genuensis duplici periculo eximitur.

Cap. XXXVI.

Eodem ferme tempore Lauretum alius venit duplici voti damnatus, duplicique miraculo insignis. Paulus Genuensis Nauarchus nobilis fuit. Is è Gallia Narbonensi Genuam repetebat, cum subito fæda exorta tempestas naufragio intentato, sacurâ omnium mercium facere cum subegit. Cæterum procella nauim pertinacius vrgente, ingens omnium animis terror incessit. Itaque vectoribus nautisque dilabentibus, vt salutem natatu peterent, solus ipse mansit in naui, quam æquē ac se ipsam saluam vellet, fortunarum scilicet suarum caput. Onerariam ergo illam suam plenam fluctibus cernens, effusus in

*Ann. Laur.
Ricæ.*

vota, & sibi, & naui Lauretanam inuocat Virginem. haud frustra. ea inuocatio, & vires illi, & animos addidit. incredibile dictu. ingenti vi moliens velum solus ipse sustollit: ac veluti suas preces auditas esse sentiret, nauigium vndis exhaurire conatur. Inter hæc, tempestate sedata, naui vento ac B. Maria obsecundante Genuensem tenuit portum, haud minore ipsius admiratione, quam aliorum, qui onerariam ingentem semiplenam fluctibus vno Nauarcho nautarum omnium munera exsequente, ad portū appulsam videbant. Attamen Paulus voti compos segnior, quam par erat, in voto reddendo fuit, siue aptius subinde tempus expectans, siue alia huic negotio præuertenda ratus. Nec mora diu impunita. Vertente anno, eo ipso die (vt tempus beneficij pariter, ac delicti eum admoneret) eadem vectus naui cum paruo filio fecit naufragium. Perculit repente ægrum animum memoriæ vitati nuper B. Virginis ope periculi, & votiæ peregrinationis omisse. Igitur effuse lacrymans à Deo veniam exorat: expertamque Lauretanæ Virginis sibi, ac filio exposcit opē. veteris voti religionem voto sanciens nouo. Nec frustratæ sunt eum preces. Filiolum inter vndas quæritans saluum reperit: sublatumque in humeros per ingentem agitati maris tractum natans ad terram transuexit incolumem, cæteris vectoribus, nautisque inter fluctus hæsitantibus, obrutisque: vt aliorum clades coeleste donum illustrius faceret. Ille igitur, vt attigit littus, non magis sua quam filioli ex præsentī exitio recepti salute lætus procumbit in genua: idemque paruum filium facere iubet: & manantibus gaudio lacrymis, tendens supinas in cælum manus, B. Mariæ secundum Deum gratias agit, quæ votum frustrata non sit ingrati hominis vota frustrantis. Et quoniam haud dubie iniecta exsoluendæ religioni mora nouū sibi periculum crearet; nequaquam se commissurum profiteretur, vt noua mora obesse in posterum possit. Ergo veritus ne si reuertisset domum, cura aliqua domestica Lauretanam

retanam moraretur peregrinationem; & simul priorem in reddendo voto negligentiam compensaturus, è vestigio contendit Lauretum, omisâ domus, patriæque reuiscendæ cura. Ita precario, mendicatoque cibo se paruumque filium sustentans ad Lauretanam peruenit Aedem, insignis non magis recuperata prius naui, quam deinde amissio nauigio, filioque seruato: nec minus exsoluta postea voti religione memorabilis, quam antea neglecta.

*Iuuenis innocens carcere, alter bis suspensus
exitio, ac supplicio liberatur.*

Cap. XV XII.

HAud minus in supplicijs, quam in fluctibus propulsandis Lauretana Virgo admirabilis per idem tempus fuit. Augustinus à Rocca Valdonia (oppidum est ditionis Senensis) falso crimine postulatus vinculis tenebatur. Ibi cum innocens multos iam dies torqueretur, Lauretanâ Virginê, cui mirifice addictus erat, implorat. Nec irritæ preces. nocte intèpesta excitus somno manicas ferreas, quibus vinctus erat, sua spòte elapsas videt è manibus. Protinus B. Maria consiliû, viresq. ad fugâ suppeditâte, carceris parietè subruere aggressus camenta quâdâ reuellit manu, ita patefacta fenestra, quæ illi effugium dedit. Caterû duo restabant ostia, quæ obstarèt fugæ: hæc sorte quâdâ diuinitus aperta, & incustodita reperit. Ergo euadit in tutum, B. Mariæ munere non effugium solum nactus, sed etiam perfugium. Hic imminenti, alter iam vrgenti supplicio exemptus. Franciscus erat quidam Ferrariensis, homo rusticanus, sed pius. Is anno seculi huius LVI. Picenum peragrans in Ducis Guisij, qui pro Paulo Quarto aduersus Philippum Regem Hispaniæ bellum gerebat, copias incidit, à quibus de ratione itineris sui interrogatus, ac liberaliter habitus cum litteris Galli Ducis, ad Pontificij exercitus Præfectum in thoracem insutis, certisque notis de

*Trad. Laur.
Ann. Laur.
Riera.*

quibus inter eos conuenerat, dimittitur rei totius ignarus. Igitur ad Anagninam Campaniae Urbem ab excubijs hostilis exercitus interceptus, excussusque ad M. Antonium Columnam adducitur. Qui ex repertis in thorace hostium litteris, nrisque exploratorem haud dubie ratus, continuo suspendi miserum rusticum iussit. Confestim igitur ad supplicium rapitur, prosequente ingenti militum, ciuiumque Anagninorum manu. Nec tamen ille defuit sibi. Facta orandi diuini numinis potestate, submittit genua, à Deo veniam orat. Protinus Mariam Lauretanam inclamans, Non te fugit B. Virgo Dei mater (inquit) me innoxium mori, neque vlllo modo conscium istiusmodi litterarum. Proinde te oro quaesoque, tuum mihi propities filium, vt alias meas noxas, quibus grauiora commeruisse me fateor, oblitus pro sua singulari clementia, innocentiam indicio aliquo declaret meam. Hæc magna voce elocutus, fidenti animo graditur ad mortem. Eum carnifex ad furtam religatū, è scalis deiecit, ceruicibusque pede oppressis, relinquit pro mortuo. Mira dictū, visuque res. Parumper miser ille pependerit, cum fracta recte, subito corruit; apparuitque incolumis, sanusque. Sed miraculū pro fortuito casu habitum, quo deinde foret illustrius. Extemplo carnifex solidiore laqueo ceruicibus inserto, miserum illum reducit ad patibulum, obtortoque strenue collo, deturbat è scalis. Ecce tibi rursus Dei vtique ac Deiparae nutu funis rumpitur; & Franciscus præceps ruens fracto capite iacuit semiuuius. Tum enim uero mouit circumfusam multitudinem miseranda rustici species, admiratio nemque auxit funis præualidus sua sponte ruptus. Et simul subibant animos videntis ad supplicium preces, ac Lauretanæ Virginis imploratio. Itaque plerisque ueniam infonti, ac B. Mariæ caro iuueni deprecantibus, cœlestiū munere bis seruatum à mortalibus perdi religio fuit. Ergo M. Antonius ab insita humanitate, eximiaque in Lauretanam Virginem religione, impensius etiam quam rogabatur

batur, condonat illi supplicium. Et ciuitas Anagnina rei gestæ testimonium rite obsignatum eidem tradit. Quod ille Lauretum ad agendas Virgini grates profectus apud eam deposuit, illustre apud posteros miraculi monumentum.

Sicula mulier iugulata sanatur.

Cap. XXVIII.

Nihil minus, ac fortasse etiam magis admirabile est, quod deinceps de muliere traditur. Sicula puella (cuius nomini parçitur) meliore forma, quam fama, Venetias perducta multos ibi annos vulgato corpore quæstum fecerat. Iam satis rem auxerat familiarem, cum iætâ patriæ desiderio, domum aliquando redire decreuit. Ergo bonis omnibus in pecuniam redactis, familiari quodam suo comite Lauretum petit ea mente, vt deterfis inibi confessione superioris vitæ sordibus, ac Lauretana Virgine salutata, inde lætior in Siciliam pergeret. Ventum erat ad Rauennatem syluam, cum bonus ille familiaris postea quam omnia circa tutâ videbantur, prædæ spe stimulantæ, stricto ferro inuadit incautam. Nec tamen eam penitus sefellit. Mulier infesto mucrone se peti cernens, Virginem Lauretanam inuocat. At latro (differente B. Maria auxilium, quo esset illustrius) puellam gladio transuerberatam è iumento, quo vehabatur deiecit: deiectam insequitur, conciditque plagis B. Mariæ subinde præsidium implorantem. Ad vltimum ne qua sit reliqua vitæ spes, seminecem iugulat foedum in modum; auroque, ac gemmis ablatis, muliere insuper vulneribus confossa, recedit. Illa in suo natans cruore iam moribunda luctantem animam B. Virgini commendabat; cum in ipso articulo haud dubiam patronæ suæ experta est opem. Repente ei B. Maria

*Anna. Laur.
Rjev.*

ria in veste candida se offert coelesti emicans luce: & bono animo esse iussam benigne complectitur: moribundamque gremio fovens, simul vulnera corporis tactu sanat, simul ægrum animum coelesti perfundit gaudio. Dein castæ vitæ admonitam relinquens, ex eius oculis elabitur. Ibi tum mulier velut ex profundo excita somno, corpus suum perlustrans oculis, recentium vulnerum cicatrices iam obductas videt: mortiferam iuguli plagam persanatam sentit explorans manu. Itaque tam intigni Dei, ac Deiparæ beneficio admodum læta, submissis genibus maximas secundum Deum certissimæ patronæ suæ grates agit. Vñ erat quod liquidam turbabat lætitiā: in subucula cruenta, ac lacera à latrone illa relicta erat in sylva. Cæterum haud segnius nudæ mulieris pudori Deipara Virgo consuluit, quam cæcæ consuluerat saluti. Ecce tibi illa mistas laudibus grates B. Mariæ impensius agente, præsto fuere muliones, qui illac forte transibant. Hi cruentæ puellæ, peregrinæque Lauretum (id ex ipsa cognorant) petentis speciem, nuditatemque miserati, illico seminudam contone contegunt: muloque impositam devehunt Anconam Lauretanæ Virginis religioni fauentes. Ibi illa viliori vestitu emendicato, protinus Lauretum lætabunda contendit. Post absterfas confessione vniuersas vitæ labe, Virgini vota persoluit: passimque expertam predicat eius opẽ, cuius haud dubio post Deum, beneficio viuebat, ex media morte ad vitam vtrique reuocata. Ad faciendam rei fidem, recentem mortiferæ plagæ cicatricem ostentabat in iugulo. Et accesserat diuinitus tanti miraculi haud obscurum indicium. Circa collum cicatrix auræa monilis in modum fulgebat: vt facile diuina B. Mariæ manu plagam illam tactam, sanataque senfres. Id vero cunctis qui aspexerunt (ex quorum numero fuit Raphaël Riera, qui rem memoriæ tradidit) ingens non modo miraculi monumentum, sed etiam miraculi fuit. Porro mulier, siue Lauretanæ Domus dulcedine capta, siue Deiparæ optimè de se

se meritę gratiam relatura, Lauretum prætulit patriæ. Quippe annos complures ita inibi vixit, vt diuinis identidem expiata mysterijs Lauretanam inuiferet Virginem, plures incolarum ad Dei, Deiparæque obsequium excitans singulari innocentia, ac pietatis exemplo.

Genuensis quidam de Lauretana Domo dubitans male multatus respiscit.

Cap. XXVIII.

SV B. id tempus Lauretanæ Cellæ religionem Deus in signi miraculo sanxit, ne quis ea de re posthac ambigeret. Anno M.D.LVII. Genuensis quidam (cuius nominis parciatur, vt famæ parcatur) haud obscuro quidem loco natus, sed curiosus magis, quam pius, Genua Lauretum petebat eques. Is in itinere Diaboli vtrique instinctu, suspicari primo, deinde etiam credere cœpit, Lauretanam Aedem non vetus esse monumentum B. Mariæ, sed nouum commentum superstitionis, avaritiæque. Cæterum impia hominis cogitatio impunita diu non fuit. Illo ipso die equus, quo vehebatur, corruens equitantem totius mole corporis oppressit adeo, vt miser ille fractus, ac semianimis sub equo iaceret in via, nullo mortalium, quia nemo aderat, opem ferente. *Dedit vexatio intellectum.* Itaque temeritate in religionem versa, B. Mariam Lauretanam inclamat. Nec frustra. Protinus expeditus equo surgit in columis. Sed prompta Dei clementia non discussit semel conceptam hominis vecordis insaniam. Breui ad ingenium rediens miraculum illustrius fecit. Paulum inde progressus, acrius instigante Diabolo, quæ de Lauretana Aede mirabilia ferrentur, vana esse omnia omnino in animū induxit suum. haud impune. Iam Lauretana Aedes in conspectu erat, cum animi cæcitas redundauit in corpus, offusa ocu-

*Anna. Laur.
Rjrr.*

sa oculis caligine : ac repēte cū vires destituunt haud satis compotem mentis. Ergo trepidus, & attonito similis cum regere nequirit equum, ab equo ipso prouectus Lauretum ad proximum hospitium sistitur. Ibi linquente ; pene animo, desluens ab hospite excipitur : atque inter manus in cubiculum delatus collocatur in lectulo. Tum vero manifestam iram Dei bis in eodem itinere expertam intentius animo reputare, & ex præsenti luminum orbitate grauiorem insuper cladem extrinsecens, vbertim flere coepit. Is metus saluti fuit. Diuino subinde tactus numine respiscit : & receptum poenitentia ad expertam Virginis clementiam tutum fore sperans, veniam à Deo Deiparaque exposcit : profitetur ac vouet ; in posterum semet haud secus de Lauretana cella, quam Christianus orbis crederet, crediturum. mirabile dictu. mentis lumen oculorum lux cōsecuta est. Igitur ad Lauretanā pergit Aedē : & vitæ maculis sacra confessione absterfis, augustissimam intrat cellam : B. Virginem enixe veneratur, latus illam ab se cerni ijs oculis, quos nuper eadem irata amiserat, placata receperat.

*Sacro sancti Sacelli violatores diuinitus
sua audaciae poenas luunt.
Cap. XXX.*

*Ann. Laur.
Rijer.*

SVbinde etiam in sacrosancti sacelli violatoribus euidentis Dei numen apparuit. Anno huius seculi circiter LVIII. vir quidam ex præcipua Italiae ciuitate nobilis in primis, & copiosus (nomen & hominis, & patriæ silentio suppressum, quia ipse suppressum voluit) Lauretum venit, documentum haud inultam temeritatem talia audentium esse. Hic multis ante annis exiguum lapidem, ex sanctissima Virginis cella subtractum domi suæ asseruabat omni honore, cultuque. Haud tamen ille cultus cœlestem

lestem leniuit iram. Sed Deo matris suæ iniuriam vindicante, miser ille sacrilegam religionem orbitate filiorum, & amissione fortunarum omnium luit. Ad hæc pertinaci magis, quam pernicioso morbo vrgeri, vexarique cœpit. Iraque vt erat vir cæteroqui prudens, ac sapiens, aperuit aliquando oculos: & Deum profecto alicuius sui sceleris ultorem adesse sensit. Cæterum & si omnia sibi accidere videbat apte ad repræsentandam iram diuini numinis, tamen quo tandem suo merito illa accideret, non videbat. Ergo ab ægritudine simul corporis, animique anxius, omni ope placare nitcbatur iratum Deum. Sed iræ materia apud eum quamuis ignarum residens, irrita omnia faciebat. Alia deinde spes, postquam hæc vana euaserat, ei affulsit. Lauretanæ Virginis, cui mire additus erat, memor, eius auxilium pariter, & consilium implorat. Nec mora B. Mariæ monitu discit, lapidem ex Lauretana domo sublatum causam esse cœlestis iræ: eamque non nisi sacro lapide restituto posse placari. Tum ille ob ortis lacrymis, religiosæ, vt crediderat, audaciæ veniam à Deo Deiparaque exposcens, desiderauit ipsemet referre Lauretum quod abstulerat. Nec in irritum preces cecidere: hoc quoque culpam agnoscenti suam Deipara indulgit. Ex templo igitur depulso morbo alacer pergit Lauretum, saxum restituit, vota persoluit. Aliud quoque per id tempus huic haud absimile accidit. Fœmina ex agro Piceno post diuturnum matrimonium, nullos genuerat liberos. Hæc eius animum cura angebat maxime; vt vndique sterilitatis remedia quæreret. Ergo ait illi nescio quis mulieris gratiam initurus, nullum remedium præsentius ad abolendam sterilitatem, quam Lauretanæ domus reliquias pie, religioseque custoditas: si quid inde abstulerit, breui eam matrem fore pollicetur. Id non promissum magis stolidè, quam creditum. Illa igitur manifesta Dei ultoris ira, ablatum inde lapidem cum febris domum retulit: & ægritudo corporis animum vrgebat; adeo non vehementius febris æstu, quam conscientia læstatur. Nec

prius ex iactatione illa conquieuit, quam Laureto Sacerdotem acciuit, & lacrymas poenitentiae indices profundens ablatum reddidit lapidem. Poenitentiam valetudo, non tantum venia est consecuta. Magno etiam Illyricis mercatoribus similis audacia stetit. Hi coëpto ex Picentibus frumento, saxum ex Deiparæ cella surreptum clam in onerariam abdiderant. Carterum, ut fallerent homines, sacrilegij vindicem Deum non fefellerunt. Profectos ex portu atrox vis tempestatis subito adorta in ingentem, adduxit metum: & trepidos vasorum, merciumque iacturam facere subegit. Haud procul exitio res erat, cum Deū parentis suæ ultorem adesse senserunt: & flentes, tendentesque in cœlum manus veniam pariter orare coeperunt. Placato precibus, ac lacrymis Deo, mare quoque placatur. Illi periculo erepti retro iter sescunt: ad Lauretum, appellant: lapidem Virgini restitunt. Prospero inde cursu in Dalmatiam prouehuntur. Peregrinorum quoque nō nullos, qui aliquid indidem seu lapidis, seu calcis abarserant, abeuntes morbus, velut diuinæ prouidentiae lictor corripuit, nec ante eos dimisit, quam regressi cum lacrymis, & confessione temeritatis suæ, ablata Deiparæ reddiderunt.

Sacra cella expilatores diuinitus comprehensi afficiuntur supplicio.

Cap. XXXI.

C Aeterum his, quos religionis species deceperat, leniorem se diuina seueritas præbuit: aliorum, quos auaritia in fraudem impulerat, audaciam grauius vindicauit. Per eadem tempora nonnulli Lauretanæ Domus ministri, ex composito sacros thesauros compilarant, quos à compileribus tutari debuerant. Sed celeriter Deus in sanctum sacrilegium debita poena est persecutus. Iam res omnes in nauim conditas occulta asportabant fuga, cum agri Piceni oram præteruectos aduersa tempestas reiecit eo, vnde conscenderant. Itaque in Recinetensium potestatem

statem delati, in manifesto scelere depræhenduntur. Nec mora, prodendi exempli gratia, ne quisquam in posterum talia auderet, pro Aede Lauretana suspensi, nefarium sacrilegium foedo supplicio luunt. Verum fallendi spes alios ad simile facinus subinde pellexit. Haud ita multo post facinorosum hominem cupido incescit sacrosancti sacelli furtim expilandi. Is igitur sacrilegi conatus socium idoneum nactus, ferramenta parat quibus valuarum, & arcæ nummariæ seras aperiat. Omnibus in eam rem paratis, intra Virginis cellam solerter occulit se. Inde nocte concubia sacrilegium exsequens, sacra dona aurea, argenteaque congerit vnum in locum: mox arca, & sacelli foribus patefactis, templi quoque valuas molitur. Tandem his quoque refractis, circumspicere coepit quærens oculis adiutorem sceleris, qui in templi vestibulo (sic enim conuenerat) illa ipsa hora præsto esse debebat, sacra dona, nûmosque in destinatum locum abditurus. Ecce tibi dum intentius circumspemat, armatorum agmen (coelestium manum ante Aedem Virginis excubantium fuisse, creditum est) adesse cernit. Quorum inopinatus aspectus tantum illi terroris incussit, ut clausis propere valuis, abderet se, ratus caput suum ab illis peti. Cæterum infelix perfunctus (ut credebatur) periculo, stimulante auaritia rursus audere coepit. Igitur cum iterum, ac tertio patefactis templi foribus, socium sceleris quæriraret, semper ei coelestis illa manus infestis occurrebat armis: ac trepidum effusa fuga compellebat in templum. Ita per spem, metūque nocte absorpta, tandem de salute magis, quam de præda sollicitus, irritò incepto abire statuit. Iamque appetente aurora, per auersam templi portam capesserebat fugam; cum coelestium excubiarum, quas diximus, occursum territum, in sacrosanctam cellam refugit. Manebant adhuc manifesta sacrilegij incepti vestigia, ut qui locus facinoris testis fuerat, etiam index foret. Superuenientibus igitur sanctissimi sacelli custodibus, valuarum refractæ, sacra dona congesta, haud leuibus argumentis il-

lum suspectum sacrilegij fecerunt. Nec mora trepidans, conscientia notis prodentibus conceptum nefas, compræhenditur, quæstione habita, rem omnem confitetur: cum sceleris concilio merita poena afficitur, haud leue diuinæ prouidentia erga res Lauretanæ documentum.

Duo adulescentes Daemonum seruitio eximuntur.

Cap. XXXII.

Porro alij facinorosi homines, ac pene ad extremum perdiri, Lauretanæ Virginis ope ad honestam vitam, viamque salutis reuocati. Adulescens erat non genere magis, quam vitij nobilis. hic in rixa graue vulnus in genu acceperat, irato Deo. Proinde nequicquā curare plagam prius, quam cœlestem iram placare cœpit. Iam in medicos, ac medicamenta bonam rei familiaris insumpserat partem: & curatio ad grauioris incommodi metum, quam ad vllam bonam spem pronior erat. Ad vltimum ingens animum eius formido incessit, seu maturi exitij, seu perpetuæ imbecillitatis. Itaque damnata medentium ope, ad Lauretanam Virginem pariter spem, ac vota conuertit. Ac resipiscens lacrymis poenitentia testibus Dei declinat iram: Deiparaque auxilium implorat vouens, si discernen illud euaderet, Lauretum se cum donis ad agendas illi grates iturum, mira dictæ res. Hæc ingenti animi sensu elocutus, repente perfuncto vulnere, recuperat corporis sanitatem. Cæterum homini ingrato, ac dissoluto reddita salus pene exitialis fuit. Tanti beneficii immemor non sat habuit votum fallere, nisi etiam valetudinis beneficio ad pristinam vitæ licentiam abuteretur. Namque in deteriora pronus, luxuriæ impensius indulgendo eo demum processit, vnde receptum ad poenitentiam vix haberet. Adeo nouissima eius facta sunt peiora prioribus. Actum de illo erat, nisi perditum hominem Deus respexisset: coelestique ope reduxisset in salutis viam. Tacitam subinde vocem audire visus iubentis ire Lauretum, & primo quoque

*Ann. Laur.
R. 167.*

que tempore votum, cuius damnatus erat, exsoluere; tandem paruit. Lauretum igitur profectus Deiparam munibus colit. Sed non parua dicta res votiue peregrinationis fructum præripiebat. Venus quippe usque eo deuinxerat illum sibi, ut adhuc in eodem hæsitans luto, quamuis Deo manum porrigente, ad sacram confessionem aspirare non sustineret. Ergo stimulante conscientia, nunc sacram Virginis Aedem, & destinatum sacris confessionibus locum obire: nunc templi formam, ac votiuas tabellas ex parietibus pendentes otiose contemplari: modo impulsu mali Dæmonis templo exire: modo diuini numinis instinctu eodem redire: insanum, ac mente captum diceres. adeo illum aliàs consilij, aliàs poenitentiae ipsius poenitebat. Et iam vix sui compos æstuabat animo pariter, & corpore; ut qui neque sacerdotum aspectum, nec conscientiae stimulos ferre posset. Iam consilij anceps, anxiusque per hæc curas triduum extraxerat, cum Dei Deiparæque benignitate, noua illi spes salutis affulset. Intererat forte rei diuinæ, cum vocem è coelo missam sibi audire visus est, cunctationem eius increpantis, iubentisque vnum è paratis Sacerdotibus aliquando adire: & noxis expedire animum cum proposito vitæ melioris. Perculit ea vox obstinatum animum, flexitque. ita demum victus, seu magis victor, mutata subito voluntate, facit imperata. Et libidinis coeno aliquando emersus, ingenti vi lacrymarum vniuersas vitæ maculas eluit. Protinus coelesti, ut fieri solet, gaudio alacer ingentes Deo, ac Deiparenti grates agit, à præsentis corporis & animi periculo bis eius ope liberatus. Alterius iuuenis par conditio, nec dispar exitus fuit. Is in luxum, & ea quæ luxum sequuntur, effusus, breui opes paternas in flagitia, ac dedecora vitæ absumpserat. Dumque secum ipse nequitia, & improbitate certat, eo res tandem venit, ut non mortalibus magis, quam infernis monstris ludibrio foret. Horribiles ei Dæmonum facies occurfabant, quæ contemptim illum, velut mancipium suum accipiebant plagis. Nec corpori solum, sed animo quoque

ir:eli-

infelicis adolescentis insultabant, subinde eum territantes indignis modis: credo ut illum ex malorum mole desperatio incesceret. Adco crudelis, atque importunus est in flagitiosos homines Dæmonum dominatus. Itaque miser undique iam malis oppressus, prope iam desperatione torpebat; cum oblata subito lux eum ad spem salutis erexit. Namque æstuant, circumspèctantque coeleste auxilium, Lauretanæ Virginis, de cuius vi, ac benignitate mira multa inaudierat, memoria occurrit. Igitur subeunte animum pariter impuræ vitæ poenitentia, obortis lacrymis Deiparam inuocare: Deum per eam placare: coelestes iras auertere omni ope coepit. Sed salubre consiliū capeßenti extemplo inferna illa obstabat manus, quæ contemptu in odium verso, miscens verberibus minas, à pio proposito absterre hominem, & abstrahere conabatur. Cæterum vicit tandem Diabolicam importunitatē Christiana constantia. Adolescens Deiparæ tutela fretus decreuit rem bene coeptam perseveranter tueri. Prostrato igitur ante benignissimam patronam suam animo, non tantum corpore, spèi, ac fiduciæ plenus aduersus infernas belluas eius præsidium implorare institit rogitans, ut miserri-mæ seruitutis iugum ab suis cervicibus aliquando depelleret, quò ipse iam liber Lauretum ire, & rite expiato sordibus animo, meritas liberatrici suæ grates agere posset. Nec spes, precesque incassum cecidere. Extemplo diuina vis, oblata spe coelestis auxilij, & supplicem illum ingenti gaudio compleuit: & importunos illos vexatores procul abegit. Auditæ frementium voces, & simul inuitis expressa confessio: Nihil se posse contra Mariam. Ergo ille vix præ gaudio sui compos, impigre Lauretum, vti vouerat, tendit. Ibi omnibus vitæ maculis confessione sacra elutis, Deo ac B. Virgini grates impense agit: & nonnullis Sacerdotibus (ex quorum numero Riera fuit talium rerum audis in paucis) coeleste beneficium lætus enarrat.

*Iuuenem in seruitutem assertum à Damone liberat,
chirographo restituito. Cap. XXXIII.*

Alium porro iuuenem Lauretanæ Virginis tutela
seruauit, quem in præcipitem locum libido insana
prouexerat. Hic ut erat proiectæ cupiditatis audaciæque,
in vetitas se effuderat voluptates. Expugnato multarum
matrum familias pudore, immodico mulieris cuiusdam a-
more flagrabat: qua cum nec prece, nec precio, nec vi, do-
loue potiri liceret; vltima experiri statuit. Igitur concilia-
tum magicis cantionibus Dæmonem rogitat, ut se voti cō-
potem faciat, ad omnia se descendere paratum ostendens,
si eo quod expeteret, frueretur. Diaboli ergo iussu à Chri-
sto deficit: seque totum illi dedit, traditque. Super hæc
omnia iurat conceptis ab illo verbis, & chirographo suam
obstringit fidem. vsque eo impuras mentes voluptatis a-
mor excæcat. Cæterum, ut potitus est, quod cupierat; fe-
cit, ut sit, fastidium copia: & coelesti luce oborta, magni-
tudinem sceleris sui sera æstimatione perpendit. Ergo po-
steaquam animum curis anxium poenitentia subiit, ad
venix spem erectus, coelestem opem spectare, Deum Dei-
que parentem implorare coepit. Inter hæc occurrit ani-
mo Virgo Lauretana, eiusque ædis Sacerdotes amplissima
facinorum expiandorum autoritate præditi. Protinus
Deo authore, ac duce Lauretum petit, haud dubius quin
inibi esset tantis malis remedium inuenturus. Nec sua il-
lum frustrata spes. Lauretum ut venit, Sacerdotem ido-
neum nactus, re omni exposita, consulit, ecqua sibi spes
sit reliqua salutis. Ille primo sceleris atrocitate exterritus
paulisper hæsit: deinde immanitate facinoris demonstra-
ta, ita spem illi salutis ostendit, si precibus, ieiunijs, vo-
luntariaque corporis vexatione Deum placare penitus in-
sistat. Cum ille nihil omnino poenarum recusaret; pro-
misit Sacerdos, si imperata fecisset, se faciles aures ei da-
turum, & tantum piaculum Deo propitio, utique expia-
turum. In digressu hominem monet, ut per triduum ine-

dia,

*Ann. Laur.
Rivæ.*

dia, cilicio, flagris corpus affligeret. B. Virginis opem implorans: per eam à Deo veniam exposcat: se eodem triduo rem diuinam pro ipsius incolumitate facturum. Et utrinque exstitit fides. Ita triduo extracto, Sacerdos optimum ratus est ante absolutionem, chirographum à Dæmone extorqueri, ne quid omnino iuris in illum haberet. Proinde hominem ab se dimittit monitum, ut augustissimum facellum ingressus precibus, lacrymisque Deiparam usque eo fatigaret, dum chirographum à diabolo extortum reciperet. Morem gerit ille suæ salutis, securitatisque auidus, haud dubia spe, id se deprecatione Deiparæ Virginis impetrare posse. Ergo prostrato ante Virginem corpore, lacrymans obnixè eam precatur, ut recepto illo nefario chirographo, salutis incolumitatisque suæ consultum velit, ingenti miraculo voti compos efficitur. Versiculos illos ex animo iterabat. **MONSTRA TE ESSE MATREM: SVMAT PER TE PRECES, QVI PRO NOBIS NATVS TVLIT ESSE TVVS.** Talia precatus subito chirographum in manus suas delapsum conspicit. Itaque vix sibimet ex inopinato gaudio credens, integrato fletu grates Virgini enixius agit. Inde sacello egressus lætitia exultans ad sacerdotem accurrit: receptum Deiparæ beneficio scriptum ostendit. Id erat tot tantisque in Christum, atque in ipsum, qui scripserat, diris & execrationibus refertum, ut facile appareret à sempiterno humani generis hoste dictatum. Verumtamen tantum vinculum omni diabolica fraude potentior vis diuina dissoluit. ita deuotum illud inferis caput, Deiparæ benignitate, asseritur in *libertatem filiorum Dei*: ne quisquam omnino quamuis facinorosus ac perditus, si modo ipse perire nolit, de sua salute desperet; neu cuiquam in dubium veniat Dei clementia, quæ ultro matrem suam reis patronam dederit ad salutem.

FINIS LIBRI TERTII.

HORATII TVRSELLINI

E SOCIETATE IESV

LAVRETANAE HISTORIAE

LIBER QVARTVS.



Pij Quarti, & Cardinalis Vrbinatis studium

Lauretana Domus ornanda.

Cap. I.



INTER hæc Paulo III. Pius subleſtus, cuius Pontificatus, vt pace Italiæ lætior, ita decore Lauretanæ domus clarior extitit. Pius quippe ſuperiorē domus Pontificiæ porticū magna exſtruxit ex parte. Vetus Xenodochiū nouo adiecto ædificio, amplius, & cōmodius ſecit. Lauretanū oppidum Recinerenſibus ademptū ſui iuris eſſe iuſſit anno ſeculi huius LXV. Adimēdi cauſa fuit, quod negligenter ius dicere, labantes multis locis muros negligere arguebantur. Ita Lauretum trigefimo anno, quam à Paulo Tertio attributum Recinerenſi ciuitati fuerat, à Pio Quarto in priſtinam libertatem vindicatū eſt: & Lauretanus Præſes octo augecorum millia Recinerenſibus, vel inuitis remunerare iuſſus. Nec minor in cultu B. Virginis, quam in re Lauretana amplificanda optimi Pontificis pietas enituit. Canonicorum, miniſtrorumque numerum non nihil imminutum ſuppleuit. Collegium Societatis Ieſu à Paulo amplificatum, ſimul Pontificali diplomate ſtabiliuit, ſimul reditibus auxit. Inter quæ Cardinali Car-

*Tradit. Lan.
Reria in
nal. Lan.*

*Pij Quarti
beneficia*

*Laureti Re
cinerenſibus
ademptum*

pensū humanis rebus creptō, Pontifex Laureti tutelam permisit Cardinali Vrbinati, qui nulli veterum Patronorum pietate, ac studio erga Lauretanam Virginem cessit. Ac primum Pompeio Palanterio Aedis Lauretanæ curam mandata, per eum templi tholum intrinsecus exornandum marmorato opere curauit. Ad radices Lauretani collis in via, quæ fert ad portum Recinetensem, satis vberem, ornatumque peregrinis præbuit fontem. Inde per alios Præsides multa magnifice fecit, vt dicitur in loco.

*Picentium cura Aedis Lauretanæ aduersus Turcas
tuendæ, & B. Virg. tutela Domus suæ.*

Cap. II.

*Ann. Laur.
Ricci.*

CAeterum cā tempestate Turcicæ classis Lauretum petentis terror, & Picentium erga B. Mariam religionem, & B. Mariæ in Picentes beneuolentiam ostendit. Renunciatum erat ab exploratoribus, ingentem Turcarum classem (in qua essent triremes centum, & quinquaginta) ex Epiro soluisse eo consilio, vt Lauretano templo dispoliato, Anconam inuaderent. Igitur paucis iuteriectis diebus, fama haud procul ab Italia visæ hostium classis, ingenti tumultu concituit Picentes. Inter primum tumultum pubes Recinetenſis Lauretum conuolant ad Aedem præsidio, armisque obrinendam: & patriæ ac suorum immemores Lauretum aggeribus, ac propugnaculis muniunt. Certatimque alij Picentium populi accurrunt: cuncta vicina littora complent armatis, Lauretanam præcipue Domum aduersus Barbaros summa ope defensuri. Omnibus quippe votis expetendum existimabant, si ita res ferret, pro illa, & in illius conspectu, honesta morte defungi. His armorum præsidij accesserunt acerrima aduersus immanes Barbaros tela, assiduæ piorum preces. Quicquid sacerdotum, quicquid piorum hominū
Laureti

Laureti, atque in finitimis circa oppidis fuit, Deum placare precibus, supplicationibus B. Virginem suæ Domui, clientibusque tegendis inuocare non destitit. Nec preces, ac vota in irritum cecidere. Deipara Virgo nō solum à sua natali Domo Barbarorum vim arcuit; sed etiam à Piceni finibus prohibuit. Quippe Turcicæ classis Duces mutato repente Anconitanæ oppugnationis consilio, in Samnites maritimos rabiem verterunt suam. Itaque descensione facta, Ortonam, Vastum, Francauillam, aliaque haud obscura Samnirium oppida vi capta, ferro flammaque populantur. Samnio magna ex parte depopulato, haudquam tamen ausi sunt finitimam, prædæque expositam regionem attingere: adeo præsens Lauretanæ Virginis tutela fuit. At Pontifex mire latus Lauretanam Aedem diuinitus præsentem exemptam periculo, suas quoque partes esse duxit providere, ut illa in posterum non tantum à periculo abesset, sed etiam à periculi metu. Ergo de architectorum sententia, vicinos oppido colles, vnde oppugnari Aedes ab hostibus posset, mænibus, propugnaculis, fossis, aggeribus munire statuit: nimirum, ut non solum repentinos hostium impetus prohibere; sed obsidionem quoque sustinere egregie valeret. Cæterum pium Pontificis consilium alia ex alia cura distulit, denique mors intempestiva discussit.

Conimbricensis Episcopus malis doctus ablatum Lauretanæ Domui lapidem reddit.

Cap. III.

NEC vero hæc tempestas, aut miraculorum experts, aut donorum fuit. Haud facile alias ante, tam paucis annis tam multa, tã testata, tã sermonibus hominū celebrata miracula. Illud toto Christiano orbe celeberrimū. Ioānes Soarius Conimbricēsis Episcopus vir doctrina pari

*Trad. Law.
Ann. Laur.
Riev.*

ter, ac pietate clarus exstitit. Is anno huius seculi LXI. ad Tridentinum Concilium à Pio Quarto indictum proficiscens, ex itinere diuertit Lauretum sub natalem Virginis diem. Ibi fuis rite precibus, votisque persolutis, ingens cum cupido incessit ædiculam Lauretanæ similem in suo Episcopatu condendi: ad eamque rem, vnum aliquem lapidem ex Lauretana auferendi Domo. Verum loci Præses, ac Patronus obstabant, interdictum Pontificium intencantes. Itaque Soarius honestum præferens titulum cultus Lauretanæ Virginis propagandi in Lusitania, quod optabat impetrat à Pontifice: ab eoque aufert solemne diploma. Id per Franciscum Stellam assecram suum (nam ipse Tridentum perrexerat) ad Laureti destinat Præsidentem: is erat Pompeius Pallanctius. Posteaquam Conimbriensis Episcopi sacerdotem Pontificali armatum diplomate ad subruendum augustissimum cellæ parietem, venisse fama vulgavit; enimuorò non Præsidi magis, & Canonicis, quam oppidanis aduenisque indigna res visa: nec tam præsentis damno, quam futuro exemplò perniciofa. Proinde passim querebantur, nimirum autum esse de sacrosancta Virginis cella: si semel initium auferendi eius lapides fiat, breui nullum lapidem reliquum fore. Verumtamen quia Pontificis vrgebat auctoritas; Canonici, sacerdotesque Lauretani re diuina, ac supplicatione solemnī ritu peracta, in sanctam Virginis cellam coeunt, imperata passuri magis, quam facturi. Cunctis tale ministerium obstinate detrectantibus, ipsemet Stella ferro lapidem à pariete eximit, aufertque, custodibus palam frementibus. Breue scilicet gaudium illud Episcopo futurum. Auferret sane sacrilegij minister Deo Deiparæque, quod vtrique haud ita multo post, manifesta eorundem ira esset relaturus. Vaticinatio fuit. Hæ voces velut è cælo missæ audacis hominis perculere pectus: & simul anxij implere curis. Itaque fluuans animo, quamuis vrgente Episcopi sui imperio, octo dies

diēs totos Laureti substitit : tempusque id omne in placan-
do omni ope Deo nequicquam absumpsit. Neque enim
coelestem tenuit iram, qui causam iræ penes se residere
pateretur : Denique ipsis Kal. Decembribus dat se se in
viam, haud quaquam libero religione, ac solitudine ani-
mo. Cæterum postquam sine ullo incommodo peruenit
Anconam, securus periculi iter pergens, Deum adesse sen-
sit suæ temeritatis ultorem. Ex eo quippe magnis semper
imbribus, sædaque tempestate vexatus, procedere tamen
quo intendērat perseverans, multa magnaue adibat vitæ
discrimina, in singula pene momenta. Vix lacunis, vorā-
ginibusque teterrimæ passim obstare : torrentes obuij exi-
tium minitari : æquus quo vehebatur identidem corruere ;
ipse eadens lacunis hañiri : equi subinde mutati omnes
inutiles reddi. Tandem varijs casibus infaultum iter mor-
rantibus, Decembri mense exeunte Tridentum aliquan-
do peruenit, maximis incommodis periculisque defun-
ctus. Ibi sacrum lapidem Episcopo tradit exponens, quon-
iam tandem sibi sterisset. At Episcopus nihilo cautior, factus,
cum spatio diuinitus ad respiscendum dato, non di-
diciſſet alieno periculo, didicit suo. In Februarij mensis
exitu, sacrum lapidem argentea inclusum theca transmie-
tere parabat in Lusitaniam ; cum repente ardentissima,
corruptus febrī, miserandum in modum æstare, iactari-
que coepit. Ad febrim accedebat grauius atque atrocius
malum, acerbissimus inguinum dolor, qui nullam sinebat
eum capere quietis partem. Confestim medici adhibentur,
qui omnibus rebus frustra tentatis (quia morbi causa con-
suetudinem, morbus ipse superabat artem) seuerè pronū-
ciant, sibi non vim, non causam morbi humanam videri.
Proinde videret ipse, ne forte illud esset ab irato Deo in-
flictum malum. Itā parum prosperæ curationis euentum
veriti, desperata eius valetudine discesserunt. Ingens Epi-
scopum sollicitudo incesſerat anxium, vtrum occulti alicui-
us delicti tam atroces ab se Deus expeteret pœnas. Ergo
desti-

destitutis à medicis æstuarè coepit animo etiã magis, quam corpore: in se ipsum intentius inquirere: & Lauretani lapidis religione animum stimulante, precibus, gemitibusque diuinum placare numen: ab Lauretana Virgine, si eam forte, violata eius Domo, læssisset, exposcere veniã: se ad omniã descendere satisfaciendi causa paratum profiteri. Nec in irritum missæ precès, culpam vtrumque agnoscens, detestantisque. Mox tacitam velut missam è coelo vocem sibi audire visus, iubentis ademptum Lauretanæ Virgini saxum reddere. At ille veritus, ne id ægræ mentis vanum esset ludibrium, simul quod lapidem ex auctoritate Pontificis haberet, simul quod tanto bono iam parato fraudare nollit Lusitaniam; animi, consilijque incertus hæcebat. Per hæc hebdomadæ aliquot absumptæ. Stella Domini sui iussu, coenobijs duobus sacrarum Virginum ciuitatis Tridentinæ sanctimonia inclytis, Episcopi periclitantis salutem impensius commendarat. Biduo interiecto vnum ex vtriusque coenobij primoribus responsum tulit, si saluus esse vellet Episcopus, Lauretanæ Virgini redderet, quod abstulisset. Ea vox, vt ad aures accidit Stellæ, animum quoque eius parumper defixit mirantis, qui tandem de Lauretano lapide rescuissent claustris inclusæ virgines, quod Tridenti quidem præter se, & Episcopum (is rem summa ope taceri iusserat) sciret nemo. Haud dubius ergo totam illis rem diuino indicio enunciatam, Domino comperta renunciat. Tum vero ille attonito similis hæsit animo; inde conscientia ictus crebros edidit gemitus. Mox super lectum vbi iacebat, cubito alleuat se, & manus pariter oculosque tendens in coelum, manantibus vbertim lacrymis, veniam à Dei parente enixe petere insistit: ignosceret misericors mater pio errori: ignosceret delictum agnoscens suum. nihil Lauretanæ Domus penes se, ipsa inuita, futurum. Fixum sibi, ac statutum esse extemplo restituere, quod accepisset: nec deesse fiduciam recuperandæ per eam salutis, lapide restituto. Proinde ip-

de ipsa opem ferret, quæ spem fecisset. Nec vero aut ille suum promissum, aut B. Virgo eius spem fefellit. Exemplo Soarius Stellam ipsum, qui attulerat, Lauretum referre saxum illud, & iter maturare iubet. Vix dum ille vrbis porta citato excesserat equo; cum Episcopus melius habere coepit. Igitur alterum protinus cursorem submittit, qui Stellam ad iter quam maximè accelerandam incitaret. Itaque ille mutatis subinde equis, quieris pene inmemor strenne noctes, diesque currebat, Lauretum peruenire festinans. Dictu mirabile, quo propius is Lauretum accedebat (vt postea temporibus inter se collatis intellectum est) hoc melius habebat Episcopus; vt eodem tempore, & Virgini lapis, & salus Episcopo redderetur. Neque illud carere visum miraculo, quod Stella non magis difficili, impeditoque vsus erat itinere sacrum auferens lapidem, quam facili, expeditoque vsus est referens. Satis constat illum Tridento Anconam (ea xv. millia passuum abest Laureto) non toto quattriduo peruolasse. Adeo non tam equorum celeritas, quam diuina quædam vis obsecundabat redeunti. Hæc vti à me per scripta sunt, Raphaeli Rieræ, qui tū Laureti erat Stella ipse narrauit. Et sane propter euentiam miraculi, res est omnium sermone celebrata.

Sacer lapis magno apparatu, concursuque in suo loco repositus celebratur.

Cap. II.

L Lauretum Stella attigit mense Aprili incunte. Protinus Lauretano Præsidi rem omnem, vti gesta erat, enarrat: lapidem argentea, vt erat, theca inclusum cum Episcopi litteris tradit. Quæ fama posteaquam ad Sacerdotum, qui male ominati rem tentantibus fuerant, peruenit aures; pro se quisque fremere, Lauretanam Virginem natalis suæ Domus vlticem oculos aperuisse: & ne talia posthac alius auderet, insigne mortalibus documentum dedisse,

*Ann. Laur.
Rier.*

dedisse. Cæterum ubi primum relati tam evidenti miraculo lapidis fama percrebuit; cunctis oppidanis, aduenisque visendi studio concurrentibus ad portam oppidi, supplicatio est indicta. Ibi Episcopi Conimbricensis litteris (hæ rem totam ordine exponebāt) propalam recitatis, insignis miraculo lapis ornatissimo impositus ferculo, quāta maxima tum potuit pompa à Præside, Canonicis, Sacerdotibus circumfertur: & prosequētibz amplius duobus hominum millibus, in suum reponitur locum. Lapidum duplex ferri retinaculum additum; quod monumentum foret ad posteros, cum temeritate hominum exemptum, Dei providentia restitutum. Ipsius quoque Episcopi litteræ ad Pium Pontificem transmissæ, tamquam miraculi testes: quæ hodie cum alijs litteris ad Pontifices pertinentibus, Romæ asseruantur in arce S. Angeli, unde nos exemplum habuimus, quod hoc loco visum est intexere. Epistola igitur totidem pene verbis in Latinum translata talis est:

Ioannes Episcopus Conimbricensis Præsidi Lavretano S. D.
Pro mea erga Lavretanam Virginem religione, eius adis lapidē
(quod te non fugit) summa ope, operaque curaveram. Ac de-
um interdictæ Pontificis religione solutus à Pont. Max. im-
petraram; Cardinale Carpeni Laureti Patrono non inuito. Sed
Deus, ac Dei parens haud obscuris argumētis mihi denunciarūt,
ut ablatum lapidem Lauretum remitterem. Quippe, & inusi-
tatus morbus; prosperam meam valetudinem diuinitus afflixit
& piorum, Deoque acceptorum hominum monitu hanc morbi
causam esse perspexi. Itaque ego nulla interposita mora, veniam
pacemque precatus à Deo, eiusque sanctissima parente, sacrum
lapidem per eundem Franciscum Stellam Aresinum sacerdotē
meum, qui istinc cum abstinerat, referendam curant. Quasi
obsecroque, ut remissum qua pars est religione, & reverentiaque re-
cipias, ac suo reponas loco, una cum calce, qua pariter remittitur.
Vnum oro, ut arculas argenteas, quibus ea continentur, velut
testes miraculi asserues ad posteritatis memoriam sempiternā.
Gratissimum quoque mihi feceris, si Car. Patronum, ipsumque
Ponti-

Pontificem Max. de tota refeceris certiores, ut posthac Censuras Ecclesiasticas in Aedis Lauretana violatores ratas esse, ac sanctas velint; ne quid omnino illinc in posterum auferatur. Orabis etiam cum istis sanctis sacerdotibus B. Virginem, ut hoc quicquid est, sine erroris, sine culpa clementer mihi condonet. Data Tridentii VI. Id. Aprilis An. M. D. LXII. Subinde tam certi, exploratique miraculi fama per Picenum Italiamque vulgata, & loci religionem, cultumque plurimum auxit, & maximam vndique peregrinorum molem cum donis exciuit. Satis constat, intra vnus mensis spatium, supra quinquaginta aduenarum millia confluisse Lauretum, studio celebrati fama lapidis visendi osculandique. Nec alia res illa tempestate, sermonibus hominum celebratior fuit.

Plures præcipitis ruinæ periculo liberantur.

Cap. V.

PER idem tempus Deipara Virgo haud minus mortalium salutem, quam domum suam sibi cordi esse claris indiis ostendit. Troilus Ribera vir nobilis Lauretum voti causa petens, haud procul maritimo Piceni castello (Cryptas vocant) per abscissas rupes iter faciebat eques. Ibi fallente vestigio, ex præcipiti in subiectum maris litus, equo inhærens deuoluitur, Lauretanam subinde Virginem inclamans. Nec defuit diuinum auxilium, mira res dictu, visuque. Equus cum equite de rupe reuolutus hæsit in semita propter mare: ipse etsi gladio ac pugione præcinctus, incolumis euasit, nullaq. læsus ex parte. Ita Lauretum ad duplex votum exsoluendum, lætus, lætæque alacrer tendit. Geminum ac par discrimen Salustius Turmæ equitum Pij Quarti Ductor, ope B. Virginis effugit. Is in altissima rupe Vmbriæ iter faciens simul, cum

*Ann. Laur.
Riv.*

equo corruit præceps. Sed in ipso periculo. memor B. Virgini-
nis Lauretanæ, quam ante adierat, eam lacrymabundus
implorat. Adfuit ruenti B. Maria, & præsentem strenue
opem tulit. Itaque ille, etsi ad imam usque vallem deuo-
lutus, tamen sine vilo grauiore incommodo surgit: &
erat altitudo rupis vnde exciderat, passuum circiter qua-
draginta, ne quis eam rem miraculo eximeret. Parem in
pari periculo B. Virginis opem expertus est Iosephus a Mō-
te Feltrio. hic editā conscenderat turrim ea mente, vt ibi
statueret trabem. Cæterū vestigio fallente delapsus fereba-
tur præceps. Ibi tum Virginem Lauretanam inuocans ex-
templo visus sibi cælesti quadam vi, & quasi manu sustine-
ri, ac paulatim sine molestia, periculoque demitti. Igitur
solum attigit integris non solum membris, sed etiam sen-
sibus. Illud autem admirabilius. Augustinus Cremen-
sis Catarierat in Vrbe Dalmariæ an. M.D.LXIII. Iunio in-
cuntē, quo tempore ingens terræmotus bonam vrbis par-
tem hausit, strauitue: & Franciscum Priulum Prætorem
vrbis cum vniuersa familia oppressit, haud miserabili ma-
gis, quam memorabili clade. Tum igitur Augustinus, &
ipse cominuūis periculi particeps, B. Mariæ Lauretanæ
implorauit opem. nec frustra. Illi subita parietis ruina ob-
ruto, vestimentis dilaceratis, summā duntaxat cutis per-
stringitur. Ita omnium opinione mortuus, repente B. Ma-
riæ præsidio existit incolumis. Cuius incolumitatem illa-
striorem fecit aliorum, qui par discrimen subierunt, fæda
ac miseranda mors.

Nauta amissa navi, B. Virginis opē seruatur,

Cap. VI.

Ann. Lant.
Riet.

NEC minor in maris tempestate sedanda, quam in
terræmotu B. Virginis Lauretanæ vis existit. Sar-
dus erat quidam Nauarchus peritus, & grauis. qui è Con-
stanti-

stantinopoli onustam mercibus adducebat nauim. Hæc
 anno huius seculi LX. ipso peruigilio S. Andræ Aposto-
 li, cum iam Miletus Asiæ minoris Vrbs in conspectu esset,
 repente aduersa tempestate iactata; & validis verbera-
 ta fluctibus fatiscere demum cœpit. Præcisa erat portus ca-
 piundi spes: & iam magis ac magis dehiscens carina vber-
 tim admittebat aquam. Ergo Nauirehus, nauitæque hu-
 mana ope damnata, Virginem Lauretanam inuocant sup-
 plices. Nec surdis auribus adhibitæ preces. Iam propi-
 erat, vt naus paulatim demersa hauriretur fluctibus, cum
 nautis, vectoribusque veniam exposcentibus à Deo, Dei-
 paræque auxilium cœtatim implorantibus, repente inter
 nocturnas tenebras lux coelestis affulsit; quæ trepidis, &
 animos addidit, & viam ostendit salutis. Protinus sca-
 pham vident in medijs fluctibus pene immotam stare, ver-
 lut ad effugium diuinitus paratam. Itaque cuncti ea stre-
 nue conscensa, cœlestem lucem præeuntem, quasi Ducem
 itineris sequuntur, Lauretanam esse Virginem rati. Pau-
 lulum prouecti erant, cum respectantes, nauim quam re-
 liquerant, haustam fluctibus cernunt. Deo igitur Dei-
 que parenti gratias, laudesque iterantes, cœlestis luminis
 ductu in Adriaticum sinum deferuntur: ac tandem Italiæ
 oram legentes Anconæ portum capiunt, ipso Apostoli An-
 dræ solemnî die. In terram egressis: haud minori mira-
 culo itineris celeritas, quam Ducis benignitas fuit. Com-
 pertum quippe est paucarum horarum spatio millia pas-
 suum amplius mille scapham peruolasse. Itaque è vesti-
 gio Lauretum profecti, sacrisque mysterijs rite expiati.
 Deiparæ Virgini vota exsoluunt, miraculum enunciant,
 predicantque.

*Duo viri à fulminibus liberantur. Due item
femina steriles fecundantur.*

Cap. VII.

*Ann. Laur.
Rijer.*

HAud præsentior aduersus fluctus, quam aduersus
fulmina tutela exstitit B. Mariæ Lauretanæ. Anto-
nius à Sancto Stephano castello Lucensis ditioris, atroci
procella ingruente, turrim ascenderat, campanum æs de
more pulsaturus. Ecce tibi fulmen è coelo ruens turrim
cum Antonio deiecit, qui fulmine afflatus, ruinaque op-
pressus, quatuor horas iacuit exanimis, obrutusque ingenti
cumulo saxorum. Plura eodem tempore pro Anto-
nij salute vota à propinquis Lauretanæ Virgini facta,
quæ haud irrita ceciderunt. Remoto lapidum aceruo, An-
tonius viuus, valensque inuentus est. Qui breui receptis
viribus, Lauretum venit anno. M.D.LXXV. Deiparæ vota
reddit, expertam eius opem impensius prædicans. Huic
aliud simile eodem fere tempore. Marcus Antonius Fici-
nus à Monte Feltrio Carpenianæ Paroeciæ Sacerdos turri
conscensa, ære campano sacrificij signum dabat. Cæterum
subito ictus fulmine Lauretanam inclamat Virginem. Er-
go afflatis duntaxat humeris, vestituque ambusto, ipse
haud dubia B. Mariæ ope saluus euadit. Propere igitur
Lauretum accurrit, vota Deiparæ reddit, votiuam tabellâ
nobilem, miraculi ad posteros restem relinquit. Nec mi-
nus abolita clarissimis feminis sterilitas Lauretanam Vir-
ginem eadem tempestate nobilitauit. Iulia Roburea Al-
fonsi Estensis Ferrariæ Ducis vxor complures in matrimo-
nio annos cum viro transegerat prolis experts. Ad vlti-
mum damnatis medicorum remedijs, ad diuinum se con-
uertit auxilium. Itaque Lauretum venit, animoque rite
expiato, Virginem implorat, stirpem virilem exposcens.
Addit precibus votum, si filioli compos fiat, se ad Laure-
tanam

ranam Aedem cum muneribus redituram, aut si quis casus obftet, pios viros suo loco cum donis esse missuram. Concepto voto domum reuerſa prolem concipit; felicique enixa partu pulcherrimum edit infantem. Protinus voti memor infantis effigiem egregie pictam in argentea lamina pondo librarum octo: donum Virgini misit, & additus dono titulus accepti beneficii testis.

ALPHONSVS ESTENSIS ALPHONSI F.
ALPHONSI DVCIS FERRARIENSIS N.

ORTVS IDIB. NOVEMB. A. MDLX.

Huius miraculi fidem aliud consimile adfirmavit. Bernardinus Sanſeuerinus Bisiniani Princeps huius, qui nunc est, pater plurimis iam annis cum coniuge exactis, nullos ex ea liberos genuerat. Igitur medicorum, medicamentorumque spe diu frustratus moerebat non modo expers, sed etiam expes prolis, quam relinqueret tantæ dittonis hæredem. Ad vltimum, quod natura negabat, sibi à Deo, Deiparaque precibus exposcendum ratus est. Voto nuncupato, Lauretum cum vxore contendit. B. Mariam ambo enixe orant, optatam sobolem exposcunt. Nec diu B. Virgo eorum spem morata est. Enimuero priusquam Laureto discederet Princeps, vxorem vterum ferre certis indicijs comperit. Ac breui constitit, eodem illam tempore, quo votum domi conceperat, optatam sobolem concepisse. Cæterum nescio quo casu id beneficium breue, ac fugax fuit. Princeps paucis annis, quam pater factus erat vnico orbatur filiolo. Nec tamen B. Virgo eius fefellit spem, votumque. Haud ita multo post alium genuit filium, qui patri superstes, nunc Bisiniani obtrinet Principatum.

Multis desperata sanitas restituitur.

Cap. VIII.

*Trad. Laur.
Ann. Laur.
Njer.*

*Card. Moro
ni votum.*

*Julian. Cæ-
sar. mortife-
ro morbo ex-
cipitur.*

*Aeger ex pe-
dibus sana-
tur.*

Multis quoque per eadem tempora salus (quamvis
desperantibus medicis) diuinitus reddita. Car-
dinalis Moronus periculoso implicitus morbo, Lauretana
Virginē Implorata, repente conualuit. Itaque damna-
tus voti Lauretum protinus venit: & gratijs B. Marię actis,
existare voluit diuini muneris monumentum. Proinde vo-
tuum inibi tabellā suspendit hoc maxime titulo insignē.
IOANNES CARD. MORONVS EPISCOP. PORT.
GRAVISSIMA INFIRMITATE OPPRESSVS,
A DEO INTERCESSIONE B. MARIAE
SEMPER VIRGINIS LIBERATVS, VOTI COMPOS-
VOTVM PERSOLVIT. AN: DOM. M. D. LXV.
Aliud admirabilius, sed paulo antiquius. Julianus Cæ-
sarinus ex Romanis proceribus, de quo ante diximus, an-
no huius seculi LX. difficili, diutinaque dysenteria conse-
ctus iacebat. Exhausta iam erant cum cruore vires: nec
magis iam medici, quā eius domesticī, ac propinqui actum
de eius salute credebant. At ille experta alias Lauretanæ
opis memor Deiparam inuocat. Protinus cunctis stupore
attonitis, periculo eximitur. Quo propior morti erat, hoc
evidentius miraculum fuit. Sequitur aliud genere dispar,
evidentiā par. Ioānes Baptista Asculanus multos iam an-
nōs laborabat ex pedibus adeo grauitē, vt per se ipse in-
gredi haud quāquam valeret. Igitur damnata medicorū
spe, Lauretanæ Virginis opem implorat. Confestim equo-
uēctus Lauretum venit. Quo post quam ventum est à duo-
bus familiaribus in augustissimā cellam delatus, simul
B. Mariam venerabundus salutauit, exemplo pristinā
valetudinem recuperauit pedum, sic prorsus, vt per se suis
pedibus regrederetur ad hospitium, vnde cum in sacro-
sanctam

sanctam cellam modo ægrum, & pedibus delatum esse
constabat.

Duo Energumini à vexatoribus Diabolis liberantur.

Cap. V. II. II.

PAr in Diabolis, atque in morbis depellendis, B. Mariæ
virtus enituit. Illyrica subinde mulier Paula nomine,
diu multumque à malorū Dæmonū manu, quibus obsessa
tenebatur, vexata, sane mirabile, ac multiplex Laureta-
nis incolis, aduenisque spectaculum præbuit. Quippe cæ-
teris humanis, diuinisque remedijs frustra tentatis, statuit
ad Lauretanam Virginem, certissimum ærumnōsorū
perfugium, conferre se. Ergo Dæmones salubri consi-
lio, itinerique obstare summa opē: & Lauretanū iter, in-
gressam modo fremitu, & clamore horrendo in fugam
auertere; modo obfirmato pergentem animo prostrernere
humi; alias ipsam instigantes in itineris comites, socios-
que incitare adeo, ut latratibus, infestisque dentibus cun-
ctos à comitatu abstereret suo. Vicit tandem siue homi-
num p̄ceras, siue diuina vis diabolicas artes. Itaque quam-
uis oblectans mulier à valida, minimeque timida virorum
manu abripitur in sanctam Virginis cellam. Pius, ac peri-
tus talium rerum Sacerdos adhibetur, à quo per incarna-
ti inibi Verbi mysterium iussi facessere; tandem Diaboli
abscedunt muliere exanimi relictā. Cæterum illam dein-
de receptis viribus, actisque grātijs abeuntem: haud pro-
cul Laureto rursus inuadunt. Igitur restitit ad B. Virgi-
nis Aedem, mira quædam edere coepit, vaticinari, arcana
patescere multorum, peregrinis subinde linguis eloqui.
Mirari primo qui aderant; inde admiratio in misericordiā
vetti. Horum precibus exorata Virgo, exagitatōtes illos
denuo exegit. At simul Laureti porta mulier pedem ex-
tulcrat, confestim importunū illi vexatōres aderant: & in

eam velut in antiquam possessionem suam remigrabant. Id cum iterum, ac tertio euenisset, sensit aliquando mulier, se extra Lauretum saluam tutamque ab illis monstris esse non posse. Constituit ergo Laureti vitam degere: & sub vmbra, tutelaque B. Virginis latere, eius semper obsequijs addicta. Ibi inter talia annis aliquot absumptis, felici exitu, supremum expleuit diem. Aliud eodem fere tempore accidit huic haud sane abfimile. Alexander Galliardinus Bononiensis caupo fuit non ignobilis, is carissimam habebat filiam à quatuor teterrimis diabolis vexatam miseris modis. Hanc igitur magna spe, ac fiducia Lauretanæ Virginis fidei, tutelæque commendat: nec frustra id fuit. paulopost excussis infestis illis vexatoribus, liberam & incolumem filiam recipit. Voti compos eam Lauretum adducit, Deiparæ Virgini gratias acturus, & Lauretani auxilij testis futurus.

Cæcis duobus videndi facultas redditur.

Cap. X.

*Anna. Laur.
Riev.*

CAccis quoque per idem tempus videndi facultas red-
dita. Petrus Romanus Fauentinus erat Neophy-
tus, qui veroque captus lumine multos iam annos in per-
petua nocte moestam trahebat vitam. Ad vltimum fama
de Lauretanæ Virginis miraculis Fauentiam perlata ad
spem visus recuperandi torpentem eius animum erexit.
Lauretanam itaque Virginem bonæ spei plenus implorat.
Mira dictu res. dum magna spe insistit precibus, repente
discussis tenebris, optatam recipit lucem. Res satis testa-
ta. Lauretum is venit anno M. D. LXIII. Annibalis Ca-
sali Protonotarij Apostolici, & Vicarij Fauentini testes
miraculi litteras protulit. Aliud huic simile. Thomas Par-
mensis ex longinquo, atrocique oculorum morbo, lumina
prorsus amiserat. Desperata igitur humana ope, ad diui-
nam

nam spectare coepit. Nocte quadam acri oculorum dolore excitus è somno, in ipso grabato, ubi iacebat, submittit genua venerabundus: Deiparam Lauretanam enixe inuocat: veniam à Deo, luminumque sanitatem per eam exposcit. si voti compos fiat, se Aedem Lauretanam aditurum vouet: Et votum Deo, Deiparæque cordi fuit. Cum recubasset Thomas, dulci correptus somno paulisper quieuit. Inde euigilans orti iam solis lucem sanis, ac vegetis oculis lætus haufit.

*Mutis duobus subuenit, alteri linguae usum,
alteri, exsectam linguam restituens.*

Cap. X I.

NEC in cæcos B. Virgo benignior, quam in mutos fuit. Ioannis Vbaldi Patauini clarissimi copiarum Ducis paruis filius comitali oppressus morbo, usum amiserat linguæ. Iam triennium mutus, atque æger iacebat, cum eius pater desperata medicorum ope, Lauretanæ Virginis implorauit auxilium. Et audita paternæ pro filio preces. Extemplo puer pristinam non tantum linguæ, sed corporis quoque diuinitus recuperat sanitatem. Igitur anno M. D. LXIII. Lauretam à patre adductus: Deiparæ Virgini ab utroque grates actæ: vota impense reddita: tota res Lauretano Præsidi, aliisque compluribus enarratâ. Cæterum illud, vel maxime admirabile. Sannitum Prætor Lau-
retum petens Ciuitellam diuerterat: Ibi nefarium hominem deprehendit assuetum in Deum, ac Virginem Lauretanam, impia subinde verba iactare. Ergo insensu ira protinus exempli prodendi causa, vasanum magniloquentiam exsecta sacrilego lingua vindicauit. Neque hoc contentus, eundem in custodiam traditum asseruari sedulo iuber, quoad ipse Laureto regressus decerneret, an esset poena grauiore multandus. Itaque miser ille supplicio

*Ann. Lauret.
Riet.*

sumpto æger, intentato sollicitus aliquando respicit, & scelere in cultum verso, dies noctesque Lauretanam Virginem tacitis placare precibus, votisque institit, obsecrās, ut inensam sibi Proregis leniret irā: datetque facultatem animi labe sacra confessione expiandi. Nec ingrata Virgini, irritæ exstiterunt impij hominis resipiscētis preces. Haud multo post species Deiparæ illi in somnis oblata est iubentis eum bono animo esse: breui fore, ut custodia emissus ad Lauretanam Aedem pergeret: ibique peccata confiteretur, nouæ linguæ subsidio. Prædictionem comprobauit euentus. Experrecto quædam quasi lingua renasci coepit; qua haud sane ægre sensa expromeret mentis. Et Prorex Laureto reuersus re cognita, parcendū existimauit, cui Virgo ipsa pepercisset. Confestim igitur eum liberum dimittit monitum, ut suo posthac periculo saperet. Datisque ad Pœnitentiarios litteris, miraculi testibus, Lauretum destinat gaudij gestientem ad vota red-denda. Quo ubi venit, haud magis Proregis epistola, quā res ipsa miraculi fidem omnibus fecit. Quippe patefacto oris hiatu (mira dictu, mirabilior visu res) simul recisam linguam, simul lingulam quandam subnascentem, videbant, & tamen ubi ille vellet, quanquam bleſo ore, audiebant loquentem. Neque hic stetit res. Postquam domum reuertit, sacris mysterijs his, terue perceptis, noua lingua ad iustam magnitudinem nouo excreuit miraculo. Iraque Lauretum denuo ad agendas Deiparæ grates profectus, ijs ipsis, qui exsectam paulo ante linguam viderant (quorum ex numero Raphael Riera fuit, qui hæc memoria prodidit) immortalī B. Mariæ dono renatam ostendit, cunctis rei nouitate atque admiratione attonitis, & tam eximium, tamque illustre miraculum B. Virgini gratulantibus.

Iudeus à Beata Virgine Vinculis exemptus,

Laureti Baptismo expiatur.

Cap. XII.

NEc Christianos solum, sed etiam Iudeos Lauretana Virgo suæ benignitatis, opisque participes fecit. Nazarenus fuit Hebraeus vir alioqui grauis, ac prudens, qui Nazarethi habitabat in vico, vbi Lauretanæ Domus diximus exstare vestigia. Is igitur ex loci vicinitate, de quò multa fando audierat admirabilia, religionis aliquid traxerat. Iam Mariæ cui fauebat suæ, quam tanto à Christianis coli honore cognorat: iam à Christo ipso eandem ob causam hæud sane multum abhorrebat. Cæterum, vt est genus hominum durum, atque obstinatum, in auita hærebat superstitione, qua illum à puero diuturnus usus implicauerat. Sed grauis calamitas tandem obfirmatum animum flexit. Iam sexagenarius ob patratum nescio quod facinus, à Turcis comprehensus æternis addicitur vinculis. Tandem ærumnis confectus, desperata salute corporis, de animo cogitare coepit, mox iniecta diuinitus ingenti salutis cura, veniam à Deo mundi conditore suppliciter orare institit. ita victa malis obstinatio, & diuina lux caliganti animo oborta. Ergo, & Iesum Christianorum Messiam, & Mariam Messie matrem venerabundus implorat. Id cum impense fecisset, discedit cubitum spei, ac fiducie plenus. Nec vana spes fuit. Eadem nocte secundum quietem se illi obtulit Christus: quem cum ex specie, qua coli à Christianis solet, agnouisset; verum Deum, ac Messiam professus, insuper supplex adorauit in somnis. Confestim illi eximia pulchritudine, ac maiestate virginis species oblata est, cuius iussu altera virgo eius comes Nazarenus catenis eximit, quibus vinctus tenebatur: fori-

*Ann. Laur.
Riera.*

busque carceris reſeratis, adhuc ſopitum ſomno, ſed per quietem, quæ re ipſa gerebantur; videntem deducit ad portum. Ibi potior virgo, quæ alterius Domina videbatur, nauculam paratam oſtendens; Iam liber es, inquit, eſto liberatricis memor. en tibi eſugium paraui, nec de-ero fugienti, tu modo Lauretum, quod oppidum in Piceno Italiz regione eſt, pete: ibi Chriſtianis initiatus ſaceris ad Mariæ aram te liſte, ſuſcepto conſilio vitæ melioris. Tum vero Iudæus gratijs vtrique, ac præcipue ei, quæ primas tenebat, actis, orare liberatricem ſuam, vñ nomen ſuum edere nē grauetur. Et illa cum ſe Mariam Lauretanam, Luciam comitem eſſe dixiſſet; ſubito cum comite ex oculis abiit. Tum demum edigiſans Hebræuſi veram rei geſtæ ſpeciem ſibi in quiete oblatam ſenſit. Dum rei miraculo deſixus hæret, nullumque grates agendi Lauretanæ Virginis modum facit; naucula, quam Beata Maria hortante conſcenderat, per mariæ ſua ſponte incredibili celeritate ferebatur. Itaque diuino ductu impulſuque Anconam appellitur biduo. Miraculo deinde vulgato, à primoribus ciuitatis benignè accipitur; quibus instantibus, ſive ibi baptiſmate ablueretur, atqui, inquit, Maria Chriſti mater Laureti me baptizari ſuſcit. Ergo à Prætorè Anconitand cum litteris commendatiſijs dimiſſus Lauretum pergit. ſibiſque Chriſtianis myſterijs ſatis inbutus Baptiſmo expiatur ingenti, vel ſuo vel aliorum gaudio, ſæculi huius anno LXX. Totares ab ipſo per interpretem Rieræ, & alijs enarratur.

*Præcipua dona Pio Quarto Pontifice Maximo
Lauretum lara, missæ.
Cap. XIII.*

NE Civerò tam fecunda miraculorum tempestas do-
norum sterilis fuit. Cardinalis S. Præxedis effigie
suam à pectore argenteam pondo librarum quinque. Fran-
ciscus Cactanus è nobilitate Romana aræ ornatum au-
reum, Cardinalis Aragonius argenteum Phrygio opere
& margaritis insignè. Alij porro minus nobiles alia mino-
ra dona Virgini attulerunt, quæ persequi operæ nò est. Nec
ignobilis pietas illustrium feminarum. Iulix Roburæ Du-
cis Ferrariensis donum fuit sacerdotalis vestis argentea,
opere Phrygio magnifice picta. Ducis Grauinensis ami-
culum aræ ex Attalica veste crispantè. Ducis Montis Al-
ti pluniale ex textili aureo: alterum Clæliæ Farnesiæ ex
hioloserico raso lilij aureis conspicuum: Nec facile alias
insigniora tam paucis annis ciuitatum, oppidorumque do-
na exstiterunt: Spelli oppidi in Vmbria effigies missa ex
argento librarum trium: Altera Sarnani in Piceno lib. xi.
Alia Arretij in Etruria pondo VIII. Firmi quoque vrbis
simulacrum argenteum alterum (nam alterum ab hinc
xxx. fere annis missum) pondo XVIII. his tertium acces-
sit hac eadem tempestate, item ex argento, & magnitu-
dine, & pondere eximium, quippe librarum xxxiii.
Adiectus titulus votiuum donum nobilius fecit.

VRBS FIRMANA
OB RECVPERATAM REMP.
EFFIGIEM HANC ARGENT.
DIVAE MARIAE DE LAVRETO
VOTO PVBLICO D.

Hæc præcipua Lauretani sacelli miracula, ac munera
Pio Quarto Pont. Max. litteris consignata reperio.

Codic. Lavr.
Car. S. Præ-
xedis D.
Franc. Gae-
tani D.
Card. Ara-
gon. D.

Duc. Ferra-
rien. D.
Ducis Gra-
uineus D.
Ducis Mon-
tis Alti D.
Clæliæ Far-
nesiæ D.

Spelli oppi-
di simulacr.
argent.
Sarnan. sim.
argent.
Arretij sim.
argent.
Firmi triæ si-
mul. argen-

Pij Quinti de Lauretana Aede testimonium, & Roberti Saxatelli, illo Pont. opera.

Cap. XIII.

*Anna. Laur.
Riv.*

*Pij V. testi-
monium.*

*Robert. Sa-
xatellus.*

PIUS Quintus inde Pontificatum excepit, cuius incl-
ta omnibus in rebus pietas in D. Mariæ Lauretanæ
cultu satis enituit. Nihil quippe illi antiquius fuit, quam
ut eam suo aliquo munere insignem faceret. Proinde
inter primum Pontificatus sui rudimentum, illustre in
suo monumento testimonium Aedi Lauretanæ dedit.
Nam cercoe agnos de more consecraturus, effigiem
Domus Lauretanæ Angelorum humeris vectæ multis
eorum imprimendam curavit, cum hoc titulo.
**VERE DOMVS FLORIDA. QVAE FVIT
IN NAZARETH.** Quod quidem talis, tantique
Pontificis testimonium eo nobilius censendum, quo plu-
res orbis Christiani partes cum sacrorum agnorum imagi-
nibus peragravit. Neque eo contentus Pontifex, Cardi-
nali Vrbinati Aedis Lauretanæ tutelam impensius com-
mendavit monito, nihil ut omnino prætermitteret, quod
ad eam ornandam, augendamque pertinere existimaret.
Itaque optimus Cardinalis ad id sua spõte pronus, impel-
lente Põfice, in eam cutam totus incubuit. Iam Pallante-
rij successor Io: Baptista Maremontius semestris Præses
procuratore Lauretana, Vbaldus deinceps Ventorellus
paucis mensibus etiã vita excesserat. Cardinalis itaque
Vrbinas pari animi magnitudine, ac pietate mandata
Pij Pont. faciensens, Robertum Saxatellum visum manu,
& consilio promptum Laureto præfecit cui summa pote-
state. Nec egregia Saxatelli industria Cardinalem, aut
Pontificem frustrata est. Illo aũthore, ad augendam Laure-
tanæ templi maiestatem, sacerdotum, Canonicorumque
delectus habitus: eximijs vndique cantoribus ingenti præ-
tio

tio accitis, symphoniacorum chorus nulli secundus institutus: sacra supellectile aucta, tabulis pulcherrime pictis, peripetalinatis comparatis nitor altaribus, templo splendor additus. Illa autem præcipua augustissimæ cellæ ornamenta. Sibyllarum signa duodecim è Ligustico marmore pulcherrime facta, & in suis loculamentis disposita: quatuor insuper æneæ, valuæ ianuis impositæ mirabili opere cælata, Hieronymi Lombardi nobilis illa ætate staruarij, & fictoris manu. His accesserunt bina Principum Apostolorum simulacra ex argento sesquicubitalia, præclata arte perfecta, præcipuis diebus festis ornamento, altaribus futura. Quin etiam Sanctissimæ Eucharistiæ honeste, ac decore ad ægros deferendæ, mortuis rite sepeliendis, Nominis Iesu, & Mariæ religioni tuendæ, sodalitates quatuor institutæ, Corporis Christi, Misericordiæ, Nominis Iesu, Rosarijque B. Virginis. Et suum, cuique sacellum cum sacra supellectili, suus ad conueniendum locus, suæ leges, datæ. Quibus sodalitatibus ingens sane, & Lauretano populo commodum, & templo decus accessit. Nec templi finibus Saxatelli se tenuit, curæ. Publicam bibliothecam cuiusque generis libris instruxit. Noxijs æmoriibus, quæ supererant excisis, circumiacentes lacunas penitus exsiccauit. Submotoque Musionis fluij mœnia subterlabentis aluæ, Lauretanam habitationem lōge salubriorem fecit. Inde, ut peregrinis Lauretum petentibus liber, & expeditus vndique pateret accessus, vias omnes, quæ Lauretum ferunt, iam longo usu vitiatas, atque corruptas partim laterculo, partim glareæ, strauit. Quamquam horum pleraque Pio V. Pontifice inchoata opera, Gregorio XIII. deinde perfecta. Nauigium quoque ingens subuehēdis è Dalmatia ingentibus saxorum gk. bis, ad Lauretanæ ædificationis vsum, Saxatellus ædificauit: magnamq; saxorum vim Lauretum subuehēdā curauit. Hisq; lapidibus à Ioanne Boccalino architecto haud ignobili, præclara Basilicæ Lauretanæ facies antiquo opere strui cœpta.

Sibyllarum
signa xii.

Æneæ val-
uæ quatuor
Bina Apo-
stolorum si-
mulacra.

*Domus Lauretanæ hospitalitas, eleemosynæq.**Cap. XV.*

Hospitalitas
Domus Lau-
rer.

NEC Saxatellus templo, oppido, vijs ornandis intentus, caritatis, benignitatisque Christianæ munia intermisit. Centenos primo, inde ducenos, sæpe etiam trecentos, eoque amplius pauperes peregrinos hospitio exceptos, haud sane maligne alebat quotidie. Et quoniã verus Xenodochium viris erat attributum; crescente in dies seminarum quoque multitudine, nouum mulieribus hospitium exstruxit, instruxitque. Honestiores etiam pauperum, quos à petenda propalam stipe retardabat pudor, oculta iuuabat ope. Principes quoq. viros humaniter æque liberaliterque tractabat. Lauretanam Virginem omnium gentium, omnium ferme ordinum hospitam diceres. Haud facile alias apparuit magis diuina prouidentia in humana iuuanda benignitate. Eleemosynarum, votiuarumque pecuniarum tanta vis exstitit, vt ad tot, tantaque pietatis, Christianarumque benignitatis opera non suppetere solum, sed etiã superarent. Adeo res familiaris Dei causa erogata, diuina quadam vi cumulatior redit. Itaque Saxatellus œconomus vnicus ad augendam rem Lauretanam versus, ex pecunia, quæ supererat (quo benignitatis fons perennis foret) luculenta sane, ac frugifera coemit prædia. In agro Recinetensi Montem Vrsu à Comite Bonarello aureorum millibus decem, totidem Turscionem in Auximano, alios porro fundos in agro Castri Ficardi, egregium prædium (Aquauium appellant) duobus aureorum millibus, & ducentis. Vineas tribus millibus. Et prata, ac saltus, neue vacua, ne otiosa forent, armentis bouum, equarum, bubalorum, gregibus ouium, caprarum, aliorumque pecorum impleuit. Quibus ex rebus cum alię commoditates plurimę, tum vero annuum vectigal ternorum ferme

aureo-

aureorum millium Lauretanæ Domui accessit, haud leue subsidium benignitatis, cultusque diuini. Hæc autem fere omnia, sub Pio Quinto Pontifice, superfluente pecunia comparata. Adeo quod abunde dabatur pauperibus ingenti foenore reddebatur. Deum cum hominibus liberalitate certare diceres. Quin etiâ Pius Dei Vicarius diuinum pro virili parte consilium iuuit. Nunquam enim cuiusquam gratia, aut preces flectere cum poruere, vt vota in Lauretanæ Domus emolumentum cedētia in alia pietatis opera conuerteret. adeo fixum habebat, vnde accepta essent beneficia à vouentibus, inibi vota soluenda: nec vspiam melius votiua munera, quam in Lauretanæ Domus ornamentis, & hospitalitate collocari.

Pij V. Decretum.

Pij Quinti, & aliorum Principum dona.

Cap. XVI.

NEC nullam Pius Pontifex sui erga Lauretanam Virginem meriti gratiam, ac mercedem retulit. Michaellem Bonellum Cardinalem Alexandrinum sororis filium graui, periculofoque implicitum morbo, iamque morti proximum dolens, B. Virgini Lauretanæ pro illo vota fecit. haud frustra. Extemplo Pij Pontificis preces audita, moribundo Cardinali salus reddita. Et Pontifex voti compos celeritati diuini muneris pari religionis celeritate respondit. Vt primum Michael per valerudinem iter illud exsequi potuit, eum ad Lauretanam Virginem misit, receptæ diuinitus salutis testem votiui cum dono futurū. Donum fuit aræ, & Sacerdotis præclara vestis argentea, opere crispo, hoc insignius quod, & pro egregij Cardinalis salute, & à Pio Pontifice mittebatur. Nec facile alias plura Lauretum tam paucis annis Cardinalium munera allata. Cardinalis Mantuani aræ ornatus ex veste Attralica. Cardinalis S. Georgij ex eadem materia vestis sacerdotalis.

Anna. Law.
Rier.
Pij V. vota,
ac D.

Card. Alexandrini D.

Card. Mantuani D.
Car. S. Georgij D.

Card. Montini D.
Card. Riarij D.

Card. Montis Alti D.

Car. Altem. Donum.

Card. Perusini D.
Card. Pacechi D.
Card. Vincenrij. D.

Camertium D.
Fabrianens. Donum.
Viterbiens. Donum.

Princip. Ascul. D.

dotalis. Cardinalis Montini aræ amictus ex Attalica veste bifariam crispante. Cardinalis Riarij aræ, & sacerdotis ornatus ex veste Damascena, effigiesque Christi, & candelabra cubitalia ex argento, haud vulgari opere facta. Cardinalis à Monte Alto (is postea Xystus Quintus Pontifex fuit) duplex altarium, simplex sacerdotis, ac ministrorum solennibus sacris operantium amictus, ex veste Damascena aureis floribus ingentibus pulchre, sciteque distincta. Cardinalis Sittici ab Altaemps sacerdotalis ornatus ex auro, argentoque, opere quâ reticulato, quâ Phrygio contextus. Cardinalis Perusini sacerdotalis amictus opere Phrygio conspicuus: alius huic fere geminus eadē materia, & opere Cardinalis Pacechi. Denique Cardinalis Vincenrij pluuiiale præclarum, sacerdotisque, ac ministrorum solemnī cærimonia sacrificantium vestes aureæ, ingentibus floribus; auro crispo, & opere Phrygio insignes. Nec ciuitatum munera desiderata. Camertes pluuiale ex textili aureo: Fabrianenses calicem argenteum magnitudine, ac pondere egregium: Viterbienses aræ amictum ex auro, argentoque contextum Lauretanæ Virgini dona portarunt. His accessere alia haud ignobilia, vel illustrium virorum, vel ignotorum hominum dona, quorum memoria, nescio quo casu intercudit. Exstat nudi pueri statua pene cubitalis ex auro solido, mira arte perfecta, cuius author, & causa non proditur. alij alio trahunt. vulgatioꝝ fama est, votiuum donum esse Principis Asculani vnus è Regni Neapolitani proceribus: ei filium in Principatus auiti ipem genitum, pede, manuque contracta deformem fuisse. Cæterum B. Virgine Maria Lauretana à parentibus inuocata, votoque pro filij incolumitate suscepto, diuinitus illi vsum redditum esse membroꝝ. Et sane huic famæ ipsius quoque statuæ habitus ac gestus fauent. Exstant alia præterea dona eiusmodi, quorum nulla, quod sciam, in litterarum monumentis existat memoria. Huius quippe tempestatis codex donorum, decen-

decennium ferme complectens, aut intercidit, aut meas effugit manus. Proinde quæ dona extremum Pij Quinti, primumque Gregorij XIII. Pontificatum attigerunt, eorum memoriam, quia non accepi, non queo prodere. Cætera cum fide tradidi, uti accepi ex monumentis litterarum. Per id tempus argentea simulacra Asculi, Recineti, Montis sancti, Bononiæ, Mediolani, & alia, quæ in sacrario hodie visuntur, B. Virgini dicata existimo.

Bern. Cyril.

Alij ab inundatione fluminis, alij à tempestate maris, & prædonibus liberantur.

Cap. XVII.

COmplura etiam huius tempestatis produntur miracula. Dominicus à Castro Florentino homo rusticanus haud procul Elsa flumine in tugurio habitabat cum socijs duobus. Nocte igitur quadam maximis imbribus Elsa super ripas effusus, longe, lateque vicinos campos inundare coepit. Inde ingenti ruens impetu, quicquid obuium erat, secum trahere. Ibi Dominicus sæuientis amnis murmure excitus somno, caput effert tugurio: late stagnantes circa campos, aduentantemque fluuium conspiciat. Ergo veritus, ne ingruente eluuiione, obrueretur vñdis, extemplo cum socijs tugurij culmen ascendit. ibi glisciente periculo perstabat, subinde Lauretanam Virginem inclamans. Nixa erat casa stipitibus parum alte defixis, structa ex cratibus, stipulaque. Hanc igitur cum tribus illis fastigio insidentibus humo auulsam rapidus amnis abripuit. Nec tamen eis imploratū Mariæ auxilium defuit. Casa illa vagantis licentia fluminis per duo circiter milia passuum circumlata, tandem ad ingentem accedit arborem. Illi perfugium diuina ope nacti, omisso tugurio, arborem strenue scandunt. ibique manent, quoad remissa aquarum vi, fluuius iam lenior se in alueum recipiat. Ita

Trad. Laur.
Ann. Laur.
Rier.

Bb 2 omnes

procul Galipoli, versabatur. Quintum iam seruiebat annum, cum seruitij tædio libertatem spectare cœpit, & cum conseruis duobus agitare consilia fugæ. Itaque actuarium nauigium vacuum in portu sine custode naçti, ex composito conscendunt, strenueque propellunt ab littore. Sed eorum fuga haudquaquam Turcas sefellit. Qui confestim duobus expeditis, instructisque piraticis lembis fugientes seruos insectari summa ope cœperunt. Iamque haud procul aberat, quin Michael cum socijs caperetur à Barbaris, graui, vtique supplicio, cruciatuque multandus. Ergo vniuersi eius hortatu, à Deo, Deiparaque Virgine Lauretana exposcunt veniam, opemque. Mira dictu, visuque res. Repente sēda coorta tempestas adeo mare, cœlumque turbauit, vt Barbarorum naues procul abegerit. Et immissam diuinitus in hostes procellam res ipsa satis ostendit. quippe eodem ipso tempore, eodemque tractu maris, Turcæ iactabantur vndis; Christiani tranquillo æquore secunda aura ferebantur. Respectantes igitur, vt quam procul abessent Barbari cernerent, ex vittratis capitum tegumentis, quibus Turcæ vtuntur pro pileis (vt ea modo extolli, modo deprimi videbant, senserunt hostes insanis iactari fluctibus: nec iam de aliorum fuga, sed de sua salute sollicitos cum aduersa tempestate luctari, adeo diuinitus iniectus terror Turcarum animos à cura persequendi alios ad suimet tuendi curam auerterat. At Christiani non vento magis, quam B. Maria obsecundante, incredibili celeritate Catarum tenuere. Inde voti, cœlestisque doni memores Lauretum delati, Christianis mysterijs rite perceptis, Virgini grates agunt, eximium eius beneficium memorantes.

Laqueo suspensus morti eximitur.

Cap. XVIII.

*Ann. Lanr.
Rjet.*

ALijs porro etiam extremo supplicio affectis salus redita. Thomas Venerus Dux cohortis militum Sebenici in præsidio erat. Is milites præfidiarios aduentantis Turcicæ classis fama conterritos non potuerat in officio continere. Illis igitur fuga dilapsis, desertum præsidium cernens, protinus milite vno qui reliquus erat comite, Zaram contendit. Venetæ classis Duci fugam militum Sebenici periculum exponit suæ sortis ignarus. Dux quippe tali nuncio concitatus ira, Thomam cum comite suspensio extingui extemplo iubet, spatio tamen vtrique ad procurandos de more animos dato. Ibi Thomas sacra confessione rite expiatus Lauretanam inuocat Virginem. votoque concepto, collum laqueo inserit haud dubia spe cœlestis auxilij. Igitur fune ad antenæ cornu religato, antenna cum Thoma pendente sustollitur. alligatum erat pedibus ingens ferri pondus: & carnifex pendentis corpus, antenna sublata, subitoque demissa impense quassauerat ter, quaterue. Itaque omnium opinione mortuus, post quartam horam patibulo eximitur tradendus sepulchræ. Excedit fidem, quod deinde traditur, non tamen Dei, ac Deiparæ potestatem. Qui extinctus credebatur, inuentus est viuus valensque, cum miles supplicij socius, parique conditione usus efflasset animam. Thomas ergo cæteris admiratione defixis, è vestigio Lauretum iter intendit, Deo ac B. Virgini, quorū immortalī beneficio viuebat, grates acturus. Et res apud Lanretanos sacerdotes satis testata mansit. Alia eiusmodi complura sciens prætereo, quod minus testata videantur, quam ut memoriæ prodenda sint ab eo, qui nihil ex vano haustum velit.

Duo ab vltimo supplicio liberantur.

Cap. X. X.

ILLud autem satis notum exploratumque, quamuis ab Apostolorum temporibus pene inauditum, vt Apostoli Petri è carcere diuinitus liberati, vetus exemplum instauratum quodammodo nostra tempestate videatur. Anno post Christum natum circiter M. D. LXX. vir quidã genere, ac factis clarus (nomen authores non edunt; credo quod ipse cælatus voluerit) ab vno ex primoribus Italiæ Principibus in custodia vinc̃tus habebatur. Et falsis oneratus criminibus, iudice utebatur iniquo infensoque. Ergo cum haud dubiè instare sibi vltimum supplicium cerneret; Lauretanam implorat Virginem, orans vt priusquã è vita discedat, faciat sibi Lauretanæ cellæ visendæ potestatem. Et piæ infantis preces Deiparæ cordi fuere. Sub noctem anxietate animi grauatum corpus arctior complexus est somnus. Dormienti præclara Lauretanæ Virginis oblata species, quæ moerentis pectus ingenti gaudio permulsit. Repente disruptis vinculis, foribusque carceris diuinitus patefactis (obuersabatur autem somniantis animo, quod extra somnium gerebatur) rei nouitate attonitum exire compellit. egressum ad proximum vr̃bis vicum deducit adhuc dormiẽtem: protinusque eius subducitur oculis. Tum vero ille expergefactus, vinculis & carceri ereptum se cernens, haud vanam sibi in quiete obiectam imaginem sensit. Gratijs ergo Virgini enixe actis, lætitia ex moerore gestiens domum suam recipit se. Cæterum haud ignarus fore, vt à satellitio Principis conquireretur summa ope, & grauius in semet tanquam fugitium consuleretur; implorata denuo Virgine Lauratana, facinus edidit memorabile. Summo mane, diuina fiducia armatus insensum Principem vltro adit: obstupescenti ad eius aspectum,

Ann. Laur.
Rietæ.

eidem illi Rieræ rem omnem , sicut à me est exposita , enarrauit .

*Multiplex Lauretana Virginis auxilium in
nauali de Turcis parata victoria .*

Cap . X X I .

Iisdem temporibus in vltimo ferme rerum discrimine , Lauretanæ Virginis vis , vel maxime enituit . Selimus Turcarum Imperator Cypro per vim potitus , cæteræ Venetorum ditioni , orbique Christiano imminebat . Pius ergo V. Pontifex communi periculo communibus viribus occurrendum ratus , Venetis & Hispaniarum Rege in armorum societatem assumptis , ingenti mole bellum apparare cœpit . M. Antonius Columna Dux illa tempestate inter Romanos genere famaue clarissimus , Pontificiæ classi præpositus est , & mature soluere in Turcam iussus . Ibi eius coniux Felix Vrsina pari nobilitate mulier , stimulante metu orbitatis suæ , liberùmque , statuit in tot maritimi belli casibus ad Lauretanam confugere Virginem . Propere igitur cum honestissimo comitatu Lauretū accurrit , haud dubia , per Deiparam facile propitiari posse cœleste numen sibi , viroque . Solemnibus expiata mysterijs in sacrosancta cella supplex pernoctauit , veniam opemque sibi viroque suo à Deo , Deique matre impensius exposcēs . Inde B. Virgine accensis studijs , votiuisque muneribus culta , in eius gratiam Hebræum adolescentulum inibi è sacro fonte suscipit , & aureo donatum torque in suam adsciscit familiam . Nec irrita supplicatio , aut gratia fuit . Haud longo tempore intermisso , cumulati voti compos exstitit . Coniugem suum ex tam atroci prælio non reducem solum , sed victorem etiam recepit : eundemque in vrbe Roma , veteri Romanorum more renouato , insigni pompa ouantem læta conspexit . Cæterum eodem bello haud certio rem

illa in priuata re, quam Pius Pont. in publica Lauretanæ Virginis expertus est opem. Christianam classem vltimæ dimicationi instructam, intentamque esse iusserat. Nec ignarus erat, summam rerum in eo prælio verti. Proinde Pontifex vere pius, priuatis publicisque supplicationibus Deum conciliare institit. Præcipue in augustissima cella Lauretana orari assidue Deiparam iussit, vt in vltimo rerum discrimine pia mater adesset Christianis. Nec Pij Pontificis, piorumque spes in irritum cecidit. Inita pugna nauali, non tam humanæ, quam diuinæ opis res visa. Obsecundante Christianis, qui ante pugnam aduersus erat vento, fumumque bombardarum, ac tela hostium in ipsum ora retorquente, nobilissima est de Barbaris parta victoria. Plerique hostium cæsi: naues partim depressæ, partim captæ: Ingens præda, magna vis captiuorum: supra X. Christianorum millia seruitio exempta. Quorum quidem pars longe maxima deinceps Lauretum persolvendorum votorum gratia venerunt. Satis constat ipso naualis prælij die, antequam signa canerent, Christiana mancipia remigio à Turcis addicta, pro libertate, plerisque autem Duces, ac milites Christianæ classis pro salute ac victoria B. Mariæ Lauretanæ vota fecisse. Vt dubium cuiquam esse non possit, quin tam insignis victoria post Deum, Deiparæ debeat. Ergo non remiges modo captiui Turcarum, sed etiam milites, Ducesque Christiani ad agendas Deo ac B. Mariæ gratias, votaue reddenda Lauretum contulere se. Et diuini beneficii monumenta inibi exstare vtrique voluerunt: alteri quippe catenas, quibus religati ad remos fuerant, apud liberatricem reliquerunt suam: alteri Deiparæ velut auctori victoriæ, manubias hostium consecrarunt. Hoc autem vltimum, atque haud scio an maximum Pij Quinti humanorum operum fuit.

Anna Laur.
Riet.

*A Gregorio XIII. Indulgentijs, & vijs egregijs
adornatur. Cap. XXII.*

Secutus Gregorius XIII. Pont. Max. superiores Pontifices, vt Pontificatus diuturnitate, ita Lauretanæ Virginis religione, ac magnitudine animi vicit. Nihil enim habuit prius, quam vt maxime inclyto in terris templo, si quid deesset, munifice adijceret. Itaque Indulgentias superiorum Pontificum non sua tantum firmavit auctoritate; sed prudentia etiam amplificauit. omnibusque promiscue Lauretanam Aedem visentibus cūctorum indulgentiam delictorum. Pœnitentiariorum insuper auctoritatem auctiorem fecit, addita cœnobarum quoque à delictis reseruatis absoluendorum facultate. Illud vero insignie Gregorij donum. Indicta in annum M. D. LXXV. Iubilæi celebritate, Indulgentijsque toto orbe terrarum, vt fieri solet, in Vrbs gratiam suspensis, vnā excepit Aedem Lauretanam, quam nihilo secius, quam cæteris annis, illo quoque Romanæ celebritatis anno, ius suum obtinere voluit: ne Romana frequentia quicquam de Lauretana decerperet. Quin etiam Iubilæi anno circumactō, illam ipsam, quæ Romæ fuerat, Lauretano templo concessit Indulgentiam, quam etiam Romæ adepti denuo Laureti consequerentur, si præscripta fecissent. Inde orsus magnificum opus, & tali Pontifice, ac Lauretana maiestate dignum. Satis gnarus erat vias, quæ Lauretum ferebant, etiam in ipsa Pontificia ditioe multis locis esse asperas, angustasque; vix vt equiti, peditique expeditus pateret aditus. Pulchrum fore B. Mariæ Lauretanæ ratus est, itinera adeo lata, ac inunita esse, vt etiam quadrigis facile ac tuto adiri posset. Itaque præcipuas vias regio sumptu, prope ad veterem illam Romanorum magnificentiā, etiam per saxa ac rupes aperuit munivitque. Nem-

*Ann. Lat.
Riera.*

pe, vel in ipsis Apennini iugis via tanta est amplitudine, ut quadrigę inter se occurrentes sine periculo commeenr. Ita Pontifex perfecit (quod nisi factum videremus fieri posse nemo crederet) ut essedis, quadrigisque expeditus per Apenninos montes, ac iuga transitus pateret ex Vrbe, non solum in Picenum, sed etiam in Aemiliam, in Galliam Cisalpinam, in Poloniam, ipsamque Germaniam. Ergo ex remotissimis quoque orbis Christiani partibus plurimi rhædis, essedisque vehuntur Lauretum, inuitante itincribus commoditate, quos difficultas antea deterrebat. Inter hæc Saxatellus vijs præcipuis circa Lauretū laterculo, aut glarea stratis egregie ornatos addidit fontes, haud parua vel Lauretanæ peregrinationis decora, vel solatia peregrinorum.

Celebritas Lauretana sub annum Iubilei.

Cap. XXIII.

*Anna. Lauret.
Riet.*

Interim dum viæ sternuntur, anno M D LXXVI. qui Iubilei celebritate insignis extra Urbem fuit, tanta vis hominum confluit Lauretum, quantam nemo meminerat. Pompa utique adeo insignis, ut etiam posteris memorabilis sit futura. Quotidie septenæ, octonæque, nonnquam etiam denæ ciuitates, seu pagi, vicique distincti agminibus Lauretum veniebāt, argenteas coronas, ingentes cereos aureis, argenteisve nummis obritos, sacras vestes, calices, aliaque dona B. Mariæ ferentes. Et ordo, ornatusque venientium religionem spirabat. Sacra quippe sodalitates agminibus, insignibusque discretæ, non solum prælatis crucibus auro, argentoque fulgentibus, sed vexillis etiam conspicuis, & Angelorum, Diuorumque personis suum quæque agmen ornauerant. In singulis porro agminibus, alij nudis incedebant pedibus, alij flagris nuda, & cruenta sibi terga cædebant: alij Deo, ac B. Ma-

riæ

riæ non sine symphonia, solemnia canebant carmina. Cæterum inter omnes eminebant sodalitates Picentium, quæ sacras quâ priscorum, quâ recentium monumentorum historias interpositis personis referebāt: summaq. actorū venustate in Lauretani tēpli atrio gratissima, vel cœlestibus vel mortalibus præbebant spectacula. Oppidum est Piceni haud sane obscurum, cui S. Genesius ex histrione Martyr nomen dedit. Oppidani veterem Patroni sui laudem pie, sancteque æmulantes, inter omnes populos, piorum, spectaculorum, sacræque pompæ facile primas tenent. Horum circiter mille præter mulieres, inconditamque turbam, Lauretum petentes obuijs miraculo fuerunt. Pompa erat talis. Præbant eorum complures poenitentium habitu, cruciatuum, ac necis Christi Domini insignia præferentes, qui cilicinis induti faccis: capitibus aspersis cinere, nudis pedibus, tergis assiduo verberare laceratis, longo ordine procedebant. Hos tria deinceps sequebantur ornatissima sodalitia varijs distincta vestium, ac notarum insignibus: & quodque agmen cruces, ac vexilla adornabant argento, auroque fulgentia. Aequè autem omnia agmina accensis sodalium facibus collucebant: & longe, lateque percrepabant egregijs symphoniacorum choris. Proximæ ibant tres velut cohortes: prima vetera sacræ historiæ argumēta, ac mysteria referebat. Altera Euangelij, Ecclesiasticorumque annalium illustria documenta virtutum. Tertia martyrum, ac militantis Ecclesiæ decora, nobilesque de Tyrannis victorias. Et personarum, rerumque gestarum simulacra ita ad viuum exprimebantur, vt res non referri, sed fieri, gerique viderentur. Omnino non temporis causa ficta spectacula, sed vera, & suis temporibus præbita crederes. Extremum agmen claudebat currus triumphantis Ecclesiæ, insignibus, cuiusque generis ornamentis, ac mira rerum, personarumque varietate conspicuus. Christus rediuius triumphali curru sublimis eminebat, qui super orbem terrarum sedens, &

vndi-

vndique splendore collucens, sublata dextrâ obuijs populis benedicere videbatur. Circa eum symphoniaci pueri Angelorum faciem gerentes suauissimo concentu cuncta complebant. Currum porro vis ingens Martyrum, Diuorumque cuiusque ordinis, ac generis, virorum feminarum, Virginum coronata, cum victoriarum insignibus sequebantur, spectatorum turbam ad paria decora exemplis suis inuitantes. Sane tota actio non magis spectaculum fuit, quam inuitamentum pietatis.

Ioannis Austriaci eximia pietas in Lauretana Aede visenda.

Cap. XXIII.

*Ann. Laur.
Rer.*

*Ioan. Austr.
pietas & D.*

NEC illa tempestate Aedes Lauretana populorum spectaculis, quam procerum præsentia celebrior exstitit. Ioannes Austriacus vir Carolo Quinto Imperatore patre dignissimus, nec paterna gloria, quam sua virtute clarior, eodem ipso anno Lauretum voti causa aliquando perrexit. Is quinquennio ante aduersus Turcas nauali prælio dimicaturus Lauretanæ Virgini voverat, si superstes ipse partem de Barbaris victoriæ foret, Lauretum utique ad eam iturum. Cæterum voti compotem publica negotia alia ex alijs morata erant, quominus ante id tempus posset fidem exsoluere. Itaque cum Neapolim victrici classe tenuisset, non horror sæuientis hyemis, non publicæ, priuatæque negotiorum curæ, non procerum, populorumque preces flectere cum potuerunt, ut ne summa hyeme, itineribus glacie, ac niue obstitis, fluminibus passim turgentibus, Lauretum ad Beatam Virginem iter intenderet. Et horrida tempestas insigniorem pietatem optimi Principis fecit. Recinens portum equo prætergressus, ut procul Aedem Lauretanam conspexit, venerabundus caput aperuit, ac Deipa-

Deiparam Virginem salutauit. Inde velut alienato à sui eura ad cœlestis Reginę venerationem animo, nunquam neque imbris, neque cœli inclementia perpelli potuit, vt semel apertum operiret caput: adeo se caputque suum B. Virgini deuouerat, cuius præsidio se incolumem credebatur esse. Postquam ad sacram Aedem peruenit, totius ante ætæ vitæ noxis confessione expiatis, grates B. Mariæ ingentes agit: protinus vota persoluta satis magnæ pecuniæ cumulat dono. Comites insuper, & voce, & extemplo ad parem pietatis laudem accendit. Voti pietatisque munere perfunctus Neapolim regreditur, ingens Lauretanæ Virginis desiderium secum ferens.

Singularis pietas, ac munificentia Ioanna Austriacæ Magnæ Ducis Hetruriæ.

Cap. XXV.

NEC per id tempus Principibus viris feminæ nobilissimæ pietate erga B. Virginem cessere. Quadrienio ante (opus enim fuit rerum, personarumque ordinem sequenti, negligere non nihil ordinem temporum) inter initia Pontificatus Gregorij XIII. Ioanna Austriacæ Ferdinandi Cæsaris filia, eademque Francisci Magni Hetrurię Ducis vxor Lauretum petijt, diuturnam Virginis visendæ sitim explere cupiens. Ergo Pontificis iussu, tota Pontificia ditione, regio cultu excepta à Paulo Odescalco Atriensî, & Pennensî Episcopo, qui ad id ipsum ab Vrbe destinatus fuerat à Põtifice Max. ad optatissimam Virginis Aedē deducitur. Cæterum pia mulier sub Recineti mœnibus, Lauretana Aede procul conspecta, confestim vehiculo desiluit, ac submissis genibus Deiparam, enixe salutatur. Inde reliquum iter conficit pedibus, vniuerso comitatu Dominæ exemplum sequente. Lauretum intrauit in veste candida,

*Anna. Laur.
Rietæ.*

tenui-

tenuique, ex qua candor mentis eius eximius pelluceret. Inde etiam modestia eiusdem exstitit singularis. Nanque à duobus Episcopis in sacrosanctam Virginis introducta Domum, contemptis pulvinaribus, ac tapetis, super nudopauimento procumbit in genua: cæli Regem, reginamque illius domus olim habitatores, nunc præfides impense colit: manantibusque lacrymis veniam sibi, ac viro suo: ad hæc concors coniugium, virilemque insuper stirpem precibus exposcit. Solemnibus exinde expiata mysterijs, insequentem noctem totam supplex ante Beatam Virginem, impensius iteratis absumpsit precibus. Idem duobus consecutis diebus, totidemque noctibus fastidauit: tantum illi virium incensa pietas suggerebat. Discedens porro duo corda aurea aureis catellis ante B. Mariæ ora suspendit: siue vt monumento foreat, illam sibi, viroque suo esse cordi, siue vt Virgo author concordia: talem coniugis sui animum præstaret sibi, qualem suum erga illum sciret esse. Neque his contenta donis, ita discessit, vt fixum haberet, Lauretanam Virginem aliquo dono colere quotannis. Idq. quam diu vita suppeditauit, impensius etiã fecit, quam statuit. Argentea Christi crucifixi effigies præclara, cum ingenti cruce ex ebena, candelabra quatuor sesquicubitalia ex argento perbene facta, solennes Episcopi sacerdotis, ministrorū, aræque vestes ex auro argentoque bifariam crispante contextæ, & Phrygio insuper opere insignes: amictus quoque aurcus Beatæ Virginis mirabili arte conspicuus, alia porro aræ toralia, & sacrorum calicum vela opere Phrygio, gemmis, auro, argentoque distincta, Ioannæ Austriacæ sunt munera. Nec in irritum piæ mulieris preces, donaque cecidere. A peregrinatione Lauretana, ex coniuge stirps ei virilis fuit, maternæ pietatis effigies in spem paternæ, ac pene regis ditionis genita, quæ matri aliquandiu superstes popularium suorum animos ad spem haud dubiæ felicitatis crexerat. Cæterum subinde mater

extin-

*Codic. Laur.
Magnæ Du
cis Hetrur.
D. egregia*

extincta, & arcano Dei consilio matrem impubis filius secutus Hetruriam impleuit mœrore, luctuque. At Ioanna Austriaca non solum facto rem Lauretanam, ornauit, sed etiam exemplo. Haud ita multo post Margarita Austriaca (vt in eadem familia non magis virtutis ex viris, quam ex mulieribus pietatis exempla peteretur) Caroli V. Imp. filia, eademque Octauij Farnesij Parmensis Ducis vxor, Lauretanam Virginem adiit cum egregia nobilissimorum Procerum manu. Ibi Confessionis Eucharistiæque mysterijs rite perceptis, totum triduum diuinis in templo officijs semper interfuit. in augustissimo sacello haud diutius, quam enixius Deo ac Dei matri supplicauit. Ingentique auri vi in arcam coniecta, B. Virginem scdignis muneribus coluit.

Margarita
Austriacæ
D.

*Ducis Lotharingi vxor paralytica Lauretum delata
sanatur. Cap. XXVI.*

NEc Austriacarum mulierum, Italiæque ea propria laus fuit. Christerna, seu Christina Sueuorum regis & Caroli Quinti Augusti sorore genita, eademque Dux Lotharingæ, femina exstitit virili virtute, eximiaque pietate. hæc magno iam natu, quamuis ætate, ac paralyti impedita, voti causa Lauretum venire constituit. Nec vnquam passa est, id sibi votum, suorum rogatu à Pontifice cum alijs pietatis officijs cōmutari, adeo ardens erat Lauretanæ Virginis visendæ cupido. Lectica igitur cum regio pene comitatu in Italiã, Picenūque delata pergit ire quo destinarat, satis fidens ab se valetudinem B. Mariæ operi recuperari posse. Ergo in sanctissimæ Domus aditu, non cœlestem modo lætitiã hausit animo, sed pristinam quoque recepit corporis sanitatem. Illa membrorum, quibus capta erat, vsum ac vires extemplo sibi redditas sentiens, primum præter morem, sine vllō adminiculo institit pedi-

Ann. Laur.
Rier.
Vist. Brigæ.

Duo precipiti ruina ex equo periclitantes à morte reuocantur. *Cap. XXVII.*

Minus illustre si personas conferas, sin res ipsas, magis admirabile existit, quod paucis ante annis acciderat. D. Susanna Iacobi Thainonii Cortauellensis equitis nobilis coniux fuit. hæc ab equo cui insidebat excussa, afflictaque ad terram, ad vltimum periculum venerat. Namque ossibus, quæ fractis quæ luxatis, omnes amiserat sensus. Ad hæc membra vitalis penè destituerat calor. Itaque desperata à peritissimis medicis corporis salute, Sacerdos salutem curabat animi, moribundam de more Deo Diuisque commendans, & lustrali subinde respergens aqua. Interim Iacobus carissimæ vxoris vicem sollicitus, templum proximum intrat. Ibi positis genibus, oculos pariter manusque tollit in cælum: lacrymansque enixe Lauretanam inuocat Virginem: votum precibus miscet, se ad Lauretanam Aedem iturum, si sua ope seruet eam, quã nullã vis humana seruare possit. Nèc irritum fuit votum. Vix dum plane id vouerat, cum mulier habere melius cœpit; ac breui confanatis diuinitus ossibus membrisque conualuit. Eques igitur voti memor anno M. D. LXXV. (qui anno Iubilæo celebris & insignis fuit) Lauretanam cum vxore contendit. Laminamque argenteam cum Lauretanæ Virginis effigie, quam hinc viri, hinc mulieris imago supplex orat, votiuum donum Deiparæ tulit. Additus laminæ titulus, qui totam rem breuiter exponit, miraculi ad posterum monumentum. Hæc aliud consimile eodem fere tempore. Nicolaus Pauonius ciuis Catacensis nobilis erat. Is cum equos exercereturi inter aequales, corruente ab rapido cursu equo, effusus in terram confRACTO corpore, brachio etiam comminuto iacuerat exanimis. Exspiranti similem famuli excipiunt, domumque referunt haud sa-

*Ann. Laur.
Riev.
D. Susanna
Thainonia
à morte reuocatur.*

*Nicolaus
Pauonius
ab interitu
liberatus.*

tis compotem mentis. Adhibentur confestim medici, qui mali magnitudine victi, actum de illo esse pronunciant. Pauonius ergo amicorum suasu, B. Mariam Lauretanam implorat, vouens salute recuperata, ad eam salutandam esse venturum. Votum iucundissimus somnus exceperit. In somnis Lauretanæ Virginis obuersata species, quæ affectos iacentis artus manu contrectâs repente sanaret. Haud vanum fuisse somnium ostendit euentus. Nicolaus è somno euigilans, membra per sanata comperit. Extemplo igitur exilit lætus è lectulo, Lauretum accurrit, votum exsoluit.

Quidam ex inimicorum manibus ereptus, quamuis duodecim mortiferis plagis acceptis, diuinitus sanatur. Cap. XXVIII.

Anna Laur.
Riv.

SEquitur aliud in alio genere, admiratione præcipuū. Ioannes Philippus Ambrosius Neapolitanus tenui re, sed magna religione erga B. Virginem fuit. Is anno huius seculi LXXVIII. inermis inciderat in armatos inimicos, à quibus quam tumultuosissime circumuentus cadebatur ad necem. Iam vulneribus confossus haud procul exitio aberat: nec quisquam opem misero ferebat & illi animis, armisque infesti non prius cadendi finem facturi erant, quam penitus extinctum cernerent. Ambrosius ergo media iam in morte, Lauretanam Virginem venerabundus inclamat. Nec frustra missæ preces. Extemplo è saeuientium manibus diuina vi ereptus præsentem interitum euadit. Ipsemet (quod postea narrauit) sublimem inde se diuinitus auferri sensit ad teli iactum: ubi exceptus à notis, ex sanguis ac semianimis defertur domum. Nec tamen vitæ discrimen euasisset, nisi nouam in eodem periculo Beatæ Mariæ sensisset opem. Duodecim numero acceperat plagas, plerasque mortiferas, quibus inspectis medici de eius salute penitus desperarant. At ille coelestis

B. Mariæ in
media mor-
te præsidium.

stis opis modo expertæ memor, tantum miraculum haud frustra esse credidit. Itaque vnde auxilium aduersus tela inimicorum adfuerat, indidem medicinâ vulneribus sperare cœpit. Ecce nouum miraculum: B. Virgo impensius ab illo implorata, coelestem plagis facit repente medicinam. Ergo ille omnium opinione mortuus, repente sanus vegetusque surgit è lecto. Lauretumque profectus, vota persoluit, illustre Lauretani auxilij documētum; bis quippe vno tempore à mediâ morte reuocatus. Proinde à notis, ignotisque non iam Io. Philippus appellabatur, sed Lâzarus rediuiuus.

Mater, & filia à morte, alij ab alijs morbis liberantur. Cap. XXIX.

HAud maior in vulneribus, quam in morbis sanandis, per ea tempora Virginis Lauretanæ vis exstitit. Melido quidam fuit è Vasto vrbe Samnitium; cuius vxor, & filia graui, diuturnaue febri pariter afflictæ iacebant mortî proximæ. Iamque sacris candelis ad capita earum de more accensis, simul ambæ agebant animam; cum Melido, qui vtramque vnice diligebat, vltima experiri statuit. Igitur dolore ardens procumbit in gênuâ: & manantibus vbertim lacrymis, Lauretanæ Virginis opem implorat: supplicationi votum addit, plurimum in Deiparæ benignitate spei reponens. Et spes nequaquam eum fefellit: mira res. repente coniux, & filia periculô exemptæ, paucisque diebus perfanatæ. Inde à Melidone Lauretum adductæ, vota pro ipsarum salute suscepta Deiparæ Virgini reddiderunt, anno M. D. LVIII. Insecuto anno Ioannes Petrus Florentinus ex Anna Bassa Vercellensi coniuge sua filiolsam genuerat, vtroque lumine penitus captam. Qua baptismo ritæ lustrata, Anna mater Lauretanam Virginem enixe inuocans vouet, si puellæ vnus saltem oculi vsus

Cæcæ infan-
tilumē red-
ditur oculo-
rum.

Puero tran-
suerfum, &
exsecutur
ex gutture.

Podagrinus
liberatur.

li vsus redderetur, eam abse Lauretum primò quoque tem-
pore delatum iri. Id votum B. Mariæ cordi fuisse statim
apparuit. Extemplo nulla humana ope infans cæca altero
videre oculo cœpit. Mater ergo voti haud parum me-
mor, impigre Lauretum petit, luscā gestans filiam sinu
materiem noui miraculi, nō solum veteris testem futuram.
Quo propius Lauretanam accedebat Domum, hoc melius
puella cernebat. Itaque postquam gratulabunda sacrosan-
ctam Virginis intrauit cellam (is dies fuit III. Non. Maij
anno huius sæculi LXXXI.) dextro oculo plane vide-
bat: iamque etiam sinistro videre cœperat: adeo Deus Dēi
que parens vota exsuperant piorum. Sequitur aliud in di-
spari genere non dispar fortasse miraculum. Angelo Ber-
nardinio ex Aemilia, paruus erat filius, cui inter edendū,
os (ex carne opinor, id enim non traditur) transuersum
hæsit in gutture, adeo quidem pertinaciter, vt nulla hu-
mana ope excuti posset: & tumorem gutturis consecuta
febricula puerum acrius vrgebat. Iam puer exigua in spe
trahebat animam, cum pater carissimum filium moribun-
dum intuens, obortis lacrymis Lauretanam Virginē sup-
pliciter implorat. Nec mora, puer extussito osse, diuinitus
imminent periculo eripitur. E vestigio à patre Lauretum
aduectus B. Mariæ sistitur. Ibi dum votum exsoluit (vt cu-
mulatum foret beneficium) febricula etiam, quæ ex mor-
bo erat reliqua, liberatur. Excipit aliud vsitatus, sed ta-
men non omittendum. Petrus Maria Florentinus diuti-
nis podagræ doloribus confectus, adeo iam captus erat pe-
dibus, vt sine adminiculis (cruces appellant) reptare non
posset. Tandem igitur damnata medentium ope, Laureta-
nam Virginem enixe inuocat. Nec frustra preces fuerunt.
Protinus depulso diuinitus morbo, vsus recuperat pedū,
& Lauretum profectus gratias agit Virgini. Inde cruces
ipsas, quibus æger subniti assueuerat, apud sacrosanctum
facellum suspendit miraculi argumenta.

Tres Ciuitates pestilentia liberantur.

Cap. XXX.

Idem temporibus Lauretana Virgo non magis ciuibus
singulis, quam vnuerfis ciuitatibus præsens in malis
auxilium tulit. Anno huius seculi LXXVII. atrox morbi
vis contagione vulgata, totam pene Siciliam peruasera-
lamque nobilissimæ vrbes continuatis prope funeribus ex-
haustæ, horrenda superstiribus præbebant spectacula. Ibi
Panormitana ciuitas ingruente lue, coelestem iram placa-
re institit, ita voto, & imploratione Lauretanæ Virginis,
periculum euasit. Et votum cum fide exsoluit. Exstat ho-
die lamina ingens argentea librarum fere nouem, vbi B.
Mariæ Lauretanæ tecto insidentis expressa effigies visitur.
Cui præclara imago Panormitanæ vrbs subiecta talem
præfert titulum, depulsæ luis indicium. Panorm. pe-
stil. liberat.
EOELIX CIVITAS PANHORMI TRINACRIAE METR.
B. VIRGINI LAVRETANAE DICAT.
EIVS PATROCINIIS A PESTE LIBERATA,
AN. SAL. M.D.LXXVII: Panormita-
norum D.

Biennio ferme interiecto, Anicia Galliar vrbs non
ignobilis, triduo distans à Lugduno, in grauiore etiam pe-
riculo par Lauretanæ Virginis experta est præsidium. Diu-
tina vrgente pestilentia, colonis, ac ciuibus pene exhau-
sta haud procul exitio abesse videbatur. Itaque ciues, qui
bus adhuc lues pepercerat, tam atroci, pertinacique ma-
lo conterriti, commodissimum rati sunt, per Dei matrem
placare iratum Deum. Communi ergo consilio, solenne
Lauretanæ Virgini votum nuncupant: stratique passim
in templo veniam delictorum, finemque morbo precibus
exposcunt. Nec frustra. Nuncupationem voti ciuitatis
sanitas est consecuta: mali infesta vis prosligata: pristina
ciuitati facies reddi coepta. Annicen-
sis Dona.

Lugdun. pe-
stil. liberat.

Lugdunen-
sum Don.

Venusinæ
Princip. D.
Sfortiz Pal-
lenic. D.
Card. Abal-
taemps. D.

Comit. Bri-
atici D.
Card. Est.
Don.
March. Va-
sti D.
Princ. Sul-
mon. D.

Card. Riarij
D.

dona publice per certos homines missa cum publico testi-
monio, quod monumentum foret, & voti ab Anicienti-
bus facti, & morbi Virginis ope depulsi. Nec Lugdunen-
sis ciuitas Galliarum clara in primis, ac nobilis, aut commu-
nis cladis expers, aut Lauretani præsidij exfors fuit. Fœ-
da namque lue clara iuxta, & obscuras domos populante,
te, inopes humani auxilij Magistratus ad Deum, Deipa-
ramque populum, ac vota verterunt. Publice voto pro ci-
uitatis salute suscepto, Lauretanæ Virginis imploratur au-
xilium. Ex templo audire preces. ægri sanati, pestilentia
discussa. Ergo anno M.D.LXXXI. ab grata ciuitate vo-
tuum donum B. Virgini mittitur, nec ciuium religione,
nec amplitudine vrbs indignum: calix ex argento calato
inauratus, non minus opere, quam magnitudine inter cæ-
teros eminens. Alia præterea dona haud exigui precii,
magna, & Lauretani auxilij, & Lugdunensis pietatis ar-
gumeta. Inter hæc Roberto Saxatello Pisaurési Episcopo
creato, Iulius Amicus sublectus, qui & si parū latis ob Lō-
gobardiarum pestilentiam temporibus vsus, tamen Laureta-
nam Aedē nō parū ornauit. Per id tempus sacra supellex,
& instrumentū Aedis satis auctum. Venusini Principis con-
iux oculos aureos, & coronam argenteam misit. Sfortia
Pallanicinus triremem argenteam pondo librarum quin-
que. Cardinalis Sirticus Abaltaemps pro recuperata pue-
ri propinqua cognatione iuncti salutē, eius imaginem
ex argento expressam decem pondo. Delia Sanseuerina
Comes Briatici lychnum argenteum pensilem sane egre-
gium pondo xxvi. Cardinalis Estensis cor aureum, Mar-
chionis Vasti coniux argenteam arculam librarum fere
xvi. Vxor Principis Sulmonensis pollubrum, & vrceum ar-
genteum operis, ac ponderis non poenitendi. Cardinalis
Riarius crucem auream specie, ac precio nobilem. Mitto
minora omnia, quæ referre operæpretium non ducimus.

FINIS LIBRI. QUARTI.

HORA.

217

HORATII TVRSELLINI
E SOCIETATE IESV
LAVRETANAE HISTORIAE
LIBER QVINTVS.



Card. Vrbinatis, & aliorum Principum Dona.

Cap. I.



VBINDE Lauretanæ Domus opulentiam Patroni mors ac pietas cumlavit. Cardinalis Vrbinas ne minus liberalis moriens in Lauretanam Virginem esset, quam viuus fuerat, testamentum sacram sacelli sui supellectilem luculentam in primis, & copiosam B. Ma-

*Card. Laur.
Viti. Brig.*

riæ magna legauit ex parte. Missa igitur ab hæredibus crux argentea præclara cum binis candelabris egregio opere factis. Pontificales amictus duo ex veste Attalica: totidem altarium, ac sacerdotum sacris operantium vestes ex aureo textili: toralia insuper, & sacrorum calicum velamina, Phrygio opere, auro argentoque distincta. Ad hæc sacra ara mobilis (petram sacratam vocant) è gemmis compacta: calices aliquot aurei, bini vrceoli argentei cum suo pollubro pulcherrime cælati, aliaque generis eiusdè, haud obscura Roburæ munificentia argumenta. Porro Vrbinati Cardinali in tutela Lauretana, successit Cardinalis Moronus. hic Vincentium Casalem Lauretanæ rei administrationi præposuit, spectata pietate ac fide virum. Quo Præside Lauretanum instrumentum, ac supellex haud par-

*Card. Viti.
D.*

*Card. Moronus Laur.
Patron.*

Ec ua

March. S.
Crucis D.

Archid. Au-
striae D.
Bavar. Duc.
filiae D.

March A-
quaviuæ D.

Albert. Ba-
var. Ducis
Donum Je-
gregium.

Amadei Sa-
bau. D.

Virginiae
Sabel. D.

Constantiae
Carrettæ
Donum.

Card. Ma-
druc. D.

Card. Au-
striaci D.

ua incrementa cepit. Lychnus egregius cum subiecta pa-
tina ex argento librarum xv. vasculum item odoramen-
tarium argenteum Marchionissæ S. Crucis munera fue-
runt. Caroli Archiducis Austriae numisma aureum suo
nomine inscriptum. Maximilianæ Bauari Ducis filiae co-
rona delicijs magis quam precibus assueta è succino pre-
cioso, auro gemmisque discreta: crux aurea gemmis cæ-
latisque operibus insignis, & aliæ præterea gemmæ. Al-
berti Marchionis Aquaviuæ effigies argentea in suppli-
cantis formata morem, decem pondo. Alberti Bauariæ
Ducis crux ingens smaragdina, auro pyropisque exorna-
ta, & crystallino quasi monti imposita. Duodecim aureo-
rum millibus æstimatam ferunt. Et munus per se insigne
mittentis dissimulatio insignius fecit. Satis constat, hoc
regale donum vulgaribus inuolutum linteis per obscurum
hominem esse latum, suppresso donantis nomine. Itaque
diu author tam eximij muneris homines latuit. Cæte-
rum Dei utique nutu, cui non magis eximium donum,
quam donantis egregia moderatio cordi fuerat, tandem
doni author proditus, haud minore cum laude regis mu-
nificentiae, quam Christianæ modestiæ. Amadei Dyna-
stæ (is Emanuele Philiberto Duce est genitus) imago
sua in argentea lamina expressa, & auro ac gemmis in-
clusa, donum est. Virginiae porro Sabellæ Vitelliae effi-
gies votiua ex aurea lamina, jebeno inclusa, holoserico
villosa substrato. Constantiæ Carrettæ corona aurea gem-
mis, vnionibusque conspicua. Cardinalis Madrucij au-
rea fibula ingens (quasi Cardinales Episcopi uti in Pon-
tificali amiculo solent) tribus margaritarum acervis, in-
star nodorum, nobilis. Cardinalis Austriaci crux aurea
aureo insidens monti, gemmisque distincta clarissimis.
Hæc egregia nobilium virorum ac mulierum dona. Alia
porro vulgaria, aut ignotorum, quæ per censere nostri in-
stituti non est. Vnum tamen huius generis non tam pre-
cio, quam precatione donantis insigne, non queo reti-
cere.

cere. Aureus annulus egregia smaragdo insignis reperi-
tus in calice, donum hominis ignoti mortalibus, noti coe-
lestibus, cum hisce verbis in scheda inscriptis.

VIRGO SINGVLARIS. MITES FAC ET CASTOS
O AMOR QVI SEMPER ARDES, ET NVNQVAM EXTINGVERIS
ACCENDE ME, SVSCIPE ME SERVVM TVVM B.

Lauretani templi cultus augetur.

Cap. II.

CAsalis interim Præses pro suo munere, Lauretanæ
dignitatis studio flagrans Canonicorum, clerique
vniuersi studia accendere omni ope institit. Ille alternis
hortando rogandoque nunc singulos, nunc vniuersos ad
sua munia incitauit. Ille non dictis magis, quam (quod
efficacissimum suadendi genus est) factis & exemplis per-
pulit ad sedulam Deo Deiparæque operam in augustissi-
ma illorum æde nauandam. Nam cum omnia Canoni-
corum officia siue canendis diuinis laudibus, siue confes-
sionibus audiendis, Præses ipse obiret primus; Canoni-
cos cæterosque pudor haud segniter stimulabat. Ita
quamuis multiplicato labore, haud inuiti sequebantur
Præsidentem præeuntem. nemine detrectante munus, quod
ille occupasset. Et Casalis sedula fidelique eorum opera
usus, egit transegitque cum Patrono, ipsoque Pontifice,
vt auctis Lauretani Cleri laboribus, stipendia pariter au-
gerentur. Cum stipendio cunctorum etiam sedulitas cre-
uit. Canonicis nouo munere ad amplificandum templi
cultum incitatis, Poenitentiarios linteis vestibus super-
indutos sericis infulis (stolas vocamus) ornanit. Ex
quo non plus ipsis, quam templo decoris accessit. Duo-
decim inde pueris sacrorum ministris ab se institutis ru-
bræ vestis insigne dedit. Et quia vetus odeum aucto Sa-

*Ann. Laur.
Riv.*

Odeum a
Bisn. Prin.
ornatum.

XII. Apost.
simula. arg.

Phil. Erig.
Hist. Laur.
ocho linguis
mandata.

cerdotum, symphonicorumque numero, erat angustius; nouum multo amplius, multoque commodius instituit ornauitque, sumptu Bisinianensis Principis. Id nunc Odeum vsurpatur, pulcherrime laqueatum, præclaris tabulis pictis, exedrisque visendum. Ad solemne insuper aræ ornatum, duodecim Apostolorum simulacra ex argento sesquicubitalia egregio opere fecit. Fama est conflata omnia ex votiuis imaginibus argenteis iam vetustate exoletis; singula vero simulacra esse pondo circiter sexaginta. Ex quo coniectari licet, quanta tandem fuerit talium imaginum copia, quæ summam efficeret septingentarum, ac viginti librarum: quanta sit etiam hodie illiusmodi donorum vis, ac multitudo. Illud verò præclarum, ac frugiferum Casalis inuentum, ut omnium nationum aduenis Lauretanæ historiæ cognoscendæ copia foret, eius capita à Teremano Præfide olim edita, in octo præcipuas linguas Græcam, Arabicam, Hispanam, Gallicam, Germanam, Illyricam, Latinam, Italicam vertenda curauit. Eademque in totidem ingentibus tabulis descripta medio proposuit templo, non minus decorum ratus B. Mariæ Lauretanæ Domum ab omnibus gentibus, quam historiam linguis omnibus celebrari.

Collegium Illyricum instituitur. Peregrini præsertim illustres laute tractantur.

Cap. III.

Phil. Brig.

AT Gregorius Pont. memor eius, quod initio Pontificatus imbiberat, Lauretanæ Domus, reique Christianæ amplificandæ, ut Romæ atque alibi diuersarum nationum; ita Laureti Dalmatarum Collegium instituit, ingens afflictæ nationi, vel auxilium, vel solatium. Quippe tricenos ibi adolescentes litteris; bonisque moribus instrui iussit, haud maiori genti Illyricæ adiumento, quam

quam Aedi Lauretanæ ornamēto futuros. His ex arca Lauretana stipendium, certasque ædes, vbi ante erat Nosocomium assignauit, nouo Nosocomio alibi excitato. Illyrici alumni festis diebus in templo linteati sacris solemnibus adesse, ac ministrare iussi: iisdem Patribus Societatis Iesu in disciplinam traditi. Porro in sacri cultus curam intentus Pontifex, Musicum organum alterum condidit, sane multiplex, ac varium, & auro picturisque conspicuum. Ex eo tempore bina egregia organa in templo Lauretano esse coeperunt, Iulianum, & Gregorianum, quo maior concentuum varietas solemnia sacra decoraret. Cæterum Cardinali Morono vita functo, Vastauillanus Cardinalis sororis filius à Pontifice subrogatus. Qui Vincentio Casali Massæ Episcopo designato, Vitalem Leonorium sublegit, Laureti Præsidentem non poenitendum. Is quippe, vt erat homo industrius, sedula agrorum cultura Lauretanæ Domus vestigalia auctiora fecit, ac benignitate in pauperes peregrinos nihil remissa, in Procerum hospitium lautum ac liberale curam intendit. Itaque nouum, egregiumque conclaue, quod nuper in Pontificijs ædibus extructum erat, magnifice ad hoc ipsum ornauit. Ibi Principes viros excipiens, quæcunque ad hospitalitatis munus pertinebant, summa cum cura exsequebatur. Ita omnes læti domos redibant liberaliter se Laureti habitos, cultosque memorantes. Et ea res fructuosa etiam Lauretanæ Domui, non solum decora Beatæ Mariæ existit.

Vital. Leonorius Pres.
Lauretan.

Hospitalit.
Laur. Dom.

Ducis Gioisæ, & Regis Gallie pietas, ac munificentia in Aedem Lauretanam.

Cap. III.

NVnquam alias ante plures diuersarum gentium Proceres Lauretanam Aedem præsentia sua, ac muneribus

Vit. Brig.

ribus coluerunt. Author est Victorius Brigantius (is Lauretanus sacerdos assiduus, ac pius appendicem scripsit Historiæ Lauretanæ) complures per id tempus Dynastas cum donis venisse Lauretum. Gioiosæ Dux Deiparæ salutandæ studio ex Gallia Lauretū profectus, haud minora liberalitatis, quam religionis signa præbuit. Quippe octo dies totos cultui B. Mariæ, & admirationi Aedis Lauretanæ dedit, quo temporis spatio ter in augustissima Virginis cella pastus est cœlesti dape. Discessurus autem quatuor aureorum millia in arcam coniecit munificentia memorabili. Nec eo contentus munere, cum ex vrbe Roma Pontificem de more veneratus diuertisset Florentiam, parum auri summā denuo Lauretanæ Virgini donum misit. doni appendix bini argentei lychni ingentis ponderis fuisse, qui assidue ante B. Virginem ardentes eximiam, ac pene regiam testantur munificentiam Gioiosæ Ducis. Hęc pecunia Lauretanarum ædium, quas Principibus viris excipiendis destinatas diximus, bonam condidit partem, eam scilicet, quæ è regione templi Lauretani perducta quidem ad culmen, sed rudis adhuc, & impolita hodie cernitur. Nec regali Galli Ducis munificentia Rex ipse Galliæ cessit. Henricus III. cum Lauretanam Virginem publicis implicatus negotijs visere, ac muneribus colere ipse non posset; Lusianum vnum ex proceribus Galliæ suo loco ad eam destinavit cum regali munere, anno M. D. LXXXIII. Donum votivum scyphus egregius erat Virgini, vt virilem regi regnoque stirpē impetraret, munus & materia & opere maxime insigne. Scyphus ipse è gemma excavata. lapidem lazuli hodie vocant, veteres saphirum (vt quibusdam placet) appellabant. hæc gemma eximia magnitudine est, & aureis internitet venis. Operculum scyphi crystallinum tornatile, quod auro circumclusum clarissimæ gemmæ distinguunt. Porro in summo operculo Angelus aureus Gallici regni insigne lilium, adamantinum sustinet manu. Constat quippe lilium ex

tribus

Rgis Fran
ciæ Dregre.

tribus adamantibus auro mira arte illigatis . scyphi pes smaragdinus auro obducitur , atque substernitur , circa gemmis eximijsque vnionibus adornatus . In Ipsa smaragdini pedis solea , quam auream esse diximus , doni author & causa his litteris incisa .

VT QVÆ PROLE TVA MVNDVM REGINA BEASTI
ET REGNVM , ET REGEM PROLE BEARE VELIS
HENRICVS III. FRAN. ET POLON. REX
ANNO M. D. LXXXIV.

Cæterum occulto Dei consilio preces interdum non audientis ad voluntatem , vt audiat ad salutem , donum ratum , votum irritum fuit .

Alia Gallorum Dynastiarum numera .
Cap. V.

DVX inde Humalæ , vnus è primoribus Galliæ Dynastis , Lauretanam Aedem accessit . Ibi solemnibus mysterijs rite procuratis totum fere quadriduum in augustissimo sacello B. Virginis supplex exegit precibus . Deum Deipara muneribus culta , discessit . Egregium Ducis Pernonij munus subinde Lauretum affertur , memorabili quidem insigne miraculo . Dux Pernonius è Vasconia Lugdunum ad Henricum Galliæ Regem tendens , in via Gioiosæ Ducem offendit eodē petentē . Itaque salute data acceptaque , ambo pariter iter facere coeperunt . Ventum erat ad angustam in præruptis rupibus viam , cum Pernonij equus factus est insolentior , & equi insolentia in Donini caput vertit . Pernonius obstinate se erigentem , iactantemque equum cohibere connixus , de altissima rupe agitur præceps . Pro mortuo sublatus in proximam Lugduno villam propere defertur . Hic omnium amicorum carissimus erat Regi . Rex igitur trepido nuncio excitus accurrit , totamque ibi transigit noctem , summa ope reme-

Vitt. Brig.

Ducis Pernonij casus

remedia amicissimo viro adhibenda curans . Et Gioiosa vicem amici sollicitus, pro eius salute Lauretanæ Virgini votum suscipit . Nec frustra id fuit . Paucis horis interiectis, Pernonius liberius iam meante spiritu, alleuare oculos cœpit . inde paulatim redeunte animo , circumstantes amicos agnoscere . Ibi Gioiosa, vt illum mentis compotem, laxataque morbi vi, magnitudinem mali sentire vidit , accessit propius : & bono animo esse iussum monet, magnam vt concipiat spem, sibi Beatæ Mariæ Lauretanæ opem affuturam , cui ipsemet paulo ante pro ipso vota fecisset . Rogitat deinde vtrum id votum ratum habeat . Ille cum voce assentiri non posset , capite annuit . Incredibile dictu. paucis horis sensus omnes cum voce pariter recipit . paucis diebus e lecto surgit incolumis . Ergo beneficij satis memor , certum hominem suo loco ad exsoluendam voti religionem destinat exinde Lauretum : per eum binos solido ex argento angelos cubitales dicat , qui ad pedes B. Mariæ hinc , & hinc accensis perpetuo cereis lucerent , monumentoque essent posteris, Lauretanæ Virginis ope redditam sibi huius lucis vsurâ . Hanc Gallorum Principum pietatem æmulata Claudia Turnonia, arcis Turnoniæ effigiem argenteam misit , seruata ne arcis votinum donum , an voluntarium tutelæ Virginis conciliandæ? dono inscriptum .

HOC ARCIS TVRNONIAE.

Marchio Badensis brachio captus ex vulnere diuinitus perfanatur .

Cap. VI.

Viſſ. Brig.

HAud minor Germanorum Principum in Lauretanam Virginem pietas exstitit, quam Gallorum. Iacobus Badæ Marchio, ex vulnere, quod in Colonienſi tumultu plumbea grande ictus in brachio acceperat , ad ultimum

timum venerat vitæ discrimen . Itaque Beatam Mariam Lauretanam , celebre etiam illis locis nomen , implorat vouens , se, si salutem recuperasset , Lauretum ad eam cum donis iturum . Nec frustra id votum fuit : mox periculo mortis eximitur : breui etiam sanatur , sed ita ut brachium graui vulnere impense læsum, nisi toto corporis trunco , mouere non posset . Igitur simul voti exsoluendi cura, simul recuperandi brachij spes eum ad Lauretanā Virginem adeundam stimulabant . Lauretum se contulit , anno huius seculi LXXXIII. Biduo ante natalem Christi diem . Occultum omnibus suum volebat aduentum . Idcirco octo dumtaxat famulis comitatus venerat . Augustissimum sacellum ingressus, B. Virgini pro recuperata salute enixius grates agit: votiuūque custodibus donū tradit : rogantibus nomen silentio suppressit . Inter dona fuit aureū sacerdotis amiculū, & ex aureo torque pendens hyacinthus eximia magnitudine , ac specie . præcipuum donum aurea veluti pyxis, mira vndique arte cælata . binos fere palmos circuitu amplectitur : & conchæ maris instar bipartita , partibus inuicem nexis , aperitur , clauditurque . Intus Marchionis effigies B. Mariæ supplicantis , salutisque per eam partæ monumentum : extrinsecus in altera parte S. Georgij, ex equo Draconem hasta figentis pulcherrimè cælata , & distincta gemmis imago : in altera simulacrum Susannæ in lauacro à senibus depræhensæ , eodem opere , ac specie . gratum vsquequaque visentibus spectaculum . At Marchio ut vetus votum exsoluit , nouo se obligat voto , si valetudinem integram recuperet ; & adijcit voto preces . In sacrosanctam Deiparæ cellam identidem regressus , expertum eius implorat auxilium : rogitat , ut suum beneficium absolutum, ac perfectum velit , reddat brachium , cui reddiderit vitam . ita demum cumulatam , & valetudinem futuram , & gratiam . Inter has preces illo biduo absumpto, cum bona spe in hospitium recipit se sub solis occasum . Nec sua illū spes frustra

March. Ba-
denfis. D.

Cod. Laur.

ta est : Nox erat Christi natalis , & Marchio cubitum ierat : Ecce tibi tertia fere vigilia , B. Virgo candida in veste collucens , se illi offert in quiete ; & bonum animum habere iussu , brachium manu præhensum extendit illico sanatusque . Confestim ille somno expergestus , ac rei miraculo motus famulos inclamat , lumen propere inferri iubens . accurrunt impigre illi , illatoque lumine quid tandem rei sit rogitant . tum Marchio , quæ dormienti species obuersata sit , enarrare : brachium Dei , ac Deiparæ dono sanum ac vegetum ostentare famulis attonitis rei nouitate , ac miraculo . Protinus cuncti pariter venerabundi Dei clementiam verbis efferre , B. Mariæ beneficium prædicare , coeperunt . Haud facile aliud miraculum magis evidens , testatumque . Marchio ipse ubi primum illuxit , Lauretano Præsidi totam rem ordine , vti gesta erat , exposuit . & ille tantam rem haudquaquam negligendam ratus miraculum rite consignandum litteris , subscribendumque à testibus curauit . Notatum etiam hospitium ubi res accidit , nimirum id cuius insigne est Vrsus , & cubiculum ipsum requirentibus hodie monstratur . Marchio igitur gratijs Deo , ac B. Mariæ impense actis , Romam iter intendit . Quo ut venit , Gregorium Pontificem adit , rem omnem enarrat : bis expertam Lauretanæ Virginis opem miris extollit laudibus . Addebat miraculo fidem persona narrantis . Nam Marchionis , utpote Lutheranae disciplinæ innutriti , animum constabat ab eius sectæ erroribus intactum non fuisse : sed iam apparebat eum de Catholica religione , Christi que Vicario recte sentire . Itaque Gregorius multiplicis miraculi admiratione pariter , lætitiaque perfusus , Marchionem omni honore coluit . Vulgata inde res per Urbem , cunctorumque sermonibus celebrata . per eam occasionem Lauretanæ Domus religio aucta . Porro Marchio Germaniā repetens rursus Lauretanam Virginem reuisit , iterum de tanto beneficio grates agit . Domum inde regressus , magno religioni adiuuen

to fuit; utique apud eos, qui Marchionem ex vulnere captum brachio nuper viderant, tunc diuinitus persanatum videbant: Et ipse dictis, factisque negotium summa adiuuabat ope. Vbicumque opus erat, geminum in suo duplici incommodo Deiparæ auxilium memorabat, Lauretanam Virginem laudibus in coelum ferens. Ita porro vitam ipse instituit, ut omnibus esset innocentia, ac pietatis exemplum. Valuit Principis autoritas præcipue apud populares suos. Complures eorum ad auitam religionem reuocati: dubij confirmati. multa etiam ab eo præclare instituta, genti suæ salutis futura, nisi immatura mors consceleratum fraude (ut creditum est) acceperat, optimi Principis salubria consilia oppressisset. Ceterum illo extincto, iacta ab eo semina vigere dicuntur, quæ vberes fortasse suo tempore fruges, Deo propitio, fundent.

*Eximia Dona, ac pietas Gulielmi Bauariæ Ducis,
& aliorum Principum Germaniæ.
Cap. VII.*

CONSTANS tam euidentis in nobilissimo Principe miraculi fama Germaniam peruagata, plures Dynastarum ad visendam, ac muneribus colendam Aedem Lauretanam accendit. Horum Gulielmus Bauariæ Dux primastulit, vir vel opibus, vel pietate Germani nominis longe princeps. Hic Marchionis Badensis consobrini sui valetudine mire lætus, & paternæ in Virginem Lauretanam munificentia satis memor, regalis opulentiæ dona partim misit Lauretum, partim attulit. Inter dona missa erant equus generosissimus, laminaque argentea ebena inclusa, ubi B. Mariæ Iesum puerum gremio gestantis, Iosepho fugæ comite in Aegyptum, effigies expressa cernitur. Candelabrum item argenteum pensile, non magis pondere,

Viss. Brig.

*Codic. Læuv.
Duc. Bauar.
tiz D.*

Ff 2 quam

quam operę egregium. pondus est librarum LXXX. opus autem eiusmodi, ut quatuor & viginti veluti rami ex eodē emineant trūco, scite omnes venusteque dispositi, adeo ut totidem cereos satis laxę sustineant. Ergo id candelabrum in ipsa Virginis cella perpetuo ante eius effigiem pendet. nobile omnino Bauari Ducis donum; sed hoc nobilius, quod donatum venit. Dotis nomine perpetuum assignatum à Duce stipendium, ut quotannis per quadragenos dies festos ac solemnes, candelis vicens, & quaternis candidis B. Virgini luceat. Inde Dux ipse sua munera secutus: & quatuor dumtaxat comitantibus, Lauretum mutatis subinde equis cucurrit ignotus. Annus agebatur M. D. LXXXV. Eximia tanti Principis modestia pietatem quoque insigniorem fecit. Namque humanas aspernatus delicias, ut diuinas liquidius hauriret, publicum, magnificumque Principibus excipiendis destinatum hospitium posthabuit privato, tenuique. Quippe ex aulici strepitus, pompaque fastidio, audius religiosa quietis, ad Patres Societatis Iesu, de quo ordine optimè meritus erat, persamiliariter diuertit. Ibiq; apud eos dies aliquot diuersatus est, vulgari quidem victu, cultuque contentus. Ceterum tanta virtus diu latere non potuit. Praeses Bauari Ducis aduentu cognito, propere ad eum venit: perliberaliter inuitat hospitio, rogitat, vrget, instat: demum ut obfirmato animo recusantem vidit, incepto irrito discedit. Nec minor in templo modestia Ducis fuit, quā in hospitio fuerat. Scabellum ad genua submittenda, sellaque ad confidendum apparatus erant poene regio cultu. At ille non luxum ex Lauretana Aece, sed pietatem petens, adeo aspernatus est ea, ut ne aspexerit quidem. In augustissima porro Virginis cella vsque eo Christiana eius humilitas; pietasque enituerunt; ut ceteris miraculo forent. Nani tanta animi corporisque submissione supplicabat in turba; ut vnum aliquem de populo crederes. Obversabatur credo eius animo Dei filius, qui cum in forma

Dei

Dei esset inibi exinanivit semetipsum formam serui accipiens.
 Ita porro assiduus erat in supplicando, vt in B. Virginis
 Domo habitare videretur. Nec obscuriore Laureti reli-
 quit munificentia suæ, quam religionis vestigia. Præci-
 puum eius donum fuit libellus ex auro solido, qui trifaria
 diuisus, quatuor velut paginis gemmata sigillâ, egregias-
 que imagines continet. Integumentum ex auro, vnioni-
 bus, gemmisque clarissimis, opere mirabili perfectum.
 pendet ex tribus catellis aureis, quas ex aureo fluentes an-
 nulo ingens sapphirus exceperit. Fama est, hoc donum
 octo aureorum millibus aestimatum. Nec ferme aliud est
 in Aedis Lauretanæ thesauris, quod iucundius à peregrin-
 nis, auidiusque visatur. adeo non solum ornatus, sed etiâ
 interiorum imaginum, sigillorumque eximia pulchritu-
 do spectantium oculos capit, arte certante cum copia.
 Eiusdem donum Christus aureus fuit, ea specie qua redi-
 uiuus exstitit è sepulchro: sed sepulcrum adamantibus, py-
 ropisque collucet. Egregia Bauari Ducis pietas multis
 Germaniæ proceribus exemplo fuit Lauretanæ Virginis
 salutandæ, colendæque muneribus, quorum deinde adue-
 tus in Xysti V. Pontificatum incidit. Ducis tamen Bran-
 uichienlis vxor amiculum argenteum B. Virginis, auro de-
 stinctum opere Phrygio, egregiam quoque aræ vestem,
 margaritis, adamantibus, pyropisque distinctam, dona-
 uit Gregorio Pontifice. Cardinalis porro Madru-
 tius ex legatione, qua apud Rodolphum Cæsarem functus
 erat, reuersus, crucem argenteam talium legatorum insi-
 gne, Lauretanæ Virgini donum tulit, legationis feliciter
 obitæ illius præsidio atque ope monumentum.

Duc. Bauariz D. eximium.

Duc. Branuichien. D.

Card. Madru-
tius D.

*Italia Principum pietas, ac dona**Cap. VIII.*

Vitt. Brig.
Ioa. Piccol-
hominei D.

Duarr D.
Vitt. Brig.

Ludou. Mar-
tinengi D.
March. E-
steti. D.

Duc. Atrix
D.

Duc. Terræ
Nouæ D.

Duc. Sabau-
dix D. egre-
gium.
Card. Colu-
mnæ D.
Card. Ara-
gon. D.

Card. Ria-
rij D.
Card. Cusa-
ni D.

Greg. XIII.
Pont. D.

NEc obscura per id tempus Italia Procerum pietas, aut liberalitas fuit. Ioannes Piccolhomineus laminam argenteam, in qua muli duo lecticam ferentes expressi, quorum alter hominem humi iacentem calcibus premit, haud dubium depulsi Virginis ope discriminis argumentum. Ioannes Baptista Duara Gonzaga compedes argenteas pro ferreis, quibus victus fuerat, donum attulit, indicium partæ per Virginem libertatis. Ludouicus Martinengus Brixienfis calices quatuor ex argento inaurato. Marchionissa Estensis suam, filijque sui imaginem B. Mariæ supplicantem ex lamina argentea pondo XIII. Dux Atrix bina Angelorum simulacra sesquicubitalia, præclaro opere, pondo XXXVI, quæ ante B. Virginem, apud aram ipsam locata ardentes cereos perpetuo præferunt. Votium id donum esse titulus basi incisus ostendit. Dux Terræ nouæ lychnum argenteum pensilem librarum XXII, haud minus opere, quam pondere egregium. Emanuel Philibertus Dux Sabaudia effigiem suam coronâ, sceptroque insignem, in supplicantis modum ex auro expressam, pondo librarum X. Cardinalis Columna Piceni legatus vas argenteum opere eximio, pondere non contemnendo. Cardinalis Aragonius calicem aureum opere, gemmis, & margaritis insignem, crucem crystallinam cum Christi effigie aurea, & quatuor candelabra argentea pulcherrime facta. Cardinalis Riarius aræ, & sacerdotis ornatum ex veste Damascena. Augustinus Cusanus, qui subinde in Cardinalium Collegium est cooptatus, sacerdotis aræque vestem ex auro, argentoque contextam Lauretanæ Virgini donum dedit. Et Gregorius ipse Pontifex Lauretana Domo cultu, ac muneribus aucta admodum

latus

lætus, suum quoque proprium Pontificis donum exstare voluit. Romani Pontifices Dominica Quadragenarij ieiunij quarta (ea ab Missæ introitu, Dominica latere dicitur) veteri solemnique more Rosam auream consecrant. Ea stirps est, seu planta rosarum vernantium ex auro, quæ aureo inserta vasculo, & ex tripode eminens aureo, sesquicubitalem altitudinem facile excedit. Aureis nummis æstimari fertur circiter mille. Pontificale hoc donum Reginis plerunque mitti solitum, Gregorius Lauretanæ Virginis utpote reginæ mortalium & cœlestium misit. Et exstat in medio vasculo titulus donantis monumētum. Porro Nicolaus Gaetanus Cardinalis Sermonetæ nouo doni genere per id tempus Lauretanā Aedem honestauit. Hic siue communi familiæ (erat enim ex gente Bonifacij VIII, cuius Pontificatum sacrosanctæ cellæ in Italiam aduentus insignem fecerat) seu priuato quodam studio, Lauretanæ Virginis vnice deditus erat. Itaque sanus, ac valens in templo Lauretano, haud procul Deiparæ cella, sedem sepulcro suo delegit, idque magnifico sane opere exstruxit. Præclara utrique ac perampla est monumenti species, vario distincta marmore; & æneo Nicolai Cardinalis simulacro pulcherrime facto insignis. Tabula marmorea sub eo posita his incisa litteris.

Card. Sermonetæ D.

NICOLAUS GAETANVS CARDINALIS SERMONETA
GENTILIS PAPÆ BONIF. VIII. CVM SVB ID TEMPVS
QVO ILLE PONTIFICATVM INIIT, SANCTAM HANC
DOMVM HIC TANDEM DIVINITVS CONSEDISSE
ET MVLTÀ SE A DEO OPT. MAX. B. VIRG. DEIPARÆ
PRECIBVS OBTINVISSE MEMINISSET, SPERANS
EIVSDEM OPEM MORIENTI NON DEFVTVRAM
MONVMENTVM HOC MARMOREVM. VIVENS ET
INCOLVMIS SIBI FACIENDVM CVRAVIT, ATQVE
IN EO VBI MORTALITATEM EXVISSET, CORPVS
SVVM RECONDI VOLVIT ANN. AGENS LIV.

OBIIT ANNOS NATVS FERME LX.

ANN. SAL. HVM. M. D. LXXXV.

MENSE MAIO.

Nico-

Nicolaus igitur vita functus ab vrbe Roma Lauretum defertur. Ibi funus maximo apparatu factum, & absolutum dudum sepulcro corpus illatum, lapisque superpositus cum hoc titulo.

HIC HABITABO QVONIAM ELEGI EAM.

Exstat hodie in templo Lauretano stragulum ingens ex veste Attalica, quod vndique ambit fascia prægrandis ex holoserico villosa, nigro, quâ gentilitijs Gaetanæ familiæ insignibus, quâ crucibus aureis magnificè distincta; haud obscurum magnifici funeris argumentum.

Lapidum, calcisue particulas ex sacrosancta Domo auferentium temeritas diuinitus vindicatur.

Cap. VIIII.

Vid. Brig.

Eodem ipso anno, qui fuit à Christo nato M. D. LXXXV. nouo miraculo intellectum est, quantæ curæ sit Deo Lauretana Domus. Lapidis fragmentum relatum est ex Sicilia, cuius ablati, & culpa vetustior, & poena longinquior Panormitanus ciuis viginti ante annis Lauretum profectus lapidē è sacra surripuerat cella. Nec quantacumque pietatis in temerario facto species, aut interdicti Pontificalis ignoratio diuinam auertit iram. Domum regressus graui extemplo implicatur morbo: ac ne repentini mali causa dubia foret, quotannis circa id tempus, quo culpam admiserat, poenam luebat. Septembri mense, aut certe Octobri, deficientibus subito viribus atroci vrgebatur febris. Nec medentium iudicio naturalis vlla morbo suberat causa, & ipse culpam pietatis nomine inuolutam minime agnoscebat. Tenuit ea res annos viginti: per quos annos insanabili morbo nec causa, nec finis inueniebatut. Ad extremum cum alia nulla causa appareret redeuntis in orbem malis: religio subiit ægrum animum, & conscientia stimulante sacerdoti vulnus aperuit.

Ille

Ille enim uero temerariam pietatem talis morbi originem esse ait, impense monens, ut sacro lapide restituto, salutem in tuto locaret suam. Haud surdis hæc auribus dicta. Aeger veluti cœlesti voce iussus, lapidem eidem tradit remittendum, unde olim ab se fuerat ablatus. Nec mora. saxo illo reddito, æger valetudinem recepit. Et res satis restata. Io: Baptista Carminata Societati Iesu Præpositus in Sicilia Prouincia, sacrum lapidem cum litteris totam rem enarrantibus Romam destinauit ad Cardinalem Vastauil lanum Laureti Patronum. Ille eundem lapidem Leonorio Lauretano Præsidi cum Siciliensibus litteris transmissum suo reponi loco iussit. Leonorius ergo simul ac primum ad Lauretum perlatus est lapis; solemnī supplicatione indicta, obuiam ei procedit ad portam. Inde saxum miraculo clarum, quanta maxima potest pompa ad sacram deferretur Aedem. Mira res dictu, visuque. Vix sacrosanctæ Domui illatum erat, cum statim (tanquam Deo monstrante) vacuus apparuit locus, unde viginti ab hinc annis fragmentum illud auulsum esse constabat. Reposito in suum locum cum nota addita index miraculi, comprimendæ peregrinorum audaciæ. Per ea quippe tempora in minoribus lapidum fragmentis noua subinde mortalium temeritas noui prodendi exempli materiam Deo præbuerat. Multa inuenio exempla multorum, qui idem ausi celeriter pœnas dederunt stultitiæ suæ, quoad malis docti ablata reddiderunt. Ea nos, ne similitudo satietatem pariat, omitemus. Nec sacrorum lapidum maior, quam calcis interlita, qua lapides colligantur inter se, per idem ferme tempus Dei cura exstitit. Alexandria vrbs est Longobardiæ haud ignobilis, in Alexandri Tertij Pontificis Maximi gratiam à fœderatis ciuitatibus condita appellataque. Huius ciuis Lauretum profectus paululum calcis furto abstulerat è sacrosancta Virginis cella. Inde domum regressus comminutam calcem simul cū cerea agni cœlestis effigie includit argento. Cæterum stulta pietas

Deo Deiparæque grata haudquaquam fuit. Vbi primum ille thecam (incertum quam ob causam) de coniugis suæ collo suspendit, Dæmonum Dux eam inuasit, cum non exigua satellitum suorum manu. Iamque annum nonum infelix mulier non sine ingenti viri sui dolore miseris vexabatur modis; cum remedium illi diuina benignitas obtulit. Io: Baptista Vanninus Sacerdos è Societate Iesu per id tempus Alexadriæ sermones sacros de more habebat ad populum. Is vbi rem cognouit ex ipso viro, tantum mali authore, hortatur eum, vt sacrum illum restituat puluerem, si fecerit, haud dubie coniugem breui ab exagitatore Diabolo liberam fore. Facile persuasum. Ergo ille sacram calcem theca exemptam Vannino ipsemet tradidit, orans, vt primo quoque tempore remittat eam Lauretum. Nec alterutrum spes fefellit. Paucis intermissis diebus, non tam exorcismorum vis, quam B. Mariæ deprecatio ex obsessæ mulieris corpore tres Dæmones exagitatores excussit. Confestim igitur Vanninus creditam sibi calcem theca inclusam Lauretum ad Rectorem Societatis Iesu destinat, rogans per litteras, vt simul quod ablatum erat Lauretanæ restitueret Domui, simul miseræ illi feminæ pacem, ac veniam à B. Virgine oraret: quo scilicet cæteris vexatoribus Diabolis expulsis, pristinam ei redderet sanitatem. Quod deinde ita vt orauerat, euenisse compertum est. Relata calx honesto asseruatur loco, documentum mortalibus, ne tale quid audcant. Exstant quoque Vannini litteræ. Tertio Idus Nouembris, Anno M. D. LXXIX. datæ, miraculi testes.

Epidauria nauis insigni miraculo è manibus piratarum eripitur.

Cap. X.

CAeterum nobilissimum maximeque illustrem Grego-
rij Pontificatum nobili illustrique claudamus miraculo. Epidauria nauis preciosis onusta mercibus per eadem tempora Constantinopoli redibat Epidaurum. Ragusam vulgus appellat. In medio cursu, tanta subito maris malacia, ac tranquillitas exstitit; vt deficiente vento nauis oncraria se loco mouere non posset. Extemplo plures adfuerunt myoparones piratarum, qui circumfusi destitutam nauim summa vi oppugnare coeperunt. Christiani primum & si pauciores numero, Barbarorum impetum egregie sustinebant. Ad vltimum labore, ac vulneribus defatigati cedebant, nec viribus, nec animis pares. Iam prope res erat, vt victi caperentur à Barbaris, cum subiit eorum animos memoria Lauretanæ Virginis. Eam igitur cuncti inuocantes vouent, si imminenti eximantur periculo, egregium calicem Aedi Lauretanæ donum laturos: atque inibi labes animorum sacra confessione pariter absterfuros. Nec mixtæ voto preces in irritum cecidere. Repente spissa exorta caligo intendentibus se tenebris condidit lucem: & piratis prædæ inhiantibus conspectum Epidauriæ nauis eripuit. Agnouere Christiani Deiparæ auxilium: & lætitia ex metu gestientes, Deo Deique matri certatim grates agebant. Contra furere, ac fremere Barbari dolore ereptæ de manibus prædæ, & tamen omnia conari, vt recuperent amissâ. Sed frustra. Incubâs mari quædâ quasi nox iâ prospectum abstulerat: & Barbari haud secus quàm in cæcis tenebris errabant. Inter hæc. ecce tibi peropportuna inter nebulam afflans aura onerariam impellit. Ita nauis B. Maria fauente, periculo erepta Epidaurum

*Anna. Lam.
Rier.*

daurum appellitur . Inde nautæ, vectoresque Lauretum petunt, vota persoluunt . Hæ ferme Lauretanæ res Gregorio Pont. Max. euenerunt.

Lauretum à Xysto V. ciuitatis iure donatum

Episcopali sede decoratur .

Cap. XI.

Vit. Brig.

Franc. Cantucius Epif. Laur.

EXinde Xystus V. Gregorij æmulator, vt cæteris rebus inferior videri noluit ; ita studio Lauretani cultus augendi, voluit haberi prior . Is quippe in Piceno natus, præcipuam Picentium Patronam omni opè ab se ornandam existimauit . Itaque velut Marcelli II. Pontif. consilia exsequeretur, Lauretum ciuitatis iure donatum Episcopali sede decorauit, aliquot circa oppidis ei contributis . Primus Lauretanus Episcopus Franciscus Cantucius fuit ciuis Perusinus, vir doctrina æque, ac sanctimonia clarus, qui nouam sedem egregijs imbuuit institutis, exemplisque . At Xystus ne Lauretanæ vrbis nomen vanum, aut tenue foret, collem Laureto proximum (Montem Regalem incolæ appellant) coemptum æquare institit . ita nouæ vrbi amplificandæ spatium ab ea parte fieri cœptum . Huic spatio cœdificando, singulis Piceni ciuitatibus imperatum, vt suas quæque inibi excitarent ædes . Haud grauate obtemperatum . Interim Pontifex Picenum, cæteramque Pontificiam regionem latrocinij infestam non magis ferro, quam auro salubri ratione pacauit . Quippe latronibus ipsis, atque exulibus impunitatis, ac præmij spe in socios incitatis, Duces eorum cæsi, cæteri partim interfecti à socijs, partim ob interfectos socios restituti . Ergo Picentium ciuitates Picenti Pontifici, & de sua gente, & de Aede Lauretana optime merito egregiam ex ære statuam locauere . Nec suis per id tempus ornamentis Aedes Lauretana caruit

caruit. Pilæ, quæ pro columnis fornicem sustinent, & ipsa templi fornix, Cantucij Episcopi sumptu, marmorato opere adornari cœpta. Sacellum vnum è maioribus à Cardinali Aragonio picturis D. Thomæ Aquinatis præclare facta exprimentibus, gypso, auroque adornatum. Sacellum porro omnium maximum à Ducibus Hetruriæ, & Bauariæ expetitur, dirimendi certaminis causa, à communi Picentium eximijs pictorum plastrumque operibus ex cultum, plurimoque exornatum auro. Inter hæc Leonorius Laureti Præses ornandæ, augendæque rei Lauretanæ intentus, Lactantij Venturæ nobilis architecti opera, facië Basilicæ opus à Gregorio maxima ex parte perfectum, ad culmen pene perduxit. Bonam Pontificiarum ædium partem excitauit è regione templi. Et Ferdinandus Archidux Austriæ de Lauretana ædificatione admonitus à Duce Bauariæ, eiusdem instinctu Lauretanæ Virginis cæsam è sylua materiam donauit. quæ in onerariam imposita, & Adriatico commissa mari Lauretum incolumis B. Maria fauente peruenit. In ea magna vis erat ingentium trabiû asserumque facile tribus aureorum millibus æstimabilis.

Card. Aragon. sacell.

Sacel. comm. Picen.

Archiducis Austr. D.

*Cardinalis Gioiosa suum Gallie patrocinium
Virgini Lauretanæ commendat.
Cap. XII.*

CAntucius inde primus Laureti Episcopus, septimo quam Episcopatum inierat mense, excessit e vita. Ingens bonis omnibus sui desiderium reliquit, pauperibus maxime, quorum parens habebatur. Porro tanta eum sanctitatis fama persecuta est, vt facile appareret, verum esse, quod prouerbij obtinet locum: primum cuiusque ciuitatis Episcopum sanctum esse oportere. Cantucio sub lectus Rutilius Benzonijs ciuis Ro: qui eruditione, & Ecclesiasticæ dignitatis studio clarus, quâ sacris concioni-

Vitt. Brig.

Rutilius Benzonijs Episcopus Lan.

bus

bus, quā præclaris institutis Lauretanam ædem excoluit. ut iam sacro cultu, ac maiestate, nulli propemodum sacrarum ædium sit secunda. Sub id tempus Cardinalis Gioiosa nouus Galliæ Patronus Romam petens ex Gallia, cum nobilissimorum hominū comitatu Lauretum diuertit. Deductus est in Aedem Lauretanam à Mattheucio Archiepiscopo Raguseo, eodemque Anconæ Prætor, Octauio Bandino Piceni Præsidente, & Rutilio Benzonio Episcopo Laurerano, qui aduentanti Cardinali obuiam processerant. Ibi Gioiosa in Virginis cella pie admodum sacris operatus, sibi in animo esse dixit, suum Galliæ patronium certissimæ mortalium Patronæ impensius commendare: ac proinde solennem quadraginta horarum supplicationem inibi instituere. Pium Cardinalis consilium non modo authoritas probauit Lauretani Episcopi, sed etiam concilio decorauit. A cōcione supplicatio summis hominū studijs celebrata, tum à Clero Lauretano, oppidanisque, tum à Capucinatorum manu, quam ad id Gioiosa secum adduxerat. Cardinalis autem in eo cuius ipse author foret, nemini cedens, suis cæterisque omnibus, vel pietatis, vel modestiæ exemplo fuit.

*Cardinalis Galli Patroni Lauretani egregia
studia erga Beatam Virginem.*

Cap. XIII.

Viā. Brig.

Card. Gal-
lus Patron.
Lauretānus
Franc. Gal.
Præfex.

CAeterum ille annus haud celebrior Lauretanis rebus fuit quam funestior. Biduo post peractas supplicationes, Leonorius Laureti Prætor, Patronus inde Cardinalis Vastauillanus, alter super alterum pestifero morbo absumpti. Itaque Lauretana tutela delata ad Anton. Mariam Cardinalem Gallum, tum Perusinum Episcopū, nunc Auximatem. Ab eo Io: Franciscus Gallus patruus Lauretanæ administrationi præpositus. Nec ita multo post

post Cardin. Gallus nouus Patronus Lauretum Pontifici iussu contulit se. Ibi summa omnium ordinum lætitia & gratulatione exceptus, creandorum Lauretanæ ciuitatis Magistratum leges, ac iura descripsit. Annus tum agebatur à Virg. part. M. D. LXXXVII. Quo eodem anno signum æneum Xysti Quinti Pontificis Maximi pulcherrime factum Berardini manu, summis studijs Lauretanorum, Picentiumque, maxima accolarum, peregrinorumque frequentia in templi gradibus positum est. Exinde Io: Francisco Gallo Laureti Præsidente, templi facies ad fastigium aliquando perducta, egregium sanæ Aedis Lauretanæ decus. Quippe & magnifice descripta est, & perfecta solerter. Tota constat ex Istro lapide (is ex Istria aduectus, Tiburtini, quo tantopere vsi sunt olim, & vtuntur hodie Romani, speciem reddit) examussim quadrato. tanto autem artificio structa, vt tantum opus pene ex vna lapidis gleba constare dicas. In media facie tanquàm os, ianua patet maxima, striatis columnis marmoreis, & arcuata corona insignis. Huius latera binæ ianuæ minores cingunt stylobatis, parastatisque columnis interpositæ, quibus facies subnixa confurgit. Supra ianuam maximam, B. Mariæ paruum filium complexæ effigies ænea visitur pulcherrime facta, Lombardi manu. Sub fastigio in ipsa fronte ingens fenestra oculi instar, striatis columnis, cælarisque operibus adornata Basilicæ lumen præbet. Super fenestram titulus Aedis Lauretanæ aureis litteris in Luculleo marmore incisus. DEIPARAE DOMVS, VBI VERBUM CARO FACTVM EST. Humiliores ianuis minoribus fenestræ datæ: quæ Basilicæ alijs impertiant lumen. Et supra hæc fenestras sua cuique inscriptio in pari marmore, aureis pariter incisa litteris, altera est.

Lauret. Tem
pli facies.

SIXTVS V. PONT. MAX. PICENVS
ECCLESIAM HANC EX COLLEGIATA
CATHEDRALEM CONSTITVIT

XVI. KAL. APR. AN. M. D. LXXXVI. P. AN. I.
Altera verò .

SIXTVS V. PONT. MAX. PICENVS
LAVRETI OPPIDVM
EPISCOPALI DIGNITATE ORNATVM
CIVITATIS IVRE DONAVIT
AN. M. D. LXXXVI. P. AN. I.

Absolutum erat opus, nisi quod gradus desiderabantur, quibus ascenderetur in templum. Igitur Io. Francisci Galli successor Hieronymus Gaburius novos gradus ab illo inchoatos ex Istro itē lapide satis ample magnificeque perfecit. Idem laternam egregiā templi hemisphærio imposuit. Ea quoque ex eodem structa saxo, constat columnis octo nouenorum pedum, opere Ionico. Intercolumnia fenestras octo præbent arcuatas, quibus aliæ totidem superadditæ latitudine pares, altitudine longe minores. Super has corona ducta, culmen octo quasi costis discretum sustinet. Id vero similiter, vt hemisphærium, plumbeis intectum laminis longe lateque conspicitur. Cardinalis porro Gallus, vt cum sua pietas admonebat, ab Aede oranda ad pauperes subleuandos versus, congesta ingenti pecuniæ vi, Laureti Montem Pietatis instituit: vbi pauperibus oppidanis pecunia mutua daretur gratis, ne cogerentur iniquitatem subire sceneratorum. Cæterum illud maxime memorabile Xysti V. Pont. munus, (alij ad Gregorium XIII. trahunt) quod Lauretani templi valuas ex ære cælandas locauit aureorum millibus XL. Trium ianuarum fores erunt æneæ, vbi sacrarum historiarum argumenta mirabili opere cælata visantur. Magnum omnino opus, ac multorum annorum. Et quantum ex principijs coniectare licet, longe egregium ac mirabile. Sic prorsus, vt nobilissimis S. Ioannis Baptistæ valuis, quæ Florentiæ miraculo sunt, ab ijs qui vtrasque inspexerunt, haud immerito

rito conferantur: maximum vtique Lauretano templo ornamentum, & iucundissimum peregrinis spectaculum præbituræ.

Dona Lauretana Virgini lata misæue.

Cap. XIII.

NEc vero Lauretana Domus pauperum incolarum cō-
 modis scruiens peregrinorum muneribus caruit. Fab-
 rorum ferrariorum Bononiensis sodalitas ingens candelabrum fusile ex aurichalco donum portauit, non minus
 opere, quam inusitata magnitudine, ac pondere visendū.
 Catharina Medicea Franciæ Regina, ac Regum mater
 lychnum argenteum, & pondere, & artificio insignem, donum
 Lauretanæ Virgini misit cum dote, vt perpetuo lucceret: Ducis Cluiæ vxor amiculum B. Virginis aureum,
 argento illud opere Phrygio, effigiemque suam in lamina
 argentea B. Mariæ Lauretanæ supplicentem: sed hoc
 posterius donum commune multorum. Parmensis Ducis filia
 binas, Federicus Tomacellus, & Antonius Spinellus
 Neapolitani, Alphonsus Vicecomes Mediolanensis, Marchio
 Capursius, & Episcopus Eugubinus singulas laminas
 argenteas cum effigie quisque sua supplice, quaternarum
 fere librarum: Marchio Vasti imaginem suam in aureo orbe
 minutis adamantibus, pyropisque circumfulgente depictam
 Lauretanæ Virgini consecrarunt. Horum donorum,
 plæraque votiua esse indicat Eugubinæ laminæ titulus.
 EXAUDITA EST ORATIO TVA. Cæterum hi sua, alij suorum
 votiua simulacra miserunt. Princeps Stilianus argenteam
 filioli sui effigiem Deiparæ dicauit supplicem. Liuia
 Pignatella Neapolitana viri sui paruum filium B. Mariæ
 offerentis imaginem, ex argento expressam, pondo quatuor.
 Princeps Amalphetana infantem argenteum fasciis obligatum,
 ponderis dimidio maioris. Philibertus Emmanuel Dux
 Sabaudia donum in hoc genere.

Codic. Laur.
Bononiensis
Sodalit. D.

Reginæ Fræ
ciz D.

Duc. Cluiæ
D.

Duc. Parm.
filiz D.
Fed. Tomac.
Ant. Spinell.
Alfon. Vice-
com. D.
March. Cap-
pursij D.
Ep. Eugu. D.
March. Vasti
D.

Princip. Stilian.
liani D.
Liuia Pignatella
D.

Princip. Amalphet.
D.
Ducis Sabaudia
D. egre.

H h re egre-

re egregium, infantis fascijs inuoluti simulacrum aureum iustæ staturæ, ob filium B. Mariæ precibus ex recenti matrimonio genitum. Quin etiam Cornetana Ciuitas suæ urbis simulacrum in lamina argentea ebena inclusa, donū porrauit, subiecto titulo insigne. CORNETVM CIVITAS FIDELIS, Ab alijs porro sacra supellex data. Guilielmus Mantuæ Dux bina candelabra ex argento sexquicubitalia, Christique crucifixi effigiæ præclaram ex auro in cruce aurea: omnia mirabili opere, atque arte perfectâ B. Virgini dona trāsinissit. Nec ita multo post Mantuæ Princeps paternam pietatem æmulatus, aræ, sacerdotis, ministrorum solenni cerimonia sacrificantium vestes argenteas opere Phrygio, margaritis, auroque distinctas, vota pro suscepta prole munera attulit. Marchio Imperialis Auria vir insigni aduersus Lauretanam Virginem religione, aureum cum patina calicem, lychnumque triplicem argenteum, pondere iuxta, & opere eximium tulit, quem ab se certo stipendio dotatum præcipuis diebus festis in medio ardere sacello voluit. Indidem lychnus alius argenteus pendet egregio opere trifariam distinctus, votium Marchionis Lippæi Mediolanensis donum. Comes quoque Oliuarensis Catholici Regis apud Pontificem Legatus cum coniuge Lauretum profectus, lychnum argenteum B. Mariæ dono dedit. Aræ insuper, & sacerdotis vestem auro, argentoque fulgentem, opere Lusitanico sanctæ egregio, & dona ingenti pecunia cumulauit. Proregina Neapolitana argenteum ciborium auro illosum, magnificoque opere catatum. Portia Vitellia Christi crucifixi effigiem auream hebeno inclusam. Cardinalis Austriacus bina candelabra solido ex hebeno gemis, auroque distincta. Hieronymus Grimaldus Genuensis totidem candelabra ex argento cubitalia pondo XV. Lychni præterea argentei non vulgari pondere, atque opere complures, tacitis donantium nominibus, lati: vnus aureus multorum instar, Francisci Mariæ Vrbiniatiû Ducis donū, non materia magis,

Corneti simulac. arg.

Duc. Mantuani D.

Principis Mant. D.

March. Imperial. D.

March. Lippæi D.
Comit. Oliuarensis D.

Proreg. Neapol. D.
Port. & Vitell. x D.
Card. Austriaci D.
Hieron. Grimaldi D.

Duc. Vrbiniatiû D.

gis, quam opere inclytum. Lychnus quippe trium angelorum humeris sustinetur, & Angeli ramos quernos (insigne id est Roburæ familiæ) prætendunt manibus. totum opus ex auro solido mirabili arte perfectum pondo librarum decem. Ergo ob eximiam dignationem, præcipuus ei locus datus, ut ante ipsa ora B. Virginis medius inter argenteos lychnos ex catellis aureis pendens perpetuo luceat. Iam altarium vestes aureæ singulæ dono datæ a Marchione Robureo, itemque à Benedicto Cardinali Iustiniæno, à Camilla Peretta Xysti Pont. sorore germana, quæ etiam amiculum B. Mariæ tulit, auro, Phrygioque cæpere visendum. Aliud amiculum dono misit Dux Bouini femina lectissima ex holoserico raso violaceo, margaritis, gemmisque consperso ad regiam magnificentiam, nisi breuitas obstaret. Attalicam quoque vestem preciosis substatam pellibus, cursorum præmium Florentiæ ludis partum Iustus Iustei Comes Veronensis B. Mariæ velut auctori victoriæ cōsecrauit. Ab alijs alia B. Virgini ornandæ dona ex mûdo fere muliebri deprōpta. Dux Cliviæ eximia pietate mulier torquem aureum pōdere iuxta, & opere eximiū armillas aureas pyropis, adamantibusque distinctas: aureumque annulum nobili gemma insignem dono dedit. Vidobonus eques Duclis Bauaræ œconomus suo, & coniugis suæ nomine, binos aureos annulos adamante, ac pyropo insignes inuicem insertos, quibus inscriptum est. QVOS DEVS CONIUNXIT, HOMO NON SEPARRET. Ludouicus Georgius Papiensis torquem aureum libralem eleganti opere perfectum. Marchus Antonius Blanchettus Bononiensis coronam gemmeam auro illigatam. Casteluetrani Principis coniux aureum orbem ingentis instar numismatis, adamantibus, smaragdis, margaritisque fulgentem. Illud vero haud magis doni precio quam donandi modo memorabile. Comes Antonius Martinengus cum Caratæ Marchionis filia de gemmata parua molis, sed ingentis pretij cruce, multos iam discepra-

March. Roburei D.
Card. Iustiniæni D.
Camillæ Perettæ D.

Duc. Bouini D.

Comit. Italiæ D.

Duc. Cliviæ D.

Equit. Vidoboni D.

Ludouici Georgij D.
M. Ant. Blanche ti D.
P. n. ip. Cast. luettr. D.

Comit Martinengi D.

rat annos. Cum nullus litis exitus reperiretur, conuenit inter eos, vt controuersa crux Lauretanæ Virgini adiudicaretur. Gratum id Deiparæ fuisse docuit euentus. Eam crucem depositam apud se Hieronyma Columna Dux Montis Leonis habebat. Igitur sorte quadam diuinitus accidit, vt cum Martinengus religionis ergo ad Aedem Lauretanam venisset ineunte Maio, eodem tempore, iisdemque diebus Hieronyma quoque veniret, Martinengi aduentus prorsus ignara. Ergo illum ex improviso Laureti conspicata obstupuit primo: inde salute data, redditaque, crucem illam B. Mariæ adiudicatam se mira opportunitate secum attulisse ait. Et aderat solennis inuentæ Christi Cruci dies. Itaque ambo rei diuinitus attemperatæ miraculo attoniti, ad sacrosanctam cellam pariter pergunt: gemmatamque crucem, ipso die Cruci sacro dedicant Virgini. dicas illam suo tempore reperisse depositum. Ea crux hodie è gemmata B. Virginis Zona pendet eximij ornamenti præcipuum decus. constat quippe adamantibus satis magnis nouem, quos tres vniones ingenti magnitudine instar cerasorum adornant. quatuor circiter aureorum millibus æstimatur.

Episcopus Hybernus bis Hæreticorum piratarum manus euadit. Adolescens præsentis naufragio eripitur. Cap. XV.

NEc muneribus, quam miraculis clarior per id tempus Lauretana Aedes exstitit. Edmundus Hybernus Ardacacensis Episcopus eodem ferme tempore duplicis vori reus Lauretum venit. Veniendi causa hæc fuit. Is ob religionē ab Elisabetha Angliæ Regina pulsus in exilium, cum fidis aliquot famulis profugerat in Scotiam. Sed vnde præsidium quærebat, periculum exstitit. Scoriæ Proceres Angliæ Reginæ rogatu, Edmundum in vincula conijci

conijci iubent. At ille rem odoratus, clam conscensa nauis, Reginae insidias solerter elusit. Cæterum manifesto periculo perfunctus; haud multo post occultum aliud discrimen incurrit. Nec fortuita res, sed diuina fuit. Id adeo, & discriminis tempus, & oblatum in tempore celeste auxilium ostendit. Nam dum Galliam Edmundus petit, in Dracum Anglum Archipiratam nobilem incidit; Pridie Natalis diei B. Mariæ, qui dies ab Episcopo, eiusque famulis præcipua veneratione agitabatur. Et oblata in sonis vni ex comitibus species omnes ad spem salutis erexit. Is ea nocte, quæ occursum hostium antecessit, visus sibi erat in quiete cum hæreticis in magno hominum confessu disceptare nudus. Ibi nuditatem suam erubescenti virgo excellenti formæ; candida in veste occurrit, quæ illum enixe rogitantem, vt suam nuditatem regeret, benigne, comiterque sua operuit palla. Hoc ille deinde visum cum enuntiaffet Episcopo; communi consensu statuerunt, obuersatam in somnis Virginem, vtique Deiparam fuisse, cuius præsidio regendi forent. Itaque Edmundus aduentante hostium classe, cum humanum nullum pateret effugium, Mariæ Lauretanæ (cuius dies natalis certam ei spem ostendebat salutis) cum suis implorat opem. Adiectum precibus votum. Hostium manus si euassissent; ad Lauretanam Aedem ituros, ac per triduum ibi sacris operaturos. Nec irritæ preces, votumue. Gubernator naui, qua vehebantur, speciè hæreticus, Catholicorum fautorem se in ipso temporis articulo præbuit. Namque vt Anglicanam classem adesse vidit; ratus id quod erat, Catholicos, quos vehebat ad necem quæri, Episcopum cum famulis occuluit in sentina, remotissimo ab oculis, tenebricosissimoque loco. Ibi naui iam ab Anglis capta, & in Angliam abducta, octo ipsos latuerunt dies, Nauarcho cibaria semel in die clam subministrante. Neque tamen interim prædones Angli segniter captam scrutati sunt onerariam. Quotidie certatim insensilis animis, omnes

rimabantur angulos, Episcopum de cuius fuga cognorant
quæritantes. Ad vltimum accensis facibus, cuncta inten-
tius perscrutantes delabuntur in sentinam. Ventum erat
ad latebram. Quo præsentius periculum, hoc euidentius
Deiparæ auxilium exstitit. Iam sacerdotem, cui visum in
somis obiectum diximus, depræhensum in proximum at-
traxerant tabulatum, cæteros vestigaturi, cum diuinum
Catholicis præsidium senserunt adesse. Mox quippe sa-
cerdotem illum diuinitus ex ipsorum elapsum manibus
nunquam postea reperire potuerunt. Ergo octauo de-
mum die scrutandi defatigatione, curam quærendi Epi-
scopi omiserunt. ita naus dimissa à prædonibus iter coc-
ptum repetijt. Ecce autem aliud ex alio periculum. In co-
dem Gallicano cursu classis alia piratarum occurrit, qui
truculentiores prioribus, Edmundum Episcopum Elisa-
bethæ Reginæ instinctu quærebant ad necem. Hi naui ca-
pta, in eam transiliunt, euertunt merces, admorisque lu-
minibus cuncta loca scrutantur intentiore cura. Venitur
ad latebram, tandem Episcopus ipse comprehéditur. Ad-
u erat, nisi præsens Deiparæ tutela furorem hostium retudif-
set. Ecce tibi dum captum extrahere conantur, repente ca-
pti ipsi oculis, lymphatisque similes errare cœperunt. Tan-
dem haud dubia Dei vindicis ira conterriti, captam one-
rariam dimittunt. Illa repetito cursu, optatum fauente Vir-
gine tenuit portum, bis paucis diebus vltimo periculo de-
functa. Episcopus eiusque familiares vtorum, haud pa-
rum memores, protinus ex eo loco, vbi in terram descen-
derant, pedibus Lauretum vsque venerunt an. post Chr.
natum M.D.LXXXVI. Et Episcopus votis rite persolutis
totam rem litteris consignatam apud Aedem Lauretanā
reliquit, duplicis in duplici periculo suo auxilij B. Mariæ
argumentum. Insequenti anno alium B. Virgo haud mi-
nore miraculo à maris fluctibus liberauit, quam illos ab
infestis prædonibus liberauerat. Ioan: Baptista Capra à
Monte Albodo (oppidi in Piceno nomen est) adolescens
probus

probus, ac pius, phaselo vectus Calabria oram legebat. Ventum erat in conspectum insulæ Vulcaniæ (ea Sicilia insulæ obiacet) cum repente cum atrox vis tempestatis adorta in vltimum discrimen adduxit. Iam fractis remis, veloque amisso, prope erat, vt vexata nauicula mergeretur vndis, cum ipse ad spem salutis semet erexit. Itaque Mariam Lauretanam inuocans exclamat. Vt Angeli tuam Domum in Picenum, vbi nunc colitur; detulerunt, sic tu Deipara Virgo nauiculam hanc defer in portum. mira res. His precibus, velut freno insecto, procella sedatur: secundus repente ventus existit. Phaselus in tutum appellitur. B. Virginem clienti suo obsecundare, & famæ transuectæ ab Angelis Domus suæ fauere sentires.

*Duo sacerdotes Lauretanæ Domus calcem furto
sublatam malo docti restitunt.*

Cap. XVI.

CONFIRMATA hoc miraculo Lauretanæ historiæ fides, alio subinde sacrosanctæ Domus religio sancita. Eodem ipso anno sacerdotes duo Placentini, ex composito, calcis aliquid e sacro pariete sustulerant eo consilio, vt id secum circumgestarent, Lauretanæ Virginis monumentum, vitæque præsidium. Sed quæsitum inuito Deo præsidium in periculum vertit. In patriam regressos atrox pariter, minaxque occupat febris: qua pertinaciter tertium iam mensem vrgente, tandem resipiscunt. Subitè animam memoria Lusitani Episcopi, qui quanquam permissu Pontificis, lapidem ex Lauretana Aede sumpsisset; tamen in fensio Deo, pene exitiali oppressus sit morbo, ex quo non ante conualuerit, quam sacrum Virgini restituerit lapidem. Ergo ambo communi consilio decernunt B. Mariæ reddere, quod abstulissent: eamque enixe orant ipsorum inficitæ ignoscat: suaque recepta re, pristi-

pristinam eis restituat sanitatem. Nec mora. calcem illam serico sacculo includūt: litteras addunt miraculi testes. Peregrinis Lauretūm petentibus tradunt. ipsi valetudinem recuperant. Calx vt erat in sacculo serico à Placentinis aduenis Lauretum ad Rutilium Benzonium Episcopum perlata. Recitatis Placentinorum sacerdotum litteris, fides miraculo facta: vulgata inde res: & duorum exemplo repressa audacia multorum.

*Duobus Beata Maria eadem specie, qua
Laureti colitur oblata desperatam
à medicis salutem reddit.*

Cap. XVII.

Fig. Brig.

NEC natalem magis Domum, quam effigiem suam cum Domo àllatam sibi cordi esse B. Virgo per id tempus ostendit. Tiberius Delphynus Ducis Mantuani af secla carus in paucis fuit. Hic graui, diutinaque febris tabe consumptus, vrgente vi mali, haud procul aberat à fine. Iamque sacerdos eius animum Christianis mysterijs munitum solennibus precibus Dei, Diuorumque tutelæ impensius commendabat, cum moribundo Lauretana Aedes miraculis inclyta occurrit, quam cum valetet, occupationes visere prohibuerant. Subinde per quietem oblata Lauretanæ Domus, ac Virginis species eum, & ad votum Deiparæ concipiendum, & ad bene de se sperandum erexit. Nec spes irrita fuit. Qui modo omnibus destitutus iacebat sensibus, quasi reuiuiscens, apertis oculis, liberius meante iam spiritu, loqui coepit: & conceptum Lauretanæ Virginis adeundæ votum exposuit cunctis, qui aderant, rei admiratione obstupefactis. Paucis inde intermissis diebus plane conualluit. Cæterum ille, vt primum per valetudinem, votiæ peregrinationis iter exsequi, vtcumque potuit

(adeo

(adeo incensa erat voti exsoluendi cupido) non-
dum ex morbo satis validus Lauretum petit. Eo ubi ven-
tum est, gratijs Deo, Deique matri auide, impenseque
actis, vota alacer gaudio soluit. Exinde religiosissi-
mum Beatæ Mariæ simulacrum cominus intentiore
contemplatus cura, enimvero (inquit) hac ipsa spe-
cie mihi moribundo Beata Maria secundum quie-
tem est visa; vt facile appareat Lauretanam effigiem,
illi, aut simillimam esse, aut certe carissimam. Alio
deinde consimili miraculo huius rei adfirmata fi-
des: Ioannes Raffredus adolescens è Lasturo vico Ve-
netæ ditionis non procul Bergamo, insanabili oppres-
sus morbo iacebat. Ad morbi tabem, quâ miserrime
conficiebatur, accedebant dolores acerrimi, ac pe-
ne perpetui membrorum omnium. Itaque desperatis
medentium auxilijs, Lauretanam Virginem inuo-
cat vouens, semetque ad eam, si voti compos fue-
rit, primo quoque tempore iturum. Nec incassum vo-
tum cecidit. Iam destitutus à medicis, non tam cum
morbo, quam cum morte luctabatur; cum repēte animam
agenti spes salutis affulsit. B. Virgo, velut ex insperato
se illi ostendit eadem specie, qua Laureti colitur (quam
tamen ipse nunquam, ne pietam quidem antea viderat)
bonoque animo esse iussu ingenti lætitia simul, & reli-
gione perfudit, Confestim æger vtrumque poterat, super
strato genua moliri venerabūdus; magnaꝫ fiducia in vlti-
mo illo salutis discrimine, Deiparæ fidē implorare cœpit.
Et illa blādo, maternoꝫ vultu, omitte, inquit, timorē fili.
haudquaquam ex isto morbo morieris. Tu modo gratus
esto, ac voti memor. Cæterum illo domesticos inclaman-
te, vt illuc properarēt, cœlestē reginam veneraturi, B. Vir-
go repente ex oculis abiit. Et existit vtrinque promissi fi-
des. Aeger paulo post valetudine recuperata, Lauretum
protinus ad reddenda vota perrexit, anno seculi huius
XC. Ibi per otium Deiparæ contemplatus effigiem,

affirmavit ijs, quibus rem omnem enunciarat, eadem, prorsus forma, ornatuque sibi in quiete B. Virginem obuersatam. Credas illam speciem, habitumque esse cordi B. Mariæ.

*Eques Belga insigni miraculo liberatus ab hostibus,
ingenti mole cereum dicat.*

Cap. XVIII.

Vii. Brig.

Cereus votiuus vastæ magnitudinis, pondo CCC. per idem tempus à Belga equite nobili B. Virgini dono missus est, pene incredibilis miraculi testis. Voti, donique causa fuit, quod ille eques (nomen non proditur, quia ipse occultatum voluit) in Flandria, B. Mariæ ope manifestū capitis discrimen effugerat. Quippe iussu Parmensis Principis, cum equitibus octo explorandi causa improvide progressus, in hostium præcipitarat insidias. Erant hostes circiter octingenti partim equites, partim pedites, qui impigre circumfusi omnem illi effugij spem ademerāt. Non tamen animis cecidit Belga, sed inuocata B. Maria Lauretana, adhortans socios fortiter pugnam capeffit. Tantumque apud eos valuit fiducia Virginis; ut facile tanti periculi cogitationem excuteret. Itaque repente paræ illi manui creuere animi viresque: nec imploratum cœleste auxilium pugnantibus defuit. Cum tot undique manus eos incesserent telis; Deiparæ præsidio tecti hostilem impetū, telorumque procellam tantisper sustinere; quoad Hispanienses copiarū venere subsidio. Tum vero periculum in hostes vertit: plerique eorum cæsi, captiue. Ac ne dubia foret vis cœlestis auxiliij; neque ipse eques, neque comitū quisquam omnino: nec vero ullus eorum equus in tam atroci pugna, quæ tenuit horas duas, vlla est læsus ex parte. Sentires illos Deo protegente pugnasse, quo propugnante vicissent. Ergo ille tam insignis miraculi æternum

Laureti

Laureti voluit exstare monumentum. Ingenti mole cereſi, quem dixi, ea lege miſit, vt ante auguſtam Virginis Domum certis arderet diebus. ſtipendiumque certum attri- buiſſe dicitur, vt illo abſumpto, alius deinceps pari ma- gnitudine cereus ſubſtituatur, ad poſteritatis memoriam ſempiternam.

Surdus aurium uſum recuperat.

Cap. XVIII.

MIrandum minus, ſed magis etiam teſtatum eſt, quod ſubijciam. Eraſmus Decanus Cathedralis Eccle- ſiæ Cracouienſis in Polonia, vtraque captus aure nihil ad- modum audiebat: ſic proſus, vt non tam verbis, quam nutibus cum eo agendum foret. Is ante obſtructas morbo aures, de admirabilibus Lauretanæ Virginis rebus, rumo- re nuncio multa cognorat. Tandem igitur poſtquam in medicis nihil opis eſſe apparuit, ægrum morbo animum ſubijt diuina vis Domus Lauretanæ. Ergo haud dubia, ſpe erecſtus Lauretum venit. In auguſtiſſima Virginis cel- la ſacrum facit, Diuæ opem implorans. Ibi præſentiſſimū morbi remedium inuenit. Sacris operatus ſiniſtram ſibi apertam ſenſit aurem: poſtridie re diuina inibi facta, dex- teræ quoque auris uſum recuperat. Ita qui ſurdaveſt, aut ſurdus potius ſacroſanctam Aedem intrauerat, intra bi- duum exijt lætus aurium uſu recepto. Totam rem ipſimet Rutilio Benzonio Epifcopo, & Andrea Bentiuolo Præſidi Lauretano miſtis gaudio lacrymis enarrauit. Non. Apr. Anni M. D. XC, Inter hæc Lauretum noua vrbs, laxato ſpatio ſtrenue ædificabatur. Cæterum immatura Xyſti Pont. mors opus ab alijs quoque Pontificibus fruſtra ten- ratum ſubito interrupit. Mons Regalis circumciſus, ac ſe- mirurus relictus: nouæ ædes extra vetus pomœrium ſitæ nunc pro ſuburbio ſunt, quarum etiam bona pars inchoa-

*Ann. Laur.
Rier.
Viſſ. Brig.*

*Andreas Be-
tiuolus Præſ.
Laur.*

tæ manent. credas B. Mariæ Lauretanæ, quæ in solitudi-
ne sibi sedem quæsierit, ciuitatis celebritatem cordi non
fuisse: ne quem aduenarum magis vrbis fama, quam loci
religio inuitaret. Sub id tempus Andreæ Bentiuolo extin-
cto in administratione Lauretana successit Fuluius Paulu-
cius Protonotarius Apostolicus, cuius virtutem difficilli-
ma tempora exercuerunt pariter, & illustrarunt.

Fuluius Pau-
lus. Pignatelli.
Laur.

*Munera difficillimis Greg. XIII. temporibus
Virgini missa, latae. Cap. XX.*

ANno deinde M. D. XC. Septembri mense, Vrba-
nus VII. Pontifex creatur, non minus breuitate
Pontificatus, quam cunctorum desiderio memorandus.
Sublectus Urbano Gregorius XIII. vir bonus ac pius, sed
ferme valitudinarius, Pontificatum gessit annum. Tem-
pestas fuit omnino misera, & infelix, nec vlla facies mali
defuit. Latrones quos extremæ Xysti tempora effuderât,
gregatim impune volitabant. Pontificæque regionis vias
infestas habebant. Ad hæc erat summa cum caritate ino-
pia. Super omnia foeda lues, extremæ famis comes, tota
pene Italia per omnes ordines, atque ætates vagabatur.
Neque is solum, sed etiam insequens annus Italiæ func-
tus fuit. Ergo agri cultoribus, vrbes ciuibus, oppida vi-
cique incolis propemodum exhausti; nec tam morbo quàm
(quod miserius est) fame. Hac igitur tempestate Laureti
minus vtique solito aduenarum, ac donorum; cæterum
plus votorum fuit Lauretani templi visendi, adornan-
dique. Id adeo insecuti anni satis ostenderunt. Nec ta-
men illa ipsa tempestas, quæ ciuibus vrbes exhaustit, non
auxit muneribus Lauretanam Domum. Lælius Pignatel-
lus Neap. lychnum argenteum bilibrem Virgini dicauit.
Cardinalis Sfondratus Gregorij XIII. fratris filius B.
Mariæ Lauretanæ effigiem ex argentea lamina expressam
librarum

Lælij Pigna-
telli D.
Card. Sfon-
drati D.

librarum ferme trium. Hercules Sfondratus Comes consimilem B. Mariæ effigiem argenteam decem pondo; aliâ insuper laminam argenteam simili opere, sed pondere dispari, & binos vrceolos argenteos. Alfonsus Coronus gemmeam paterâ ingentis pretij. Ea tornatilis est ex vna gemâ excauata. smaragdigenus videtur. vulgo Agathâ appellant. Dionysius Delphynus Venetus præclarû sacrificaturi sacerdotis ornatum ex textili argenteo: Polyxena Perneſtaina Proregina Boemiæ auream pallam argenteis flosculis tanquam stellis scite, eleganterque distinctam (ex ea Episcopale amiculum sanè egregium factum) Lauretanæ Virgini dicauit. Cæterum illud munus maxime memorabile, nec minus fructu, quam opulentiâ eximium. Petrus Tyrannus: Cassienſis, homo prædiues & opulentus in primis, moriens Lauretanam Virginem testamento hæredem fecit ex asse. Hæreditatis caput Falconaria, prædium sane luculentum. Id hæud magis tritici, quàm vini ferax, loco situm est maxime opportuno. Hæud procul abest Ancona marique: vt facile inde fruges fructusque Lauretum subuehi nauigijs queant. Aestimatur vniuersa hæreditas aureorum millibus circiter sexaginta. opportunum sane Lauretanæ Domus necessitati, vel iam vrgenti, vel imminenti subsidium. Quippe summa illa rerum caritas atque inopia, quæ per id tempus afflixit Italiam, simul ingentes Aedis Lauretanæ sumptus impense augebat; simul eleemosynarum, donorumque prouentum maxima intercipiebant ex parte. Nam præter D. CCC. nummos aureos, quos arca Lauretana quotannis Episcopo pensitat, circiter sena aureorum millia in Canonicos xi i. totidem Sacerdotes Mansionarios, vt vocant, sex clericos chori adiutores, symphoniacos plurimos, aliosque complures templi ministros, cerceos, oleum, cæterumque ædis cultum erogat. Præsidis quoque Lauretani cohortem, ingentem fabrorum, rusticorum, pastorum familiam alit. His accedunt Collegia duo, Societas

Comitis Sfondrati D.

Alfonsi Coronel D.

Dionysii Delphyni D.

Proteginæ Boemiæ D.

Petri Tyranni hæreditas.

1772. 1.
1772. 2.
1772. 3.

tis Iesu vnum, alterum Illyricorum. In quæ cum meliora
 essent tempora, quinque ferme aureorum millia in annos
 singulos insumebantur. Ad hæc in Nosocomio & Xenodochio plurimi peregrini, quæ ægri, quæ pauperes sustentantur. Cœnobitis quoque, & sacerdotibus victus in triduum præberi: cæteris aduenis egentibus publice panis diuidi solet. Episcopi porro, Cardinales, alijque Principes viri benigne lauteque tractantur. Et ædificatio sumptuosa iuxta & honorifica B. Virginis, nunquam ferme intermittitur. Igitur hi tanti, tamque immanes annui sumptus XX. aureorum millia excedere dicuntur) quos in vilitate rerum, & copia, ægre Lauretana res sustinebat, illis temporibus crescebant in immensum. Et annonæ inopia ferme quadriennium tenuit. Quo tempore agrorum, arcæque prouentus duplo, aut etiam triplo minor erat, quam solebat: & tamen pene duplicabatur impensa. Lauretanis itaque difficultatibus Calliensis hæreditas mira opportunitate subuenit, non in præsens tempus magis, quam in futurum. Subinde parua dictu res Aedis Lauretanæ religionem haud parum illustrauit. Marcus Sara latronum Dux nobilis Pontificiam ditionem infestam habebat armis. Hic cum maxima conscleratorum manu in Picenum venit. Cæterum vicit eius animum religio Virginis. Lauretum prætergressus, vbi opportunum nactus est locum; festa cuncti agminis diplosione Lauretanam Virginem salutauit. Adeoque non violauit res Lauretanas, vt etiam sacrosanctam Aedem coluerit donis. Nam cum templi, vrbisque aditu prohiberetur, certum hominem destinauit Lauretū cum munere. Ita pecunia Deiparæ ultro donata ab ijs, qui etiam per vulnera, & cædes quærere pecuniam assueverunt, Deo in matris suæ gratiam efferata quoque pectora mitigante. Paulucius interim Præses, & si summa erat annonæ caritas & inopia: tamen magnam vim panis egentibus peregrinis diuisit quotidie, eo gratius munus, quo maior illos vrgebat fames.

M. Saræ in
 Aedē Laur.
 reuerentia.

*Præcipua Clementis Octauæ Indulgentia.**Cap. XXI.*

ANnum Gregorij xiiij. Pontificatum Innocentius IX. menstruus ferme Pontifex excepit, quem coëptis ingentibus clarum subita mors præripiens, eximiam bonorum fefellit spem. Innocentio Clemens viij. subrogatus paternæ prouidentia nobilis. Is quippe annonæ caritatem improbitate hominum auctam sua sedulitate laxauit: græssatoribus de medio sublatis, obsessas aperuit vias magno Lauretanæ peregrinationis bono. Idem ab insita pietate erga Deiparam Virginem, Lauretanam, Aedem insigni Indulgentiarum beneficio cumulauit; vt nihil iam adijci posse videatur. Haud ignarus erat Lauretanum templum quouis anni tempore ab aduenis celebrari. Superiorum Pontificum Indulgentias certis definitas temporibus videbat. Indignum rebatur complures peregrinorum per hyemem tot tantisque itinerum laboribus periculisque perfunctos à Virgine Lauretana discedere Indulgentiarum expertes. præsertim ita tradito more, vt nullum Lauretanæ peregrinationis munus tam solemne esset, quam animos sacra confessione impensius expiandi, nouæque in posterum vitæ instituendæ. Itaque Clemens Pont. optimum ratus, ac B. Mariæ decorum, neminem ab ea tristem discedere; omnibus quocumque anni tempore Lauretanam Virginis cellam rite adeuntibus delictorum omnium veniam benignissime concessit. Quin etiam permisit, vt dies translata in Picenum Sacræ Domus quotannis Laureti celebraretur Quarto Id. Decembris. Inter hæc confluentibus vndique agminibus conuenarum, vetus Lauretanæ maiestatis nitor, ac species restitui cœpta. Nec modo studia hominum, sed etiam vota, donaque temporum difficultate creuerunt. Cardinalis

Sfon.

Card. Sfondrati Dona.

Sfondratus ad Bononiensem legationem proficiscens Lau-
retum diuertit. Ibi Deipara enixe salutata, ingens eum
cupido incessit Lauretanam effigiem propius contemplan-
di. Igitur scalis admotis, venerabundus ascendit. Beatæ
Virginis lineamenta, diu multumque contemplatus, an-
nulum egregium, Cardinalatus insignem; clam sibi met de-
trahit: & B. Mariæ dicatum descendens relinquit, siue
religionis erga illam suæ pignus, siue illius erga se patro-
ciniij argumentum. Annulus est aureus egregio adaman-
te illustis, quingentis aureis æstimatur. Hæc autem præ-
cipua Cardinalis Sfondrati laus. Intra biennium ter Lau-
retanam Virginem ex itinere interuisit: tribusque eam
eximijs muneribus coluit, adeo pium eius animum augu-
stissimæ cellæ dulcedo, ceperat. Eodem quippe anno Bo-
nonia Romam remigrans Lauretum ad Patronam suam
salutandam reuertit, nec apparuit in eius conspectu va-
cuus. Crucem auream octo pulcherrimis smaragdis visen-
dam B. Virgini consecrauit. Ea crux quatuor circiter au-
reorum millibus esse perhibetur, pendet ex opulentissimo
Deiparæ torque gemmato, egregium eius ornamentum.
Insequenti deinde anno Cardinalis Sfondratus Mediola-
num repetens Lauretanam reuisit Virginem, eique annu-
lum aureum eximio adamante insignem dono dedit. Ada-
mas humano vngue maior est, qui Christi pueri digito in-
sertus, luminum percussu, velut sidus emicat, hoc insi-
gnius donum, quod ad id ipsum ab illo emptum duobus
aureorum millibus constat. Adamantem porrò alium au-
reo illigatum annulo Antonius Parauicinus Cremonen-
sis donum tulit, pari fortasse animo, sed precio haudqua-
quam pari: aureis circiter centum æstimatum ferunt. Car-
dinalis inde Lotharingus multiplex regia: opulentiæ mu-
nus per certos homines misit, crucem chrystallinam cum
aurea Christi effigie, calicem item aureum pede sufful-
tum crystallino, candelabra duo, binos vrceolos cum pol-
lubro, vasculum aquæ lustralis cum suo aspergillo, pixi-
dem,

Anton. Pa-
raucini D.

Card. Lota-
ringi D.

dem, paciferamque imaginem, omnia è nobili crystallo, auro, electroque perfecta: binis ternisue aureorum millibus æstimantur. Cardinalis Cæsij hæredes picturam textilem eximiam dono dederunt. In ea Lauretanæ Virginis imago visitur tecto insidentis, multis circa Angelis affictis. opus omnino egregium, totum serico, auroque contextum. ternos fere cubitus quaua versus patet. Deiparæ porro, & Angelorum imagines tanto artificio expressæ, vt spirare videantur. Cardinalis Rusticucius aræ, & sacerdotis vestes argenteas, Lauretanæ Virginis effigie, & gentis suæ insignibus conspicuas, donum attulit. Victorius Labdamarus Laudensis aræ ornatum egregium ex veste argentea, crispo opere, floribusque eminentibus insignem: alterum aræ ornatum Princeps Venusinus ex Attalica veste auro crispante distincta. Iason Villanus ciuis Bononiensis sacerdotalem ornatum ex veste Attalica, crispo auro, & gentilitijs insignibus nobilem. Bernardus Strozius Florentinus duas altarium, totidem sacerdotum vestes auro, argentoque fulgentes. Marchio Riani sacerdotis, ministrorumque solenni ritu operantium argenteas vestes sericis flosculis, iusta per interualla conspersas. Super hæc Episcopale amiculū cõsimili materia atque opere. Lucas Turregianus Florétinus, aræ, ac sacerdotis ornatū ex argenteo textili, quod ingentes aurei flores crispæti opere distinguunt. Ferdinandus Gonzaga aræ vestem aureâ opere Phrygio, ac margaritis illustrè. Scipio Spinellus Dux Seminariæ bina vasa argentea cubitalia egregie facta, cælataque: vtrūque sacris B. Mariæ emblematis, & argumentis insigne: ex altero argenteū liliū multiplex, ex altero aureus vernantium rosarum ramus existit. ea vasa ad Virginis pedes hinc, & hinc locata visuntur. Marcus Germanus Valcassani Baro coronam ex margaritis, gemmisque in rosarum modum compactis, auroque illigatis. Dux Terræ Nouæ Antistitem B. Mariæ supplicantem in aurea lamina cælatum: calicem item, patinamque pariter ex au-

Card Cæsij
Donum.

Card. Rusticucii. D.

Victor. Labdam. D.

Princ. Venusini. D.

Iason. Villani. D.

Bernardi Stroz. Don.

March. Riani. D.

Luc. Turregiani. D.

Ferd. Gonzag. D.

Duc. Seminariæ. D.

Baronis Valcass. D.

Duc. Terræ nouæ. D.

Virg. Virg.
Noment.d.
Lucæ Tur-
regiani D.

ro. Virginij Vrsini Nomentani vxor Virginis Lauretanæ supplicantis effigiem ex argento pene bilibrem. Lucas Turregianus Florentinus suam, & vxoris imagines argenteas in morem supplicantium, ponderis non contemnendi. Alij denique alias imagines argenteis laminis expressas, binarum, ternarumque librarum Deiparæ Lauretanæ dicarant.

Petri Lomel-
lini D.

Illud huius generis eximium. Petrus Lomellinus Genuensis argenteum infantem naturali statura fascijs constrictum pondo X. dono misit. votiuum id donum esse facile coniectare licet. Illa haud dubie votiuum. Humanum caput iustæ magnitudinis, ponderisque ex auro ab Io: Iacobo Grimano missum. Maxilla cum dentibus ex argento expressa adamantibus duobus, tribusque pyropis insignis à Francisco Deitristanio intimo Clementis Pontificis cubiculario: lychni etiam argentei complures dono missi, artificio, ac pondere præclari. Sed vnus eminet inter omnes, Io: Caroli Imperialis Genuensis donum. Is lychnus tribus veluti ramis sigillatis conspicuus trifariam lucet. pondus est librarum circiter xxx. Cæterum aliud in alio genere donum eximium Ferdinandi Medices Magni Hetruriæ Ducis. Trirémis argentea bicubitalis, remigio, armamentisque omnibus instructa, ornataque, pondo circiter XL. Votiuum donum esse insculpta in vtroque trirémis laterè verba declarant.

Iacobi Gr-
mani D.

Franc. Dei-
tristian. D.

Ioan Caroli
Imper. D.

Magni Duc.
Hetruz. D.

FERDIN. MED. MAG. HETR. D.
OB TRIREMES SVAS A PESTE LIBERATAS
DEIPARÆ VIRGINI DICAVIT.

A N. M.D.XCIII.

Card. Mon-
talti D. exi-
mum.

Egregium quoque pondere, ac pretio Cardinalis Montalti donum fuit. Is effigiem suam, ac fratris sui argentream pulcherrime factam pondo CXL. Lauretanæ Virgini consecrauit pio cum titulo.

ALEX. PERETTUS CARD. MONTAL. S.R.E. VICECAN.
 XYSTI V. NEPOS
 D. MARIE IPSVM, ET MICHAHEM FR. PERPETVO
 SVSTENTANTI MEMOR ET GRATVS
 SACRVM MONVMENTVM POS.
 AN. M.D.XCIII.

Opus pluris duobus aureorum millibus stetisse dicitur.

Illustrium feminarum munera.

Cap. XXII.

NEC nobilium feminarum liberalitas per idem tempus obscura fuit. Polixena Pernelstaina Proregina Boemicae S. Gerionis Thebaeorum Ducis caput praecleara inclusum theca, Lauretanæ Virgini donum misit. Theca argentea auro interlita, & egregie facta S. Gerionis loricati speciem reddit à pectore: & lorica est argento, auroque conspicua, caput martyris gemmata redimitum corona. Huic subiecta basis ex hebeno, argentoque sacras Thebaeorum martyrum reliquias crystallo inclusas ostendat: votivum donum esse constat. à Polixena Proregina pro salute viri sui recuperata, Virgini redditum. Princeps Vastallæ binas effigies aureas, alteram suam, alteram viri sui cum duobus cordibus aureis sex pondo B. Virgini dedicavit. Maria Boadilia triremem cum B. Mariæ Lauretanæ effigie sublimi, ex lamina expressam argentea. Principis Castellæ uxori crucem auream mole quidem exiguam, sed materia nobilem, quippe sex adamantibus auroque illigatis niter. Ducis Nivernensis vxor bina candelabra argentea bene facta pondo librarum octo, per conjugem suum Virgini donum misit. Hieronyma Spinula ornatum aræ ex veste Damascena violacea, auro conspicuum, binosque vireos cum suo pollubro ex argento pulchre, sciteque factos, Violanta Farnesia bina candelabra argentea.

Proreg. Boemicae D.

Princip. Vastallæ D.
 Mariæ Boadiliæ D.

Princip. Castellæ D.

Duc. Nivernensis D.

Hieron. Spinulæ D.

Violant. Farnesii Don.

Salust. Cres-
cent. D.
Princip. Bi-
sinnian. D.

Iustin. Vice
com. D.

Isabellæ Sa-
baudæ D.
de ei

Duc. Cluiz
D.

egregio opere. Sallustia Crescentia Romana amiculum B. Virginis argenteum stellis aureis illustre. Principis Bisinniani vxor Draconem aureolum gemmis distinctum clarissimis, pretio septingentorum ferme aureorum. Iustina Vicecomes arc vestem ex auro, argento, sericoque sutilem, pictam opere mirabili, nouoque. Nam continuatis inuicemque implexis aureis, argenteis, sericisque versicoloribus filis, totum opus per se, nullo substratu, adminiculoque sultu acu pertexitur, vacuis in medio spatijs relictis. vulgo punctum in aere appellant. Opus reconditi artificij ac laboris pene infiniti. Hoc igitur opere tota illa, quam dixi, arc vestis perfecta est. Quindecim inibi B. Mariæ Rosarij mysteria scite expressa visuntur, quadratis inclusa spatijs, alternisque ingentibus floribus distincta, velut opere scutulato: ac ne inania sint vacua illa operis spatia; tota vestis argenteo textili subsuta interniter. Id vero (si sume credimus) Vicecomitis matronæ nobilissimæ non donum modo, sed etiam opus fuit. quamquam complura esse nobilium seminarum munera, quæ earundem etiam opera sunt, satis constat: calicum præcipue sacrorum velamenta & B. Mariæ amicula. Isabella quoque consobrina Ducis Sabaudia coniux D. Syluestri N. donum misit, sua (ut ferunt) elaboratum manu, sane egregium: arc, sacerdotis, ministrorumque solenni cerimonia operantium vestes ex serico, auroque contextas opere nouo, ac mirabili. Iacoba Dux Cluiz Badensis Marchionis (cui brachium Laureti diuinitus sanatum docuimus) germana soror torquem aureum, globo ex pyropis, adamantibusque pendulo insignem, Lauretanæ Virgini donum misit.

Aduentus, & dona Christianæ uxoris

Magni Hetruriæ Ducis.

Cap. XXIII.

CAeterum Christianæ uxoris Magni Hetruriæ Ducis aduentus vel pietatis, vel munificentiae argumentis maxime insignis fuit. Hæc cum regali pene comitatu Lauretum petens ingentia secum dona attulit. Attamen Christianæ pariter modestiæ, & S. Francisci memor vulgarem vestitum cinerei coloris adamauit: aurum, gemasque deposuit, vt cœlestis Reginæ, cui sciebat cordi semper fuisse paupertatem, illa cultus simplicitate caperet oculos. Et Dominæ exemplum apud ancillas, matronas, asseclas, ipsosque corporis custodes valuit. Omnes Lauretanæ peregrinationis comites, modestiæ quoque, & coloris socij fuere. Nec Clemens Pont. insigni clarissimæ feminae pietati defuit. Transeunti per Pontificiæ ditionis oppida, vbique lautæ præbitæ regio apparatu, quacumque incedebat, non magis vestitus tenuitas miraculo erat, quam eximia pietas exemplo; vtique posteaquam Laureto appropinquauit. Quippe vbi primum Recineto egressa, procul Lauretanæ Basilicæ tecta conspexit; consestim lectica, qua vehabatur, exilit: procumbit in genua: B. Virginem salutat de via, nullo assecularum detrectante pietatis officium, quod Domina occupasset. Inde pedibus cum Episcopis aliquot, cæteroque comitatu Lauretum ingressa, ad B. Mariæ processit Aedem. Ibi contempto puluino, cæteroque apparatu, in sacrosanctæ Domus vestibulo genua submittit venerabunda. Hortantibus certatim Episcopis, ipsoque Cardinale Gallo, vt ipsam Deiparæ cellam intraret, nefas esse respondit ante noxas sacra confessione absterfas, augustissimum illud limen intrare, & os suum sanctissimæ Virgini ostendere. Nec vllæ
cuius-

cuiusquam preces de proposito eam deducere potuerunt, adeo rara in eius mente insidebat religio Lauretanę Domus. Tandem igitur animo rite expiato, cœlestique dape refecto, sacrosantam cellam ingreditur. Creuerat pietatis ardor, vt sit, iniecta mora. Ergo B. Marię visendę, salutandęque studio accensa procidit supplex: ibique impensis precibus plures absumpsit horas. Neque id semel fecit, sed toto triduo, tandiu enim Laureti substitit. Quo quidem tempore adeo erat in templo assidua, sacrisque intenta officijs; vt eam in templo habitare crederes. His pietatis indicijs par munificentia respondit. Sub digressum pueros cum donis regalis opulentię misit in templum. Altarium, sacerdotis, ministrorumque solenni ritu operantium vestes inter dona erant, auro, argentoque trifariam crispante, mirabili opere, artificioque perfectę: super hæc arcę toralia, & materia, & opere maxime insignia. Quippe totum pene eorum spatium occupant: Prophetarum, Sibyllarum, Apostolorum, Euangelistarum, imagines egregię, scite insertę ramusculis, floribusque. opus autem vniuersum acu mira prorsus arte depictum. affirmare ausim, vix quicquam in eo genere artificiosius, preciosius, admirabilius vspiam factum. satis constat eius manu precium ad octo aureorum millia peruenisse. Eximia sacrorum calicum velamenta, aliaque generis eiusdem in doni cumulum accessere.

Sacerdotis Hispani testimonium, & donum miraculo insigne.

Cap. XXIV.

PER eadem tempora Alonsus Sancius Hispanus sacerdos doctus iuxta, piusque Lauretum venit, recens ab vltimo oriente, insulisque Sinarum, quę Philippinę vocan-

vocantur. Hunc egomet paulo ante Virginis cella egressum offendi loci religione attonitum. Stuporis causam familiariter quærenti mihi respondet admirabundus. Pro Deus immortalis, quid hoc tandem rei est? equidem nihil unquam tale expertus sum in vita, nusquam reperi præsentiorum Deum, adeo in hac sacrosancta Aede, vis quædam diuina meo se animo superfudit. Adiecit deinde se, & ad Vadalupæ, & ad Môtis ferrati, aliasque nobiles in Hispania B. Virginis ædes accessisse cæterum nusquam tam præsens sensisse coeleste numen. nimirum illic corticem hic medullam esse. Idem per Card. Gaetanum, cuius in comitatu venerat, cum impetrasset à Laurentano Præsidente, ut liceret ei in sanctiore cellæ parte per noctem totam ibi precibus, ac vigilijs noctem exegit. Ac deinde familiaribus suis affirmavit, nullam sibi in omni vita iucundior, beatior, & abijisse noctem. Porro cupidum cepit augustissimam Virginis cellam munere aliquo suo ornatam relinquendi. Candidam vestem Damascenam inde usque ab Sinis aduexerat: hæc loculamentum Deiparæ Virginis, & Christi Crucifixi cum sacra Aede delatam imaginem decorare constituit. Igitur sarcinator accersitur, qui explicata, dimensaque veste Damascena, negare primo ad utrumque opus satis ibi materiae esse: inde Sancio instat, ut intentiore cura omnia dimitteretur, diu hæsitavit. Ad ultimum Damascena veste sapius in omnes partes versata, affirmare coepit, rationem ab se tandem repertam efficiendi quod vellet: sed ita, ut illa ornamenta paulo breuiora existerent, quam opus foret? Agedum igitur, inquit Sancio, & istam sequere rationem: siquid deerit, B. Maria sibi ipsa supplebit. Morem gerit ille, ac ne qua foret erroris suspicio, vetus loculamenti per istromam ad manum habebat, ad quod formam referret noui. Vestem Damascenam Sancio inspectante dissectam deferret secum in officinam. Postero die prima luce attonito similis Sancio adit exclamans. enimvero B. Virginis in suo

in suo ornamento haud dubium miraculum perpetrasse. Nouum loculamenti peristroma, quod hesternae die breuius iusto fuerit, iam esse longius palmo. Sequitur hominem in officinam Sancier, fidem oculis suis, non illius vocibus habiturus. comperit haud vana illum attulisse. Nec quicquam excogitare ipse potuit, quae rem miraculo eximeret. Videbat quippe Crucifixi velum, quod faciendum curauerat, iustum esse, nihilque inde detractum: & Damascena vestis erat peregrino quodam opere facta, ut fraus addentis ex nostrati, fallere gnarum talium rerum haudquaquam posset. quanquam talibus in rebus non addentis, sed detrahentis fraus timeri solet. Ad haec ipse met Sancier, cum alijs multis adfuerat sarcinatori vestem dimetiēti, dissecantique: ut nihil per imprudentiam erratum esse constaret. Itaque & ab ipso, & ab alijs promiraculo habitum: nos rem in medio relinqueamus.

*Armille B. Virgini oblatae sua sponte Christi
pueri manibus inferuntur.*

Cap. XXV.

CAeterum illud non magis doni genere, quam euentu mirabile. Beatrix Gazæ matrona honestissimo ciui Romano nupta erat Romæ, delicijs æque, ac diuitijs nobilis. Ea religionis ergo Lauretum venit Maio mense anno huius seculi XCIII. Confestim itaque interiorē sanctissimæ cellæ partem intrat, vbi religiosissima Lauretanæ Virginis puerum Iesum gremio tenentis effigies propius visitur; coliturque: ea est preciosissima veste, culturque ad magnificentiam exornata. Ibi igitur fufis ad Christum, Christi que parentem precibus, Gazæam cupido cepit Virginis ora, ornatumque intentius contemplandi. Ergo obtusiorē oculorum aciem causata custodem (is tū erat Papyrius N.) rogat, ut admoto ardenti cerceo, Deiparæ

paræ simulacrum sibi accuratius ostendat. Morem gerit ille haud grauate. ardenti facie admota simul Virginē ostendat, simul Gazeæ rogatu, singulorum donorum laudat auctores. Inter cætera donum erat egregium, frontale ex vnionibus eximia magnitudine, ac specie, à matrona Romana Virgini dicatum. Ea mulier delicijs, ac luxui dedita in paucis, et si atroci genere mortis, tamen Christianè admodum, piequē nuper è vita decesserat. Huius ergo nomine audito Beatrix, vt eam familiariter norat, extemplo admirabunda succlamat. En causa, cur illa B. Virginis munere, delicatæ vitæ tam pium exitum inuenit. Inde ad custodem versâ, & ego, inquit, hæc armillas, quibus nihil cærius habeo, Christo, eiusquē parenti libenter dicarem, si crederem feminæ improbæ donum non ingratum illis futurum. Tum custos timidæ nimium mulieri animos facere. Christum improborum Saluatorem, Mariam Patronam esse memorans. Itaque illa propere armillas antiquo opère ex geminis, auroque factas sibi detrahit, & custodi tradit offerendas Iesu, matrique. Protinus custos furcillam arripit tales ad vsus paratam: ambasque ei armillas inserit: mox sacrosanctæ statux admouet ea mente, vt de pueri Iesu erectis dexterae digitis (neque enim occurrebat in præsentia locus commodior) eas suspenderet. Cæterum hastâ reducens animaduertit, armillarum vnâ hæsisse furcillæ, alteram digitis Iesu pueri præteritis, manum occupasse, idque ita apte, vt aptius non posset. mira res, vt erat custodi visa, tamen poterat esse fortuita. Subinde igitur hastam nihil prorsus loco motam eodem refert, armillam alteram indidem suspensurus. Ecce aliud haud dubium miraculum. Dum sensim furcillam ad se reuocat, ratus in eadem Christi manu hæsisse donum, repente videt armillam è dextra lapsam in laeuâ manum, deiectoque in gremium Virginis aureo globo, quem puer Iesu illa manu sustinet, sinistrae manui insertam apte, atque eleganter adeo, vt scalis admotis, per orium,

de industria aptius, elegantiusque inseri haudquaquā posset. Tum vero custos repente ex rei admiratione, sacro quodam perfusus horrore, mulierem compellat. En Christus donum tuum sibi cordi esse satis ostendit, qui me alia omnia agente, sibi ipsemet armillas induit tuas. At illa, extemplo coelesti tacta numine ingemuit: & siue ex veteri superioris vitæ luxu, siue ab recenti diuinæ benevolentiae indicio, ingentem inter singultus, lacrymarum vim profudit, sic prorsus, ut ab ijs, qui in altera sacri cubiculi parte supplicabant, lacrymantis gemitus, & singultus exaudirentur. Itaque nonnulli rei nouitate exciti prope- re ad sanctioris cubiculi ianuam accurrunt: mulierem cer- nunt lacrymis, ac religione perfusam, custodem ipsum- tantę rei admiratione defixum. Is deinde cum alijs mul- tis, tum mihi ipsi rem, uti erat gesta, narrauit. Omnibus facti, euentique seriem reputantibus, mira res visa: multo- rumque sermonibus, ac litteris celebrata. Hodie puer Ie- sus eas armillas manibus gestat, huiusce rei monu- mentum.

Duo ex mortis faucibus erepti.

Cap. XXXVII.

SED hoc mirabile magis, quam miraculum cuiuspiam, fortasse videatur. Sequitur aliud manifestum certe miraculum. Eodem anno Bartholomeus Meliorinus Ge- nuensis haud obscuro loco natus, Placentiæ ex iurgio, ut fit, ad manus venit. Erat ipse solus: rixa orta in adibus Florentini mercatoris cum ipso quidam domino. Accurren- tes igitur ad primum tumultum domestici, arreptis armis domino subsidium ferunt. Ibi in pugna Meliorinus graue in humero vulnus accipit: & quo grauius fit, pugio ma- gna vi adactus in medio frangitur. Rixa aliorum intercus- su sedata: Meliorinus grauius saucius domum relatus.

Extrem-

Extemplo medici adhibentur, absterfum vulnus inspi-
ciunt, reperiunt mucronem ossi alte infixum penitus hæ-
rere: nec aliter extrahi posse, quam vt secando vulnus
augerent, quo ars ad telum perueniret. Ergo dissecta cir-
ca vulnus quadrifariam in crucis modum carne, pugionis
fragmentum forcipe conantur euellere. Cum res non pro-
cederet, nouum durumque remedium excogitant. Mu-
cronem pertinaciter hærentem, pulsato è regione pecto-
re dimouere nituntur, exacerbantes subinde acerbissimū
plagæ dolorem. Posteaquam simul pulsatus, simul forci-
pe attractus pugio nulla lababat ex parte; seuerè pronun-
ciant, ædum esse de illius salute; nisi eum Deus respexe-
rit. Et iam fama de eius morte Genuam perlata fecerat,
vt pro mortuo lugeretur à suis. At ille humanæ opi di-
uinam addendam ratus, Lauretanæ Virginis auxilium
implorat. Mira res dictu, visuque. repente mucro loco mō-
tus forcipem facilis sequitur: non tam humana vi, quam
cœlesti eum exire sentires. Itaque æger voti compos, vbi
primum ex vulnere conualuit, Lauretum contulit se hoc
ipso anno M.D.XCIII. cum ibidem hæc maxime scribe-
remus: ingentibusque Virgini gratijs actis, fragmentum
apud eam pugionis reliquit, tam insignis beneficii argu-
mentum. Per idem tempus ex eadem ciuitate Ioannes
Baptista Iudex adolescens genere, ac diuitijs nobilis, vo-
ti reus Lauretum venit. Eum proximo superiore anno Ve-
netijs, grauis, minaxque adorta febris atrocissime affli-
xerat. Ventum erat ad extrema. Deserto à medicis nul-
la spes salutis suberat. At ille (vt erat Lauretanæ Virgi-
ni addictus in paucis) patronam suam moribundus fiden-
ter implorat. Nec sua illum frustrata fides. Medici iam
desperata ægri salute, mortem haud dubiam opperieban-
tur; cum à domesticis ad eum reuocati venarum pulsus
explorant. Extemplo salubribus indicijs erecti, magnam
& ipsi spem valetudinis concipiunt, & ægroto, ac necessa-
rijs faciunt. Nec irrita spes. Aeger ex eo in horas singu-

las, ac penè momenta, leuius habere cœpit, quoad ex-
cussa febris, paucis diebus conualuit omnino. Igitur an-
no insequenti perrexit Lauretū ad vota reddenda. Ibi
mihi hæc ipsa memorię proderit rem omnem, vti à me
commemorata est, ipsemet enarrauit.

*Homo facinorosus ante confessionem sacrosanctæ
cellæ aditu diuinitus prohibetur.*

Cap. XXVII.

HÆc quoque tempestas nouis miraculis ostendit,
quantæ Deo sit curæ sanctitas Lauretanæ Domus.
Per ea tempora Lauretū venerat peregrinus quidam om-
nibus sceleribus coopertus, & profligatæ vitæ apprime te-
nax. Huic igitur sanctissimæ cellæ limen intrare auso,
repente in ipso aditu vmbra quædā horrenda specie se ob-
iecit: quæ proiectæ audaciæ hominem fregit, ac repulit
ingenti pauore perculsum. Ergo scelerum cōscientia iustus
sacerdotem adit animum expiaturus. Cæterum ad reco-
lenda tot annis patrata facinora, multo opus erat tempo-
re, magnoque sensu doloris: ipse autem ad sacram confes-
sionem minime meditatus, ac paratus accesserat. Proin-
de à sacerdote dimittitur monitus, vt in sacrum sacellum
recipiat se, ibi Dei, Deiparæque ope enixius implorata,
in anteaactam vitam inquirat sedulo: tum demum para-
tior redeat ad confitendum. Dimissus ille mandata
facessit; sed videlicet mala consuetudo veram pœniten-
tiam morabatur: & probri magis, quam culpæ dolor an-
xium animum stimulabat. Eum itaque sacrum Virginis
cubiculum repetentem, eadem illa species oblata iterum
ingressu prohibuit. Tum vero ingens illi dolor inustus, se
vt consceleratum, contaminatumque ab augustissima se-
de, à conspectu Deiparæ bis abactum esse. Extemplo fla-
gitiosæ tabis, vitæque tædio captum, haud vana pœni-
tentia

sentia exceptit, & dolor offensus Dei. Ergo conscientia, impensius excussa, scens redit ad sacerdotem: labes non confessione magis, quam lacrymis eluit. Expiato tandem animo, ad augustam Virginis Aedem verecunde, ac dubitanter accedit. mirabile dictu. qui audenti clausus fuerat, verecundanti aditus patuit.

Quidam patraturus eadem in Lauretana Aede diuinitus in diuersum mutatur.

Cap. XXXVIII.

Iisdem fere diebus aliud haud absimile accidit. Cuius Asculanus honestus, ac diues filiolum ex nouo matrimonio susceperat mense septimo. Hunc nutrici alendum dederat; & quia vnicus, immaturoque partu editus erat, sollicito subinde eum reuisebat animo. Forte euenit, vt puerum natura imbecillum, nulla nutricis culpa, repentinus morbus extingueret. Enimuero nutrix haud ignara, quantum mali à pueri patre præferocis ingenij homine immineret sibi; protinus occulta fuga properat Lauretum, multum in Deipara præsidij ponens. Nec spes fefellit. Ille vt vnicum filium exanimem conspexit, dolore simul, ira-que auiens, furere, incusare Deum; Diuosque, nutricem querere ad necem. Cum ea non compareret, iram in nutricium vertit, quem vulneribus confossum pro mortuo reliquit. Neque hic stetit cruore imbutus furor. Comperita nutriceis fuga, propere succinctus armis Lauretum aduolat. Irrumpit in templum ea mente, vt nutricem, vel in ipsa sacrosancta cella ante ora Virginis trucidaret. Lustratis frustra templi recessibus, ventum erat ad Deipara cellam, vbi nutrix expiatis paulo ante vitæ maculis, obnixæ B. Mariæ implorabat fidem. Itaque sub eius tutela, vmbraque latuit. Quippe homini furenti, & eadem anhelanti hæc diuinitus iniecta est cogitatio: si sacrosanctum li-

meq

men intrārer, haud dubie futurum, vt emollito pectore, vlciscendi omitteret curam. Proinde alio versus omnes templi angulos perlustrare cœpit. Ecce autem dum lymphato similis discurrit, forte aram B. Mariæ Annūnciatæ titulo inēlytām præterit. Hæc ara sacrosancto sacello extrinsecus adiecta est, sub fenestra qua Gabriel Archangelus intrasse fertur. Igitur ille conspectis per fenestram fore luminibus, quæ plurima ante B. Virginem vsque collucent; subita loci religione tactus, genua submittit. mira dictu res. Homo ferus, ac ferreus repente mollitur: mutatoque in diuersum animo, sacerdotem adit. Ibi abiectis armis, eius genibus aduoluitur, iter alienæ cædis causa susceptum, vertere se in suam salutē velle memorans. Cæterū in eo quoque tutela Deiparæ præsens apparuit, quod is ad eundem sacerdotem applicuit se, ad quem paulo ante nurrix accesserat. Itaque ille totius negotij satis gnarus, Asculani ciuis confessione audita, haud ægre lenitum iam animum perpulit, vt in fonti feminae ignosceret. Et Asculanus vltro recepit, certis se indiciis ostensurum, bona fide redisse cum illa in gratiam. Dictis facta benigniora etiam adiecit. Mulierem domum reductam domesticis, virum eius benigne curatum agrestibus præposuit rebus, periculo in emolumentum à Deipara verso. Sub id tempus Collegium Illyricum, vt eius alumni accuratius bonis artibus excolerentur Romam transferri placuit. Clementis itaque VIII. Pont. iussu alumni Romam euocati: & Romano Seminario aggregati, ius ac nomen Illyrici Collegij pro sua parte tuentur. Incidit hæc migratio in annū M. D. XCIII. qui est nostræ historiæ postremus, vt CCC. ipsos annos Aedis Lauretanæ, nostra historia complectatur. Hæc autem pauca de multis, ac prope innumerabilibus elegimus, quæ litteris proderemus, lectorem monuisse contenti, tantam esse Lauretanarum rerum, miraculorumque syluam; vt à nemine tam multa, tam magna dici possint, quin multo plura ac maiora dictis supersint.

*Celebritas & maiestas Aedis Lauretane.**Cap. XXVIII.*

CAeterum operæ pretium me facturum arbitror, si Lauretanam historiam brevis commemoratio de incredibilis Aedis Lauretanæ celebritate, maiestateque concludat. Nullum omnino tempus anni, nullus mensis, dies nullus abit, quin sanctissima Virginis cella à plurimis aduenis celebretur. Nec Picentium, Italorumque propria hæc laus pietatis, sed communis transalpinis, transmarinisque, maxime vero Illyricis, Francis, Belgisq. Nec desiderantur Hispani, Lusitani, Poloni, atque Germani. Duo tamen sunt anni tempora populorum, gentiumque omnium frequentia, ac celebritate præcipua, Ver, & Autumnus, quorum alteri dies concepto inibi Deo sacer, alteri natalis Deip. Virginis initium celebritatis facit. Vtraque autē celebritas trimestris est, quo tēporis spatio maximis populorū concursibus Aedes Lauretana celebratur pene quotidie; Namque agri Piceni nulla vrbs, oppidum pagus, vicus est, quin quotannis cateruatim, populatimque Lauretanam Virginem interuisat. Quorum exemplum finitimos circa populos Samnitium, Vmbriq, Flaminia, Aemilia, cæteræque Italia ad similem pietatis laudem inuitat. Veniendi ferme ratio talis. Præeunt sodalitates suis quæque insignibus, vexillisque distinctæ. Plerique enim præter Christi Crucifixi effigiē, Deiparæ aliorumque Diuorum imagines pulcherrime pictas præferūt. Agmina claudunt sodalitatū moderatores, sacerdotesque cum sua cuiusque agminis symphonia. Sequuntur dona, argenteæ coronæ, calices, cerei nummis obfiti, præciosæ vestes, vrbium, oppidorumue argentea simulacra, votiuæ tabellæ, diuinorum beneficiorum B. Maria deprecante partorum indices. Interponuntur sæpe Angelorum, sæpe sacro-

pe sacrorum vaturn, Sibyllarumque de B. Virgine vaticinantium, aliæque personæ habitu vestis insignes. Sæpe etiam excipit incondita, & promiscua cuiusque populi turba. In itinere carmina Deo, Dei parenti, Diuisque per intervalla inuicem canunt. Obuias vrbes cum transeunt, eas ad Lauretanæ Virginis religionem, cultumque exemplis pietatis accendunt. Simul ac vero Aedes Lauretana in conspectum se dedit (ea quia in edito colle sita est procul conspicitur) extemplo vniuersi prosternunt corpora; & obortis præ gaudio lacrymis, Deiparam consalutant. Inde in ordines abeunt, instructisque agminibus procedentes canunt litanias, hymnosque. Nec desunt, qui exuti propere vestibus, paratos ad id faccos induant, comitesque subsequantur nuda sibi terga cadentes. Ad Laureti portam peregrinis sodalitatibus Lauretani sacerdotes lintheati procedunt obuiam: easque in templum deducunt cum egregia symphonia, festoque campanarum, ac tubarum sono. Vbi ad Aedis vestibulum ventum est; aduenæ denuo prostratis corporibus, impense saluant Virginem, tanto utique animi ardore, sensuque; vt ceteri qui adsunt, illorum vocibus emolliti collacrymare cogantur. Posteaquam ad collucentem facibus, lychnisq. Deiparæ cellam peruentum est, Diuæque effigiem intueri, contemplarique coeperunt; incredibile dictum est, quæ voces, qui gemitus, quæ lacrymæ, quæ suspiria passim exaudiantur. Deum præsentem adesse facile sentias. Plerique porro diuino simul horrore, gaudioque perfusi, adeo sacris illis parietibus adhærescunt, vt inde auelli, abstrahique vix queant. Dumque aram Apostolorum, sacrum armariolum, obstructam ianuam, ipsumque caminum venerabundi contemplantur: dum meditantium animis B. Virgo in ijs locis aliquid agēs occurrit, nullum intuendi finē, nullum osculandi modum facerent, nisi plurimorum item petentium, ardor obstaret. Finitimorum populorum hæc ferme ratio est. At exterarum gentium peregrini, alij

aut

pedibus, equis alij aut vehiculis gregatim confluunt, plerique peregrinorum habitu, ac notis insignes. Verum in dispari habitu aduenarum eminet Aedis Lauretanæ cultus idem. Omnium fere hoc commune est, vt delictis expiati cœlesti mensa reficiantur: plerique autem B. Virginis aram iactata pecunia, & preciosis cumulent donis. Quamquã dona insigniora sacelli custodibus tradi solent, vt in codicem referantur, quo eorum, & simul donantium exstet memoria ad posteros. Aram Apostolorum, & scilicet Deiparæ effigiem, pro varietate temporum, magnifica semper adornat vestis, incredibilisque cultus gemmarum, aliorumque donorum. Sacellum ipsum candidis semper cereis, lychnisque argenteis plurimis collucet: assiduis prope symphonicorum, musicorumque organorum personat cantibus: & quod caput est præsentis Dei numine semper affluit, quod in intrantes redundat aduenas: sic prorsus, vt pios insolito quodam gaudio, improbos horrore perfundat, agris remedio, mœstis solatio, torpentibus incitamento, præsidio periclitantibus, perditis sit saluti. Porro præcipua Lauretani sacelli frequentia est circa ferias Paschatis, Pentecostes, & Natalem Virginis diem. Nam præter alios innumerabiles, qui pedibus, equis, quadrigis sub Pascha Lauretum perunt, plurimi ex Longobardiæ, Venetiæ, Dalmatiæque oppidis gregatim nauigijs Anconâ delati, ad Lauretanam Aedem ferme pedibus pergunt. Hi fere postridie Paschatis, quo die in Sacro euangelium de peregrinis Emmauntē perentibus recitatur, peregrinorum habitum sumunt: & post faustam Amistitum suorum precationem, cum sacerdotibus innocentiae custodibus pariter se dant in viam. Quorum quidem tanta est multitudo, vt duodena millia facile excedant. Inde excipiunt finitimorum pagorum, oppidorum, vrbiumque concursus incredibiles, ac subinde agmina plurima, ac maxima foenifecarum, messorumque. Cæterum natalis dies B. Mariæ longe maxima aduenarum

Mm frequentia

frequentia est insignis, toto pene Piceno (vt de cæteris regionibus taceam) Lauretum confluyente. Satis constat illo biduo supra CC. hominum millia Lauretanâ Aedem nuper accessisse. Itaque necessitas Custodes sacrosancti sacelli cogit, interiori eius parti cancellos per id tempus extrinsecus circumdare; vt in expedito sit, admittere, quos velint, aut excludere, turbasque vitare. Omnibus porro anni temporibus militum cohortes, ac turmæ equitum proficiscentes ad bellum diuertere solent Lauretum, vbi rite expiati, ludicris certaminibus militari more celebrant Virginem. Atque hæc iucundibilis aduenarum frequentia vias Lauretum ferentes frequentissimas diuersorij fecit. Itaque hospitiorum opportunitas, commo-
ditasque viarum pedestrem quoque peregrinationem, quamuis delicatis, ac debilibus, haud sane difficilem præbent. Ad hæc itinerum celebritas tanta est, vt per ea tempora passim occurrant varij peregrinorum greges, ingens vel incitamentum pietatis, vel leuamentum laboris. Ergo ipse M. Antonius Columna (vt de alijs taceâ) vir & opibus, & bellicis rebus inclytus votiuam peregrinationem Lauretanam exsequi sustinuit pedibus. Omnino vt Lauretum tandem ad conspectum Deiparæ ventum est, superfundente se pijs mentibus Deo, tantam omnes hauriunt cœlestis lætitiæ voluptatem; vt maximum quamuis laboriosæ peregrinationis fructum se cepisse fateantur. Hic ego quid memorem quam multi faciant B. Virgini vota? quam multi reddant? quot è flagitiorum emergant cœno? quot in explicabilibus incestarum illecebrarum vinculis animuum exsoluant? quot veteres inimicitias, & inueterata odia deponant? quot homines desperatæ salutis, *qui sædus pepigerāt cū inferno*, ex inferorū faucibus erepti reuiuiscant? Nā quanto corporibus animi præstāt, tanto plura, ac maiora in animis, quā in corporibus hominum curandis existunt Virginis Lauretanæ miracula. Vt hæc & alia, quæ attigimus, explicare velle oratione, hominis sit diuinam

nam potentiam (quæ Laureti, vel maxime se ostendit)
 humana imbecillitate metientis. Itaque satius duco suc-
 cumbere oneri, quam enarranda suscipere ea, quæ utique
 pertractando detererem. Hoc vnum liquido affirma-
 re possum, Lauretanam celebritatem, maiestatemque
 tantam esse, quantam qui oculis non subiecerint,
 haudquaquam concipere animis possint; ut si dein-
 de cum narratis audita conferas, famam re-
 ipsa longe minorem inuenias. Adeo
 vna in terris Lauretana res non fi-
 dem solum, sed famam quo-
 que ipsam, quæ cun-
 cta in maius cele-
 brare solet,
 incre-
 dibili maiestate;
 ac fastigio
 vincit.

F I N I S.



I N D E X

RERVM MEMORABILIVM

QVAE IN HAC HISTORIA

CONTINENTVR.



20

ANNALES
Flumenses.
 106
Arbores ad
S. Domus
aduentum
inclinatur.

B *Assa Turcarum insanabili morbo liberatus.* 141

C

C *anonic in Aede Lauretana*
instituantur. 87
Capucini duo e maris fluctibus eri-
piuntur. 137
Card. Cerninus in Aede Laur. co-
lumbæ indicio, & B. Virginis
monitu cognoscit se Pontificem
Max. futurum. 143
Carmelitani Aedis Lauret. curam
suscipiunt. 70. deponunt, &
abunt. 76
Clementis viij. Priuilegia. 90.
Idem translationem S. Domus ex
Galilæa explorat. 106

Clementis viij. beneficia. 255
Collegium xij. puerorum Laureti à
Paulo III. institutum. 118
Collegium Societatis Iesu Laureti à
Iulio iij. instituitur. 134
A Paulo iij. augetur. 146
A Pio iij. stabiliur. 169
Collegium Illyricum à Gregorio
xij. instituitur. 220
Romam à Clemente viij. trās-
fertur. 270
Cæci illuminati. vide Miracula.

D

D *Almatarum luctus, amissa*
natali Virginis Domo. 18
Desiderium eiusdem. 19
Dalmata Sacerdos sua exta manu
præferens Lauretum venit. 91
Domus B. Mariæ magno honore
in Galilæa colitur. 4
In Dalmatiam asportatur. 8
Diuinitus agnoscitur. 12
Legatis in Galileam missis ex-
ploratur. 14
In Piceni syluâ transfertur. 20
Inde in collem duorū fratrū. 24
Postremo in locum ubi nunc
est. 26
Eius vestigia. 26
Situs admirabilis. 29
 Dal-

RERVM MEMORABILIVM.

Dalmatarum indicio agnosci-	Lugduni.	214
sur.	Macereti.	128
Deinde B. Maria <u>admonit.</u>	Mediolani.	193
Legatis in Galileam missis ite-	Montis sancti.	193
rum ac tertio exploratur.	Panormi.	213
Celestibus flammis decoratur.	Pisauri.	112
<u>37. 41. 132. 135.</u>	Regineti.	75. 193
Dubitans de Lauretana domo	Sarnani.	128
miale multatur.	Spelli.	189
Violatores S. Domus diuinitus	Vici Varronis.	128
vindicantur.	Viterbij.	192
<u>160. 163. 172.</u>	Vitine.	152
<u>232. 233. 247</u>		
Dona, & beneficia Sumorum Pont.	Dona Cardinalium & Episcoporum.	
Clementis viij.	Card. Abaltaemps.	192. 216
Clementis viij.	Card. Alexandrini.	193
Gregorij xij.	Card. Aragon.	189. 130.
Innocentij viij.	<u>137</u>	
Iulij ij.	Card. Augustani.	132. 142
Leonis X.	Card. Austria.	118. 242
Marcelli ij. beneficia destinata.	Card. Cassi.	142. 257
<u>145</u>	Card. Carpensis.	132. 147.
Martini v.	<u>148</u>	
Pauli ij.	Card. Columnæ.	230. 250
Pauli iij.	Card. Cusani.	230
Pij ij.	Card. Estensis.	216. 230
Pij iv.	Card. Gaetani.	231. & 32.
Pij v.	Card. Lotharingi.	256
Xysti iv.	Card. Madrucij.	218. 229
Xysti v.	Card. Mantuani.	191
Dona ciuitatum & oppidorum.	Card. Medices.	142
Coronæ argenteæ.	Card. Montini.	112. 192
Simulacræ argenteæ.	Card. Montalti.	192. 258
Antica urbis Fræciæ.	Card. Pacechi.	192
Arretij.	Card. Palmerij.	113
Asculi.	Card. Perusini.	192
Bononiæ.	Card. Rianij.	129. 216. 230
Camerini.	Card. Rusticueij.	257
Corneti.	Card. S. Georgij.	193
Fabriani.	Card. S. Prædixis.	189
Firmi.	Card. SS. Quatuor Coronat.	112

Card. Sfondrati.	252. 256	148.	242
Card. Tranensis.	78	Ioannis Austriaci.	206
Card. Tridentini.	131	Laurentij Medices.	69
Card. Vinerij.	192	Magni Magistri Melitenfis.	112
Card. Vrbinate.	192. 217	Magni Ducis Hetrurie.	258
Archiepiscopi Altoni.	132	Marchionis Aquavivæ.	218
Episcopi Cortonenfis.	127	March. Badensis.	225
Episcopi Eugubini.	241	March. Bitontini.	113
Episcopi Recinetensis.	59	March. Capusii.	241
Dona Principum ac Dynastarum.		March. Estensis.	230
Archiduc. Austriæ.	228. 237	March. Imperialis.	242
Astani Columna.	127	March. Lippe.	242
Amadei Dynasta Sabaudi.	218	March. Mantuani.	142
Baronis Valcassani.	257	March. Riani.	257
Basse Turcarum.	113	March. Roburei.	243
Comitis Fulginatis.	129	March. Tripaldi.	112
Comit. Iusti.	243	March. Vasti.	113. 241
Comit. Martinengi.	243	Nicolai Frangipani.	12
Comit. Oliuares.	242	Principis Asculani.	191
Comit. Rangonis.	112	Principis Bisiniani.	128. 132.
Comitis Sfondrati.	253	142.	220
Ducis Ariani.	149	Principis Stilian.	241
Ducis Atrie.	230	Principis Mantuani.	242
Ducis Bavaria.	218. 227.	Principis Venufina.	257
229		Proregis Neap.	143
Ducis Epirotarum.	149	Regis Francie.	222
Ducis Ferrariensis.	127. 142	Regis Romanorum.	143
Ducis Gioiose.	222	Dona illustrium ac nobilium semi-	
Ducis Grauina.	142	narum.	
Ducis Humala.	223	Beatricis Garza.	264
Ducis Mantuani.	149. 242	Camilla Peretta.	243
Ducis Mediolanensis.	127	Clelia Farnesia.	189
Ducis Parmensis.	127	Constantia Carretta.	218
Ducis Pernonij.	224	Constantie Leine.	143
Ducis Traiectensis.	113	Claudia Turnonia.	224
Ducis Terranova.	230. 257	Comitisse Briatici.	216
Ducis Sabaudie.	230. 241	Comitisse Palena.	141
Ducis Sermoneta.	149	Comitisse Populi.	128
Ducis Seminaria.	257	Ducisse Amalphetane.	128
Duc. Vrbini.	132. 142.	Ducisse	

RERVM MEMORABILIVM.

Duciffæ Bouini.	<u>147.</u> <u>247</u>	Violantæ Farnesæ.	<u>259</u>
Duciffæ Bransuichien.	<u>229</u>	Dona nobilium & illustriū virorū.	
Duciffæ Cluivæ.	<u>241.</u> <u>243.</u>	Alex. Calcagnini.	<u>212</u>
<u>160</u>		Alfonsi Coronei.	<u>251</u>
Duciffæ Ferrarien.	<u>181.</u> <u>189</u>	Alfonsi Vicecom.	<u>241</u>
Duciffæ Graninæ.	<u>189</u>	Antonij Perotti.	<u>85</u>
Duciffæ Lotharingæ.	<u>210</u>	Antonij Leivæ.	<u>90</u>
Duciffæ Mantuanæ.	<u>149</u>	Antonij Pallavicini.	<u>256</u>
Duciffæ Montalii.	<u>189</u>	Antonij Pignatelli.	<u>128</u>
Duciffæ Niuernien.	<u>259</u>	Antonij Spinelli.	<u>241</u>
Duciffæ Urbini.	<u>128</u>	Augustini Auricæ.	<u>149</u>
Magnæ Duc. Ætrurivæ.	<u>208.</u>	Bassani Mantuani.	<u>127</u>
<u>261</u>		Bernardi Strozij.	<u>257</u>
Duciffæ Parmensis.	<u>241</u>	Bernardini Sanguinij.	<u>127</u>
Hieronymæ Spinulæ.	<u>259</u>	Dionysij Delphyni.	<u>253</u>
Isabellæ Sabaudæ.	<u>260</u>	Equitis Videboni.	<u>243</u>
Iustinæ Vicecom.	<u>260</u>	Equit. Belgæ.	<u>250</u>
Linia Pignatella.	<u>241</u>	Federici Tomacelli.	<u>241</u>
Marchioniffæ Mantuanæ.	<u>90</u>	Ferdin. Gonzagæ.	<u>108.</u> <u>257</u>
Marchioniffæ S. Crucis.	<u>218</u>	Francisci Deistrifan.	<u>258</u>
Marchioniffæ Vastii.	<u>113.</u> <u>128</u>	Francisci Gaetani.	<u>189</u>
Margaritæ Auftriacæ.	<u>128.</u>	Georgij Monachi.	<u>78</u>
<u>149</u> <u>207</u>		Hercules Mariæ Sfort.	<u>137</u>
Mariæ Boadiliæ.	<u>259</u>	Hieron. Grimaldi.	<u>242</u>
Principis Amalphetanæ.	<u>241</u>	Honorij Sabelli.	<u>137</u>
Principis Bisinianæ.	<u>260</u>	Iasonis Villani.	<u>257</u>
Principis Castelnetrana.	<u>243.</u>	Ioan. Piccolbominei.	<u>230</u>
<u>259</u>		Io. Bapt. Carasæ.	<u>98</u>
Princ. Sulmonen.	<u>216</u>	Io. Bapt. Duaræ.	<u>230</u>
Princ. Vastallæ.	<u>259</u>	Io. Caroli Imperiali.	<u>258</u>
Princ. Venusinæ.	<u>216.</u> <u>257</u>	Io. Francisci Bossii.	<u>112</u>
Portiæ Vitellia.	<u>242</u>	Io. Iacobi Grimani.	<u>258</u>
Portiæ Cassæ.	<u>243</u>	Iulij Monaldi.	<u>128</u>
Proregina Boemivæ.	<u>241.</u> <u>253.</u>	Leij Pignatelli.	<u>258</u>
<u>259</u>		Leonardi Vinerij.	<u>128</u>
Proreg. Neapol.	<u>113.</u> <u>242</u>	Luca Turregiani.	<u>257.</u> <u>258</u>
Proreg. Samnitium.	<u>128</u>	Ludouici Georgij.	<u>223</u>
Reginæ Franciæ.	<u>241</u>	Ludouici Gisilardi.	<u>112</u>
Regina Hungariæ.	<u>90</u>	Ludouici Martinengi.	<u>230</u>
Sallustia Crescentia.	<u>260</u>	M. Antonij Blanchetti.	<u>243</u>

Oliuery

I N D E X

Oliverij Fagnani.	<u>113</u>
Pardi Pappascode.	<u>112</u>
Petri Lomellini.	<u>258</u>
Petri Tyranni.	<u>253</u>
Pompilij Bononienfis.	<u>128</u>
Pyrrhi Gonzage.	<u>112</u>
Sfortie Pallauicini.	<u>216</u>
Victorij Labdamari.	<u>257</u>
Vincenrij Alfani.	<u>112</u>
Virginij Vrsin. Noment.	<u>258</u>
Dona Turcarum.	<u>113. 141</u>

E

Leemofine Domus Lauretana.	<u>60. 112</u>
Epifcopi Conimbricenfis malo doctus lapidem S. Aedi ablatum remittit.	<u>174</u>

G

Gregorij xij. beneficia.	<u>203</u>
Eiusdem donum.	<u>230</u>

H

Historia Lauret. Propofui Teremani.	<u>161</u>
Baptifta Mantuani.	<u>71</u>
Hieronimi Angelita.	<u>106</u>

I

Indulgentie Benedifti xij. Urbani vi.	<u>48</u>
Bonifacij ix.	<u>49</u>
Martini v.	<u>51</u>
Nicolai v.	<u>53</u>
Pauli ij.	<u>65</u>
Xyfti Quarti.	<u>67</u>

Iulij ij.	<u>77</u>
Gregorij xij.	<u>203</u>
Clementis viij.	<u>258</u>
Iudeus carcere liberatus.	<u>187</u>
Iulius ij. a bombarde icflu proteftus.	<u>81</u>
Templum Lauretanum munit.	<u>80</u>
Aedes Pontificias condit.	<u>84</u>
Iulij ij. beneficia.	<u>113</u>

L

Lauretana Domus vnde appellata.	<u>20. 23</u>
Turcas innadentes fugat.	<u>69.</u>
93	
Chriftianorum exercitum inuadentem terret ac mutat.	<u>94</u>
Inter infeftas copias militum intacta permanet.	<u>12. 150</u>
Lauretana templa paffim excitata.	<u>120</u>
Lauretum conditum.	<u>18</u>
Manibus cinctum a Leone X.	<u>27</u>
Salubrius redditur a Clemente vij.	<u>114</u>
Et a Saxatello Prefide Lauret.	<u>191</u>
Recinetenfi ditione eximitur a Iul. ij. & Clemente vij.	<u>78. 99</u>
Recinetenfibus redditur a Paulo ij.	<u>115</u>
Adimitur a Pio iv.	<u>197</u>
Epifcopali fede, & ciuitatis iure donatur a Xyfto V.	<u>236</u>
Lauretanum templum a Recinetenfibus conditum.	<u>44</u>
Eo difturbato, aliud magnificens a Paulo ij. Pont. Max. inchoa-	

RERVM MEMORABILIVM.

choatum, caelestibus flammis decoratur. 38. 41

Lauretani templi opulentia Eugenio Quarto Pont. 52

Lauretana Aedis hospitalitas. 49. 192.

Lauretana Aedis celebritas. 204

Lauretani Patroni.

Card. Robureus. 68

Card. Bibiennensis. 97

Prior Capuanus. Ibid.

Card. Contarenus. 115

Card. Carpenfis. Ibid.

Card. Urbinas. 170

Card. Moronus. 217

Card. Vastavillanus. 221

Card. Gallus. 238

Leonis X. Privilegia. 86. 87

Dona. 90

M

Martini V. Indulgentia, & privilegia. 50

MIRACULA rariorum generum.

Architectus sacros parietes per fodere aggressus exanimatur.

101

Bombarda igne liberatus. 81

Caei illuminati. 152. 184.

185.

Carcere exempti. 213

Indeus carcere emissus. 151

Casa & ruita liberati. 187

129. 177. 178. 212. 233

Demoniaci liberati. 73. 183.

184

Damonum servitio exempti.

164. 165.

Damonum tentationibus libera-

ti. 167

Fluminum periculo erepti.

180.

Fulminibus exempti. 193

B. Maria in somnis apparet eadem forma, qua Laureti colitur.

248. 249

Maris fluctibus erepti Capucini duo. 137

Morbis desperatis erepti. 12. 66.

213. 214. 248. 249.

263.

Mortis e faucibus erepti.

Julianus Casarinus. 108

Sicula puella ingulata. 157

Neapolitanus xij. mortiferis plagis confectus. 217

Marcbio Badensis. 224. 229

Bassa Turcarum. 141

Mutis linguae usus redditus. 185.

186

Naufragio liberati. 154. 178.

79.

Paralytici curati. 79. 209

Pestilentia liberata urbes & oppida.

Anicia. 215

Lugdunum. 216

Panormum. 215

Recinetum. 76

Vitina. 183

Principes rivu pestilentia exempti.

Card. S. Marci, qui postea Paulus. ij. Pont. fuit. 64

Pradonum manibus erepti. 194.

235. 245. 246

Podagrigi sanati. 182. 214

Puella septennis a B. Maria Laureti adducitur. 38

Puteo exempti. 139

Sacerdos Dalmata sua exta ma-

I N D E X

na præferens Lauretum venit.	Pij Quarti beneficia.	169
91		
steriles fecundata.	180. 181	R
Surdis auditus redditus.	251	
Servitio Turcarum liberati.	194.	
¶ 95.	202	
Supplicio exempti.		
Variode Transylu.	108	
Alij. 197. & 198. vel 99.		
Suspensio erepti.	156. 196.	
rel 98.		
Tempestate maris erepti.	153.	
194.	247	
¶ 92.		

P

P arietes S. Domui adiecti recedunt.	93.
Paulus à Sylva Heremita.	32. & 41.
Paulus ij. Pont. Max. B. Virginis Lauret. ope pestilentia liberatur	63.
Templum Lauret. condit.	64
Indulgentijs, & beneficijs ornat	¶ 65.
Paulus iij. beneficijs cumulat Aedem Lauret.	114. bis inulfit.
	131.
Picentes Lauretanam Virginem Patronam adoptant.	36. egre- gie tuentur.
	170
Picentium Sacellum in ade Lauretana.	237.
Pius ij. Pont. Max. voto Lauret. Virginis facto sanatur.	36.
Eiusdem donum.	Ibid.
Profectio ad Aedem Lauretanam.	¶ 37

R ecinetenses S. Domui templum circundant.	44
Eorundem præcipua religio erga Lauretanam Virg.	46.
Eorundem Donum.	76
Regina Neapolitana Lauretan. Aedem adeunt.	86.

S

S ol per utrumque æquinoctium Lauretanam Virgin. quodnammodo salutat.	30
--	----

T

T estimonia de Aede Lauret. Summorum Pontificum.	
Pauli ij.	65
Xysti Quarsti.	68
Iulij ij.	77
Leonis X.	87. 88. 97
Clementis vij.	99
Pauli iij.	114
Pii Quinti.	190
Testimonia Historicorum.	
Fl. Blondi.	52
Baptista Mantuani.	71
F. Leandri.	110

X

X ysti Quarsti Indulgentia & beneficia.	67. 68
Xysti V. beneficia.	136. 140

ERRATA SIC CORRIGE.

Pag. lin.			Pag. lin.				
10	14	honore	horrore	155	11	XVII.	XXVII.
11	12	arcus	arcu	158	30	miraculi	miraculum
32	21	itrixque	itrixque	161	23	ex templo	exemplo
57	1	FELIX	INFELIX	164	4	afficiat	afficitur
59	18	eximie	eximie	175	5	acceleranda	acceleranda
60	23	suos	suas	ibid.	27	mille	bis mille
63	22	aduenas	aduenas	189	5	Prædis	Prædis
69	18	per Franciscu	Perfranciscu	207	10	exemplo	exemplo
70	22	intexta	contexta	214	in marg. &		os
77	19	defigendum	defigendam	224	ult.	grande	glande
83	25	luminibus	luminibus	229	3	obscure ore	obscuriora
92	3	ait	ais	ibid.	22	distinctum	distinctum
96	8	redunt	redunt	237	17	Virginis	Virgini
103	5	designatum	designatum	249	12	Bergamo	Bergomo
105	4	collum	collum	ibid.	17	semetque	semet
107	32	lapidum	lapidum	254	25	diplione	diplione
110	5	Donatiana	Dominicana	258	1	Virginis	Virgini
116	28	incuria	iniuria	ibid.	7	dicarant	dicarunt
122	28	Diceffi	diœcesis	264	5	quæ	quod
133	26	duplici	duplicis	271	5	incredibilis	incredibili
154	16	memorie	memoria				

Caetera quibus potest ipse per se & videre & corrigere.



REGESTVM.

† A B C D E F G H I K L M N O P
Q R S T V X Y Z.

Aa Bb Cc Dd Ee Ff Gg Hh Ii Kk
Ll Mm.

*Omnia sunt folia integra, prater Mm.
qui est cum dimidio.*



R O M Æ,

Ex Typographia Aloysij Zannetti. M. D. XCVII.

SVPERIORVM PERMISSV.



